

*(The page contains dense vertical columns of Chinese text, likely bleed-through from the reverse side, which is mostly illegible due to fading and overlap.)*

3.4.522

3 U.4







DELECTUS  
OPUSCULORUM  
MEDICORUM

ANTEHAC IN  
GERMANIAE DIVERSIS ACADEMIIS  
EDITORUM.

---

QUAE

In Auditorum commodum collegit, & cum  
notis hinc inde aucta recudi curavit

IOANNES PETRUS FRANK M. D.

*Facultatis Medicae per Insubriam Austr. , & Nosocomii  
Ticinensis Director , Medicinae Clinicae in Reg. Acad.  
Ticinensi Prof. p. & o. Academ. Scient. Reg.  
Goetting. , & Electoralis Moguntinae , tum  
Societatis Patriot. Mediolan. Sodalis.*

---


VOL. III.

---

T I C I N I

IN TYPOGRAPHEO PETRI GALEATII  
PRAESID. REI LITTER. PERMITT.  
ANNO MDCCCLXXXVII.





## PRAEFATIO.

**T**ertium tandem *DELECTUS* mei *Volumen* sisto, non mea, sed *Typographi culpa*, multo quam voluisssem, tardius comparens. Licet enim me ipsum, si primum esset, plurima omnino possent excusare: cum labores prioribus non exiguis, additos viderim novos eosque gravissimos; nec tamen humeros ideo promissis subtraxissem: satis enim sustentat *LECTORUM* benigna persuasio, posse, in hoc fertilissimo *ITALIAE* solo, peregrina quae spargo semina feliciores hinc inde radices protrudere.

Non possum igitur, quin hic difficultatem, quae tot *Regionis huius Eruditos* in publicandis operibus premit, publice iterum lugeam: ut ob quam rationem apud *Exteros* iniustam saepe sterilitatis censuram incurrere video ingenia, quibus, si humanior ad partus litterarios esset *LUCINIA*, lon-

ge plures certe foetus nosceremus futuros , qui non solum constitutione sua nobilem prosapiam , sed & numero fertilitatem longe maiorem comprobarent . Duo sunt , ni fallor , quae in his terris maiores Scientiarum progressus valdopere retardant : commercii scilicet cum libris aliarum nationum incredibilis languor , & propriarum productionum typis edendarum summa difficultas . Avidissimo oculo leguntur ab Exteris , Italicorum Auctorum opera , omnesque Virorum , quae haec terra sponte protrudit , insignia saepe mirantur ingenia : sed taedia multi ignorant , quae a praedictis difficultatibus ubique plus minus illorum Conatibus opponuntur . Paucissimam communionem cum Exteris alunt Typographi nostri , atque consueta in GERMANIA librorum cum libris commutationis ignorant aut reformidant principia . Hinc fit , ut quae apud nos in diversis Provinciis divulgantur opera , in ipsa adeo ITALIA non nisi perdifficiliter & post longam expectationem possint comparari . Sed maiora AUCTORES ipsos obstacula premunt : cum enim hi promptissimos alibi habeant operum suorum Editores , qui , per-

5  
aſſos labores decenti recognoscentes honorario ,  
Manuſcripta ſibi propria reddant , & ſingula Edi-  
tionis onera ſibi ipſis lubenter imponant ; oportet  
hic , ut , qui Publico ſcriptis ſuis utilitatem  
aliquam adferre contendit , id ipſum cum damno  
ſuo ſuſcipiat , aes proprium ineurius ſacrificet &  
indemnisationis incertiſſimus a typographorum ite-  
rum cupiditate protinus dependeat : qua libros  
aliquomodo commendabiles mox proprio praelo  
ſubiicientes , furtivam & omnis generis maculis  
conſpurcatam editionem moliantur . Sic autem  
quamplurima Eruditorum opera , antequam diem  
ſalutaverint , mortem obeunt Publico ignotam ,  
Scientiarumque augumento funeſtiſſimam : ut igitur  
eandem fere , quam foetus humani alii , ſortem  
elaborationes doctæ hic agnoſcant , & mortalita-  
tis rationem ab ipſo partu maiorem , quam adul-  
ta quidem ætate experiantur : niſi de morali in-  
teritu ſermo ſit , quem bene novimus ubique ter-  
rarum libris pene multis in ratione exiſtentiae ſuae  
imminere .

Quodſi hæc non in omnibus ITALIÆ par-  
tibus tam valde urgeant obſtacula , urgent tamen

in quamplurimis : atque sic permultis frustramur operibus , quae Nationis ingeniosissimae honores literarios , pristinamque in rebus Medicis atque Chirurgicis famam possent revindicare .

*Vix oculis propriis haec ego intuebar ( : nam praemonuerant in PATRIA amici , ITALICI ingenii non iniusti aestimatores , atque immeritam hanc sortem lugebant : ) cum non tantum praesentis DELECTUS ideam formarem , sed & omni modo librorum optimorum ultra Montes comparentium , Editiones novas , hic Ticini promoverem , atque Typographos nostros excitarem , ut ITALIAE id praestarent , quod ab aliis , remotioribus Bibliopolis tam facile exspectari nequiret . Cumque ego , quamplurimis GERMANIAE Eruditis & consuetudine & amicitia coniunctus , prae aliis citius eorundem operibus potiri soleam , promissi , me conatui illorum , absque omni alia , quam utilitatis publicae consideratione , in omnis adfuturum esse : neque enim damnum aliquod primis exterisque Editoribus abinde caussari praevidi : eoquod paucissima ab illis Exemplaria ad nos transmitti soleant , quae , ob insignia pretia , exi-*

sum difficulter inveniunt ; certus vero esse potui ,  
 Editiones Ticinenses se tum nitiditate , tum exi-  
 guo pretio esse commendaturas : cum chartarum ,  
 etiam optimarum , apud nos Valor longe quam in  
 GERMANIA minor sit , atque sic idem opus pro  
 dimidio fere pretio brevissimo tempore ITALIAE  
 Medicis possit procurari . Promptissimum tandem  
 ad haec suscipienda inveni Bibliopolam TICINEN-  
 SEM egregium , Balthassarem Comini , atque eius-  
 dem indefessis conatibus hoc unico anno 1787. de-  
 bentur sequentes Editiones novae .

**GUILIELMI CULLENII** , *Synopsis Nosolo-  
 giae Methodicae ;*

**IOSEPHI QUARINI** , *Animadversiones pra-  
 cticae ;*

*Eiusdem , methodus medendarum febrium ;*

*Eiusdem , methodus medendarum inflammationum ;*

**MAXIMILIANI STOLLII** , *Aphorismi de  
 cognoscendis & curandis febribus ;*

**VANDOVEREN** , *primae lineae de cognoscen-  
 dis mulierum morbis ;*

**ANDR. MURRAY** , *apparatus Medicaminum  
 Vol. III.*

*Sic igitur, quantum ab unius Viri conatibus  
 dependet, librorum exterorum apud nos penuriam  
 imminuere studii, viamque indicavi, qua tam  
 nobile obiectum feliciter queat attingi. Quod ad  
 praesens opusculum pertinet, selegi, uti Elenchus  
 indicabit, illa, quae noto iam laboris mei scopo  
 melius inservire videbantur. Paucas huic Volu-  
 mini notas, sed duas iterum dissertatiunculas  
 ex propriis adieci. Quarti vero Voluminis Edi-  
 tionem breviori, quam Secundum inter & Ter-  
 tium praeterfluxit, temporis intervallo, LECTO-  
 RIBUS promitto.*

*Dabam TICINI REC. Mense Iulii 1787.*





---

IOANNIS PETRI FRANK

PHIL. ET MED. D.

*Magnae Britanniae Regis Consilarii Aulici & Medicinae  
Theoretico-practicae atque Clinicae in Academia  
Goettingensi Professoris P. O.*

# DISCURSUS INAUGURALIS

D E

INSTITUENDO AD PRAXIM MEDICO

PROFESSIONIS MEDICINAE ADEUNDAE  
CAUSSA

*Die XXV. Maii 1784. Goettingae.  
habitus (\*) .*



CUM in tantorum Virorum confessu compa-  
rendi, atque super imposita mihi provincia pero-  
randi concedatur occasio ; habeo sane , quod  
*Vol. III.* A

---

(\*) Hic Sermo in *Georgia Augusta* dilectissima a me  
recitatus, typis nunquam prodixit, nec nunc qui-  
dem prodiret, nisi, quem secundo huius *Delectus*  
*Volumini* inserui, Sermo Academicus in hac *Ti-*  
*cinenfi* Universitate habitus, Lectorum sibi aliquam  
promeruisset adprobationem, & nisi similem quon-

mihî gratur, *Magnifice Academiae Prorektor, Viri perillustres, Commilitones generosissimi!* & de Vestra in omnes bonos, qui cum successu aliquo atque constanti animo literas pertractant, benevolentia, & de honore, quem, variis ex rationibus, in me reduntare bene sentio.

Collatum est in me a REGE AUGUSTISSIMO & POTENTISSIMO, Professoris, in hac Academia celeberrima munus: ad quod subeundum, iubent statuta, Orationis inauguralis uti Vehiculo, quo REGIS MAXIMI in me gratiam, & Summorum GEORGIAE AUGUSTAE MECENATUM beneficia depredicem, — Vestros Auditores Illustrissimi, animos mihi conciliem, — quam paratus sim ad omnia, quae susceptum officium iubebit, adimplenda, & quam volupe mihi futurum sit, vestro quondam potiri favore & benevolentia, publice hodie profiteri.

Magna sunt, quae REGIS & Supremi eiusdem Concilii gratia a me exspectat. Ne vero a primo Orationis meae exordio, me iniustum vobis sistam rerum aestimatorem; fatebor mox candide, quod & maximam concessae mihi a

---

dam huic ipsi dare dignatum esset *Auditorium Göttingense*, minus de *Oratore*, quam de *Orationis obiecto*, curans: quod, si tempus dedisset, diligentius certe elaborassem.

celeberrima hac Academia dignitatis partem , ad hanc ipsam pertinere , lubenter & absque vel minima superbia mihi persuadeam . In *alienae* fidei virum haec primum oculos coniecit , fiduciam posuit . — (\*) Quodsi ego vocationi honorificae aures praebuerim , illique non vituperandae quidem fortis (\*\*), confidentiae amicorum in terris relictis , sacrificium fecerim : maiora non praestiti , quam quae omnis vir alius , laudabilis aemulationis non expers , praestitisset . At *Illu* exemplum dare voluit , non opinionum , quarum nos Patres nostri fere soli haeredes creant , sed scientiae , sed probitatis rationem esse habendam , quae tam arctos limites non agnoscit , ut a minutis adeo differentiis opinionum queat circumscribi .

Esto vero , in alios cadere electionis meritum ! — Meum certe est , expectationi vestrae satisfacere *Viri perillustres* , & quomodo hoc mihi faciendum esse credam , concessa mihi licentia , hodie exponere . Exponam vero , si officii in me suscepti rectam ideam dederim , & *qua ra-*

## A 2

---

(\*) Primus eram *Catholicae* fidei addictus , qui Professoris munere in hac Academia condecorabar .

(\*\*) Celsissimi Principis *Spirensis* Consiliarius eram intimus , & tum eiusdem , & tum Serenissimae Marchionis *Bado-Badensis* Archiater .

tionem in instituendo ad praxim Medico procedendum esse reer, brevissimis exponam. Habebunt verba regulas, quas mihi ipse imponam adimplendas, in quantum scilicet successus sperati ratio, & felix experientia illas mihi comproba-  
verit, Magistra optima (\*).

Quae ad docentis officia pertineant, ea a vobis, Viri Illustrissimi, exemplo discere, quam hic docere malo. Interim, cum, per octodecim annos, me totum tractandis aegrotis impenderim, & in praxi sat ampla versatus, diversis in terris (\*\*) ingentes difficultates ipse senserim, quae omni fere Medico in Theoriae adplicatione obveniunt: certe non inane votum feci, ut subtraheretur saltem aliquid, cum omnia detrahi certe nequeant, hisce difficultatibus, & ut tandem lapides e via semoverentur, ad quos

(\*) In Bruchsalienſi Liceo per decem annos Artem Obſetriciam, per alios plures, Phyſiologiam, Anatomiam, Chirurſos edocueram, antequam Praxeos medicae publice profitendae munus in me ſuſcepi.

(\*\*) Anno 1766. in Lotharingiae Urbe Bitenſi Medicinam exercui. Sub finem anni 1777. Badenam adii Thermis in Germania Rhenana percelebrem; Anno 1769., Raſtadium Urbem petii, in qua Princeps Sereniſſimus Bado-Badenſis Medici Aulici officium in me contulerat. Poſt mortem Principis, anno 1772. Bruchſaliam a Spirenſi Principe Epifcopo vocatus fui.

juniores Medici , in damna aegrotantium , allidunt . Felices vos , Commilitones optimi ! qui in addiscendis disciplinis Medicis , vos , iam per annos , Magistris commissos videtis , quibus tanta hucusque ars nostra debuit , & quorum adeo interest , talia scientiae Medicae fundamenta substernere , quae non , ut arena , a levi pondere corruunt ; sed firmo pede muros sustinent , quos super illis erigere illius est , qui , ut mei nunc erit , Artis praecepta practica docenda sibi assumit . Quam dissimilis fors vestra , quamque digna elapsum saeculorum invidia : ubi inanis theoriae studio hypothetico tantum temporis impendere cogebatur iuventus Medica , quantum vobis ad absolvendum omne studium academicum sufficit . Vestrum non est , cur vobis a communi timeatis proverbio , ut quod *omnem bonum theoreticum malum esse practicum* , designare solebat . — Veritas ignominiosi proverbii stare diutius non potuerat , quam vanus , qui genuit , Scholarum in hypotheses vel ridiculosissimas amor & inexplebilis propensio omnes docentium animos occupaverat . Existunt in ipsa adhucdum Germania facultates Medicae , quas fama super multas alias quondam erexerat , quae tamen ipsae , *iussu Principum* , ultra GALENUM sapere , & , quod Viri huius effatis contrarium foret , docere , ante saeculum , non audebant .

Quantacunque autem apud omnes veri aestimatores esse debeat GALENI auctoritas, quamque insignia Viri huius summi in artem Medicam sint merita; *naturam* tamen illi subiicere, & non in *hac*, sed in *illo*, Imperatorem immortalem agnoscere, tantum arti nostrae detrimentum, tantumque dedecus attulit: ut doctissimos sequentium saeculorum Medicos, neque forte iniusta populorum sententia, longe infra *Empyricae gentis* heroes positos videamus, & ut omnes fere pro axioma habuerint, *iuniorum Medicum*, dum ab Academiis recederet, vel omni possibili doctrina eruditum, priusquam ad melioris notae Practici dignitatem posset ascendere, omnis fere scientiae theoreticae debere *oblivisci*. Vos Commilitones generosissimi, didicistis vocem naturae & effata ab illius Ministris aeterna. Hi facem philosophiae splendidissimam vobis accenserunt, hypothesium fatales umbras discusserunt, & nunc vos manibus meis tradent ulterius excolendos, quin mihi taedium nascatur, super friabilia fundamenta aedificandi domum spectris ab infra apertam terrificis & in se ipsam mox denuo corruturam.

Quare mihi, Praxeos regulas vobis in primum tradituro; ex animo iterum gratulor: ut qui primum & maximum requisitum in vobis, *theoriam sanam*, ex natura morborum, non ex

Doctorum opinione petitam , inveniam : quam theoreticam & sani , & morboſi corporis cognitionem vobis adeo neceſſariam in Artis vestræ exercitio , tamque utilem ipſimet quondam videbitis , ut de hoc ulterius diſcurrendi cauſſam plane non habeam : præſertim dum celeberrimæ huius Academiae ordo talis ſit & politia , ut diligentiae & ſummae aſſiduitatis notam & ideam , cum commoratione in loco ſtudiis publicis dicato , arctius nullibi coniunctas ſciam , quam de GEORGIA AUGUSTA , vel ab ipſa confirmatur invidia .

Superest , ut vobis , Auditores Illuſtriſſimi , rationem opinionis , quam mihi de inſtituendo ad praxim viro , ex ipſis , uti dixi , difficultatibus *iuniori Medico* obviis formaverim , exponam .

Si recte iudico Auditores , maxima iunioribus Medicis oritur in praxi difficultas , non quidem ex aliqua cognitionum penuria , ſed ex copioſiori magis , ut ita me explicem , idearum affluxu . Hunc juvenilis ardor parturit & inaſſueta rei gravioris , a qua fama fortunaque dependet , tractatio . Saepenumero hinc dubitare mihi obvenit , num revera profuerit ulli , nimio eruditionis cumulo ab Academiis ſeceſſiſſe ; quæ apud plures , prudentiam medicam , immaturam adhuc , quaſi ſuffocat , uti plantulae in ſolo nimis pingui

suffocantur ; — *indigestione* ; ut medice loquar ; *doctrinali* laborare facit , & dubiis innumerabilibus ansam praebet , quae omnem fere decidendi in rebus seriis facultatem inibent , & occasionem agendi praecipitem saepissime aufugere sinunt .

Alia , nec certe minima difficultatis ratio mihi videtur in continua discentium , circa gravissimos morbos occupatione , ad quam temporis brevitatis , quo diversissimorum in praelectionibus medicis morborum mentio facienda est , docentes cogere solet . Sic monstra vident & spectra , vel , cum DONQUIXOTTO , *Molam alatum* , quibuscum pugnare pugnam solent ; ubi quietiori animo , vel nullum , vel non malignum adeo hostem conspexissent . Experimentum , ni valdopere fallar , omnes mecum Medici fecerunt ; sed cum errores proprios minus bene distinguamus , in aliis nobis sunt perspectu faciliores . Occasio mihi perfrequens fuit , cum forte ultra ducentas obstetrices a memet instructas , praxi commissem , quarum pars maior principia artis sat bene callebat . Hoc impedire non potuit , quin ad partum felicissimae naturae , primis annis , vocatae , semper movendum aliquid & ex arte faciendum tentassent : ubi benigna Mater natura eundem sola & melius absolvisset . Mutavi aliquomodo docendi modum , Naturae in quamplurimis casibus simplicitatem monstravi , & magis



explicationi illorum inhaesi, *quae non*, vel *quae-  
nam* in his essent peragenda. Hisce omnem sic  
attentionem largiens, tandem aberrationum di-  
versitates docui, & vias propius easdem studendi  
indicavi: en, melior successus laborem corona-  
vit! & mulieres cum maiori fiducia motus le-  
niebant magis, quam duriter iisdem imperabant.  
Sequebatur successive casuum difficiliorum cogni-  
tio; experientia exemplis doctrinam, — & in  
me ipso opinionem ultro confirmavit, *principia  
artis cuiuscunque praecipue & repetito esse incul-  
canda*, eruditioni vero quidquam maiori in Aca-  
demiis forte minus, nisi pro illis, locum esse,  
qui, ut optandum foret, studiis plures, quam  
fieri consuevit, annos consecrant, & cognitis  
prius artis regulis generalioribus, ad ulteriora  
sefe studia accommodare queant (\*).

Nosocomiorum ad instituendos Medicos uti-  
litem nemo sane negaturus est; dubito tamen,  
num *maiora* ex illis, pro ratione expensarum,  
votis omnibus ex hac etiam parte semper res-

---

(\*) Sex nunc anni integri studio Medico foveantur  
in Academia *Ticinesi*, antequam pro libera praxi  
concedatur facultas Iuvenibus Medicis, qui sic  
per tres annos Clinicam frequentarunt morbosque  
ex ipsa facie studuerunt, antequam eorundem  
tractationi se solos accingant.

pondeant ; & occasionem in domibus privatis aegrotos visitandi ob plures rationes praeferrem, nisi quaedam & hic difficultates superessent, non tamen, ut opinor, invincibiles.

Verum est, in Nosocomiis ordinem & politiam in omnibus esse introducta, quae circa praebenda medicamina, nutrimenta exhibenda, securitatem medico largiuntur meliorem, experientiis maiorem fidem conciliant; ast quam pauci inter vos, Commilitones optimi, hac tandem gaudebunt praerogativa!... nonne maior pars vestrum privatis assistere aegrotis nata est?... Atqui hic nascitur difficultas Nosodochiis incognita... movebunt vos, & saepius anxios reddent parentum in morituros filios suspiria, prolium in charos parentes profundissimae lachrymae; pugnandum erit cum astutis vetulis, cum servis aegrotorum negligentissimis, alterius Medici opinionibus non raro cedendum, vel meliores his opponendae erunt; mors & pericula in morbis vel non praevisa, vel aliter habita, attentionem in formanda prognosi maiorem expetent, & quod non minimum erit, palati apud ditiores, & crumenae apud pauperes, praecipuam in praescribendis medicaminibus rationem habere, vobis erit cogitandum.

Haec sunt obstacula artis, quae superare, ad artem ipsam spectat & ad humanitatis re-

gulas, quas non tam facile in ipsis Nosocomiis, quam in praxi communi, ad ipsos aegrotorum lectulos, inter multiplices agnatorum, amicorum concursus, consilia contraria & errores, invenientis.

Causarum vero morbi naturam simul addiscere praecipuum hic erit: ne a primis incunabulis empyricam tantum malorum cognitionem adipiscatur iuventus medica. Vix autem circa causas morborum remotas in Nosodochiis satis instruimur: dum aeger, cui defunt adfines, aut amici, perraro veram aegritudinis suae historiam extradere queat, & vix Xenodochio prius inferatur, quam dum vires fractae caputque obnubilatum, omnem fere super hac explicationem impediunt. Rectum aegrotorum examen, primum erit adspirantibus ad artem salutiferam momentum. Examjnandi morborumque prima principia explorandi occasionem habituri sunt, si ab experto magistro morborum ingressum considerari, causas tam remotas, quam proximas erui, ratiocinio non nimis festinante in veram mali naturam descendi, methodumque ad artis regulas sic tandem quotidie viderint constitui. Videbunt autem, si a primis annis occasionem nacti fuerint, qua non tam curandis, quam interrogandis observandisque aegris insistant, remediorum a Magistro praescriptorum effectus rimentur, & sic aliquam

cum morbis popularibus familiaritatem adquirant; quam non tam ab aegrorum *multitudine*, quam a continua ad illos accessione, & fideli adstantium amicorum adiuniumque relatione obtinebunt.

Obiiciunt Medicis, quod facile nimis communibus vitae aerumnis & miserorum querelis adsuefiant, & sic tandem duriores induant animum, doloribus illorum compati nescium. Non haec ego timenda crediderim de viro, qui adeo fortis humanae, & abhinc fragilitatis propriae testem agit quotidianum; neque etiam facile cogitaverim, nimiam nobis profuturam esse, circa omnia *sensibilitatem*: ut quibus, in circumstantiis gravissimis ex arena petendum est consilium & quidem ex arena lacrymis humectata. Quodsi his & nostras commisceremus, atque suspiriis terendo tempus, occasionem iuvandi amitteremus, nec virili animo facieque serena & in arduis consilium, & in difficilibus consolationem largiremur; inutiles sane in morbis spectatores ad minimum essemus acturi. Ast vero de Nosocomiis valet forte saepius, quod obiiciunt: Medicus plurium hic aegrotorum sibi curam videt commissam, quorum conditio, familia, animique constitutio, altius ipsum latent; plebeios ut plurimum homines tractat, non rationum certo pondere in morbis commovendos: opus est hinc auctoritate quadam & constantia, quibus rerum

domusque conservetur politia : Affueſcet ſenſim animus , niſi peſtus humanitatis plenum reſiſtat , ſtrictiori aegrorum ſubmiſſioni , & duriori certe conditioni , quam quae in ſinu familiae , etiam pauperrimae , locum inveniatur . Sic paucorum annorum ſpatio ſaepe nimis diſcitur ab illis , qui propius aegrotis in Noſocomio inſerviunt , inter morientium ſtertores dormire & ridere ; nec ut plurimum pauperibus , ſed ſtomacho proprio , & lucro , licet minimo , conſulitur . Vereor autem , ne his Noſocomiorum , non perpetuis quidem , exemplis ſeducantur *iuniores Medici* ; valdeque optandum eſſe crediderim , hos demum inter ipſas civium familias educari morborumque inter hos obviorum inſtrui hiſtoriis , non artificiali Noſocomiorum conſtitutione modulatis , & peſtilentiali eorundem athmoſphaera ita mutatis , ut in eadem urbe , diverſorum climatum morbos tractare videantur Medici , qui aut in civili , aut in Noſodochiali praxi occupantur .

Quodſi Noſocomia utilitatem in iuniores practicos habere aliquam cupiamus : non illa certe mihi ſeligam , quae maiori aegrotantium numero replentur , & niſi praeciſit humanitas Principis & in Cives amor ; ad oſtentationem magis , quam ad veram Reipublicae ſalutem , aedificata videntur . Morbos in his *aſpiciunt* magis , quam *obſervant* Neomedici ; obruuntur quaſi rerum ob-

servandarum copia ; & tantum abest , ut , qui *multos* viderit aegrotos , melior sit Medicus , ut magis obsint potius hae *divitiae nimiae* , & ut tarda rerum ponderatio , & in pauciora obiecta intentus animus , quoscunque artifices , qui necdum tantis adsueta sunt turbis , morborumque diversitatibus , reddant longe perfectiores . Sic novum non mox ad magna praelia ducunt bellorum praefecti militem , sed minoribus primum periculis aduersatum , ad maiora successive praeparant . Sic insigne , quod Parisiis est & aegrorum quatuor & ultra continet millia Nosocomium ( *Hôtel-Dieu* ) , vix ullam iuniori practico utilitatem adferre solet , sibi que similes agnoscit & alias eiusmodi pias foundationes : quae ut plurimum magis obruunt , quam revera instruunt .

Liceat vero paucos ex tantis aegrotis eligere , eosque recte , & , sub expertioris viri ductu , iunioribus Medicis observandos exponere , quemadmodum haec *Viennae* , *Edimburgo* , *Papiae* , paucisque aliis adhuc locis , pertractantur ! . . en circumscriptum quidem , sed fertilissimum ad erudiendos juvenes campum , ubi singula morborum symptomata de die in diem summa cum attentione ab ipso *Neomedico* examinantur , studentur , adnotantur ; ubi medicamentorum a Magistro praescriptorum virtus , aut inactivitas cuivis allucet ; ubi , post sinistram morbi

eventum, & aperiendi cadaveris occasio mox arripitur, & docentis in *Prognosi*, artis medicae parte difficillima, virtus non minus, quam recta aut erronea morbi, tam in causis suis, quam in effectibus, facta pridem diiudicatio, in apertis iacet; ubi demum omne tempus omnisque occasio in solam discentium docentisque ipsius perfectionem convertitur.

Nec hanc ego videndorum observandorumque aegrorum eximiam occasionem, in *ultimum* studii Medici *annum* transponendam crediderim! Quamprimum, physiologicis imbutus principiis, *sanum* adolescens cognoverit hominem: *morbosum* mox, non tam in *libris* cognoscere discat, quam in *lectulis* ipsis studere & verae piskari Pathologiae fundamenta. Videat aegritudines, symptomata discernat, ludatque cum morbis, priusquam mortes avertere in se suscipiat. Recognito prius hoste, facilius erit *regularum therapeuticarum* intellectus, neque tam difficilis ad artis ipsum exercitium, futurus est transitus. Summa enim hucusque in eo difficultas haeserat: quod medicinae Candidati non nisi *effigiem* morborum, & depictas viderint *laryas*; ipsum non prius experiantur hostem, quam dum ad ipsam iam pugnā descenditur. Vix ullam imaginem, vel ab ingeniosissimo artifice depictam, obiecto suo perfecte adeo & in omnibus similem cernimus: & en! meliores nos pictores esse credunt, qui

multo difficiliora pingimus . . . . Eventus docet : colores tam vividi , tam loquentes , tamque varii nobis omnino defunt , qui naturam propius imitare vel dexterrimis permittant . Decipiuntur hinc , quicumque naturam ipsam non studuerint , solisque armati *morborum imaginibus* , inexperti hostem adgrediuntur , cuius saepe cum umbra pugnaturo sunt , perditosque labores lugebunt (\*).

Peroptabilis erit & cuicumque iuniori Medico utilissima , medicamentorum praeparandorum  
pra-

---

(\*) Speciali *programme*, mox a suscepto Professoris practici in Academia *Goettingensi* officio , *Pathologos* omnes invitavi , ut laboribus meis *Clinicis* adfuerent ( Ankündigung des Klinischen Instituts zu *Goettingen* , wie solches bey seiner Wiederherstellung zum Vortheil armer Kranken , und zur Bildung practischer aerzte eingerichtet werden solle ; *Goettingen* 1784. ). Atque plures non sine insigni fructu hoc consilium secuti sunt . Eadem nunc hic loci , iussu IMPERATORIS AUGUSTI , fuerunt introducta ; ut scilicet , qui *Pathologiam* tum Medicam , tum Chirurgicam *Papiat* student , saepius a Professoribus suis ad Nosocomium conduci debeant , in quo diversi morbi sensibus Candidatorum primo offerantur , quam ex Cathedra explicentur , ubicumque ad praevium tale examen dabitur occasio . Quo vero haec eo citius Professoribus innotescat : *Tabellae Nosologicae* inservient , hisce communicandae ; atque ipse etiam *Clinicus* Professor , si rarior morbus ipsi obvenerit , aut sectio Cadaveris pathologica suscipienda sit ; *Pathologos* , ut cognitiones suas sic adaequant , invitat & convocat .



practica cognitio. Commendanda hinc iterumque commendanda pharmacopoliorum attenta frequentatio, nec certe dubito, infigne Reipublicae detrimentum ex infelici scientiae medicae separatione tum a *Chirurgia*, tum a *Pharmaceutica* arte, redundare. Sua quondam praeparabant, aut sub oculis propriis praeparari curabant medicamenta Medici, & commissos sibi artis Candidatos huic serio operi impendebant. Quanta ex hoc labore, cognitio instrumentorum, quibus morbos impugnamus, lucrata sit, & quantum interfit, in morbis periculosis non ab alienis dependere manibus, non armis uti ab ignorantia praeparatis: non habeo, quod multis nunc exponam; est saltem hic non erit reticendum: me semper illos in artis exercitio addiscendo faciliiori opere versatos vidisse, qui, antequam Medici sese officio dicarent, per aliquot annos *Pharmacopolae* vices implevissent & sic intimas magis remedium compositiones, virium in iisdem permutationes & quasi mechanismum, sibi magis cognita reddidissent. Quodsi in hisce vel quidquam imitare Medicae Scientiae Cultores & illis adstare saepius possent pharmaceuticis laboribus, quos ipsimet mox sunt imperaturi; quantum non sibi viam in Academiis percurrendam brevioram redderent, & quam desiderabile esset, in omnibus, non soli theoriae invigilare, sed illam

quamprimum practicis miscere laboribus, a quibus illa tandem pernecessaria quidem studia egregie certe adiuvantur, confirmarentur (\*).

Sed terminum hisce lucubrationibus ponam, & ulteriorem uberrimae huius materiae disceptionem, alio tandem loco resumendam, lubens suspendam: ut, quod officii novi postulat ratio, & omnium, quae a me prolata sunt, finis ultimus, pro REGE AUGUSTISSIMO, MAXIMO, pro summis *Georgiae Augustae Mecenatibus*, quorum gratia hanc mihi diem, hos mihi honores dedit, fervidissima vota condam. Assistant Superi, ut *Regiae gratiae* non indignum me sistam virum, nec indignum quoque vestro, Auditores Illustrissimi, favore & fiducia Medicum! Enixe, ut huius me compotem fieri velitis, precor; vobisque, Commilitones optimi, omnia, quae in me sunt, erunt, esseque debent, ex animo voveo, consecro.

---

(\*) Et in his quoque in *Ticinesi Academia* occasio dabitur Medicinae Studiosis. *Pharmacopolium* nempe *Universitatis* omnibus patebit, & in eodem singulae compositiones & operationes pharmaceuticae maioris momenti a Viris agendorum expertissimis, certis temporibus, explicabuntur. Caeterum in eodem hoc *Pharmacopolio* occasio erit ad *Artem Pharmaceuticam* practice addiscendam & exercendam, quo demum & iuvenes pharmacopolae nulla occasione destituantur, quae requiri posset, ut diversae Provinciae *Ducatus Mediolanensis* quam optimis subiectis instruantur.

---

DAV. AUG. IOSUA FRID. KOSEGARTEN

SUERINO - MEGAPOLITANUS.

DE

C A M P H O R A

ET PARTIBUS, QUAE EAM  
CONSTITUUNT

GOETTINGAE 1783.



P R O L O G U S.

**C**AMPHORA, *singulare & unicum sui generis naturae productum, medicamentum adeo efficax ac potens, ut de eo certe valere idem fere possit, quod celeberrimi Medici de Opio vel Chinae cortice dixere toties, se scilicet medicinam, quam haec deferere malle pharmaca; de qua celeb. Arch. SCHROEDER, utique rem nimis exaggerans, dicere solebat, videri sibi camphoram intellectu gaudere, quia in corpore animali adre-*

peret , cui destinata esset : *Haec , inquam , camphora , quamvis iam ab AVICENNAE temporibus , & fortasse iam aetate eum praegressa , itaque per octo fere saecula nota sit , ac quotidie alios atque alios in usus magna copia consumatur : tamen ad hanc usque diem , si mixtionem eius , si principia proxima , quibus constat , spectas , nondum cognita est , quid quod nemo videretur tentavisse modo , ut ea divellat , & seorsim demonstraret ; in scriptis enim nec veterum , nec recentiorum vel ullum mihi sollertius sciscitanti occurrit vestigium , quod unquam quidam in camphorae partes constituentes arte chemica inquirere conati fuerint . Quem neglectum tanto magis non possumus non mirari , quoniam de camphorae eximiis viribus salutaribus omnes , quotquot eam noverunt , aetates inter se conveniunt .*

*An igitur Medici & Chemici , nos praegressi supervacaneum habuerunt hunc laborem , an potius dirimi in sua principia penitus illam non posse sibi persuaserunt ? Et si posterius , nonne temeritate accusandus ego , qui nodum istum gordium solvendum mihi sumam , quem ipsi artis*

magistri solvere se non posse, ingenue professi sunt? Fateor & ego, eam cogitationem parum abfuisse, quin a proposito meo me deterreret; fateor, me ambiguum ad instituenda, quae in hac dissertatione enarro, & quorum non pauca periculi plena erant, accessisse tentamina: Verum enim vero gratissima, quamvis paulo remotior spes, quae mihi affulsit, fore, ut Patribus nostris obvelatum illud naturae mysterium revelarem, & tametsi definitum istum scopum assequi tam felici esse non contigerit, meis experimentis atque observationibus qualemcunque aut medicinali, aut chemiae utilitatem vel lucem afferam, in spinosissima illa & a nemine, quantum novi, antea calcata via toties haesitanti, animum denuo addidit. Ea enim est multoties experimentorum chemicorum indoles atque eventus, ut quamvis artificii non recludant, quae anxie & fore unice quaerit, unam vel alteram novam veritatem doceant, quae maioris vel scientiae, vel universo generi humano momenti est, quam quidem illud, quod tanquam unicum laborum suorum scopum & praemium sibi praefixerat: Aditus igitur con-

*filio Optimi Praeceptoris, cel. Profess. GMELIN, ad meum, quod mihi proposueram, examen me accinxi impavidus, neque unquam propositi tenacem fuisse, me poenitebit. Poterat certe veterum exemplum neminem detertere, qui quantum recentior chemia a pristina illa distet, paullo curatius considerabat. Tot exempla a decem circiter retro annis facta, luculentissime ostendunt, fieri nunc posse multa, fieri quae posse negabant veteres! Quot in hac aetate novi in omnem hunc scientiarum ambitum prospectus! Quot novae eaeque multo certiores ad examinanda naturae producta & operationes ipsas apertae viae! Quot futurorum adhuc inventorum iacta semina! Quos immensos progressus eo ipso nostro aevo fecit ars chemica, si tantummodo subsidiorum, ad exploranda corpora necessariorum certitudinem, numerum, multipliciter spectes! Quae insignis lux nostri aevi industria, atque ingenio affulsit gravissimae illi de natura ignis & aeris, duarum maxime activarum, atque universalium potentiarum, duorum maxime efficacium, tam naturae, quam chemiae menstruorum, quorum ope prae-*

*ferim omnes sunt generationes & resolutiones, doctrinae! Quot veritates detectae, quae audacissimas veterum coniecturas superant! Aerem nobis circumfusum singulis vitae momenti a nobis inspiratum, quem tot saecula pro corpore puro, in partes dissimilares nunquam dirimendo habuerunt corpore, pro Elemento, heterogeneum esse, a mixtum didicimus, ex pluribus principiis compositum. Loco aeris — id est, fluidi permanenter elastici pellucidi — unci principes artis magistri numerant tredecim. Chalybem in funiculi urentis speciem redeimus; vitrum sub aqua liquefacimus; & in aere, ut olim in aqua navigare, didicimus. Quid, quod ipsam lucem, cuius indoles ipsum NEWTON penitus latebat, in suas partes resolvere, & ex iis principiis rursus componere ausi sumus. Ope acidorum mineralium, a suo phlogisto liberatorum, aliis corporibus suum phlogiston eripiendo, novam invenimus viam, veteribus ignotam, multa corpora resolvendi, & partes, quibus constant, denudatas manifestandi. Eo ex. gr. pacto e saccharo, gummatibus, seminibus farinaceis, immo ex ipso vini spiritu & tartaro*

acidum sui generis , & ex his , extrinsecus tam  
 diversis rebus , unum idemque acidum elicimus .  
 Eodem modo pervenimus ad interiorem arsenici  
 cognitionem , eiusque acidum peculiare detexi-  
 mus . Visum igitur est mihi potentibus his ad-  
 miniculis , quae recentior chemia sibi debet , plus  
 effici posse , quam quidem veteres poterant , neque  
 desperandum esse de plenaria corporis in suas par-  
 tes resolutione , quod illi resolvî non posse , asse-  
 verarunt , qualis est nostra camphora .

---



## §. I.

**S**UB nomine *camphorae* intelligitur materia vegetabilis, cum fragilitate tenax, singularis generis candida, pellucida, solida, tactu saponis adinstar lùbrica cum sapore acri leviter amaro, pinguiusculo, lentefcente, ingrato aliqualem frigoris sensum in ore diffundens, peculiaris vehementis obnubilantis & gravis odoris, ad odorem rorismarini officinalis accedentis, sed longe fortioris, igni in vasis clausis exposita tota quanta in vapores resoluta, flammam facillime concipiens, in aqua & nive ardens, flamma splendida corruscante deflagrans, nullumque cinerem relinquens; in aere aperto sensim omnis in auras abiens; in spiritu vini, oleis & acidis mineralibus, verum nec in aqua, neque in liquoribus alkalinis nisi intermedio alio corpore solubilis. His dotibus igitur facile cognosci potest bonae notae camphora.

## §. II.

Distinguitur autem camphora *nativa* ab ea, quae *arte* extrahitur, dein *cruda* a *depurata*;

denique illa, quae in *China* & *Iaponia* colligitur, ab illa, quae ex insulis *Borneo* & *Sumatra* nobis affertur.

### §. III.

Arbor vero hanc camphoram largiens, est e genere *Lauri*, a KAEMPFFERO *Laurus camphorifera* vocata. Sed toto coelo externa differt forma arbor, quae in insulis BORNEO & SUMATRA camphoram praebet, ab illa, quae eam in CHINA atque IAPONIA suppeditat. Arbor enim camphorifera IAPONIAE — quam BREYNIUS *arborem camphoriferam Iaponicam* foliis laurinis, fructu parvo globoso calice brevissimo vocat, & in prima sua centuria plantarum exoticarum nec non primo prodromo descripsit; ab HERMANNO *camphorifera arbor*, ex qua *camphora officinarum*, dicitur: a GASP. BAUHINO *camphora officinarum*: a PARKINSONIO *camphora*, & a IOH. BAUHINO *caphura salicis folio*: a KAEMPFFERO *Laurus camphorifera* vulgo Kus noki alias *Nambock*: LINNEUS etiam adnumerat illam *Lauro*, & vocat eam *Laurum camphoram foliis triplinervis lanceolato — ovatis*: neque minus secundum RIVINUM pertinet ad hoc genus. Provenit praecipue in provincia SATZUMA, insulisque adiacentibus uberius, &

teste KAEMPFFERO ad magnitudinem tiliae excrefcit: truncus cortice nonnihil fcabro, ac pulli coloris, rami vero iuniores nitente laevi, viridiufculo cinguntur. Medulla magna fungofa & lignofa eft, lignum recens candidum, exficcatum vero colorem ex ruffo variegatum adquirit. Folia lauri vulgaris, vel etiam teſte BREYNIO (a) tiliae noſtratis foliis quodammodo ſimilia inveniuntur, & floſculi, qui menſe Maio, Iunioque in faſtigiis ramulorum ex foliorum axillis prodeunt, albi & hexapetali ſunt, iſdemque baccae ſuccedunt, per maturitatem atro — purpureae & ſplendentes, piſa maiora magnitudine aequantes, figurae quodammodo turbinatae, pericarpio molli, purpuſcente, & ſapore ex camphorae & caryophyllorum acrimonia compoſito, praeditae, quae intus nucleum grani piperis magnitudine, cortice nigro micante obductum, bifidum, oleoſum, fatui ſaporis, continent. Radix valida, ſed parum brachiata, largiori tamen prae partibus reliquis materia camphorata inſtructa.

#### §. IV.

*Altera arbor camphoriſera, quae inſulas SUMATRAM, BORNEO, BAIRAS & alias inſulas*

---

(a) *Miſcell. N. C. decur. II. ann. 4. Obſerv. 139. Amoenis. exotic. pag. 771. ſeq.*

*oceanii Indici* patriam agnoscit, secundum GRIMMII (a) descriptionem caudicem habet, recte ascendentem, & ramos suos eleganter explicat. Lignum eius ob duritiem, & texturam compactiorem, ad aedificia perutile reperitur, & serra discissum, fortem spirat odorem, multumque ostendit unguinosi: folia sunt magna & carnosae, antea acuta, & camphorae odorem contrita spargunt, qui non adeo diu tamen perdurat, sed denuo, consumptis exhalatione particulis volatilibus, cessat; magna caeteroquin inter haec & arboris caryophylliferae folia quoad formam similitudo intercedit. Fructus, quos profert, formosi sunt, atque oblonge rotundi, parumque nucem avellanam magnitudine aequant: cortice tenui cinguntur, & rursus instar nucum avellanarum, alteri eleganti tunicae, diversis coloribus, rubro scilicet, purpureo, flavo ac viridi conspicuae inclusi haerent, quae posterior integrum contegit fructum, & superius instar tulipae, quam figura etiam nonnihil refert, sese aperit. Fructus conditi grato gaudent sapore, & subtili odore camphorato, adeoque etiam in India inter praestantiora referuntur alexipharmaca. Ex fructibus hisce, ut & ex foliis ac floribus

---

(a) *Miscell. N. C. decur. II. ann. I. pag. 371.*

aqua destillata satis efficax; itenuque oleum acetereum & expressum elici possunt, & ex ligno quoque, ad medullam usque discisso, copiosa materia oleosa prodit. BREYNIUS vocat hanc arborem *camphoriferam Sumatranam*, foliis caryophylli aromatici longioribus, mucronatis, fructu maiore oblongo, calice amplissimo, tulipae figuram quodammodo repraesentante.

### §. V.

Datur autem exceptis his adhuc alia; a supra dictis diversa arbor, quae haecenus nondum descripta est, in aliis locis Indiae orientalis crescens, nobiliorem camphoram praebens, cuius MILLER in *Philosoph. Transact.* 1778. Vol. I. mentionem facit. — Alia adhuc species camphorae obtinetur e radicibus *Lauri Cinamomi* (a).

### §. VI.

Iam supra dictum est, camphoram distingui in nativam & arte extractam. Quae autem in insulis BORNEO & SUMATRA provenit, ex

---

(a) *Neues englisches allg. Dispensatorium von W. Lewis B. I. pag. 293. Anm. des Uebersetzers.*

arborum trunco foliis, aestu sponte transsudat, vel ex fisso aut inciso ligno prolicitur, vel ab incolis, arboribus detruncatis, ex medulla fissa, in qua sub forma salis coagulati, tenuis, crystallini & lamellati latet, colligitur, & optima camphora in maioribus grumis, *Malayce* COPALLA, *Lusitanice* CABESSO; media in parvis grumis *Malayce* POEORET, *Lusitanice* BARIGA; vilissima autem CACKI nominatur (a). Haec camphora autem nobilior illa IAPONICA habetur, quoniam nec sponte consumi, nec in auras avolare, nonnulli observasse se volunt, quod quidem iure a NEVMANNO in dubium vocatur; praeterea etiam tantum in exigua copia colligi potest, ut messis huius camphorae nativae ratione Iaponicae se habeat, ut unum ad centum, & una illius libra tanti ematur, quanti centenae librae eius, quae ex CHINA & IA-

---

(a) GAUBII *advers. var. argum.* Leid. 1771. 4. pag. 109. TEN RHYNE *apud Breynium l. c.* M. SLADUS *apud BOCCONEM in recherches & observat. Naturelles* pag. 267. *seq.* GRIMM. *l. c.* HERMANN *in Cynos. M. M.* pag. 254. *seq.* IOH. ALBR. VON MANDELLO *in Morgenländischer Reisebeschreibung* p. 221 KAEMPFER *in amoenitatibus* pag. 773. FRANCK VALENTYN *in Onden en Nieuw Oost Indien III. Deel* pag. 212. SALMON *von den Sundaischen Inseln* pag. 154.

PONIA adfertur, adeo ut ipsi IAPONENSES & SINENSES eam emere non dedignentur, in Europam autem ob hanc exiguam copiam & nimium pretium nunquam transferatur. Haec species nulla depuratione indiget. Sed assentitur Cel. THUNBERG, origines camphorae Baros pretiosissimae adhuc ignorari, licet id certum esse, pronuntiet, naturalem esse, pelluciditate vitrum aemulari, & arborem a lauro camphorifera differre quam maxime (a).

## §. VII.

Altera species camphorae autem, *cruda* nempe, obtinetur ab INDIAE & IAPONIAE incolis, imprimis a rusticis provinciae IAPONICAE SATZUMA, & insularum GOTHO, ex foliis, cortice, ligno, ramis & maxime ex radicibus *Lauri Camphorae* LINNEI, contritis, radula aut ferra dissectis, singulari destillatione & sublimatione, illi simillima, cuius ope olea aetherea obtinemus. Radices nempe discissae prae reliquis arboris partibus camphora abundantes, attamen & reliquae partes, si sufficiens radicum quantitas

---

(a) THUNBERGII diss. nova generum plantarum  
P. 2. Praefat.

desit, in aheni ferreo aut cupreo; cui alembicus intus stipulis stramineis vel iuncis repletus impositus est, tanta copia aquae simplicis irrigantur, ut radices aliquantulum tegat, & igne moderato sensim sensimque aucto, luto obturatis prius commissuris & recipiente adaptato, camphora cum vaporibus aquae in alembicum elevatur, & solida forma stramini vel iuncis se affigit, a quibus finita destillatione, & omnibus refrigeratis, parvorum impurorum granorum specie dequassando aufertur, & in magnas orbiculares planas placentas, seu panes cogitur, qua tum forma in PERSIAM, GUSURATTAM, MALABARIAM, ARABIAM, SIAMENSE regnum & EUROPAM fertur, diciturque *camphora rudis* vel *cruda* (a).

## §. VIII.

- 
- (a) I. G. WEDEL *d. de camphora*. Ien. 1697. *Stadus loc. cit.* BREYNIUS, KAEMPFERUS, CLEYER, THUNBERGIUS in *Flor. Iapon.* pag. 172. & SALMON *all. loc.* VAN GOSCH in *gegenwärtigem Staat aller Nationen* 1. Th. 2. St. von. Iapon. pag. 111. *Mem. de l'Acad. des Sc. Paris* ann. 1705. pag. 38. WOLFG. SENGUERDI *historia camphorae* Rot. 1715. IOH. FR. GRONOVII *hist. camph. Lugd. Bat.* 1715. *Philos. Transact.* N. 389. *Miscell. Berolin.* Vol. III. pag. 70. *Phil. Tr.* Nr. 330. BOERHAAVE *el. ch. T. II.* pag. 214. HOFFMANN *Obs. ph. ch. L. I.* Obs. 13. MACQUER *chemisches Wörterb. überf. v. Leonhardi* pag. 111. 132.



## §. VIII.

III Sed haec *camphora cruda* adhuc impura est, composita ex rufis, semitransparentibus granis variis quiscuilibet intermixtis, quam ob causam nova depuratione indiget, qua & formam & puritatem, quibus camphora officinalis gaudet, acquirit. Olim hanc depurationem vel rafinationem, quae Indis verosimillime ignota est, VENETI suscipiebant, nostro vero tempore fere unice AMSTELLODAMENSES; & modo quidem sequenti: camphorae crudae, stramine, pileis, lana &c. plerumque inquinatae, tamen antea in parva frustula contusae per cribrum amplioribus instructum foraminibus, traiectae & ab inhaerentibus quiscuilibet crassioribus separatae additur, prouti magis vel minus impura est, vigesima & quarta pars ad quartam partem cretae, in pulverem comminutae, vel calcis aere dilapsae, vel schisti-regularis usti & in pulverem tusi, quibus quidem adiectis id fit, ut oleum empyreumaticum, camphoram alias flavo colore tingens, separetur, atque absorbeatur. Cum his igitur camphora tunc in ferreis mortariis, vel parvis, molis manualibus terendo miscetur, phio-  
larum fundo plano, ventre ampliore & orbiculari instructarum, vix quatuor pollices altarum, nec non collo angusto, & aliquot pollices longo

praedictarum; in series dispositarum, atque ad profunditatem aliquot pollicum arenae balneo immerfarum, fundo ingeritur, tum cespite bituminoso instruitur focus, phiolarum os operitur gossypio, supra hoc ferrei pyramidis forma spectabiles cuculli imponuntur, & dum labor durat, arena ardenti teguntur. Mox ab initio ignis ita instruitur, ut camphora instar olei fluat, quod quidem gradu 421. thermometri a FAHRENHEITIO denominati secundum observationem Cl. ROMIEV (a) fieri solet. Eo caloris gradu tam diu pergitur, donec camphora humidum suum omnino cum quadam sui ipsius parte, quae tamen cucullis adhaerens non perit, exhalaverit: camphora nunc fluente, & aqua expulsa, arena a cucullis tollitur, & igne imminuto, alius frigidus alembicus superimponitur, in medio perforatus, e charta densiori, corio vel lamina ferrea fabricatus; quo non prohibetur modo, camphora quo minus in auras avolet, sed quoque id efficitur, ut frigidi alembici superiori parti massae semiliquefactae & transparentis forma se adfigat, & artifex bacillo, per foramen alembici in phiolam immisso, impedire facile possit, ne camphora orificium obturet, & disruptioni

---

(a) *Mem. de l'Acad. Roy. des Sc. de Paris* 1756.  
pag. 444.

vasis ansam praebet. Ex hac alembicorum figura patet, cur camphorae placentae venales semper foramen in medio habeant. Nonnunquam artifex aufert alembicum, ut videat, an sublimatio ex voto succedat, an minori vel maiori calore opus sit, an iam finitus sit labor, quod quidem ex defluxu camphorae in lateribus vasis liquefactae cognoscitur. Finito itaque labore ignis aufertur, & vitra pauxillum ex arena extrahuntur. Penitus refrigerata diffinguntur, & camphora exemta chartae coeruleae vel rubrae involvitur. Quod collo & lateribus vasis adhaeret, abradere vix operae pretium putant artifices, sed e cupreo oblongo aheni in aliud simile illi superimpositum loco alembici prioris sublimant (a). Cel. GÜNTHER, pharmacopola *Hafniensis* depurat, sive, ut barbaro artis termino utar,

## C 2

- 
- (a) HAENEL *d. loc. c.* MARGGRAFF *chymische Schriften Th. 1. Cap. 15. de Machy l'art du destill. des eaux fortes pag. 76.* MODEL *chem. Schr. pag. 190. Com. litt. Nor. 1741. pag. 305.* KECHELEN *d. de camphorae genesi, eiusque raffinazione Argent. 1748. Act. Acad. N. C. Vol. V. Observ. 98. & Vol. VIII. Observ. I. Mem. de l'Acad. des Sc. a Paris 1759.* MACQUER *chemisch. Wört. üb. von LEONHARDI P. III. p. 132.* FERBER *neuer Beyt. zur Mineralg. versch. Länd. Th. I. Mietau 1778.*

raffinat etiam camphorae non exiguam copiam e materia cruda (a): BATAVI ergo nequaquam soli hoc negotio occupantur, ut Cl. Pr. FERBER contendit.

### §. IX.

Arborem *Lauri Camphorae* etiam in Germania nostra coli posse, ostendit hortus electoralis Dresdensis, in quo olim duo exempla *Iaponicae* arboris laete crescebant; ex quibus peritus quidam chemicus & pharmacopola Dresdensis BEYLICH veram camphoram supra dicto modo eduxit, & cum ea simul oleum aethereum flavi coloris, & eiusdem, quam camphora odoris. Decem librae foliorum & ramorum leviter exsiccatorum suppeditarunt ipsi uncias duas cum dimidia camphorae, & unciam unam cum drachmis duabus olei essentialis. Depurationem assermat solum per liquefactionem & expressionem effecisse. Praeterea asserit etiam e camphora ipsa oleum albi coloris, quod penetrante odore & sapore, prius illud ex arbore impetratum oleum superaverit, perfecisse, & ex duabus unciis camphorae circiter unciam unam & dra-

---

(a) CRELL, *neueste Entdeck.* P. III. pag. 87.

chmas sex olei obtinuisse. Modum autem, quo confecit, silentio transit (a).

## §. X.

*Laurus Camphora Linnei* vero non est unica stirps, quae camphoram largitur: obtinere eam etiam licet ex multis aliis, inter quas ex aliis plantis excoctas camphorae species eminet illa, quae educitur ex nonnullis partibus *Lauri Cinnamomi*, & ligno *Aloes*, adeo ut Iaponicae quam maxime affinis sit; nam testibus HELBIGIO, GRIMMIO & CLEYERO, qui per annos complures in India orientali vixerunt, camphora e recentibus radicibus *Galangae*, *Zedoariae*, *Zingiberis* sylvestris, *Cassiae* lignae & *Cinnamomi* destillando elici ac segregari potest (b). Praeterea haecenus camphora obtenta est e *Men-*

C 3

(a) *Hamb. Magaz.* B. 18. S. 89. ZIMMERMANN *Allg. Grundf. der Chem.* P. III. Cap. 29.

(b) BREYNIUS *all. l.* TAVERNIER *dans ses voyages Part. II. livre II. Chap. 12. pag. 246. ed. Par. 1681.* HERMANN *Cynof. m. m. pag. 254.* GRIMM *comp. med. ch. pag. 83. 85. 101.* PH. BALDANUS *Beschr. d. Küsten Malabar pag. 420.* *Insulae Ceylonicae thes. med. a Barthol. Pielat. Cat. convers. pag. 78.* *Philos. Tr. Vol. III. N. 43. pag. 863.* *Acta Hafniens Vol. III. Obser. 90.* SALMON *von Indostan und Ceylon p. 288.*

*tha* (a), e floribus *Rosarum* & ligno *Aloes* (b), ex *Anisi* oleo (c), e *Thymo Maiorana* & *Cardamomo* (d); Porro ex *Andropogone Schoenantho*, *Zedoaria*, *Camphorofmate*, *Iunipero communi*, *Lauro nobili*, *Lavandula spica*, *Roremarino officinali*, *Salvia officinali*, *Hyssopo officinali*, *Thymo Serpillo*, *Artemisia Abrotano*, *Sclarea Hormino*, *Achillea Millefolio*, *Chrysanthemo*, *Leucanthemo*, *Caro Carvo*, *Anetho Foeniculo*, aliisque plantis aromaticis, & fere omnibus *didynamis gymnospermis* (e). GAUBIUS *camphoram* ex *Mentha piperitide* obtinuit (f). L. F. MEYER commiscendo olei *Rorismarini* partes duas dum *Alkali caustici* parte una, digerendo

- 
- (a) HERMANNI *cynofura Mat. Med.* l. c.  
 (b) FR. HOFFMANN *de camphorae usu interno* §. V.  
 (c) ROB. BOYLE *Tract. de firmitate & fluiditate* P. II. pag. 265. *Opp. ed. Lond.* 1746.  
 (d) *Miscell. Berol.* T. III. p. 70. *Philos. Transact.* Vol. XXXIII. N. 389. Tr. II. pag. 321. & Vol. XXXVIII. Nr. 431. Tr. II. NEVMANNI *chem. ex ed. Kess.* pag. 282.  
 (e) HERMANN l. c. BOERHAAVE *elem. ch. T.* II. pr. 26. & 66. NEVMANN l. c. LOESEKE *von den Arzneymitteln* pag. 162. *Miscell. Berol. A. N. C. dec. II. ann. IV. obs. 6.* *Miscell. Berol. T. III. p. 70.* CARTHEUSER *fund. mat. med. T. II. cap. 37. §. 8. francos. ad Viad.* 1767. 8. pag. 224. *diff. de genuin. quibusd. plant. principis Franc.* 1754. P. II.  
 (f) GAUBII *advers. var. arg.* pag. 104.

per triduum & destillando cum tribus partibus aquae obtinuit duodècim grana camphorae (a). Sic etiam BUCHHOLTZ obtinuit, destillando aequales partes olei *Rorismarini* & alkali caustici, utriusque scilicet uncias duas, camphorae grana quinque & triginta (b). DEHNE & PABIZKY veram camphoram e semine *Petrosellini* adipiscuntur (c); Heyer ex *Pulsatilla* & oleo feminis *Foeniculi* (d); & I. FR. MEYER ex *Cubebis* (e).

## §. XL.

Sed etiam in nonnullis oleis aethereis vera camphora visa est, quamvis longe absit, ut omnia camphorae formam externam mentientia coagula pro vera camphora habeam. Oriuntur autem in eis, si per longum tempus imperturbata stant, & vitra ita clausa sunt, ut spiritus rectior exhalare non possit. Inventa autem sunt in oleo *anis* & *foeniculi*, ut iam supra memoravi; in

C 4

(a) MEYER *chymische Versuche v. ang. Kalck* p. 80.

(b) BUCHHOLTZ *chymische Versuche über das Meyersche acidum pingue*.

(c) CRELL *Journal T. I. pag. 42.*

(d) CRELL *chem. Journal T. I. pag. 102. & T. III. pag. 102.*

(e) MEYER *l. c.*

oleo *cascarillae* & *radieum cinamomi* (a); in oleo *aurantiorum* (b); in oleo *macis* (c); praeterea etiam in oleo *terebinthinae*, *menthae*, *matricariae*, *maioranae*, &c. Iam HELMONTIO id notum fuit; dicit enim alicubi; *at quando oleum cinamomi suo sali alkali miscetur, absque omni aqua, trium mensuum artificiosa occultaque circulatione, totum in salem volatilem commutatum est*; & BOERHAAVE in sua chemia: *olea pretiosa Indiae aromatum transmutant se, diu, vasis bene clausis conservata, vel in salem vel saponem*. Salia essentialia autem eleorum aethereorum facile distingui possunt a camphora: haec enim fragilis, aqua insolubilis, illa aqua & spiritu vini solvuntur sine perturbatione, exhalant ex toto cochleari argenteo calefacto absque odore empyreumatico, decrepitatione, flamma, scintillis, carbone, cinere, vel macula relicta, & eorum effluvia a contactu ardentis sulphuris flammam non concipiunt.

---

(a) BUCHHOLTZ zu GAUBII *Entw. P. III.*

(b) *Philosoph. Transact. T. III. pag. 362.*

(c) GAUBII *advers. var. arg. pag. 27.*

(d) WIEGLEB *Amm. zu VOGELS Lehrf. d. Ch. pag. 219.*



## §. XII.

In genere conveniunt genuinae , quae sunt inter has camphorae species cum laponica ; at tamen cum singularis species specifico odore plantae suae gaudeat , possident sine dubio , exceptis viribus camphorae generalibus etiam aliquid specificae virtutis suae plantae . Obtinentur autem hae species camphorae simplici destillatione , quae ad destillationem oleorum aethereorum accedit . Caeterum autem hae camphorae species tam exigua copia in plantis inveniuntur , ut ad vulgarem usum non sufficiant .

## §. XIII.

Quod *etymologiam* camphorae attinet , illa dubio procul denominationem primam patriae suae incolis debet , a quibus eandem primi ARABES , dein EUROPÆI , & denique ipsi GERMANI mutuasse , in proprias suas linguas transfuisse , suisque dialectis diversimode expressisse videntur , ideoque ab Arabis *Capur* , *Capura* , *Casur* , *Casura* , vel cum articulo *Alcamfor* , & ab AVICENNA *Canfora* ab arbore , e qua vel refina , vel gummi vel lacryma extillat ; a GRAECIS *καρυφα* ; LATINIS *Camphora* , & denique a GERMANIS *Kampfer* vel *Campfer* appellata est .

## §. XIV.

Ante tempora AVICENNAE videtur camphora vel ignota, vel certe in usum medicum non recepta fuisse, & AVICENNA inter Arabes verosimillime primus fuit, qui illam in praxin medicam induxit; eius etiam mentionem iniicit SERAPION; MATTHIOLUS in DIOSCORIDEM c. 75. affirmat: GALENUM, DIOSCORIDEM & caeteros istius saeculi Scriptores non solum nihil de camphora annotasse, sed etiam nequidem novisse.

## §. XV.

Sed illi ipsi antiqui autores, qui eam descripserunt, tantum valde mancas & ex parte ridiculas de origine & natura huius nostri concrementi opiniones foverunt. Sic AVERRHOE sibi persuadebat, *camphoram ex alveo maris instar ambrae originem trahere*. AGRICOLA (a) ait: *camphora nostra fit ex bitumine indico, quod ex nativa camphora efflorescit coquendo in vasis super prunis*. CARDANUS bituminis speciem camphoram esse credebatur, *quum succinum, inquit, si ardeat, & madente aqua linteo fumus*

---

(a) AGRICOLA de natura fossilium L. IV. oper. omi. Basel. 1657. fol. pag. 394.

*excipiatur, caphuram oleat, succinum autem bituminis species sit, ergo etiam caphura (a). Eandem sententiam amplectebantur CAESALPINUS, FUCHSIUS, BACCIUS, IONSTONIUS & BAUHINUS; FUCHSIUS enim pro specie succini habuit; Baccius pro bitumine pingui ex agro Mutinensi ac Parmensi oriente, IONSTONIUS (b) ex aliquo bituminis indici genere produci existimabat; & BAUHINUS ambræ, succini & asphalti familiae adnumerabat (c).*

## §. XVI.

PLATEARIUS iam eam herbae cuiusdam succum pronuntiat, propius ergo ad naturam ipsam accedit (d). Qui eum sequebantur v. c. SCALIGER AETIUS, ACTUARIUS, BERTIUS, MARTINIUS, IESUITA (e), ACOSTAEUS, RUELLIUS, HUGO LINSCHOTTUS, ANDREAS BELLUNENSIS (f), GARCIAS AB HORTO &c. rectius iam ortum camphoræ arbori adscribunt, in India orientali co-

---

(a) MOEBII *anatom. camph. Ien. 1660.*

(b) MOEBIUS *l. c.*

(c) *Taumatographia.*

(d) MOENIUS *l. c.*

(e) IESUITA SINICA *hist. l. 8. pag. 310.*

(f) ANDR. BELLUN. *dictionary.*

*piose crescenti* . Ratione autem huius arboris multus est inter eos dissensus . IACOBUS SYLVIUS (a) dicit , illam *ferulaceam* esse , sed GARCIAS AB HORTO (b) iam ait , *arborem* esse , *satis magnam* , & *iuglandi similem* . Alii addunt , *aspectu perpulchram* , *vastam* & *praealtam* , *latissime sese fundentem* , & *eius magnitudinis* , *ut hominum centuriae sub illius umbra quiescere possint* , & *ad palatia struenda aptam esse* .

### §. XVII.

Sic etiam nomina locorum natalium camphorae apud veteres v. c. SERAPIONEM & AVICENNAM non parum corrupta sunt , nam *Pacen* in insula *Sumatra* vocat SERAPION (a) *Pausor* . Quem AVICENNA (b) *Alcuꝝ* appellat , fortasse insula *Malaccæ* vicina *Sunda* est Regio *Calca* SERAPIONIS est verisimillime corrupta vox e *Malaca* , quandoquidem in *Beiros* loco *Malaccæ* vicino nascitur , ut GARCIAS l. c. habet .

---

(a) SYLVIUS *method. med. comp.*

(b) MOEBIUS l. c.

(c) *Libr. I. simpl. c. 344.*

(d) *Libr. II. c. 134.*

## §. XVIII.

Neque minores agitabantur tum temporis lites de modo , quo camphora ex hac arbore prodeat . Alii praecipue AVICENNA (a) , *eam medullam esse , & in arbore colligi , & deinceps extrahi* putarunt , cui quidem sententiae GARCIAS AB HORTO contradicit iniquens ; *Cummi esse per rimas solis aestu exsudans* . Eiusdem , sententiae etiam SCALIGER est (b) . CARDANUS autem credidit , *eam ab arboribus ex terra extrahi , eique dein reddi* . CAESALPINUS rem acu tetigisse sibi videbatur , cum opinaretur , *camphoram ex fulguris materia arboribus in India adhaerente accensa oriri* (c) .

## §. XIX.

Ab illis temporibus usque ad NEUMAN-  
NUM chemici & naturae scrutatores de natura  
ae veris camphorae principiis multum adhuc inter  
se dissentiebant : dubitabant enim , cui rerum

(a) *Libr. II. Tr. II. c. 134.* SIMEON SETHI *l. de alimentis litt. K. cap. 21. p. m. 59.*

(b) *Exercitat. 104.*

(c) MOEBIUS *l. c.* WEDEL *diff. de camph. Ien. 1697.*

generi camphora recte adnumeranda sit , ideoque camphora mox pro *sale volatili* , mox pro *gummi* , mox pro *resina* , vel *gummi-resina* , mox pro *succo inspissato* , mox pro *oleo coagulato* habita est . Recentissima autem sententia , cam naturae *Aetheris* esse , asserit , cui quidem praecipue accedunt Cl. WEIGEL , MACQUER , & alii celebres viri .

## §. XX.

Ast camphora neutri horum corporum accenseri posse videtur , differt enim longe ab omnibus , etiamsi ratione nonnullarum dotium cum quibusdam aliis corporibus , v. c. resinis , oleis aethereis , & aethere conveniat ; est *materia peculiaris , solitaria sui generis & unica* , quae cum nulla alia in tota rerum natura penitus convenit . Hoc iam NEUMANNUS perspexit , ideoque recte monuit , *camphorae nomen non uni obiecto solum , sed toti generi adsignandum esse* ; nomen *camphorae tantum nomen generis esse* , ut v. c. *Oleum , Resina , Sal , Spiritus &c. & cum plures plantae camphoram praebeant , camphoram Iaponensem , utpote solam , quae a medicis adhibetur , camphoram κατ' ἐξοχήν* , caeteras autem secundum suas plantas denominandas esse ; ideoque dari camphoram *Cinamomi , Zedoariae , Thimi , Pulsatillae &c.*

## §. XXI.

Camphoram memoratis corporibus adnumerari non posse, probant sequentia: camphora non est *gummi*, habet enim nullam proprietatem cum illo communem; neque *gummi-resina*, quia in aqua per se plane non dissolvitur. Quomodo quis camphoram *salem volatilem* vel *salem volatilem oleosum* vocare potuerit, equidem miror, cum primo caractere salis careat, puto, solubilitate in aqua, & non detur sal, qui instar camphorae ardet, atque flamma omnis consumitur.

## §. XXII.

Magis omnino veritati appropinquant, qui eam *resinis* adscribunt; attamen etiam ab illis non parum differt; camphora enim aëri libero exposita tota in auras avolat, resinae nunquam; camphora in vasis occlusis igni exposita absque ulla mutatione sublimatur, resinae autem in sua principia resolvuntur; resinae relinquunt post destillationem caput sic dictum mortuum, camphora pura nullum sui vestigium; resinae ab aqua calida nullam, praeter liquationem, mutationem patiuntur, nisi fortasse *gummi Benzoes* exceperis, cui aqua adfusa definitam sui salis, vel florum partem, abripit, camphora autem bullientis

aquae calore resolvitur in auras; & cuius quae-  
so resinae tanta copia eaque solvitur tam facile  
in spiritu vini, nitri & vitrioli! quatenus tam  
inmutata ex his iterum praecipitari potest,  
quam camphora! Alia discrimina omitto.

### §. XXIII.

Illis, qui camphoram pro oleo habent, po-  
test opponi constans ista siccitas, forma crystal-  
lina, quam in calore atmosphaerae nostrae con-  
suetudo nunquam amittit; satis itaque ab oleo  
anisi, foeniculi &c. distincta: porro in aëre li-  
bero tota quanta aufugit, olea autem spissiora  
& tenaciora, ut balsama immo resinam mentian-  
tur, reddita, excepto oleo vini, partem subti-  
liorem & odoratam amittunt; si porro olea sine  
additamento ex retorta destillantur, semper pri-  
mum pars volatilior in excipulum transit, & resi-  
duum quid in retorta superest; camphora autem  
etiam minimis suis particulis, sibi semper par,  
in alembicum, vel excipulum ascendit, ne mi-  
cula quidem relicta. Olea excalescunt cum aci-  
dis mineralibus, immo in flammam exardescunt  
vel certe condensantur; camphora autem colli-  
quescit cum acido vitrioli & nitri, uti glacies  
in aqua calida, nullo erumpente fumo; vel  
flamma, & quod acidum nitri spectat forma ex-  
terna



terna oleum pingue simulat. Praeterea, etiam si camphora forti odore & acri sapore gaudet, tamen acrimonia oleorum aethereorum non pollet. Magnum denique intercedit discrimen inter effectus camphorae & oleorum essentialium in corpus humanum, quamvis illud pro argumento diversitatis allegare nolim, quia observationibus FR. HOFFMANNI testibus una pars olei cinnamomi maiorem calorem efficit, quam decem partes camphorae, & una uncia spiritus vini magis excalescit, quam una drachma camphorae.

#### §. XXIV.

*Aetheris* vel *Naphthae* species ex spiritu vini & acidis paratae magnam omnino monstrant cum camphora similitudinem, attamen non parum differunt, tam forma externa, quam mixture interna, & fortasse etiam principis proximis. Alia est natura aetheris ex spiritu vini & acido quodam parati; alia indolis camphorae; camphora est substantia solida, aether inter omnia fluida maxime fluidus; camphora in aqua indissolubilis, aether solvitur parumper aqua; camphora est filia naturae, aether artis filius, quem haecenus in officina naturae, nunquamprehendimus. Quodsi autem aether naphthae nostrae, ex oleo vini & acido quodam con-

*Op. Med. Vol. III. D*

flatae, similis, naturae opificio oriri posset; tamen propter suam volatilitatem iam oriundo destrueretur, ergo sensibus nostris vix unquam occurreret. Naphthae constant ex oleo vini & acido illo, cuius ope hoc oleum vini ab reliquis suis partibus separatum est; camphora ex oleo aethereo Lauri camphorae, fale acido, & terra quadam subtili, si sequentia mea experimenta spectes, generata esse videtur.

Sic itaque, ut mihi videtur, camphoram fatis differt ab aethere; cui igitur adnumerari non potest.

## §. XXV.

Transeo nunc ad *proprias camphorae dotes*, & quidem praecipue ad singulares illas ad alia corpora rationes. In aëre libero, celerius autem in aëre calido *avolat* camphora *in auras*, ita ut nihil relinquat. Hanc volatilitatem putabant veteres, & nostris adhuc temporibus vulgus, reprimere se posse, si camphoram variis feminibus, quasi custodibus obruerent, vel, quod magis lepidum est, nonnulla tantum eorum grana iis apponebant. Sed hoc utique artificio non opus est, haec semina fugam camphorae non impediunt, & sufficit, eam in vase

bene obturato , vel vesica bovina , loco frigido asservari .

*Exhalationes* camphorae aërem non reddere noxium , quemadmodum effluvia florum , testatur ab MARIGUES (a) quamvis LAGHI (b) & MENGHINI (c) animalia in aëre iis oppleto moriri observaverint . Hae exhalationes fiunt cum phaenomenis quibusdam notabilioribus , & simulant subtiles atomos lucidorum solis radiorum , attamen cum ea differentia , ut splendore argenteo gaudeant (d) . Resolvunt etiam resinam elasticam (e) .

## §. XXVI.

*Gravitas specifica* camphorae est minor , quam pondus specificum aquae , innatat enim ei ; in aqua calida autem liquefit , & sensim sensimque in atmosphaeram avolat .

## D 2

(a) *Exp. & Obs. sur les qualités mephit. des emanat. de plus subst. veget. in* ROZIER *Journ. de phys. T. XV. pag. 372.*

(b) *Comment. Bononiens. T. IV. pag. 85.*

(c) *Comm. Bon. T. III. pag. 312.*

(d) *Hamburg. Magaz. B. IX. pag. 203.*

(e) MARIGUES *l. c.*

## §. XXVII.

In vasis oclusis v. c. retortis *non forma fluida transcendit*, sed *florum in morem sublimatur*, qui in collo retortae se condensant, & massam solidam semilique factam ac transparentem, efficiunt; nullam ex eo labore mutationem patitur, nihil empyreumatis inde concipit, & si alias pura est, nulla sui vestigia in fundo retortae relinquit.

## §. XXVIII.

Camphora est sine dubio quoddam *corpus maxime inflammabile*, quod facillime flammam arripit, & accenditur; ardet etiam in aqua, nive & glacie — ideoque ad ignes artificiales, & graecum ignem (a) adhibetur — flamma inferius alba, superius rubra magna, fulgida & fuliginosa, odoremque camphorae spargente. Attamen non tam facile accenditur, ut sulphur fungo vel fomite ignito.

## §. XXIX.

Camphora solvitur *spiritu vini, acido vitrioli, nitri, salis, aquae regis, aceti Westendorffii*

---

(a) DE MORVEAU l. c. pag. 247.

*methodo concentrati ; aëre sulphureo (a) aëre acidi vitriolici (b) , aëre acidi salis (c) , aëre fluoris mineralis (d) , oleis aethereis , pinguibus & empyreumaticis , & ope machinae Papinianae (e) interventu magnesiaë calcinatae (f) gummi arabici , amygdalorum & fortasse plurium adhuc mucosarum atque oleosarum partium in aqua . Tentavi quidem eam etiam acido sacchari , essentiali tartari , lignorum & aceti non concentrati dissolvere , sed digestio per quatuor & viginti hora protracta nullam sensibilem solutionem efficit , nisi velis odorem camphorae per menstrum diffusum . Quomodo se ad acidum Phosphori , Arsenici , Mo'ybdaenae , Lapidis ponderosi , Fluoris mineralis ; ad varias species aëris , ad plantarum mucilagines , ac oleosos nucleos habeat , alio tempore magis opportuno inquirere constitui .*

D 3

- (a) GMELIN *Eint. in die Chemie* §. 199.  
 (b) WIEGLEB *Handb. d. allg. Chym.* §. 1448.  
 (c) WIEGLEB *l. c.* §. 612. n. 7. PRIESTLEY  
*Exp. and Obs. relat. &c. Sect. IX. p. 227. &c.*  
*Verf. und. Beobacht. Th. II. S. 224. MACQUER*  
*l. c. P. II. p. 580.*  
 (d) GMELIN *l. c.* pag. 208.  
 (e) ZIEGLER *de digest. Pap. Bas.* 1769.  
 (f) BILHUBER *de magnesi. crud. atque calcinat.*  
*cap. VII. pag. 91-93.*

## §. XXX.

Frequentissima & usitatissima solutio camphorae est *spiritus vini camphoratus*. Spiritus vini rectificati uncia una solvit autem unciam dimidiam camphorae, cui solvendae sufficiunt alkoholis vini sex drachmae, si quidem calor externus adhibeatur (a). Solvitur vero etiam in spiritu dilutiori. Si eiusmodi solutio camphorae in spiritu vini facta aeri libero & calido exponitur, summe inflammabilem vaporem, nullum tamen verum inflammabilem aerem exhalat, ita quidem, ut spiritus vini primo in auras abeat, & hunc demum camphora sequatur (b). Si accenditur, primum spiritus, & dein camphora, sed alia flamma, & multa cum fuligine deflagrat. Quodsi hanc solutionem destilles, primum spiritus in vas excipiens transit, quo demum elevato camphora sublimatur; lepida ergo est praescriptio, spiritum vini camphoratum per destillationem praeparare velle. Quodsi tanta camphorae copia in spiritu vini rectificatissimo calore determinato & moderato solvitur, quantam quidem ille solvere

---

(a) FR. HOFFMANN *obs. phys. chem. pag. 121.*  
DURANDE IN DE MORVEAU *Anf. der.*

*Chim. P. III. p. 272.*

(b) DE BAMARE *Diët. de l'hist. nat.* . . .

valet, pro vario frigoris gradu, pars camphorae sponte praecipitatur, & thermometri loco inferre potest.

Affusa solutioni camphorae in spiritu vini factae aqua, camphora praecipitatur, & abit in crystallos; quae praecipitatio, si quibusdam cautelis fiat, specie elegantis vegetationis, quae fasciculos plumarum simulat, delabitur camphora. Sed hoc experimentum requirit diligentiam, definitas proportiones camphorae, spiritus vini, aquae & certos caloris gradus (a).

#### §. XXXI.

*Acidum vitriolicum* aqua multa temperatum camphoram non solvit. Tentavi solutionem cum acido vitriolico, quod vulgo oleum vocant, aequali aquae copia diluto. Quum tamen nullam conspicerem eius efficaciam, in quiete reposui vitrum, in quo experimentum feceram, leviter charta testum; tamen aliquo temporis spatio praeterlapso nihil amplius camphorae conspicuum erat: utrum autem, quum nescirem, soluta fuerit, an exhalaverit, addidi sat magnam aquae, ut camphora

D 4

---

(a) *Mem. de l'academ. de Paris ann. 1746. p. 443.*  
*Neu. Amb. Mag. B. X. St. 61. S. 78.*

praecipitaretur; copiam; sed incassum; ex quo conieci avolasse eam, nullo sui vestigio relicto; aquae enim ne saporem quidem, vel odorem camphorae conciliaverat istud acidum. A fortiori autem acido vitriolico solvitur absque omni quidem effervescencia, sed cum non exigua incalescentia, ita ut quatuor fere acidi partes uni parti camphorae solvendae pares sint (a), vel secundum Cl. WENZEL ut 836. ; ad 240. (b). Nascitur ex isto connubio massa uniformis, spissa, nigra vel ruffa, quae calore fota picis in modum fluit, in frigore coagulatur; cum spiritu vini se miscet, affusa autem aqua, camphora nullatenus mutata cedit. Solutio ipsa vero camphorae odorem spirat, quamvis affundendo maiorem olei vitrioli copiam, magis magisque evanescentem, ast de-nuo prodeuntem, si aqua affundatur. Neque illud phaenomenon memoratu certe indignum est, quod si huic experimento oleum vitriolicum excolor adhibueris, etiam post secessum nullo tinctu perfusum appareat, cum tamen alias minima corporis cuiusdam inflammabili principio impraegnati micula illi tingendo sufficiat: pertinet sane & haec inter alias camphorae summopere in-

(a) GMELINS *Chemie* §. 176.

(b) WENZELS *Lehr. v. d. Verwandtsch. d. Körper*.  
p. 91.



flammabilis dotes quam maxime singulares, quod vitrioli oleum ab eo redeat nullo colore tinctum. Si magma illud ex acido vitrioli concentrato & camphora constans ignis vi, qua vapores & camphoram & sulphur ardens olentes quam copiosissimos eructat, inspissatur, remanet in fundo vasis massa spissa & nigra, resinae similis, quae in aqua non dissolvitur. Hanc massam LE GENDRE ex retorta destillavit, & sulphur & oleum aethericum obtinuit (a). MONNET autem vidit, cum camphoram, oleum vitrioli & spiritum vini inter se mista destillavisset, oleum, aetheri simile, quod spiritu vini solvebatur, aqua autem affusa nullam camphoram dimittebat, transire, ideoque illud *Aetherem camphorae* (*ether camphoré*) denominavit. Residuum terrestre ac resinosum simulabat *asphaltum*, atque eluendo aqua fervida maiorem acquiescit soliditatem, & quemdam quasi elaterem (b). Una pars camphorae quatuor partibus spiritus vitrioli, & una parte acidi vitrioli concentrati, & quatuor partibus aquae constantis, non solvebatur, sed calore quum promovere solutionem conarer, in collum phiolae sublima-

---

(a) LE ROUX *Journ. de Med.* Vol. XXXVI. p. 247.

(b) ROZIER *Journ. de Phys.* T. V. p. 456.

batur. Quum loco spiritus vitrioli spiritum aluminis fortem fumerem, idem accidit.

### §. XXXII.

*Acidum Nitri* solvit camphorae, prouti aquae magis vel minus expers est, maiorem vel minorem copiam. Spiritus nitri concentratissimus & fumans solvit septem ad octo partes camphorae; (a) & secundum Clar. WENZEL 240. partes 1724. (b). Fit illa solutio tranquille absque incalescentia; acidum in frigore fluidum permanet, in duas partes autem sponte secedit, superiorem colore & fluiditatis specie oleum amygdalarum referentem, & oleum camphorae causticum dictum. Pars quaedam acidi nitrosi connubium cum camphora renuit, atque fundum vitri instar humoris ab oleo supernatante seiuncti occupat. Oleum ipsum causticum autem spiritu vini absque ulla perturbatione solvitur. Sufficiente tamen copia aquae affusa, hi humores turbidi fiunt, & lactei, ac camphora ob maiorem aquae cum nitri acido affinitatem praecipitatur, primo fundum petit, etiamsi ante

(a) GMELIN l. c. §. 187.

(b) WENZEL. l. c. p. 122.

solutionem aquae supernataret camphora, forsan;  
 quia partem acidi nitrosi secum abripit, quae  
 gravitatem eius specificam auget, quodsi enim  
 aqua acidum abluis, flocculi camphorae in su-  
 perficiem ascendunt vel innatant. Memoratu au-  
 tem dignum est, quod; si huic misto maior  
 aquae copia affundatur, & istud in amplis la-  
 genis vitreis diligenter quassetur, camphora prae-  
 cipitata perfecte rursus solvitur, quod etiam de  
 reliquis camphorae solutionibus, tam cum spiritu  
 vini, quam cum acidis factis, valet (a). Cae-  
 terum autem hoc acido non mutatur camphora.  
 Quod superest acidi nitrosi, hoc labore, tum  
 quod phlogisto camphorae elcuratum sit, tum  
 quia maxima pars salis acidi in oleum campho-  
 rae causticum transiit, valde debilitatur; ita ut  
 nunc longe minorem camphorae copiam solvat.  
 Commiscendo *camphorae oleum causticum* cum  
 aequali copia *spiritus salis ammoniaci*, oritur ef-  
 fervescentia, exsurgit vapor, augetur calor, at-  
 que omnis camphora abit in coagulum, utcun-  
 que solidum album, leve, summe attenuatum,  
 fatisci supernatans, & fortem atque penetrantem  
 odorem spargens. Idem accidit; si loco *spiritus*  
*salis ammoniaci volatilis lixivium salis alkali fixi*

---

(a) L. c. p. 120.

adhibetur ; utroque enim præcipitatur camphora . Si destilles *oleum camphoræ causticum* leni ignis calore , ascendit primum nitri acidum limpidum ingrati & penetrantis odoris ; tum sequitur alba & dein flavo colore tincta camphora . Finita destillatione invenitur in retortæ fundo massa dura , nigra & resinosa . Excepto mercurio vivo , camphora nullo alio metallo vel terra ex oleo caustico , etiamfi omnia alia metalla immo ipsum argentum maiori cum acido affinitate gaudeant , præcipitabatur , quod alia metalla mox ab initio a paucis præcipitatae camphoræ partibus instar solidæ , vitri speciem habentis crustæ obducuntur , ita , ut ulterior in metalla & terras acidi ingressus impediatur . Quia mercurius autem fluidus est , & tali cortice obduci non potest , acidum libere mercurium solvit , & camphora præcipitabatur (a) ,

### §. XXXIII.

Uncia *acidi salis summopere concentrati* soluit quatuor drachmas & viginti grana camphoræ (b) vel 240. partes 130 $\frac{1}{2}$  (c) & cum ea in

(a) L. c. p. 121.

(b) GMELIN l. c. §. 196.

(c) WENZEL l. c.

formam olei albi coagulati abit; sed solutio tam imperfecta & inconstans est, ut camphorae maxima pars sponte rursus separetur, praecipue in loco calido.

#### §. XXXIV.

Camphora cum duabus partibus *aquae regiae* digesta, solvitur quidem sensim sensimque, sed, cum spiritus salis tantummodo exiguam efficaciam in camphoram exserat, is effectus soli fortitan acido nitri adscribendus est.

#### §. XXXV.

Drachmae duae camphorae cum unciiis quatuor *aceti destillati*, in balneo arenae digestae, non solvebantur, sed in altum ascendebant. Neque potentius egerunt acida *lignorum*, *sacchari* & *tartari*. *Acetum* autem, *Westendorffii modo depuratum ac concentratum*, soluit dimidiam partem sui ponderis. Haec solutio ita inflammabilis est, ut maxima eius pars deflagret. Ex hac etiam aqua camphoram praecipitat. (a).

---

(a) WESTENDORFF *diff. de opt. acet. com.* &c.  
§. 59.

## §. XXXVI.

*Alkalia* nihil in camphoram agunt , nam una pars camphorae in sex & pluribus partibus *spiritus salis armoniaci caustici* loco temperato per tres dies digesta , nullam ostendebat sensibilem solutionem : & camphorae una pars cum in *olei tartari per deliquium nati* octo partibus in balneo arenae digesta , tantum abest , ut solveretur , ut potius tota altum peteret (a) .

## §. XXXVII.

In *aqua simplici* non solvitur quidem camphora , attamen diu cum illa digesta , vel accensa aliquem illi conciliavit odorem , atque urentem saporem . Vidit etiam ingeniosissimus ZIEGLERUS , eam si machinae a PAPINO denominatae , una cum aqua committatur , cum flavo colore in hanc transire , & constantissime misceri .

## §. XXXVIII.

Facilius autem solvitur camphora in *oleis aethereis & unguinos* . *Oleum terebinthinae* so-

---

(a) CRELL , *Chemisch. Archiv. B. II. p. 299.*

luit quartam partem sui ponderis, ita tamen; ut adfusa aqua camphora non praecipitetur. Si destillatur levi ignis calore haec mistura, transit turbidus ex albo flavus latex, odore suo propius accedens ad oleum terebinthinae, quam quidem ad camphoram. LEMERY quidem refert, hoc labore nullam camphoram propria sua forma sublimari, nec affusa aqua ex fluido in vas excipiens transtillante praecipitari (a); at NEUMANN asserit contra LEMERY, semper aliquid camphorae sublimari, quotiescumque etiam destillatio eiusdem misturae repetatur. In fundo retortae nunquam non remanet residuum quid resinae aemulum (b). Quodsi camphora cum terebinthina cocta coniungatur, restituit quasi, quod perdiderat essentielle oleum, & aliqua ex parte pristinum statum (c). DURANDE mixtam cum terebinthinae oleo camphoram phiolae commissam balnei arenae calore fovit, atque diu etiam continuato igne paululum tantum camphorae in altum egit, superflite in fundo retortae resina rubra, quae in spiritu vini dissolvebatur, & eo

(a) *Hist. de l'acad. Roy. des Sc. a Paris ann. 1795. avec les mem. de math. & de phys. a Amst. 1746. p. 47.* CRELL, *Chem. Arch. B. II. p. 295.*

(b) NEUMANN *Chem. Med. P. I. p. 526.*

(c) *Gazette de Santé ann. 1772. Nro II.*

aquae ope non albo tamen ut camphora, sed flavo tincta colore praecipitabatur, odore etiam ex odore camphorae & terebinthinae quasi commisto (a): Haec observatio videtur omnino non exiguam camphorae cum oleis aethereis affinitatem probare.

### §. XXXIX.

*Olea pinguis v. c. olivarum, amygdalorum* &c solvunt quartam, immo etiam dimidiam sui partem camphorae, quae autem destillata, iterum secedit, & sublimatur: Si camphora cum *amygdalis* cortice suo denudatis teritur, vel contunditur, & sensim sensimque aqua additur; tum camphora solvitur, & mediante amygdalarum mucilagine cum aqua coniungitur. Cum *vitello ovi* coit camphora, & eius interventu cum aqua; solvit autem unus vitellus eius circa scrupulos duos.

### §. XL.

Nec tam facile, neque tanta copia coniungit

---

(a) DE MORVEAU &c. *Anfangsgr. der Chemie*  
Th. III. p. 271.



git se camphora cum *saccharo*, & eius adminiculo cum aqua; atque ex hac solutione facile separatur. Sed etiam *varia gummata* v. c. *gummi arabicum*, *tragacanthae* reddunt camphoram aqua solubilem, si illorum circiter partes duae cum camphorae parte una teruntur, & dum hoc fit, aqua sensim sensimque affunditur.

### §. XLI.

Si camphorae & *magnesia* igne *ustae* partes aequales per aliquot minuta conteruntur, & inter tritrandum pedetentim aqua affunditur, obtinetur solutio, quae praevia filtratione clara, & camphora largiter imbuta per octo & plures dies pellucida perstat, ideoque usui forsan medico inservire poterit (a).

### §. XLII.

Camphora cum tribus vel quatuor partibus *argillae* vel *lapidis pumicis*, vel *terrae sigillatae*, vel *salci*, vel *ossium calcinatorum*, vel *salis communis*, vel *tartari usti &c.* destillationi subiecta  
*Op. Med. Vol. III. F*

---

(a) BILHABER *de magnesi. crud.*, atque *calc.*  
*cap. VII. pag. 91.*

abit, testibus priscis, in arte magistris, partim in oleum, partim immutata sublimatur camphora. & si ea, quae in altum elevata fuit, denuo cum una ex supra dictis materia igni exponatur, idque toties, quoties adhuc camphora non mutata ascendit, repetatur, tandem omnis camphora in olem transmutari refertur (a). KESLERUS docet, oleum camphorae, ut quidem appellat, per se sequenti modo praeparare: *recipe camphorae quantum vis, include eam in cucurbita, cui impone aliam inversam, & iuncturis bene munitis institue sublimationem in cineribus leni igne. Si maxima ex parte camphora in superiorem cucurbitam inversam elevata fuerit, eam inverte, colloca in cineribus, iterum sublima, & inversionem toties repete, donec camphora per se abeat in oleum (b).* Fateor equidem ingenue, me de hoc eius laboris eventu adhuc dubitare. Si autem loco materiarum supradictarum *sapo venetus* recipitur, destillatur & cohabatur, obtinetur *oleum camphorae* sic dictum *antarthriticum* (c).

(a) MOEBII *anat. camph. Ienae 1660. pag. 43.*

(b) KESLERI *centuria 4. pag. 66.*

(c) NEUMANNI *chem. P. I. pag. 526.*

## §. XLIII.

A longo abhinc tempore chemici oninem navarunt operam, ut camphoram in *saponem* co-gerent, sed incaſſum, donec perito pharmacopoeiae Berolinenſi BINDHEIM ſucceſſerit, neque tamen ſine intermedio aliquo corpore: ſolvit autem drachmas duas camphorae in ſex drachmis olei amygdalarum, affundit ſenſim duas drachmas alkali cauſtici in tribus unciiſ aquae deſtillatae ſoluti; leni igne ſubſtrato exhalat aqua, qua pene exhausta affunditur denuo ſub perpetua liquoris agitatione aliquid liquoris alkalinii, & ſic obtinetur ſapo perfectus, qui mercurium dulcem non denigrat, tam in ſpiritu vini, quam aqua perfecte ſolvitur, ac penetrante ſapore & odore camphoram reſert. Solutio huius ſaponis in aqua facta camphoram ſecum per chartam grifeam ducit, nec ſponte ſua camphora praecipitatur (a).

## §. XLIV.

Camphora ſola ſublimationi ſubieſta vaſis bene clauſis, & igne moderato, liqueſcit primo inſtar clari olei, tunc avolans vaporis forma ſu-

F 2

---

(a) CRELL *neueſte Entdeck Th. XI. pag. 113.*

periori vasorum fornici specie perpulchrorum ex argenteo alborum florum, qui odorem rosmarino similem, sed fortiolem & penetrantiolem spirant, ab camphora ipsa autem forma tantum differunt, se adfigit. Si camphora cum *Benzoë* commista sublimatur, obtinentur flores compositi ex utroque scilicet constantes. Eodem pacto potest etiam cum aliis corporibus coniungi. Reliqua praeeparata pharmaceutica, quae ad cognoscendam veram camphorae indolem nihil lucis adferunt, omitto.

#### §. XLV.

Si duodecim aut quindecim frustula camphorae lineam longa & lata, vel minora in superficiem purae aquae, qua vas e vitro vel sulphure vel resina confectum, repletur, conijciuntur, tam diu perpetuo agitantur motu, donec soluta sint, quod tempore aestatis dimidiaec circiter horae spatio fieri solet, nisi potius in auram avolent; sit tamen fides apud clarissimum ROMIEU, qui, quantum ego quidem novi, primus hinc observationem instituit. Si tota superficies aquae frustulis camphorae obtegatur, nullus oritur motus. Si haec frustula quatuor lineas superent, nullus pariter motus apparet, nisi quidem pars eius accendatur: si frustula par-

vos oblongos figura sua cilindros referunt, fit motus mox circularis, mox spiralis vividior & magis sensibilis, id, quod etiam accidit, si aqua calida sit. Observantur saepissime, si frustula haec ad se propius accedunt, manifesti motus attractionis & repulsionis. Lentis vitreae ope animadvertitur sub illis frustulis in superficie aquae exiguum cavum, sicuti oriretur, si ex inferiori parte frustulorum camphorae flumen aëris prorumperet. Affuso vini spiritu desinit subito motus, uti etiam, si superficies aquae digito, vel metallico vel ligneo baculo tangatur; id tamen non contingit, si aqua bacillo vitreo vel sulphureo vel cera hispanica contingitur. In vase cupreo vel ferreo nullus notabilis motus apparet, sed sibi appropinquant solummodo in media superficie aquae frustula camphorae, debilibus exacta motibus congregantur, & immobilia postea ibi manent. Eo felicius autem perficitur hoc experimentum in vase e vitro, vel resina vel sulphure facto. Ex his concludit Clar. ROMIEU, haec phaenomena effectus electricitatis, & camphoram electricitati illi solum propria praeditam esse (a).

F 3

---

(a) *Mem. de l'acad. des Sc. à Paris ann. 1756. p. 50. N. Hamb. Magaz. B. X. St. 61. S. 90.*

## §. XLVI.

Quod ad Cl. ROMIEU observationes attinet, reiterata eius experimenta illas confirmarunt, sed conclusio huius celebris viri ab eis ad electricitatem camphorae propriam, videbatur mihi suspecta, & nimis accelerata esse: rogabam ergo praeceptorem meum praestantissimum, Celeberrimum LICHTENBERG, ut in hanc rem denuo inquireret, quam quidem benevolentiam mihi praestitit, post aliquot dies sequentes mittendo litteras (\*).

---

(\*) Epistolam Viri celeberrimi, *Germanico* idiomate hic insertam, eadem ex ratione in latinum vertere nolui, ex qua ipse Dissertationis Auctor, meus quondam in Clinicis Auditor diligentissimus, eandem immutatam communicare voluit. Versionem interim *Italicam* in nota hic addere, iussit mea pro Publico, in cuius usum haec colligo, veneratio, ipsaque Epistolae dignitas. Meliori hanc versionem confidere non potuissem, quam Illustrissimi, & Amicissimi Viri ALEXANDRI DE VOLTA, in rebus physicis tam felici, tamque celebri calamo. Repetiit hic, mea in praesentia, experimentum cum *Camphora*, quam certe *non parva* vi electrica, sed sulphuri ferme aequali pollere, demonstravit. Motus particularum Camphorae aquae puriori, nec ullis particulis viscidis aut solidis conspurcatae commissarum, singularis, cuique ex his proprius est, & *rotatorius*, neque, prout nobis apparuit, a vicinis, aut a specifica inter se attractione depen-

Ew.

- » freundschaftlichem Verlangen Zufolge habe ich  
 » dasjenige , was Hr. ROMIEU am Ende der  
 » bewußten Abhandlung von einer besondern

F 4

dens. Videtur & Illustri DE VOLTA clarum , hunc motum particularum Camphorae in aqua suspensarum , non ex vi Camphorae *electrica* , sed ex effluviis quasi explosione factis derivandum esse : ita ut motus , a principio parvus , motui praecedenti superadditus , *rotationis* celeritatem super axi moleculae propria , augeat , quemadmodum id fieri videmus in praeparationibus ex pulvere pyrio factis , ignivomis , quarum motus rotatorius eundo semper increfcit . In aqua frigida haec minus cito absolvuntur ; quam dum ferrum candens , aquae , cui Camphorae particulae commisae sunt , propius aliquamdiu tenetur : quo fit , ut longe maior celeriorque particularum motus evadat , ob auctam , ut videtur , vi caloris , molecularum exhalationem *elasticam* . An forte haec Phaenomena ex eo derivanda essent , quod effluvia Camphorae , ab aqua ( cuius in Camphoram solvendam nulla est potentia ) , recusentur , hanc ipsam a Camphora repellant , dato inter aquae columnas spatiolo aufugiant , hincque motum aliquem particulae Camphorae communicent , quae , dum interim aut fundum petit , aut ad latera vasis trahitur , in *vorticem* abripitur ?

*Per corrispondere all' amicizia . e al desiderio di V. S. ho esaminato ciò , che il Sig ROMIEU dice alla fine del noto Trattato intorno*

„ Electricität des Camphers sagt , untersucht ,  
 „ und habe die Ehre Ihnen hierbey das *haupt-*  
 „ *sächlichste* von dem , was ich bemerkt habe ,  
 „ mitzutheilen “ .

*ad una particolare elettricità della Canfora ; ed ho l' onore di comunicarle il sostanziale di quanto ho colle mie ricerche osservato .*

*Allorchè si gettano de' piccoli pezzetti di Canfora sopra l' acqua , si attraggono prima l' un l' altro , e si stringono insieme , indi tosto , massime se l' acqua è calda , si osserva un moto intestino fra que' pezzetti , i quali spesso pare proprio che si ripellino . Or questo congettura il Sig. ROMIEU essere un fenomeno dell' Elettricità ; e ciò perchè ; 1. la prova riesce solamente in vasi di corpi non-conduttori , e non in vasi di metallo ; 2. perchè anche in vasi non-conduttori cessa tantosto il sopra indicato moto , ove venga a toccarsi l' acqua con un conduttore .*

*Io debbo confessare , che tosto e al primo aspetto mi parve assai dubbia e sospetta una tale ipotesi ; e principalmente per le due seguenti ragioni . Primieramente la Canfora non possiede che una picciolissima Elettricità originaria , a segno che MUSSCHENBROECK la colloca tra i*



» Wenn man kleine Stückchen Campher  
 » auf Wasser wirft , so ziehen sie einander an ,  
 » und bald darauf , zumal wenn das Wasser  
 » heis ist , bemerkt man eine innere Beweg-

*conduttori perfetti . Quantunque questo non sia giusto a rigore , come mostrerò più abbasso , gli è però costante , che la Canfora è considerabilmente deferente ; e l' Elettività , che si può eccitare in piccioli pezzetti della medesima per via di strofinamento , appena è percettibile , se con artificj non si rinforza . In secondo luogo , quand' anche i pezzetti di Canfora fossero effettivamente elettrici quanto mai esser lo possono così piccioli corpi , non si comprende come nuotanti nell' acqua , anzi intieramente tuffati , possano per Elettività attrarsi e ripellersi . L' Elettività in vece di formare loro d' attorno un' atmosfera , verrebbe a comunicarsi all' acqua , e a diffondersi equabilmente ; e allora non potrebbero essi attrarsi mutuamente o ripellersi più di quello che facciano due pallottoline di sughero elettrizzate in uno spazio vuoto d' aria . Ma queste sono teorie ; e non è così , che combatter si deono le sperienze di uomini rinomati : vengo pertanto ad esporre ciò , che le mie proprie ricerche mi hanno insegnato ,*

*I vasi , di cui mi sono servito , furono na*

» ung unter diesen Stückchen , und es läßt  
 » oft als wenn sie sich abtheilen . Diese Er-  
 » scheinung vermuthet Hr. ROMIEU , sey eine  
 » Wirkung der Electricität , und zwar , weil

*bicchiere di vetro lucido e mondo , una tazza di  
 porcellana , che isola tanto bene quanto il miglior  
 vetro , e un campanello da tavola d' ottone ,  
 quale , perchè si reggesse come il volea , posi in  
 un cilindro di lastra similmente d' ottone . Quest'  
 ultimo vase io lo scelsi per la ragione , che la  
 sua forma mi dava luogo a ridurvi la superficie  
 dell' acqua ad una estensione presso a poco egua-  
 le a quella che offrivà l' acqua degl' altri due  
 vasi .*

*Or quando infusi l' acqua ne' vasi , vi gettai  
 sopra , o raschiai la Canfora , corsero i minuzoli  
 in tutti e tre i vasi , parte verso le pareti , e  
 parte gl' uni verso gl' altri . Che questo sia un  
 effetto dell' Electricità certo niuno vorrà seriamen-  
 te sostenerlo , potchè è cosa che succede con tutti  
 i corpicelli nuotanti , che dall' acqua non siano  
 attaccati , e con tutti anzi , quanti almeno ne ho  
 io sperimentati , meglio che colla Canfora , e ciò  
 per ragioni , che sono abbastanza note : quindi è  
 che neppure il Sig. ROMIEU pretende tal cosa ;  
 ma soltanto ascrive all' elettricità un certo moto*

» 1) der Versuch nur in Gefäßen aus *nichtlei-*  
 » *tenden* Körpern gelinge, aber nicht in metall-  
 » *lenen*, 2) weil die Bewegung selbst in *nicht-*  
 » *leitenden* Gefäßen so gleich aufhört, wenn  
 » man das Wasser mit einem leitendem berührt.

*intestino, di cui verrò tantosto a parlare, il quale però anch' esso riconosce la medesima cagione combinata con un' altra. Se i frammenti non sono assai grossi, e se l'acqua è calda, si osserva tosto un interno movimento di questi corpicciuoli; alcuni vanno rotando, s' allontanano alcuni, e fuggendosi corrono verso altri, e avvien finanche, che un intiero sistema dei medesimi, cioè molti insieme uniti si staccino come violentemente dal grosso mucchio ec. Tutto questo ho io osservato in tutti tre i vasi; cosicchè appena comprender posso come sia ciò sfuggito al Sig. ROMIEU; poichè sebbene la prova non riesca sempre, singolarmente quando l'acqua non è molto calda, e la camera al di più è fredda, riesce però immancabilmente col caldo, massime se non si fa che raschiare la Canfora sopra l'acqua. Io non ho potuto assolutamente trovare alcuna differenza tra il vaso isolato, e il non isolato, se non che una volta un tale sistema di corpicciuoli fu respinto dalle pareti del campanello metallico, ciò*

» Ich muß bekennen , daß mir gleich  
 » beym erstem Anblick diese Hypothese ver-  
 » dächtig vorkam ; und zwar hauptsächlich  
 » aus folgenden beyden Ursachen . Einmal  
 » besitzt der Campher eine sehr geringe eigne

*che non ho mai veduto accadere col vetro e col-  
 la procellana . Inoltre essendo una volta l'agi-  
 tazione de' minuzoli nel vaso di vetro assai for-  
 te , vi tuffai un fil d' ottone , tenendone l' altro  
 capo in mano ; e l'agitazione , e il tumulto con-  
 tinuò come prima : ma immergendovi il bulbo di  
 un termometro , tutto si acchetò all' istante , nè  
 più ripigliò il commovimento , quantunque l' ac-  
 qua fosse tanto calda , che il termometro di  
 FAHRENHEIT salì a 130. gradi ( 43. e mezzo  
 circa di REAUMUR ) . Una tal quiete de' no-  
 stri corpicciuoli può avere più cagioni , tralle quali  
 sol due ne addurrò io quì . In prima la superfi-  
 cie dell' acqua in così piccioli vasi viene notabil-  
 mente mutata di figura , e quindi in certo qual  
 modo più arcata e tesa , allorchè vi s' immerge  
 un grosso corpo ; e ciò che basta ad interrompere  
 e a far cessare tutti que' moti : come altresì ba-  
 sta , ove mai il bulbo non sia del tutto netto e  
 mondo , la minima pellicola ch' indi venga a for-  
 marsi sull' acqua .*

„ Electricität , so dafs ihn MUSSCHEMRROK  
 „ so gar unter die volikommenen Leiter setzt .  
 „ Ob nun gleich dieses nicht ganz richtig ist ,  
 „ wie ich unten zeingen werde , so leitet er

*Tralascio ancora alcune altre prove fatte col Condensatore del Sig. VOLTA , le quali mi hanno convinto , che nulla vi ha quì che fare l' Elettricità .*

*Ma qual è dunque la cagione di questi singolari movimenti ? Nessun' altra io penso che la seguente . I minuzoli della Canfora si attraggono , come tutti i corpicelli leggeri , che galleggian sull' acqua , per cagioni già note da gran tempo ; quelli però riuniti non rimangono in quiete come gli altri corpicelli fanno , per la ragione , che mercè la grande loro volatilità cambiano ad ogni momento di figura , e di massa . Un sistema di corpi , che si attraggono l' un l' altro fino a comporsi alla quiete , già più non si mantengono in essa , e di leggeri vengono turbati , qualora cambino di figura , di massa , e di volume . Facciasi che alcune piccole prominenze , con cui si toccano , e stanno aderenti due pezzetti di Canfora , svaporando scompajano ; ne verrà da ciò , che se per di dietro , o ai lati siano più fortemente attratti , si spicchino indi , e si svellano*

„ doch beträchtlich , und die Electricität , die  
 „ man kleinen Stückchen durch reiben giebt ,  
 „ ist ohne Kunstgriffe kaum merklich . Ferner  
 „ waren die Stückchen Campher auch wü-

*uno dall' altro , e così discorrendo . Piccioli frammenti di carta gettati sull' acqua concorrono insieme , e come accozzati si sono , così rimangono quieti e tranquilli : se si potessero ora successivamente impicciollendoli trasformare alcuni in circoli , altri in parallelogrammi , ed altri in triangoli di tutte le sorti , chi non vede , che ne nascerebbe un turbamento e commozione di tutti insieme , simile a quello , di cui si tratta ? Or così avviene appunto ai pezzetti di Canfora galleggianti nell' acqua calda . Per nulla dire , che l' evaporazione , e dissoluzione nell' aria , che fassi con tanta rapidità , può già di per sè conciliare al corpicino qualche movimento ; lo che senza dubbio è la cagione di quella agitazione , che si osserva peranco ne' pezzetti solitarij . Ma di ciò abbastanza . V. S. vede , che questa spiegazione è più naturale , che di ricorrere ad un' elettricità , di cui altronde non ci si mostra il minimo indizio , e la quale , quand' anche v' intervenisse , non sarebbe possibile , che in questa maniera si manifestasse .*

„ li h so electrisch , als es nur so kleine Kör-  
 „ per s.yn können , so sieht man gar nicht ,  
 „ wie sie auf dem Wasser schwimmend , ja  
 „ ganz *benäze* , sich durch Electricität ziehen  
 „ und abstoßen können . Die Electricität an-

*Se luogo opportuno fosse questo , potrei addurre a V. S. eziandio varj altri movimenti , che ho osservati ne' fluidi , i quali molto più ancora rassomigliano a quegli eccitati dall' elettricità , eppure niente hanno che fare con essa ; potrei mostrargliene franche alcuni , che hanno l' aria di moti animali , e i quali , quantunque non mi abbiano portato ad aderire all' opinione di BUFFON circa gl' animalculi delle infusioni , han però fatto tanto in me , che non truovo poi l' opinione di questo grand' uomo così ridicola , come da molti è riguardata .*

*Ho detto di sopra , che MUSSCHENBROECK pone la Canfora tra i corpi non elettrici ( Introd. ad Phil. Nat. §. 875. ) ; essa per altro può acconciamente , ed egualmente bene essere annoverata tra gli elettrici . Con un grosso pezzo di Canfora , che ho stropicciato con frenella ben netta non solamente ho levato in alto de' corpicelli leggeri , ma ho potuto finanche , mediante il Condensatore di VOLTA ,*

„ stat eine Atmosphäre um sie zu bilden , wurde  
 „ sich dem Wasser mittheilen , und sich gleich-  
 „ förmig in demselben verbreiten , und alsdenn  
 „ könnten sie sich einander so wenig ziehen ,  
 „ oder abstossen , als zween electrifirte Kork-  
 „ kügelchen im Luftleeren Raum . Allein Er-  
 „ fahrungen von berühmten Männern muſs man  
 „ niht mit Theorie bestreiten wollen , ich  
 „ will also sagen , was mich meine Versuche  
 „ gelehrt haben “ .

„ Die Gefäſſe , deren ich mich bedient ,  
 „ waren ein reines Weinglas , ein porcellanes  
 „ Tasseuköpfchen , das so gut isolirt , als das  
 „ beste Glas , und eine messingne gemeine Hand-  
 „ glocke , die ich , damit sie gut stünde in  
 „ einen Cylinder auf Messingblech setzte . Dieses  
 „ letztere Gefäß wählte ich deswegen , weil  
 „ mich seine Form in den Stand setzte , die  
 „ Wasser Fläche darin ohngefähr so groß zu  
 „ erhalten , als in den beyden andern . Als ich  
 „ Wasser in die Gefäſſe goß und den Campher  
 „ hinein warf oder schabte , so flogen die  
 Stückchen

*eccitare delle scintille . La sua elettricità fu ne-  
 gativa .*

*Ho l' onore di essere ec.*



„ Stükchen in allen drey Gefässen theils gegen  
 „ den Rand , theils gegen einander zu . Dafs  
 „ dieses eine Wirkung der Electricität sey ,  
 „ wird wol niemand im Ernst behaupten , denn  
 „ dieses geschieht bey allen schwimmenden Kör-  
 „ perchen , die vom Wasser nicht angegriffen  
 „ werden , und bey allen , die ich wenigstens  
 „ versucht habe , besser als beym Campher ; die  
 „ Ursachen davon sind bekandt ; auch sag Hr.  
 „ ROMIEU dieses nicht , sondern er schreibt ,  
 „ nur eine gewisse innere Bewegung , von  
 „ der ich gleich reden werde , der Electricität  
 „ zu , deren Ursache aber doch aus dieser und  
 „ einer andern zusammen gesetzt ist . Sind die  
 „ Stükchen nicht sehr grofs , und das Wasser  
 „ warm , so bemerkt man bald eine innere  
 „ Bewegung in diesen Körperchen ; manche dre-  
 „ hen sich , entfernen sich von einander , und  
 „ fliegen nach andern , auch reist sich wohl  
 „ ein ganzes System derselben vom grofsen  
 „ Haufen loss u. s. w. Dieses habe ich in allen  
 „ drey Gefässen bemerkt , so dafs es mir kaum  
 „ begreiflich ist , wie Hr. ROMIEU dieses hat  
 „ übersehen können : denn obgleich der Ver-  
 „ such nicht immer gelingt , zumal wenn das  
 „ Wasser nicht sehr warm , auch das Zimmer  
 „ kalt ist , so gelingt es doch gewifs mit  
 „ heifsem , wenn man zuml den Campher blos

„ auf das Wasser *schabte*. Ich habe schlechter-  
 „ dings keinen Unterschied zwischen dem isolir-  
 „ ten und nicht isolirten Gefäß finden können,  
 „ es mußte denn der seyn, daß einmal ein fol-  
 „ ches System von Körperchen selbst von dem  
 „ Rand der *metallenen Gloke* abgestoßen wurde,  
 „ welches ich bey dem Glas und Porcellan nie  
 „ gesehn habe. Ferner als einmal die Bewe-  
 „ gung im Glase heftig war, steckte ich einen meß-  
 „ singnen Drat hinein, den ich mit der Hand  
 „ hielt, und sie dauerte fort, als ich aber die  
 „ Kugel eines Thermometers hinein brachte,  
 „ und alles plötzlich still, und sie fing nicht  
 „ wieder an, obgleich das Wasser so heiß war,  
 „ daß das Fahrenheit'sche Thermometer auf 130.  
 „ stieg. Dieses Stillestehn kann mehrere Urfa-  
 „ chen haben, worunter ich jetzt nur zwey  
 „ anführen will: einmal wird die Oberfläche  
 „ des Wassers in so kleinen Gefäßen merklich  
 „ verändert, und gleichsam wie stärker ge-  
 „ spannt, wenn man einen grossen Körper hi-  
 „ nein bringt, und denn, wenn vielleicht die  
 „ Kugel nicht ganz rein, und bey dem minde-  
 „ sten Häutchen auf dem Wasser hört alles  
 „ auf. Ich übergehe hier noch einige andere  
 „ Versuche vermittelt Hr. VOLTA'S *Condensa-*  
 „ *tor*, die mich überzeugt haben, daß gar  
 „ hierbey nicht an Electricität zudenken ist.

„ Was ist aber denn die Ursache dieser  
 „ sonderbaren Bewegung? Mich dünkt, keine  
 „ andere, als folgende: die Camphertheilchen  
 „ ziehen sich, wie alle leichte Körperchen,  
 „ die auf dem Wasser schwimmen, aus längst  
 „ bekannten Ursachen, an; sie ruhen aber nach  
 „ dieser Vereinigung nicht wie die andern,  
 „ deswegen, weil sie durch ihre Flüchtigkeit  
 „ jeden Augenblick ihre Figur, und ihre Masse  
 „ verändern. Ein System von Körpern, die  
 „ sich einander ziehen bis zur Ruhe, kan nicht  
 „ leicht mehr ruhen, so bald diese Körper ihre  
 „ Figur, und Masse und Volumen, ändern.  
 „ Kleine spitzen, mit denen ein Paar Campher-  
 „ theilchen an einander hängen, verfliegen,  
 „ dadurch werden sie, wann sie von hinten  
 „ stärker gezogen werden, nunmehr weit auf-  
 „ einander gerissen, u. s. w. Kleine Papier-  
 „ schnitzel, auf das Wasser geworfen, verei-  
 „ nigen sich und ruhen; könnte man sie nun  
 „ nach und nach, einige in Cirkel, andere in  
 „ Parallelogrammen, und noch andere in Triang-  
 „ el von allerlei Art verwandeln, so würde  
 „ eine ähnliche Bewegung daraus entstehen;  
 „ aber gerade ein solcher Körper ist der Kam-  
 „ pher auf dem warmen Wasser. Nicht zu ge-  
 „ denken, daß die Verdampfung und Auflöf-  
 „ ung in der Luft allein schon dem Körper

„ eine Bewegung mittheilen kann , und dieses  
 „ ist auch gewis die Ursache der Bewegung ,  
 „ die man in einzelnen Stückchen bemerkt .  
 „ Doch genug hiervon . Ewr. — sehen , daß  
 „ diese Erklärung natürlicher ist , als eine Ele-  
 „ ctricität anzunehmen , von der sich sonst nicht  
 „ die mindeste Spur zeigt , und die , selbst  
 „ wann sie da wäre , sich unmöglich auf diese  
 „ Weise äußern könnte “ .

„ Wäre hier der Ort dazu , so könnte  
 „ ich Ewr. — noch einige andere Bewegungen ,  
 „ die ich in Flüssigkeiten bemerkt habe , an-  
 „ führen , die denen durch die Electricität her-  
 „ vorgebrachten noch viel ähnlicher aussehen ,  
 „ und doch gar mit Electricität nichts zu thun  
 „ haben , und selbst einige , die den thierischen  
 „ gleichen , und die auch wirklich , ob sie  
 „ mich gleich nicht zu BUFFONS Meinung  
 „ von den Infusions-Thierchen übergebracht ,  
 „ doch bewürkt haben , daß ich die Meinung  
 „ dieses grossen Mannes nicht so lächerlich fin-  
 „ de , als sie vielen vorkommt “ .

„ Ich habe oben gesagt , daß MUSSCHEN-  
 „ BROEK den Campher unter die unelectrischen  
 „ Körper setzt ( Introd. ad Philos. nat. §. 875. ) ;  
 „ er kann aber wirklich ganz füglich , oder  
 „ doch eben so gut unter die electrischen ge-  
 „ setzt werden ; ich aber mit einem grossen Stück ,

„ das ich auf reinem Flanel riech , nicht allein  
 „ leichte Körperchen aufgezogen, sondern , ver-  
 „ mittelst VOLTA'S *Condensator* , Funken da-  
 „ durch hervorgebracht . Seine Electricität war  
 „ verneint “ .

„ Ich habe die Ehre mit der vollkommen-  
 „ sten Hochachtung zu seyn

Göttingen

Ew. —

den 6. März

1785.

G. C. Lichtenberg.

Si camphorae frustulum accensum, & in ma-  
 chinae electricae conductorem positum, flamma  
 extincta, electricatur, pars illa camphorae, flam-  
 ma emollita, in filamenta ducitur: quam obser-  
 vationem *Cel. LICHTENBERGIO* debeo.

## §. XLVII.

Sed his praemissis *ad rem ipsam* progredia-  
 mur. Quenam sunt partes constitutivae, quae  
 principia proxima camphorae? Haec, si fieri pos-  
 sit, detegere, & camphoram in ea resolvere,  
 erat princeps huius dissertationis, atque meorum,  
 qui mihi enarrandi supersunt, laborum scopus.  
 Qui me, quod nunc demum huius quaestionis  
 mentionem iniciam, reprehendant, norint, opus  
 fuisse scitu, quid alii in eadem re fecerint, ob-

servaverint, statuerint, priusquam ipse difficilem laborem aggrediar, & experimentis, quantum quidem apud me est, extricem.

## §. XLVIII.

Veteres auctores de principiis camphorae vel altum silentium tenent, vel sulphur sui generis vocant. Ex recentioribus credidit DAVID BECKIUS (a) *eam ob inflammabilitatem acidis salibus*; & IUNGCKENIUS (b) *ob facilem cum spiritibus acidis coitum, alkalinis salibus constare*. HARTMANNUS (c) contendit, *se Mastichen & Sarcocollam cum aceto, nec non Mastichen cum urina destillando, camphoram artificialem produxisse, & sic alterutrum principium salinum in camphora demonstrasse*. LIBAVIUM (d) si sequaris, *ex sulphure & Halinitro constat*; & ex KIHUNRATII (e) opinione, *Nitri naturam imitatur*. WEDELIUS (f) dicit, *eam sulphure, terra & salibus volatilibus inimitabili artificio constatam*

(a) Apud WILISCH *diff. de igne per ignem extinguendo* p. 19. *Wittembergiae* 1712.

(b) *Loc. citat.*

(c) *Practica chymica*.

(d) *Apocalyps.* p. 1. c. 16.

(e) *Medulla destillatoria*.

(f) *Diff. de camphora* *len.* 1697.

esse, unde aethereae & mercurialis naturae sit ;  
 nullum autem, ne minimum quidem acidi vesti-  
 gium illi inesse, quod certe eam magis figeret, &  
 coagularet, ab huius igitur defectu volatilitatem  
 pendere. WILLISCHIVS (a) camphoram existi-  
 mat, ex salinis & sulphureis cum variis aliis par-  
 ticulis intime permixtis constare, quae ab illis  
 non facile separari, ideoque ad alterutram salium  
 classem commode referri haud possent. Terram &  
 aquam autem illi denegat. KEILIUS (b) putat,  
 eam oleum aethereum aut coagulatum esse, &  
 prae aliis oleis aethereis longe maiori partium  
 sulphurearum inflammabiliumque tenuitate & exi-  
 litate gaudere, utpote quae secundum CARTESII  
 doctrinam viscido quasi quodam & ramoso involu-  
 ero excipiuntur & muniuntur, quo camphora sum-  
 me volatilis careat. Apud MEUSCHENGENIUM  
 (c) dicitur: camphoram ex copiosis principiis sul-  
 phureis, atque salinis subtilissimis summeque vola-  
 tilibus cum paucioribus ac tenerioribus terreis in-  
 time mixtis, constare. KECHELEN (d) ex variis

## G 4

---

(a) L. c.

(b) *Diff. de usu camphorae interno securiss. & praest.*  
*Hal. 1714.*

(c) *Diff. de salut. & nox. camph. & camphorat. usu*  
*Erford. 1737.*

(d) *Diff. de genesi camphorae eiusque raffinazione*  
*Argent. 1748.*

experimentis, in quibus odorem camphorae explicare tentat, ut mihi quidem persuasum est, praepropere concludit, *camphoram oleum aethereum specificum per acidum nitri, & aceti coagulatum esse*. HOFFMANNUS, NEUMANNUS & ZIMMERMANNUS in eo conveniunt, *camphoram maxima ex parte e phlogisto, terra primordiali & aqua constare*; & argumenta quidem sua desumunt ex camphorae inflammabilitate, fuligine, soliditate & flamma; de quibus eorum scripta legenda sunt.

#### §. XLIX.

Cel. WEIGEL (a) & MACQUER, (b) ut iam supra dictum est, habent eam pro specie *aetheris*; alii celebr. nostri temporis viri pro *oleo aethereo* sui generis, per acidum quoddam in camphoram transmutato. Exper. chemici WIEGLEB (c) de hac re confessio est sequens: *Nach dem Phlogiston kenne ich keine Substanz, welche diesem am nächsten käme, und mehr verdiente mit unter die brennbaren Mischungen gerechnet*

(a) *Grundriss der reinen und angewandten Chemie* §. 983.

(b) *Chymisch. Wörterb.* P. III. p. 127.

(c) *Handbuch der allg. Chemie* §. 146.



zu werden, als den Campher. Es scheint dieser ganz Phlogiston zu seyn, das nur durch die Proportion seiner Elemente eine besondere Modification und Eigenschaften erlangt hat.

### §. L.

Sed omnes hae opiniones hactenus meris innituntur rationibus, quae quum in scientiis naturalibus nisi experimentis fulciantur parum illustrent, profecto non mirum est, nos in cognoscendis camphorae principiis, eorumque mixtione non longius multo progressos esse, quam quidem veteres. Quae ut experimentis eruam, si quidem eruere datum sit mortalibus, & exactius determinem, utramque viam, tam syntheticam, quam analyticam calcavi.

### §. LI.

Cum *acida mineralia dephlogisticata*, uti quidem recentiores loqui amant, facultate gaudeant, aliis corporibus phlogiston suum eripiendi, & secum coniungendi, praecipue autem *acidum nitri* eo puritatis gradu donatum: sperabam, fore, ut hoc forsan modo camphoram phlogisto suo denu-  
dare, & sic reliquas, quae eam constituunt, partes, nudas conspiceret. Solvi igitur eo

scopo dimidiam camphorae unciam in eadem *spiritus nitri dephlogificati* copia, & destillationem institui ex retorta vitrea; transiit rubrorum vaporum specie spiritus, qui quidem in vase recipiente in guttas condensatus caeruleum principio colorem monstravit, brevi tamen temporis spatio evanescentem, qualem colorum mutationem, quum modo a b. BERGMANO praecepto acidum sacchari pararem, pariter animadverti; huic spiritui supernatabat oleum, quod appellant camphorae; quum amplius nulli rubri vapores comparent, destillationi finem imposui, quam similiter legem in reliquis destillationibus secutus sum. Camphora partim in hoc abierat oleum, partim solida in perpulchrorum herbae filicis similium florum forma ascendebat, partim inveniebatur in fundo retortae, quasi picis forma, colore badio, ponderis drachmarum duarum ac granorum quinque & viginti. Camphora, quae haud mutata superiora vasis petierat, pondere aequabat scrupulos duos; oleum supra dictum drachmam dimidiam. Residuum nullum camphorae odorem, sed specificum oleo succini similem spirabat. Portio illius pruinae ardenti imposita absque flamma, sed cum odore resinoso in fumum abiit. Alia pars incensa deflagrabat, alio tamen cum colore, quam quidem camphora comburi solet, relicta materie ceræ aemula, quae tamen spiritu

vini solvebatur, & ex hoc per aquam praecipitabatur. Pars modo nominati residui spiritum vini tingebat citrino colore, aqua autem huic spiritui adfusa colore albo camphoram praecipitabat. Alia pars cum aqua digesta nullum ei acidi adhaerentis, vel evoluti, vestigium imprimebat, tinctura certe heliotropii ab ea non mutabatur.

### §. LII.

Quum in parando per nitri acidum sacchari acido, non raro similis materia picea remaneat, ex qua facili opera bonum adhuc sacchari acidum, teste clar. STRUVIO (a) parari potest, cum ea denuo destillando nitri acidum, duas drachmas saepius memorati residui denuo solvebam spiritu nitri dephlogificato, eaque, quam prius commemoravi ratione, destillando iterum subtraxi. Versus finem laboris vapores cum impetu quodam in vas recipiens transibant, & eodem cum impetu profiliebant e fundo retortae, scintillarum electricarum instar, flammae. Finito labore inveni camphoram partim flavorum florum pondere grana sex & viginti aequantium

---

(a) Mem. de la Societé des sc. phys. de Lausanne  
4. ann. 1783.

forma in sublime sublatam, partim subtilis olei specie, praeter utrumque in fundo retortae massam nigram splendentem & piceam, quae prunis iniecta mox fundebatur, & in auras abibat, in aqua nequaquam, spiritu autem vini facile solvebatur, ita, ut hic ab affusa aqua nullatenus turbaretur.

Drachma una & dimidia huius residui solvebatur denuo in quatuor partibus spiritus nitri dephlogistificati, labore ceterum similiter instructo, ut antea. Refrigeratis omnibus, inveni sequenti die fulvum in retorta laticem: continuavi ergo laborem, donec, quod in retortae fundo haerebat, penitus siccum esset. Habui autem tam in retorta, quam in vase recipiente eadem, quae in mox praegresso experimento, nisi velis residui illius picei multo minorem fuisse copiam.

### §. LIII.

Hoc residuum iterum destillavi cum spiritu nitri dephlogistificato, qui consuetis rubris vaporibus cum aliquot guttis olei transtillans parum residui relinquebat; quod postremum semel adhuc cum spiritu nitri dephlogistificato destillationi subieci. Transiit acidum haud mutatum, nullum autem prorsus oleum; remansit etiam aliquantulum residui, quod vero in spiritu nitri neutiquam

solvebatur, atque etiam igne aperto tortum non mutatum permansit.

#### §. LIV.

Oleum supra dictum (§. LI. LII.) cum aequali copia spiritus nitri dephlogisticati confusum, ac destillationi subiectum, offerebat denuo camphoram haud mutatam, & oleum subtile, quod in spiritu vini facillime solvebatur, qui tamen adfusa aqua suam dimittebat camphoram. Non videtur igitur esse illud oleum nisi camphora in spiritu nitri soluta, ceterum non mutata. In retortae fundo reperitur aliquantulum residui praecedentibus (§. LI. LII.) similis.

Ex his haecenus quidem sequi mihi videbatur, acidum nitri nullam in camphora essentialem producere mutationem, instituendae eius analysi vix inservire, & ad profundiores indolis eius cognitionem vix aliquid conferre posse.

#### §. LV.

Longe potentius certe se comprobat *acidum vitriolicum*, quippe quod perfectam eius destructionem perficit. Solvi equidem unciam camphorae in sesquiuncia *olei vitrioli concentrati & a phlogisto suo depurati*, coit cum ea in massam

nigram butyri aemulam, quae destillationi per retortam subiecta liquorem albidulum, *oleum* quoddam, in collo retortae *sulphur* verum, & in fundo retortae *carbonem* instar fuliginis splendentis nitentem ponderis quatuor drachmarum cum dimidia suppeditavit. Liquor albidulus erat debile sulphuris acidum, sulphur solutum in se continens, quod sale alkali fixo praecipitatum veri-  
sulphuris notas prae se ferebat.

### §. LVI.

*Oleum*, ut a peregrinis partibus liberarem, elui aqua, quae ex eo saporem acidum accepit, & alkali fixo saturata, flocculos albos dimisit, qui camphoram, parumper tamen mutatam, referebant. *Oleum* autem ipsum ab aqua nunquam mutabatur, nullam ab ea adfusa in fundum deiecit camphoram, quemadmodum ille oleo similis latex semper deiecit, quem camphora cum nitri acido tractata exhibuit; nostrum *oleum* etiam spiritu vini solutum & adfusa aqua ab hoc denuo seiunctum, olei formam perfectissime & pertinacissime retinuit. Hoc *oleum* penetranti odore, quo ad *oleum* succini propius accedit, imbutum est. Frustra tentavi partem olei cum sale alkali fixo in saponem cogere, nullum enim connubium verum iniit, & aqua zffusa statim *oleum* iterum separavit.

## §. LVII.

*Carbo*, quem camphora cum vitrioli oleo igne tractata, neque aqua, neque spiritu vini, neque acidis solvebatur, caeruleos & rubros vegetabilium colores non delebat, calces metallicas reducebat, ac cum alkali fixo calcinatus, & ferri cuidam solutioni adfusus caeruleum Berolinense porrigebat: maxima igitur illi intercedit similitudo cum illo carbone, qui a destillatione liquoris anodini Hoffmanni ad siccitatem protracta remanet, & probabiliter acidum sacchari acido simile, sed ut ita loquar, semidestructum continet. Quum drachma huius carbonis una & dimidia per tres horas continuas igne aperto canderet, nonnunquam flammæ caeruleæ, & vapores sulphurei ascendebant: catillo refrigerato, quod superabat, ponderavi, atque inveni drachmam dimidiam æquare; integra ergo drachma in auras abierat; residuum autem adhuc nequaquam mutatum erat, denuo tamenustum sensim in cineres albos & laxè coherentes abiit, & denique totum in auras evanuit.

## §. LVIII.

Acidum igitur vitriolicum una operatione maiorem exserit in camphoram effectum, quam

tot cum acido nitri instituta pericula , Quum tamen hic effectus pro nostro scopo nimis sit , dum partes , quae camphoram constituunt , proxime non separantur , sed fere destruuntur ; remotae autem tantum partes , *Phlogiston* nempe & *terra* cognoscendas se praebeant : alia via incedendum esse putavi , ut finem meum assequerer .

### §. LIX.

Cum efficacia : qua *acidum salis communis* in camphoram agit , tam exigua sit , ut de eo expectandum sit nihil , si de analysi camphorae sermo sit , eam experimentis tentare , supervacaneum duxi .

### §. LX.

Cum vero semper conicerem , camphoram oleum aethereum sui generis acido quodam adiecto in camphoram coactum esse : disquirere constitui , an ex aliis atque aliis oleis aethereis cum aliis atque aliis acidis vegetabilibus commistis camphora produci non possit . Commiscui itaque variorum oleorum v. c. olei *Anesi* , *Iuniperi* , *Mentae piperitidis* , *Sassafras* , *Terebinthinae* , *Maioranae* , *Thymi* & *Rorismarini* , singulorum seorsim partem unam cum duabus & pluribus acidi

*Ligno:*



*Lignorum, Aceti, Sacchari* ( ex una parte salis essentialis sacchari & tribus partibus aquae constantis ) & *Tartari* ( una scilicet pars salis tartari essentialis duabus aquae soluta erat ). Has mixtiones reposui ita, ut quotidie per aliquot horas solis radiis calerent, per hyemem autem tepido hypocaufto servavi, & quamvis per integrum annum nullum vestigium concrementi cuiusdam camphorae similis, vel aliam notatu dignam mutationem animadvertissem: post quindecim tamen menses omnino & singula inspissata erant, & concrementum quidem illud, quod in oleo anisi ab acido tartari affuso nascebatur, externa certe specie referebat camphoram. Rediit ergo rursus ad analysin camphorae ipsius.

### §. LXI.

Indagandum adhuc erat, quomodo camphora cum nitro in retorta tubulata eadem ratione, qua alias ad impetrandum eius spiritum acidum tractatur sulphur, tractata se haberet; sed cum camphorae & nitri aequales partes laminae ferreae candenti injectae, in auras quidem abirent, non vero inflammarentur; de hoc experimento parum lucis sperans ei supersedi. Camphora autem, cum nitro aut prunae inspersa, aut cari illo ignescenti ingesta, incendebatur quidem, sed ne

*Op. Med. Vol. III. H*

hilum quidem relinquebat. Hoc experimentum ergo praeter phlogiston camphorae inhaerens, alius iam dotibus satis superque cognitum, nihil demonstrabat.

## §. LXII.

Tres unciae camphorae supra aquam & sub campana, tali adhibito vasorum apparatu, ut aquae vapores camphorae vaporibus coniungi potuissent, combustae, magnam fuliginis copiam, aquae quidem odorem & saporem camphorae, sed ne miculam quidem alicuius salis suppeditarunt. Haec fuligo cum aqua & spiritu vini digesta nihil salini indicabat; atque ex retorta per octo horas vehementissimo igne cruciata, ne atomus quidem in vas recipiens transibat; igni aperto autem exposita primum in cineres, & tunc sensim in auras abiit.

Pondus obtentae fuliginis non possum exacte determinare, cum vasorum apparatus, qui, quo minus aliquid fuliginis evaderet, impedire potuisset, eligere non apud me erat. Accepi quidem non nisi drachmam unam & dimidiam fuliginis, sed persuasissimum mihi est, longe maiorem eius copiam obtineri posse, si aer campanae inclusus subinde per aërem deplogisticatum renovaretur, eoque artificio flamma camphorae, alias brevi temporis spatio extincta, diutius aleretur.

Ast haec etiam experimenta nondum meis satisfaciebant votis, quia nullum mihi in camphora monstrabant acidum, aut aliud praeter phlogiston principium.

### § LXIII.

Accessi nunc ad *magnesiam nigram*, quam aliis corporibus adeo potenter eripere suum phlogiston post SCHEELIUM toties viderunt Chemicum. Camphorae itaque unciam dimidiam cum tribus unciis magnesiae nigrae terendo mistam retortae commisi, & commissuris occlusis, ignem substravi. Cum igni autem circiter per tres horas sensim sensimque aucto exposita fuisset, subito vas recipiens ad tres passus, sine dubio ab evoluto elastico aut aëre aut vapore, abiiciebatur. Priusquam aliud vas excipiens applicare potui, pars quidem camphorae exhalaverat; obtinui tamen drachmam circiter dimidiam liquoris aquosi, nullum sal continentis, & maximam camphorae partem sublimatam.

### §. LXIV.

Quia praegressum experimentum non satis exactum erat, iteravi, & denuo unciam camphorae dimidiam cum tribus unciis magnesiae nigrae

mistam retortae ingestam, commissuris melius clausis, omni adhibita heic summopere necessaria cautela destillavi. Verum enim vero, aliquot horis elapsis, disrumpebatur retorta, camphora flammam capiebat, & ardens circumvolabat.

Tertia ergo vice idem repetii experimentum commissuris nunc non clausis, & feliciter quidem distillationem absolvi, praeter camphoram vero, quae non mutata adscenderat, & aliquot guttas liquidi aquosi non salini, nihil obtinui. Magnesia ergo nigra nullam in camphoram exserit vim.

#### §. LXV.

Cum autem in magnesia nigra, secundum aliquorum Chemicorum opinionem, *magnesia alba*, tanquam pars magnesiaë nigrae constituens, praecipua illa pars sit, quae facultate gaudeat, corporibus inflammabilibus suum phlogiston eripendi: camphorae drachmas duas cum uncia una *magnesiae albae* calcinatae terendo mixtas, praecedenti modo tractavi; sed praeter drachmam circiter dimidiam aquae acris singularis odoris & saporis, nihil obtinui; ceterum autem tam camphora quam magnesia haud mutata erant, nisi velis, quod color magnesiaë magis griseus factus erat.

Haec experimenta interim ostendunt, eventum laborum atque experimentorum chemicorum non semper expectationi; quae analogia nititur, respondere; & cautos iubet esse hanc artem exercentes, ne nimis praepropere ex analogia concludant:

### §. LXVI.

Cuius generis aër aut vapor, illo experimento cum camphora & magnesia nigra instituto, evolutus fuerit; quum mihi necessaria ad eum investigandum instrumenta defuerint, eruere non potuit. Sed procul dubio ille minus in camphora quam in magnesia nigra quaerendus erit; cum reliqua experimenta nullum aërem adeo impetuosum manifestaverint. Aequè minus causa disruptionis & inflammationis experimenti secundi cum magnesia nigra instituti; camphorae soli adscribenda est, quia in nullo alio ex meis laboribus id phaenomeni conspexi.

Magnesia nigra, ex postremo labore cum ea tractata, redux non mutata esse videbatur, quippe quod colorem suum non converterat in album, uti quidem alias si cum corporibus phlogisto oneratis igni exponitur, fieri solet; aquam & spiritum vini, cum quibus digerebam, notabiliter non mutavit, & cum nitro fusa Chamaeleon minerale praebuit, perinde ac cruda.

## § LXVII.

Quum principia chemica ex analogia deducta ad optatum finem me non perducerent, ambabus, ut aiunt, amplectebam quemcunque nutum, quem secuturus sperare quodam modo poteram, fore, ut camphoram in partes suas dirimerem. Inveneram, uti iam supra monui, in scriptis veterum oleum quoddam camphorae memoratum, quod illi per terras bolares, sigillatas, argillam, tartarum calcinatum, sal commune, ossa calcinata &c. ex camphora eliciissent, & cui stupendas vires adscribunt; cui autem experimento, ut videtur, posterorum vix ullus fidem habuit; sibi persuadebant potius plurimi, eam rem fieri non posse, camphoram homogeneous corpus esse, quod in partes dissimilares separari nequeat. Immo etiam ab ipsis aliis veteribus, oleum camphorae verum dari, negatur. LUDOVICI e. g. camphora, inquit, varie torfa est pro eliciendo oleo, quod tamen notorie hinc vel plane aut parciissime debilius, compositum, aut in camphoram naturalem postliminio rediens prodibat. Et verum omnino est, quod plerique processus, qui inveniuntur, pro parando hoc oleo, frustranei sint, ac vel mixtum vel nullum oleum prodire, experientia loquatur. DETHARDING affirmat, nullum adhuc inventum esse artificium, quo ex

camphora elici possit oleum . Cupiebam igitur ipse experiri , quid in hoc laboris eventu verum vel falsum sit .

### §. LXVIII.

Commiscui itaque unciam dimidiam camphorae cum tribus uncis *boli rubrae*, & destillavi ab initio moderato , & dein sensim sensimque aucto igne . Finita destillatione deprehendi in vase excipiente circiter scrupulum unum aquae , acri sapore , & camphorato odore imbutae , atque drachmam mediam *olei aetherei* ; reliqua camphorae pars in collum retortae non mutata sublata erat . Hanc una cum capite mortuo contritam subieci alteri destillationi , sed nunc , exceptis aliquot guttis , omnis camphora integra ascendit . Eadem camphora itaque cum aliis tribus uncis boli , retortae & igni committebatur , & nunc obtinui maiorem olei copiam ; praeterea duas drachmas cum quadraginta & quinque granis camphorae non mutatae , quae tamen attractu pinguis erat , & chartae vel serico imposita , oleosam maculam relinquebat . Quod supererat camphorae , etiam quarta vice cum duabus uncis boli modo praecedenti tractabatur , & iam non remanebant camphorae , nisi octo & quadraginta grana ; reliqua omnis in oleum abierat . Residuam cam-

phoram cum una uncia boli commixtam quinta adhuc vice destillabam ; superabant tantum decem grana camphorae , & reliqua omnis in oleum transmutata videbatur . Haec decem grana , aquam & oleum , quod adhuc quibusdam camphorae particulis inquinatum erat , una cum quatuor uncis boli conterebam , atque novae destillationi subiiciebam ; nunc nullum prorsus deprehendi vestigium camphorae , sed oleum limpium subtile coloris aquei & odoris specifici , atque aquam acrem , & urentem camphorati saporis atque odoris : ponderabat quidem oleum drachmas tres cum dimidia , aqua autem drachmas quatuor cum scrupulo uno . Aqua itaque non camphorae , sed potius boli productum erat .

### §. LXIX.

*Hoc oleum* , quod nemo pro maxima camphoram constituyente parte non agnoscet , omnibus oleorum aethereorum facultatibus gaudet ; in spiritu vini solvitur , & aqua affusa rursus pristina olei forma excernitur . Acido nitri non solvebatur , nec , praeterquam quod color magis ruber fiebat , notatu digna mutatio ipsi contigit . Neque plus efficaciae ostendebat liquor nitri fixi . Cum sale tartari fixo aeque tarde , quam



alia olea aetherea coit. In chartam & holoferium stillatum, nulla relicta macula, avolabat. Solum vel cum acidis, vel cum alkalinis liquoribus calori expositum, in auras abibat quidem, sed, in margine superiori vasis, & circa suber crusta alba, non inflammabilis, aqua autem solubilis supererat. Canphora ergo haec crusta non est; cuius generis autem sit, ob nimis parvam eius copiam definire non potui: salinae vero indolis esse, mihi videbatur.

Ea dote etiam quam maxime memorabile est hoc oleum, quod, quamvis praecipuis momenti ad olea aetherea accedat, a superfuso tamen fumante spiritu nitri tertia parte olei vitrioli temperato, non, quemadmodum reliqua, in flammam erumpat, sed modo tenacius paulo redeat, & obscuro magis colore tinctum.

## §. LXX.

Destillationes §. LXVIII. camphorae, nempe cum bolo rubra, etiamsi in parvis vasis institutae, tranquille succedebant, neque ullum supradictorum phaenomenorum cum magnesia nigra contingentium animadvertebatur. Singulis autem hisce destillationibus camphora amittebat aliquid suae consistentiae, & olei magis speciem adsciscebatur, hanc quidem eo magis, oleum ae-

thereum camphorae suis vinculis, & principio hoc oleum in camphora involvente, solvebatur.

Bolus hac operatione colorem subnigrum nanciscebatur, & odorem camphorae spirabat, qui autem brevi temporis spatio evanescibat. Memoratu dignum mihi quidem videtur, hoc oleum specifico camphorae odore non pollere, sed cum in bolo relinquere.

### §. LXXI.

Sed inquirendum erat in id, quod hoc oleum in camphoram transmutaret, & in bolo remansisse videbatur. Residua itaque ab omnibus cum aqua destillata per quatuor horas coxi, ita, ut aquae non nisi unica superesset uncia; attamen haec nullum salis manifestabat vestigium, sive cum tinctura heliotropii, sive syrupo violarum, sive cum alkali explorarem. Investigaturus, an forsitan phlogisti camphorae inhaerentis pars cum bolo se coniunxisset, hancce crucibulo commissam, ut excandesceret, ussi; sed tranquille candeat bolus. & nihil ostendit, quod coniecturam meam confirmavisset. Intuli ergo candenti bolo nitrum depuratum; sed detonatio quum nulla sequeretur, phlogiston inesse vix putem. Eam modo alterationem notes, colorem nempe eius nigricantem, quo facta cum cam-

phora destillatione, imbuta erat, in consuetum rubrum rediisse.

Bolus sola destillationi subiecta, praebebat simplicis tantum aquae empyreumaticae pauxillum. Frustraneus itaque erat labor hoc modo partem, oleum camphorae in camphoram ipsam permutantem, inveniendi.

## §. LXXII.

Indagaturus nunc, an oleum nostrum camphorae etiam per alia corpora terrestria & salina obtineri posset, sequentia experimenta adhuc institui: camphorae drachmae duae cum *magnesiae albae* calcinatae uncia una praecedenti modo igne tractatae, porrigebant dimidiam circiter drachmam aquae acris, penetrante & singulari odore & sapore infectae. Ceterum autem camphora immutata sublimata erat; & magnesia nullam mutationem passa esse videbatur. Sic etiam duae drachmae camphorae cum unciis duabus *argillae Almerodensis* tractatae, dabant drachmam dimidiam aquae, penetrante odore & sapore imbutae. Camphora non erat mutata, argillae color albus autem in griseum vergebat. Drachmae duae camphorae cum unciis duabus *alkali fixi* eodem modo tractatae, nil nisi drachmam unam aquae odore & sapore specifico gaudentis suppedita-

bant. Cum autem aqua mihi parum unguinosa esse videretur, camphoram sublimatam denuo cum eodem alkali commistam destillationi subieci, sed obtinui rursus scrupulos circiter duos aquae praecedenti similis, & camphoram haud mutatam, pelluciditate tamen parumper imminuta, ita ut cornu cervi, quod philosophice praeparatum vocant, mentiretur

### §. LXXIII.

Etiam si haecenus nullum salis cuiusdam vestigium in camphora detexeram, cogitatio tamen, inesse aliquid eiusmodi, animo nondum exierat; verisimile praesertim erat, supra memoratum camphorae oleum formam solidam salis cuidam acido debere, cum praeterea analysis camphorae cum acidis instituta tantam cum spiritu vini ostenderet similitudinem, & ego quidem nihil invenissem, quod camphorae oleum in solidum cogere possit. Ut autem in illud incidere, nulla mihi patere videbatur via, nisi illa dephlogisticatio, quae ope spiritus nitri dephlogistici peragitur, abs me iam antea calculata: quum autem in eo me peccasse mihi persuasum esset, quod acidum nitri dephlogisticatum iusto minori copia adhibuissem, quia hoc acidum exiguum tantum phlogisti partem camphorae eri-

puisse mihi, videbatur : conieci, si finem meum  
 consequi vellem, illud in maxima copia adfun-  
 dendum esse. Mecum ergo constitui, eundem  
 laborem cum *acido nitri dephlogificato* supra me-  
 morato modo denuo suscipere, ea vero cum  
 discrimine, quod acidi proportionem ratione  
 camphorae permutarem. Solvi itaque unam cam-  
 phorae drachmam in duodecim acidi nitri de-  
 phlogificati partibus, & destillationi per retor-  
 tam subieci, cum laborem usque ad siccitatem  
 residui continuando. Ascendebat acidum rubro-  
 rum vaporum forma indutum & phlogificatum,  
 in vas excipiens, in quo praeter hoc acidum  
 aliquot olei camphorae guttas inveni; pars  
 camphorae in collum retortae sublimata erat,  
 & residuum in fundo retortae plane simile erat  
 illi, quod in supra dictis cum camphora &  
 acido nitri institutis experimentis obtinueram.  
 Hoc residuum cum camphora, quae in altum  
 acta fuerat, denuo solvi in sesquiuncia spiritus  
 nitri dephlogificati & destillavi. Eventus la-  
 boris erat idem. Olei autem nunc tantum ali-  
 quot guttulae in vase recipiente acido nitri su-  
 pernatabant. Portio camphorae iterum immutata  
 retortae collum obsidebat: hanc & residuum,  
 praecedenti extrinsecus saltem simile, iterum sol-  
 vi in duabus spiritus nitri dephlogificati un-  
 ciis, & acidum destillando abegi. Olei iam

ne veiligium quidem conspiciebatur ; cetera producta eadem erant : semper nempe adhuc aliqua camphorae pars , quamvis qualibet laboris iteratione minor , immutata sublimabatur . Igitur reiteravi dephlogisticationem cum aliis duabus acidi nitri uncis , & eventus praecedenti similis erat .

Deerat nunc acidum nitri dephlogisticatum , & cum illud , quod in laboribus praegressis adhibueram , ut ad nova experimenta instituenta aptum foret , phlogisto liberare vellem , eumque in scopum retortae commisum destillarem ; postquam debilior pars acidi phlogisto onerata transcenderat , in eo camphorae frustula haud mutata natantia inveni , de quibus antea nullum vestigium conspiciere erat . Probat hoc experimentum , ut mihi quidem videtur , quod ex aliis experimentis iam patet , camphoram maiori gaudere volatilitate , quam quidem acidum nitri .

Tentabam iam quinta vice , repetendo eundem laborem cum acidi uncis duabus camphorae dephlogisticationem , & hac adhuc vice sublimabatur , exigua tamen pars camphorae . Denique etiam sexta & septima vice eodem modo iterato hoc labore , camphorae nihil prorsus prodibat ; sed postremo nitri acidum fere excolor transcebat , & interna retortae pars pulveris albi quasi cortice abducta erat . Iam aquae

ſimplicis deſtillatae uncias duas in retortam in-  
 fundebam, & levi calore ſolvebam, quidquid  
 ſolvi poterat. Praeterlapſis ſic 48. horis per  
 filtrum traieci ſolutionem, &, ut exharet,  
 effeci. Expulſa aquae uncia una circiter cum  
 dimidia; tam in fundo vaſis, quam in ſuperfi-  
 cie ſolutionis *crystalli ſalinæ* conſpiciebantur;  
 ſepoſui itaque ſolutionem in loco frigido, ſed  
 die mox inſequente nihil prorsus cryſtallorum  
 vidi. Ut igitur, aqua ulterius exharet, de-  
 nuo calori commiſi, ſic ſenſim ſenſimque adpa-  
 rebant cryſtalli; quoniam tamen exigua earum  
 erat copia, eo labore uſque ad ſiccitatem, le-  
 viſſimum tamen ignis calorem ſubminiſtrando,  
 perrexi. Sal obreſtus ex parte quidem erat al-  
 bus & pellucidus, ex parte autem viſcore quo-  
 dam involutus, & ruſo colore inquinatus eſſe  
 videbatur. Solvi itaque denuo aqua ſimplici;  
 & praecedenti modo aquam iterum expuli, ſed  
 etiamſi ſolutiones & evaporationes per plures  
 vices reiteraverim, tamen hoc modo ſal ab  
 oleoſo illo principio liberare non licuit. Quam  
 ob rem ſpiritum nitri dephlogiſticatum illis de-  
 nuo ſuperinfundi, & vaſis clauſis ignis calore  
 iterum abſtraxi; ſic impetravi cryſtallos parvu-  
 las albas argenteo ſplendore conſpicias: Reſe-  
 rebant autem hae cryſtalli parallelepipeda, plu-  
 rimae obliqua, aliae pauciores recta; multae

adeo tennes ; ut eodem fere iure lamellas rhomboidales & rectangulares appellare possis .

#### §. LXXIV.

Eundem memoratum modo laborem cum *camphora* etiam *cruda* suscepi ; eventus fere idem erat , qui laboris praegressi , nisi velis , quinque iam cum acido nitri institutas destillationes suffecisse , ut sal meum acquirerem . Sal ipse autem minus puichras crystallos exhibebat , & cum finita prima destillatione spiritum nitri traiectum cum oleo camphorae illi supernatante altera vice a residuo trahere vellem , transcebat ab initio pars materiae forma nigra & spissa , iustar illius residui , quod a liquore anodino minerali Hoffmanni superest , in vas recipiens .

#### §. LXXV.

Reiteravi laborem §. LXXIII. etiam tertia vice , sed cum maiori camphorae & quidem raffinatae copia . Cum autem , ut sal ab oleosa materia eo melius depurarem , destillationes frequentius instituissem , residuum , cum aqua superadsusa leni calore digestum , salis ne vestigium quidem praebuit ; sal itaque vel destruc-  
tum



cum esse, vel cum acido nitri solutum, in vas recipiens transiisse, conieci. Aqua vero per retortam destillata odore suo perfecte aemulabatur aquam florum persicorum. Inquirendum mihi nunc supererat, an sal revera destructum vel in acido nitri solutum esset; destillavi itaque acidum nitri, quod ab omnibus illis prioribus destillationibus collegeram leni ignis calore per retortam, & transgresso nitri acido, videbam sal camphorae partim in retortae ventre perpulchrarum, ut appellant, vegetationum forma conspicuum, partim in collo retortae globulorum instar se sublimasse. Globuli hi constabant ex parvis hastulis vel aciculis, quarum latera cum certitudine determinari vix poterant; videbantur tamen tetragonae, in aliis atque aliis angulis promiscue inter se iacentes, totum autem, si eminus spectares, lanuginis speciem referebat; praeterea adhuc maiora grana immixta erant, de quorum figura definiti dici nihil potest. Opus autem erat repetita destillatione, ad totum sal ex acido nitri separandum.

Probabile vero mihi videtur, in hoc labore acidum nitri camphorae phlogiston in sui consortium rapere, eoque ita mutari, ut ex parte nunc aëris nitrosi, tantopere elastici, ut aut transsudet per commissuras vasorum, aut si via haec non pateat, vasa cum impetu dis-

*Op. Med. Vol. III. I*

rumpat, specie compareat. Acidum quoque, quod in vase excipiente colligitur, non parum mutatum videtur, multo debilius quidem, sed singulari, acerrimo ac suffocativo imbutum est odore. Forſan eo pacto camphorae quoque, quod obtinueram oleum, in ſuas dirimi partes poſſet.

### §. LXXVI.

*Hic ſal camphorae* dotibus inſtruitur aliis; quas cum ceteris acidis communes habet, aliis autem, quae ſibi quaſi propriae ſunt. In ſpiritu vini non ſolvitur, in aqua quidem ſolvitur, ſed tam difficile, ut una pars ſalis ducentas fere partes aquae requirat. Solutio huius ſalis diluta perfecte quidem clara eſt, quo magis autem concentratur, eo profundiorẽ calorem luteum vel croceum induit. Sal ipſe odoris eſt expers, ſolutio autem ſpecifico odore croco ſimili gaudet. Sapor ſalis ſoluti eſt ingratus, ex acido & amaro commixtus; quae quidem amaritudo mihi a principio oleoſo cum acido camphorae intime coniuncto oriri videtur; uti enim ſolutio exhalando maiorem ſenſim maioremque aquae copiam amittit, ſemper aliquid olei ſeparatur. Colorem *heliotropii* & *violarum* caeruleum in rubrum permutat.

*Alkalia*, *terras*, *variaeque metalla* soluit. Acidum camphorae nostrum *alkali fixo* saturatum praebet crystallos, quae tenues lamellulas, aliquantum regularia hexagona formantes, referunt; diameter talis hexagoni  $\frac{1}{4}$  lineae comprehendere videtur. Cum *alkali minerali* coit in crystallos quidem, sed tam parvas, atque irregulares, ut earum figuram determinare non possim.

*Alkali volatile* solvitur a camphorae acido cum effervescencia vividissima, & constituit cum eo massam ex luteo fuscam, partim granorum crystallinorum specie conspicuam, partim in crystallos aciculares, prismaticas, excrecentem.

*Magnesium albam* cum bullis emergentibus soluit hoc acidum, &, postquam humor omnis exhalavit, efficit sal medium forma pulveris albi conspicuum, aqua facile rursus solubile, eaque dote a magnesia saccharata abludens. Haec solutio a cineribus clavellatis in aqua solutis principio quidem non turbabatur, post aliquod tamen tempus sedimentum in fundum deposuerat.

## §. LXXVII.

*Aurum*, *argentum*, *mercurium vivum* & *regulum antimonii* acidum camphorae non adgre-

ditur. *Cuprum* quidem solvitur, sed mox in forma pulveris subviridis praecipitatur. In *ferum* non nisi lente, & calore adiutum egit, tantum tamen eius solvit, ut gallarum decocto infusum, obscurum valde ipsi colorem induceret; haec solutio gaudet sapore amaro & adstringente, in crystallos non abit, sed, humore expulso, pulverem ex albo flavum, in aqua prorsus non solubilem porrigit; satis ergo distinctum a marte saccharato. *Stannum* & *plumbum* in acido camphorae digesta, primum obscurantur, tum corroduntur, & in calces ex albo cinereas rediguntur. *Zinci* solutio in hoc acido cum aliquali quidem violentia peragitur, & zincum in massam crystallinam fuscā abit, quae tamen regulares formas; certe mihi haecenus non exhibuit. Aegrius *Bismutum* solvitur ab acido camphorae, ita ut exiguum modo eius partem solvat, & cum eo in massam ex luteo dilute fuscā abeat, ex qua crystallos regulares haecenus obtinere non licuit. *Arsenicum* & *cobaltum* levi calore adiutum solvit acidum nostrum, & cum priori constituit lamellas & granula crystallina fusca; cum posteriore granula crystallina coagmentata sicca dilute & sordide fusca. *Magnesia nigra*, quamvis nullum adhibeas externum calorem, facillime solvitur, & abit cum acido camphorae in crystallos, paral-

lepipeda mentientes, basaltarum adinstar alias super alias iacentes, alias tenuia folliola referentes, & textura radiata spectabiles. Hae crystal-  
li prunae ardenti impositae detonabant, & post circiter octo dies pelluciditatem amittebant, & pulvere heluolo obducebantur.

### §. LXXVIII.

Camphorae acidum cretae in acido salis communis factam solutionem non turbabat, neque vitrioli ferri solutionem in aqua pura factam; solutioni mercurii in aqua forti adfusum, post aliquod tempus sedimentum luteolum deiecit.

### §. LXXIX.

Determinandum adhuc ulterius erat, qua proportione sal nostrum camphorae insit, & qua terras, salia & metalla solvat, quas mutationes alterum alteri inferat, & quibus dotibus tunc gaudeat. Etiam haec connubia reiteranda & maiori copia tentanda erant, cum propter exiguam salis camphorae copiam ea pericula tantum in minima copia instituere potuerim. Nec non oleum camphorae aethereum profundius inquiri meretur, cum nemo illud naribus & lingua explorans vires efficacissimas

illi denegare queat; ego autem iam ex quibusdam experimentis cum eo institutis testari possim. Ast cum tempus vitae meae academicae diu iam elapsum sit, filum abrumpere invitus cogor, spem tamen fovens, fore, ut in imminente etiam novo vitae meae tramite tantum mihi supersit otii, ut, quae nunc incompleta relinquo, absolvam, quae minus aptae forsitan dixi, corrigam, atque emendem.

### §. LXXX-

Obiici mihi fortasse non sine ratione posset, acidum nostrum camphorae ortum suum ex acido nitri trahere, vel etiam sacchari acidum alias modificatum esse; sed si tam camphorae acidum ipsum, quam producta, quae cum corporibus supra memoratis constituit, spectem, atque cum illis, quae acidum nitri & sacchari cum iisdem corporibus — v. g. cum magnesia — constituunt, conferam: non inepte ex eo colligere mihi videor, quantum quidem ex paucis meis periculis colligi tuto potest, camphorae acidum sal sui generis, tam ab acido nitri, quam ab acido sacchari longe diversum esse; nisi certe alia instituenda demum tentamina magis stringentia illius similitudinis argumenta suppeditent. Credibile tamen mihi videtur, huius etiam acidi

a reliquis acidis vegetabilibus discrimen omne in alia tantum phlogisti proportionem & combinationis modo latere, & forsan improbis chemicorum laboribus omni suo phlogisto liberatum in simplicissimum omnium vegetabilium acidorum, & quod veritatis specie non caret, principium reliquorum omnium, puta acetum, reduci posse, quemadmodum sacchari acidum, in vini spiritu delitescens, post longas operationum series in acetum redigere solertissimo atque expertissimo WESTRUMB (a) tam felici esse, nuper demum contigit (\*).

## I 4

---

(a) *Kleine physikalische chemische Abhandlungen.* Leipzig. 8. Heft. I. 1785. n. 1. p. 1-76.

(\*) *Sub finem dissertationis, postquam typis haec edita iam fuisset, Illustris ALEXANDER DE VOLTA sequentia mecum communicavit experimenta; quae lectoribus grata esse, & indicatam supra Viri huius perspicacissimi sententiam de Camphorae miro illo phaenomeno, corroborare poterunt.*

„Explicationem nostram superius allatam illud mirifice confirmat quod nuper expertus sum (adiuvante potissimum, atque his omnibus tentaminibus una manum admovente Cl. BRUGNATELLI Med. Doctore, ac Chemicarum rerum studiosissimo), nempe non minuscule tantum remota, sed frustula Camphorae pollicem & ultra

crassa, aquae immissa, impetu quodam hac illac ferri, inque gyrum revolvi, statim ac accenduntur. Quis enim non videt hoc erumpente vaporum quasi vento evenire? Scilicet quod magna vis effluviarum flammam efformantium massam mobilissime iacentem versatilemque retro pellit, uti iam de *Pyrobolis* adnotatum.

„ Sed heic finem experimentis imponere nolui, ultraque progressus sum. Vix enim animo insederat concepta ac tradita phaenomeni ratio, cum suspicio mihi oborta, quae statim in firmam opinionem crevit, sic ut eventum Tibi, Vir doctissime, & laudato BRUGNATELLI, praenunciare ausus sim: fore nempe ut *Flores Benzoes*, eadem ferme cum Camphora volatilitate praediti, similes ederent effectus; iterumque similes ederet *Alkali volatile concretum*, dummodo sineret maxima huius solubilitas in aqua. Iam vero cum ad experimenta me contulissem, omnia expectationi apprime responderunt; vidique non sine voluptate *Florum Benzoes* splendentes ac plumosas lamellas confertim aquae iniectas pluribus in locis dissociari; iterum alias ab aliis divelli (hocque crebrius, ac melius quam ipsa Camphorae ramenta); seiunctas vero hac illac discurrere, motum rotatorium concipere, diuque retinere, licet aliquanto minus quam frustula Camphorae: qui motus vertiginis continenter fiebat incitior, inque minutis particulis evaserat ultra fidem pernicissimus, non secus ac in particulis Camphorae contingere consuevit. Huiusmodi experimenta cum *Floribus Benzoes* primum capta sunt, me admonente, a saepius laudato BRUGNATELLI; mox a me ipso, cui ille aderat comes; tandem postquam iterum ac tertio repetita sunt, eadem Tibi ostendere curavi, qui ea amico plausu excepiisti, Vir officio, consuetudine, studio mihi coniunctissime. Sed & *Alkali volatile concretum*



(sumebatur *Sal volatile Cornu Cervi*) phaenomenon praebuit cuiusdam subsultus ac rotationis supra axem particularum aquae immissarum, quamdiu hae ab aqua sustentatae, nec solutae manserunt; sed mox vel evanescebant solutae, vel demersae fundum petebant. Igitur non nisi per aliquot minuta secunda huiusmodi rotationem prorsus insignem contemplari dabatur: insignem, inquam; ocyssime enim evenit, ac ultra conceptum rapidissima extat, vel a primo attractu aquae. Quod sane consentaneum est naturae ipsiusmet alkali; cum longe maiori volatilitate gaudeat quam *Camphora*, ac *Flores Benzoes* ad idem experimentum abhibiti “.

„ Cum hisce tentaminibus incumberem in officina quadam pharmaceutica, nuperrime adstitit Iuvenis Apothecarius, qui cum ex voto succedere tentamina cum *Floribus Benzoes* vidisset, consulto obtulit mihi *Sal Succini*, quod & ipsum acidae naturae sit, concretum, & volatile, non secus ac supradicti flores. Porro & cum hoc *Sale Succini* bene cesserunt experimenta. Quin, novum atque elegantissimum adparuit spectaculum: particulae enim salis aquae insperae vix hanc attigerant, continuo eiusdem superficies progredientibus late circulis vivissimos iridis colores referentibus maculatur, ac veluti pellicula versicolore tota quanta est obducitur. Quilibet vero annulus huiusmodi pelliculam efformans non eundem servat colorem, sed pedetentim immutat, quo pergit dilatari: procul dubio eadem ratione ac ad varios colores successive transit pellicula bullae saponaceae, dum inflata diducitur, & usque & usque attenuatur. Iam vero phaenomenon hoc effluentis e *Sale Succini* substantiae, quae omnigenos ac mutabiles colores, iucundo sane spectaculo, aquae faciei superinducit, dum multiplices ipsas excursions ac rotationes particularum huiusce sa-

lis aquae innatantium comitatur, patentem eorundem motuum causam sub oculos ponit: videlicet massulae inde retropelluntur, quo copiosius effunditur memorata materies aquam obducens, laetissimisque coloribus suffundens. Quam eiaculationem, si ita loqui fas est, ipsis demum oculis cernimus: cernimus sicuti injecta nova massula huiusce salis, illico ab attractu universa aquae facies prope concutitur, efformatique iam antea annuli colorati undequaque difilantur: quis dubitet ab effluvio se se in orbem dilatanre? Cernimus, praeter quamplurimas supra axem rotantes, nonnullas huc illuc transcurrentes massulas longam laramque post se veluti caudam trahere, quales Cometae caudati repraesentantur; hocque iterum quis non intelligat fieri ex eodem torrente effluviis forte ad aliquam partem longius procurrentium, qui torrens a massula salis inde repulsa retro relinquitur? Quid quod huiusmodi cauda in spiram ipsa contorquetur, cum frustulum super axe rotatur? Forsitan ex hoc ipso maior heic reactio contingit, quod contra aquam ipsam fit incurfus materiae e sale effluentis, secus ac accidit effluviis Camphorae, quae tantummodo contra aerem nituntur. Sed enim quid vetat admittere & horum effluviis, pro parte saltem, nisum contra faciem aquae, in quam incurrere quodammodo debent? Atqui nihil supra ipsam relinquunt! Nihil fortasse, quod postmodum non avolet; nihil conspicuum: at quid nisi aliquid inconspicuum? Videbitur hoc non prorsus improbabile ei, qui plures velit expendere circumstantias, observaveritque accidere, uti postquam nonnulla frustula Camphorae longius aquae insederunt, non amplius rotentur, nec porro rotentur nova quaelibet ramenta eidem aquae immissa; verum omnia quiescant. Cur non igitur infectam dicamus aquam illam, seu obiectam

adhaerentibus Camphorae exhalationibus, licet inconspicuis; unde ulterior contra ipsam aquam effluxus languescit ac cessat? Equidem si haec admittantur, una eademque ratio constabit pro motu molecularum *Salis Succini*, molecularum *Florum Benzoes & Camphorae*; & quidni etiam *Alkali volatilis*? Si vero non admittantur, iam non amplius convenient in omnibus & per omnia; sed *Sal Succini* unice (ni forte addas *Floris Benzoes*) aget modo sibi proprio ac peculiari. Veruntamen hic modus neutiquam refragatur sententiae nostrae, quae sacra testaque remanet: id enim unum contendimus, causam proximam, nempe electricam motus apprimè vertiginosi, aliorumque motuum, qui observantur in frustulis tum Camphorae, tum reliquorum corporum insigni volatilitate pollentium, aquae innatantibus, esse copiosum ac validum ex ipsis vaporum effluxum, seu strictius loquendo ambientis fluidi contra illorum quasi torrentem renixum. Quodlibet tandem sit hocce fluidum reagens, sive Aer sit, sive aqua ipsa, cui frustula illa irrequieta innatant.

- „ Plures aliae, praeter memoratas substantias, a nobis tentatae sunt. Speraverat adstantium aliquis phaenomena descriptis similia obtineri posse a quibusdam corporibus insigniter odoriferis, uti sunt *Moschus*, *Castoreum*, *Ambra*. Sed cum effluvia, quae ab his emittuntur, licet magnum late spargant odorem, non ea quantitate sint, ut sensibile ponderis decrementum, vel post longum tempus, deprehendatur in massa evaporante; cum non valida, sed prorsus blanda eruptione fiat talis exhalatio; contigit, ut cum horum ramenta aquae immitterentur, expectati motus non comparuerint: quod probe senseram, dixeramque antequam experimentum institueretur. Caetera corpora, quae similiter nihil prodiderunt, non vacat recensere. Re-

stant adhuc quae non inutiliter fortasse tentabuntur, quaeque lucem novam hac super re afferre poterunt. Interea nonnulla heic adnotanda ducimus in gratiam illorum, quibus animus esset elegantissima huiusmodi experimenta repetere. Oportet igitur ut aqua non sit frigidissima: quo calidior tum ipsa, tum aer, melius. Sed & puritas aquae, ac mundities ipsius vasis multum refert. Si massa aquae sit inquinata heterogeneis, si illius superficies vel leviter conspurcata materia pingui, quin & pulvisculo conclavis aut vestium, expectati motus particularum sive *Camphorae*, sive *Florum Benzoes* non contingunt, aut admodum parvi, ut vix obiter conspiciantur. Iuvat tunc, saepiusque, quando etiam nulla apparet pellicula aquam obducens, omnino iuvat concussione vasis excutere aquam ipsam, ut tali subsultu pars ipsius extima quoquomodo conspurcata proiciatur in terram, ac reliqua mundior remaneat in vase. Minor diligentia requiritur pro *Sale Succini*, cuius frustula quaelibet, nunc ad diversas plagas excurrere, nunc super axe velocissime rotari adhuc pergunt, postquam pellicula versicolore tota aquae facies obducta est. Iam inter ipsas aquas fontanas magna se prodit differentia; sunt enim quae ut pellucida, vix omni adhibita diligentia sinunt immissa sibi frustula *Camphorae*, aut *Florum Benzoes* lamellas, concitari, ac de more in vorticem agi. Annon hinc novum depromi poterit Criterium pro detegenda aquarum impuritate? Caeterum non sola aqua hisce experimentis opportuna; namque & in vino contingere vidi eosdem motus particularum *Camphorae* & *Florum Benzoes*, nec multo languidiores; nullimode vero in spiritu vini, a quo distillatae particulae male sustentantur, ita ut continuo fundum petant; neque pariter in oleo olivarum &c. “.


---

CAROLI IOSEPHI GROSS  
 OPPENHEIMENSIS  
 DISPUTATIO  
 VENAE SECTIONIS  
 VERAE INDICATIONES

*Sistens sub praesidio*

GEORGII MATTH. GATTENHOFF

*Heidelbergae 1771. (\*) .*



§. I.

*Instituti ratio .*

**V**Enae sectio , tum antiquissimum in arte  
 medendi , tum frequentissimum hodie remedium ,  
 quo & conservandae sanitatis , & morborum in

---

(\*) Illustris Viri GATTENHOFFII scripta Academia , ad quae & praesens Dissertatio pertinet , tradere hic pergo , atque neminem credo futurum esse , qui non illa , inter praesentis Collectionis meliora posuerit . Digna vero est *Venae Sectionis*

quovis fere genere curandorum opera , phlebotomum , gladium veluti Delphicum ad gravissimos adfectus iugulandos , tum & leves victimas stringunt , nostram pro themate inaugurali considerationem mereri visa est : quod , licet novitate haud placeat , id tamen habeat utilitatis ; ut veros generosi remedii usus , abusus fere epidemici noxas statuamus , atque , quae in hoc medendi genere formari solent , indicationum limites coerceamus , sicque & artis prodesse tyronibus , & annosae toties vetulaeque praeceps , quae assiduas inter operas atque familiari quodam medendi habitu meditari dediscit , mores consuetudinemque refellere liceat .

---

operatio , cuius Vires Medicae in corpus humanum propius examinentur , atque dolendum est , certe nos longe magis de minimis interdum , quam de maximis in re etiam medica , curare : ad quae omnino sanguinis missio pertinet , cuius effectus , licet quam plurimis ignoti sint , omni tamen alio remedio frequentius corpori humano applicantur . Vereor , ne *sola lanceola phlebotoma* plures trucidaverit , quam vel aliud quodcumque armorum genus fecisse gloriari possit . Utilissimum igitur censui , Iuvenes Medicos praesenti labore in remedium attentiores reddere , quod , eo ipso quod summas utilitates habere queat , si recte administratum fuerit ; non potest non insigniter obesse Aegrotis , quorum sanguinem , absque omni habita ratione , ut aquam dissiparet .

## §. II.

*Naturae opera in parando sanguine.*

Atque eo quidem in argumento ut recte versemur, quid de sanguinis natura, summissue in oeconomia vitali usibus statui debeat, repeti in primis ex physiologicis oportet. Atque ipsam sanguinis originem si lustremus, liquorem esse constat, soli animali corpori proprium, solisque eius machinae viribus effectum; ut extra animale corpus nec natura similis, nec arte imitabilis observetur (a), solumque animale corpus sit, quod suum sibi sanguinem faciat ex materie, quae non est sanguis (b): quas machinae in primis etiam primordiis vires celeberr. virorum MALPIGHII, HALLERI de ovo incubato observationes illustrant; quels constitit, auctis sub incubatu solidarum partium viribus, in ea ratione, liquido per vasa, sensim conspicua, moto colorem flavum, subviridescentem, ferrugineum, demumque rubrum cum evidentioribus cordis maiorumque vasorum aedificiis induci (c);

---

(a) GAUBIUS *Pathol.* §. 332. SWIETEN. T. II. p. 41.

(b) SWIETEN. T. I. p. 136.

(c) MALPIGHII *de format. pulli in ovo incubato* p. 55. item *de ovo incubato adpend.* p. 78. SPALANZANI *Abhandl.* p. 91.

sub evidentiore cordis fabrica in pulli primodiis sub semicirculi sat crassi & muscularis specie die quarto nonnisi unam sanguinis guttam, sed hora 144., ventriculo cordis duplici adparente, duas sanguinis guttas observavit perspicacissimus HALLERUS (a). Quae eadem haud dubie in foetu humano, sub arcana naturae opera ratio est, experimentis haud subiicienda. Adeo ipsae machinae animatae viribus ortum debet sanguis; atque uti inter primaria eiusdem extruendae opera pertinet, ita eo praecipue ad ulteriora machinae animalis incrementa, partiumque ac viscerum vitalium perfectionem natura uti videtur; cum qua certa sanguinis tum copia crescit, tum perfectior conditio: ut, quo fortior animalis corporis compages, teneriorve, densitas sanguinis, eiusque ad reliqua liquida proportio ac copia variet (b); atque adeo pro ratione aetatis, sexus, temperamenti differat in unoquoque (c): hinc in exercitato robustoque agricola

---

(a) HALLER *de format. cordis in ovo* Oper. min. T. II. p. 164. 369. 386. 410.

(b) Globulorum rubrorum portio maior ad serum in adultis HALLER *Elem. phys.* T. 2. p. 49. copia maior in robustis p. 57.

(c) Gravitationem specificam sanguinis diversam esse pro ratione aetatis, sexus, constitutionis probat GORTER *de perspir.* p. 87. HEUERMANN *phys.* p. 389. SCHWENKE *haematol.* p. 124.



sola densissimus ingenti per vasa robusta attritu-  
 rapitur ; in tenera pallidaque virgine , aut tabe  
 cachectica per debilem fibrae solidae compagem  
 diffusa , liquidi fere aeruginosi , subviridis for-  
 ma perambulat perinde fere , ac illas sub pri-  
 morum tenellorum ovi staminum motibus muta-  
 tiones dixi ; antequam cum perfectiore cordis  
 vasorumque fabrica , perfectioris sanguinis spe-  
 ciem ac doctes induat ; restituitur sanguinis haec  
 purpura , dum , maiori per adminicula artis ro-  
 bore reddito , vasorum actio suos in usus in-  
 valuerit . Probe certe sanguis a BOERHAAVIO  
 (a) adpellatur creatura singularis admodum na-  
 turae , & in omnibus animalibus determinatae ,  
 & in singulis diversae , adeoque in homine est  
 humanus , in nullo alio animali reperiendus ;  
 hicque sanguis , aliunde infusus , non est san-  
 guis illius hominis , cui infunditur ; quaeque  
 ratio celebria illa olim Anglorum in transusio-  
 ne experimenta infelicia , magnosque illos pro  
 concilianda quasi immortalitate ausus invalidos  
 reddidit . Magnus adeo ac singularis in parando  
 sanguine naturae labor est , viresque habet per  
 univsum corpus , totamque fibrarum solidarum  
 texturam actionemque diffusas ; ut ex adsump-

*Op. Med. Vol. III. K*

---

(a) BOERHAAVE *de morb. nervor.* p. 173.

tis, tantopere a natura sanguinis alienis; ad vitales usus sanguis paretur; dum sub assidujs validisque cordis vasorumque motibus, attritu perpetuo, divisionis & attenuationis perpetuae summis, quae in naturali viscerum ac vasorum praecipue minimorum actione vigent, momentis peregrinae chylosarum particularum dotes mutantur, superflua ac immutabilia per naturalia collatoria eiiciuntur, atque quae ad sanguinis compositionem pertinent, elementa gelatinosa oleosaque (a) congregantur compingunturque in novas non tam liquidi formas, quam in densitatem gravitatemque globulis sanguineis specificam, quae magnos vitae usus habet, perpetuis vasorum liquidorumque pressionibus frictionibusque condensantur (b), ut, quae aqua leviora erant, nunc gravitatem prae illa maiorem adquirant, viribus certe, soli animali machinae propriis.

(a) Adipe maximam partem atque oleo stipatissimo fieri globulos sanguinis probat HALLER. *Elem. phys.* T. II. p. 67. 68. 107. 156. 319. e glutinolo principio fieri FRACCASSINI *opusc. pathol.* p. 2. magnam vim olei ostendit GAUBIUS *pathol.* §. 343. 346. suoque ipse experimento probat RUYSCHIUS *Thef. anat.* I. p. 14. cruor hinc inflammabilis SCHWENKE *haematol.* p. 141. carbo sanguinis magis oleosus, quam reliquarum partium animalium. *Grundlehre von der Experimental-Chymie* P. I. p. 399.

(b) Confer. HALLER. l. c. T. II. p. 273. 317. 319. BERGER. *de nat. human.* p. 158.

## §. III.

*Sanguinis vitalis usus & necessitas in  
animali corpore .*

Tametsi vero , quae per vasorum systema , sanguinis nomine , perpetuum circulum obit , massa ex vario liquidorum genere , tum soliditate , gravitate , tum tenacitate , tum natura differente , componatur : ut a densitate ad summam volatilemque tenuitatem innumeros intermedios gradus complectatur (a) ; unde in vasorum omnium diversissimi generis per C. H. diffusos alveos communi quodam e fonte liquida determinatos in usus dimanant : solidiorum tamen globulorum , qui ruborem illum ac purpuram sibi propriam habent , commoda sunt maxime vitalia , maximeque consideranda . Ita

I. Densitas , quae sub sphaerica potissimum figura ac minori volumine plus materiae habet , sola illius motus retinendi , propagandique capax est , qui viribus cordis sese contrahentis impressus , per vasorum universum systema , partesque omnes corporis diffundi , ac supra in-

K 2

---

(a) GAUBIUS *Pathol.* elegantissimam sanguinis analysin sistit .

gentes adgregatas resistentias ; reducere liquidum per venas in cor possit , sicque vitalem sustineat circulationem. Ita cordis vires potissimum per solidiores sanguinis globulos omni corporis animalis puncto adplicantur , ut in arterias capillares ipsaque vasa minima penetrent (a) : hac ratione totum sanguinis pondus sola vi cordis movetur (b) ; dum tenuia aquosaque liquida , huius motus haud capacia , vasis distendendis haud sufficiunt , atque in loculos cellulosos diffluentia , vasa collabi sinunt (c) . Res ipsis experimentis anatomicis sat manifesta , queis aqua in vasa capillaria impelli nequit (d) ; atque in ratione densitatis impulsu per siphonem liquoris vasa plus minus impleta distentaque inveniuntur ; ut cylindrica reperiantur , quae sebo , plana , quae oleo terebinthinae , eadem vi siphonis , impleta fuerint (e) : solus Mercurius globulis suis densioribus anfractus epididymidis superat , viamque sibi in testem internum aperit

---

(a) HALLER. *Elem. phys.* T. I. p. 426. 428.

(b) HALLER. l. c. T. I. it. T. II. pag. 219.  
SCHREIBER. *Almag.* p. 202. 222.

(c) BOERHAAVE *de morb. nerv.* p. 152.

(d) Liquidum aquosum , tenue non facile in venas transire , HALES comperit *Haemast.* Exper. 54. §. 15. Conf. BOERHAAVE *de morb. nerv.* p. 152.

(e) HALLER. l. c. T. II. p. 149.

(a) : Canes HALESIANI semper moriebantur ; cum iniecta aqua sanguis nimis dilueretur , ea interim in cellulofam telam undequaque cum insigni tumore hydropico , omniaque cava tum abdominis tum pectoris capitique , atque in varia organa colatoria dilapfa (b) . Varia certe summaque huius motus , per globulos sanguinis vigentis , commoda funt ; Ita

II. Cum perpetua vaforum plenitudine atque continua sanguinis columna , continua prefionis motuumque series in partibus remotissimis , viscerumque vasis minimis , a cordis viribus tantopere remotis viget ; ut tum definitis liquidorum mutationibus , tum secretionibus praesint : ita cerebro cerebelloque perfectior spiritus (c) ; liquidi gastrici , aliorumque ad digestionem pertinentium conditio naturalis ; omniaque vigent secretionum munia , quae sub aquosa liquidorum crasi fatiscunt . Ita cum hoc motu , nonnisi cum definita sanguinis densitate coniuncto , actionum omnium vigor ac constantia coniungitur

K 3

---

(a) HALLER. l. c.

(b) HALE *Haemast.* Exp. 14.

(c) Quo sanguis sit tenuior , eo maiorem fieri dispositionem ad functiones laesas cerebri cerebellique producendas statuit BOERHAAVE *de morb. nerv.* p. 154.

(a) : adeo haec sanguinis densitas ad vitam omnino necessaria est (b) ; absque ea probe BOERHAAVE (c) homines unico temporis momento agilissimos iudicat , & pene spirituum similes , sed cum incommodis , cito vitae finem facturis .

III. Alia summa huius densitatis commoda sunt , quæ calori potissimum generando serviunt globuli solidiores , attritus nimirum validioris opifices , quem perpetuo caloris gradus sequitur ; uti constanti illo morborum aquosorum phaenomeno , frigore , caloris vero maiori gradu docemur , quo plus sanguinis s. globulorum rubrorum fuerit (d) : foeminarum debiliū exemplo utitur HALLERUS (e) , quas , eadem sanguinis tenuioris ratione , neque hystericae convulsionēs , neque febres ad eum gradum calefaciunt , qui in sano agricola nascitur (f) . Sed caloris

(a) Deficiens sanguinis densitas probe inter adfectuum nervosorum causas refertur a cl. WHYTT *von hypocondr. und hysterischen Zufällen*.

(b) SCHREIBER *Almag.* p. 342. HALLER. l. c. T. II. p. 149.

(c) BOERHAAVE *Praelect.* ad §. 126. p. 316.

(d) SCHREIBER *Almag.* p. 275. HALLER: l. c. p. 286. 300. HALES *Haemast.* Exp. 13. §. 3.

(e) HALLER. l. c. p. 150.

(f) Probe SWIETENIUS T. I. p. 53. sanguinis pars crassissima rubra in arteriis venisque maximum momentum motus ad vitam & sanitatem a

animalis summus usus, tum in vasorum praecipue minimorum diametris sustinendis, ac facilius permeabilibus reddendis (a) tum in sanguinis fluore conservando novimus; atque certe uti in attenuanda lymphâ, albumineque in suos nutritionis usus solvendo, determinatus caloris gradus in ovis non tam avium, quam insectorum requiritur potissimum (b); ita in humana lymphâ in debitam nutritionis materiem praeparanda, atque in omni coctionis genere a chylo ad sanguinem usque, ac reliquis liquidorum generibus, potissimum concurrit (c): atque in ipsis etiam febribus, cum maiori caloris gradu coniunctis, hoc ipso, tanquam peculiari ad coquendam morbi materiem, varioque tempore variâ crissim facie eliminandam adminiculo, uti naturam, recte contendit de SAUVAGES (d).

binis causis motricibus corde & arteriis recipit, & reliquis communicat; simul ac rubrum illud incipit deficere, frigent omnia, ut docent leucophlegmatici, & pallido morbo languentes puellae.

(a) HALES l. c. p. 15. de SAUVAGES *Nosol.* T. I. p. 297.

(b) Ovum humanum novem mensibus gradu caloris 28. ad 30.; ovum gallinaceum 21. dierum intervallo gradu 33.; Bombycum ova calore graduum 18. septem diebus serius minore gradu excludi, conf. SAUVAGES *de inst.* §. 80.

(c) BOERHAAVE *inst.* §. 78. 92. 126. HALLER. *Elem.* T. VI. p. 295.

(d) De SAUVAGES l. c. §. 81.

IV. Sed certe in ipsa solidae fibrae textura vasorumque robore summa densitatis huius specificae, quae in globulis sanguinis viget, vis ac momentum est; quatenus maiori motu solidas fibras compingit; elementorum cohaesionem contactusque multiplicat: glutinis, elementa combinantis, aquosas exturbat particulas, ut maiori vi cohaereant, sicque & elateris vires & actionis arteriosae momenta augeant; ita cum denso sanguine fibrarum habitum densum fortemque, laxum pultaceumque cum tenui; aquoso coniungi novimus, ipsaque demonstrat experientia, sub motus inertia partium solidatum fatiscere vires, nonnisi motus & exercitationis subsidio restaurandas; cachexiae favere quietem nimiam SWIETENIUS (a) probat, sed, quae paucissimo toties sanguine fundatur (b), coagulabilitate eius hoc vitii genere destructa (c): ad temperamentum phlegmaticum conferre HALLERUS (d), it. ad viscidi accumulationem (e); hinc in producenda adfectione hypochondria-

(a) SWIETEN. T. III. p. 639. 640.

(b) LIEUTAUD *Synop. pr.* T. I. p. 53. SCHWENKE l. c. p. 172.

(c) HALLER, *Elem.* T. II. p. 45. MORGAGNI *de sedibus & causis morborum.* Ep. XLIII. n. 4.

(d) HALLER. l. c. T. II. p. 144.

(e) HALLER. l. c. p. 422.



ea (a) aliisque morbis potissimum ab hac solidae fibrae vasisque inertia, sanguinis densitate sensim resoluta, coctione inde atque mutatione adsumptorum debilitata, pendentibus, praecipuam conferre symbolam: imo sub tenuis, aquosi liquidi alluvie ipsam penitus solidae partis texturam perverti, & disiectis elementorum solidorum vinculis, in fluida converti, in hoc morborum genere constat; uti musculos in gelatinam verfos adnotat REIMAR (b); in hydro-pico ossa pro sceleto formando cocta, in mucilaginem dissolvi visa sunt (c).

#### §. IV.

*Sanguinis prohi deficientis, aut  
imminuti effectus.*

Adparet ex dictis, quantum in ipsis sanguinis globulis vitae fanitatisque momentum pendeat; dum eorum determinatis motibus, ac crassa definita, solidorum non tam vires, quam reliquorum liquidorum tenuioris generis conditio-

---

(a) FRACCASSINI *Opusc. Pathol.* p. 340. HALLER. l. c. p. 326. 341.

(b) REIMAR *de tumore ligam.* Vol. VI. HALL. *pr.* p. 436.

(c) BONNETUS *sep.* L. III. S. XXI. p. 393.

nes actionesque naturales perstant : dum vicissim vasorum actionibus specificam densitatem actionemque adquirunt conservantque globuli (a) ; ut sanguis ipse concurrat ad sanguinem probum , ex adsumptis parandum : queis certe legibus regitur animalis machina , viresque illas possidet , a Creatore inditas , ut ex adsumptis , a materie animali alienissimis , parentur liquida animalia , iacturas partium per nutritionem refarcitura , ac quaecumque etiam humorum massae inducta materies morbosa , aut solidorum etiam mutatio , partis functionem laedens , auctis vitae viribus , atque arcana toties naturae opera mutetur , coquatur , eliminetur . Quo in actionis viriumque genere sanguinis ipsius proba conditio haud postrema est : quae , dum solidorum vires excitat animatque , dum tenuiorum liquidorum penu suas per vasorum series , suosque in usus suppeditat ; dum ipsi vitali in encephalo secretioni prodest ; spirituum probam largitur materiem , vasorumque minimorum secretiorum officia sustentat ; nervorum influxum vitalem animat ; uti digestionem adsumptorum , ita & coctionem materie in morbis , quae easdem vires sequitur , prodest . Ea certe ratione fit , ut coctio eo facilius , si materies morbi in systemate

---

(a) KLOEKHOFF *de morb. animi* p. 33.

vasorum sanguiferorum haereat , testante de SAUVAGES (a) : suppurationis bonae , in qua magna coctionis pars versatur (b) , impedimenta toties a nimia vulneris haemorrhagia praegressa novimus , cum febris lentae , ex debilitate relictæ , effectibus , teste LUDWIGIO (c) . Eadem coctionis impeditæ ratione , dum in morbo varioloso sanguinis tenuitas l. aquea cum solidæ fibræ laxitate , l. putrida resolutio comitatur ; methodum antiphlogisticam in solvendo sanguine efficacem , nocivam , atque probæ suppurationi adversam , recte declarat TRALLES (d) ; ad variolas crystallinas disponere SCHULZIUS (e) adnotat . Adeo aliquando methodo SYDENHAMI , antiphlogisticae nimirum præferendam illam MORTONI calefacientem iudicat HUXHAM (f) . Eodem sanguinis ac solidarum partium vitio coctionis illa in cacochymicis , phthisicisque , aut scirrhuso viscere latente (g) ,

---

(a) De SAUVAGES *Nosol.* T. II. p. 227. 228.

(b) SWIETEN. T. IV. p. 243.

(c) LUDWIG. *de hæmorrh. nimia , causa debilitatis in morbis* p. 12.

(d) TRALLES *method. med. variol.* p. 80. *de inoculat.* p. 104.

(e) HAMBURG. *MAGAZIN* Vol. XXVI. p. 52.

(f) HUXHAM. *Op.* T. II. p. 122.

(g) LUDWIG. *Inst. el.* §. 56. ROEDERER *de morb. variol.* p. 59.

difficultas fundatur: inde rara in malignis coctio, tum ob sanguinis resolutionem, tum independentem virium imbecillitatem (a): in melancholicis; hyochondriacis difficiliorem coctionis operam LUDWIGIUS adnotat (b); atque in omnibus, quibus quacunq; causa, venere, lactatione nimia, aut aliis evacuationibus, vel & nimio litterarum studio vel animi adfectibus, vel molliori diaeta, maior per corporis partes ac viscera debilitas est (c): quibus causis plerumque cum sanguinis crasi perversa tum solidae partis, tum fluidae actio fatiscit: dum e contra febres, corpora bene ante valentia invadentes, coctionem faciliorem admittunt (d). Atque summus hos sanguinis usus haemorrhagiae vel subditaee vel lentae etiam, effectus manifeste docent; fortissimis namque militibus cum ingenti sanguinis per vulnus effusa copia, fugit antiquum robur tum coctionis tum nutritionis; ut alimenta optima haud subigant, sed languore per omnia

- (a) HEBENSTREIT *de suspecta valetud.* p. 30. inde nunquam perfecta crisis in malignis. BALDINGER *de mill. morb.* p. 19.  
 (b) LUDWIG. *Inst. pathol.* §. 1065.  
 (c) LUDWIG. *de debilitate curationem morb. impedi-* p. 1. 10. id. *de celeri corporis incremento caus. debilitatis in morb.* p. 6. id. *de immoderatis excretionibus causa debilitatis in morbis* p. 10. 11.  
 (d) LUDWIG. *Inst. clin.* §. 238.

membra diffuso ; demum hydropse sepeliantur (a) ; hoc namque effectu sanguinem imprimis tenuem nimis & aquosum reddi , ostendit HALLERUS (b) ; inde promptam cachexiam , aliosque fibrae nimis laxae effectus testatur SYDENHAM (c) , it. SWIETENIUS (d) ; atque iisdem rationibus ab immodico mensium fluxu repetit FREIND (e) ; unde hydrops pleno fonte dimanat ; quem & ideo a sanguinis nimia debilitate derivat SYDENHAM. (f) , cuius copiosa exempla sunt (g) . Alii porro debilitatis effectus per varias partes ac viscera , ipsumque imprimis cerebrum , ac medullarum flaminum ner-

(a) SWIETEN. T. I. p. 24.

(b) HALLER. *Elem. T.* II. p. 10. QUESNAY *Act. Ac. R. Chir.* T. I. p. 15. sanguinem demum a repetitis multoties narium haemorrhagiis ; fluxisse , loturae carniū similem cum funesto phthiseos eventu observavit MORTONUS *Phthisiok.* p. 8.

(c) SYDENHAM. l. c. p. 610.

(d) SWIETEN. T. III. p. 640. 641.

(e) FREIND. *de mensr.* p. 170.

(f) SYDENHAM. loc. cit.

(g) HALLER. l. c. p. 144. BONETUS a nimia V. S. exemplum habet *sepulchr.* L. I. sect. II. observ. 27. WEPFFERUS *de Apoplex.* p. 359. SAUVAGES *Nosol.* P. I. p. 456. a nimis haemorrhoidibus DE HAEN *rat. med.* P. VI. p. 78. 79. MONRO *de hydr.* p. 17. ab haemorrhag. HEUERMANN. *Bemerck.* P. I. p. 226.

vorumque tenorem evidenter diffunduntur : tremorem inde in musculis adnotat BOERHAAVE (a) : alia laesi systematis nervosi phaenomena , vertiginem , animi deliquium , convulsivos motus , insolitam quandam cogitandi facilitatem , somnos fugaci convulsione abruptos , molestam sensuum teneritudinem , phantasmata dormientibus , vel & vigilantibus obversantia , adnotat KLOECKHOF (b) : ut & in adfectibus animi similia nervorum vitia dominantur , qui inde pusillus , meticulosus , iracundus reddatur ; ut & desipientiam , pusillanimitatem , in puerperis multoties a nimia sanguinis iactura SCHWENKE observavit (c) , solo explemium & roborantium cauto usu curatam : adfectus spasmodicos , hystericos , atque hypochondriacos ab abortu valde cruento adnotat FR. HOFFMANNUS (d) ; amaurosin ab haemorrhogia narium observat HILDANUS (e) ; apoplexia ipsa inter tristes toties haemorrhagiae effectus pertinet , uti huc refert BOERHAAVE (f) ; atque in obesis a frequenti *Venaesestione* vel haemorrhagia quacunque

---

(a) BOERHAAVE *Aphor.* p. 629.

(b) KLOECKHOF. *de morb. animi.* p. 35. 36.

(c) SCHWENKE *Haematol.* p. 93. 94.

(d) FR. HOFFMANN. *Med. syst.* T. II. p. 112.

(e) HILDANUS *Obs.* cent. VI. obs. 5.

(f) BOERHAAVE *de morb. nerv.* p. 652.

apoplexiam, praeter caetera mala; observat SCHWENKE (a): cuius ratio ex supra dictis haud difficilis; quatenus deficiente sanguine, & illa in elaborando probo humore, atque requisita spirituum materie, naturae opera languet; & illa in vasa minima, a cordis territorio tantopere remota, pressio deficit; ut motu languente, vel non impleantur vasa secretoria, vel non satis, aut male apta materie cum spiritu debiliore, aut eadem pituitosa, flammam nervosorum originem infarciens: unde hoc apoplexiae genus ab eo distinguit BOERHAAVE (b), quod ab effuso intra cranium sanguine nascitur. Simili aliorum viscerum vitio varia mala flagrant: pulmonum adfectione difficilior & brevior spiritus (c), tussicula, tabes (d); phthisin inde MORTONUS (e) refert; hecticam a vaforum deiecto tono, ac liquidorum crassi plane demum perversa ab immodicis mensuris repetit FREIND (f). In corde palpitatio, motus retardatus saepe, inaequalis, saepe accele-

(a) SCHWENKE l. c. p. 23.

(b) BOERHAAVE l. c. p. 53.

(c) Asthma spasmodicum a largioribus haemorrhagiis repetit WHYTT l. c. p. 198.

(d) KLOECKHOF. l. c.

(e) MORTONUS l. c. p. 6. 7.

(f) FREIND l. c. p. 172.

ratus (a). Ventriculi respectu adpetitus & co-  
 elionis turba multiplex (b). Respectu intestino-  
 rum diarrhoea saepe chronica ex soluto sangui-  
 ne (c); saepe tarditas, a nimio fibrarum inte-  
 stinalium torpore. In hepate minoribus arteriis  
 venisque post magnam evacuationem exinanitis,  
 collapsuque concrepcentibus, scirrhus nascitur (d).

### §. V.

*Digressio ad Venae sectionem, cuius actio.  
 effectusque in corpore humano in  
 genere considerantur.*

Verum & haecenus pertractata ad sanguinis  
 naturam summosque illius vitalesque in oecono-  
 mia

- (a) A debilitate maiorem semper pulsus frequentiam  
 adnotat HALLER. l. c. T. II. p. 252. a mi-  
 nore sanguinis quantitate experimentis didicit  
 HALES *Haemast.* Exp. II. §. 7. eademque in  
 hecticis huius in pulsu celeritatis ratione uti-  
 tur. Ab imminutione sanguinis pariter observat  
 SCHWENKE l. c. p. 77. de SAUVAGES No-  
 fol. T. I. p. 228. 229.
- (b) Saevae Cardialgiae a menstruis immodicis toties  
 in foeminis oriuntur, cessantes, dum gravido  
 utero fluxus cessat. WHYTT l. c. p. 140.
- (c) BENNET. *Theatr. tabid.* p. 22. STÖERCK.  
*Ann. med.* I. p. 106.
- (d) PLATTNER *Art. med.* §. 474.



nia vitali usus demonstrandos valent; sed, & ad venae sectionis usum noxasque explorandas nos ducunt; ut eiusdem quidem in genere actionem, inducique solitas in corpore mutationes, unde verae genuinaeque indicationes erui possint, exploremus. Atque adeo

I. *Copiam imprimis humorum arteriosorum & venosorum minuit (a)*; cum vasorum universum systema in se invicem pateat, atque ex uno in aliud vas perennis circulatio vigeat; ut ex una maiori vena tota fere sanguinis massa, quanta ad vitam sustentandam necessaria est, educi possit: sed portio globulorum rubrorum hic imminuta maxime spectari debet; dum serosorum interim augetur proportio, testante HALLERO (b); dum ad locum facti vulneris globuli rubri praecipue confluunt, evacuanturque, serosis in vasis tenuiorum generum distantibus remotisque manentibus, minusque accelerato huc cursu motis. Ex his sequitur

II. *Venae sectione resistenciam movendorum reddi minorem (c)*; quae a mole sanguinis a cor.  
*Op. Med. Vol. III. L*

(a) BOERHAAVE *Inst.* §. 1228.

(b) HALLER. *Elem.* T. II. pag. 330.

(c) BOERHAAVE l. c.

[ de proiiciendi aestimatur : Cordis vires ergo cum eadem maneant, minuta mole movenda, evadunt liberiores ; & si celeritas cordis cum subtracto obstaculo, a quo, omnis cordis motus acceleratur, nunc minuta sit, aequilibrium interim, & expedita circulatio restituitur.

III. *Adeoque & plenitudo vasorum, & horum ad se mutua compressio minuitur* : attritus namque sequitur corporum massam ac densitatem ; massa est in ratione compressionis ; compressio minuitur, liberioribus redditis vasis : hinc & attritus fluida inter & solida effectus, calor, aestus, densitas inflammatoria minuuntur. Inde ad mitigandum aestus, febrilis gradum summum in venae sectione remedium ponit SWIETENIUS (a), item HUXHAM (b), item plerique alii ; calorem proprii corporis per V. S. a gradu 243. ad 235. depressum observavit MARTIN. (c) ; dum densissima namque fluidorum nostrorum pars ( §. 1. n. 1. ) imminuitur, calori concipiendo retinendoque aptissima : PITTCARNE (d) eadem ratione utitur ; quatenus calor sanguinis dependet ab eius motu circulari ; quo

---

(a) SWIETEN. T. II. pag. 306.

(b) HUXHAM §. II. pag. 18.

(c) Ex Act. Suec. Gött. Anzeig. An. 69. p. 292.

(d) PITTCARNE Elem. Med. Mathem. p. 71.

fit, ut partes succedentes impingantur in antecedentes, & hae in alias anteriores; ita, ut medio loco conclusae & propellantur a sequentibus, & impediantur, h. e. repellantur ab antecedentibus; unde adparet, partes illas medias magis premi, quam si nullae essent anteriores; maior autem illa pressio facit maiorem allisionem unius moleculae ad aliam, atque ad ipsos elasticos arteriae parietes; unde & densitas & calor crescit; ast vena secta, tollitur pars sanguinis antecedens, ergo sequens maius habebit spatium & liberius; & sic minor pressio, minorque partium allisio, & sic minuetur calor; unde inter refrigerantia & temperantia remedia iure numeratur Venae sectio. Dum

IV. *Motum humorum circulatorium imminuit*; quatenus cum subtrahti sanguinis ratione stimulus imminuitur, qui ad cordis contractionem contractionisque modum praecipue e sanguine venoso adplicatur (a): id quod omniquidem experimento evidens est; dum per sanguinis detractionem minuere pro lubitu possumus humorum motum ad absolutam usque quietem i.

L 2

---

(a) HALLER. l. c.

e. mortem ; adeoque pro varia emissi sanguinis quantitate reducere ad debitum moderamen (a), HALESII porro experimentis constat (b), sanguinem in tubo adplicato primis nixibus columnam petiisse altissimam, in minorem vero pro ratione emissi sanguinis demersam.

V. *Vasis hinc quoque nimis distensis pristinae contractionis & elaterii vires redduntur ; ut liberius contrahi, & in fluida contenta agere queant ; hinc toties coctionem promouet in plethoricis, crisesque in morbis acutis ; dum vires vasorum onere liberat, atque ad subigendam adeo morbi materiam auget (II.) ; testatur SWIETENIUS (c) it. MEAD (d) ; dum plethora e contra crises toties imperfectas reddit (e). Verum & hac ipsa ratione, maiori vasorum actione ac humorum motu, saepe malignitatem evolvit, five morbosam humorum discrasiam extricat *Venaesectionis*, febremque demum accendit, testante LUDWIGIO (f). Ita vero*

(a) SWIETEN. T. II. p. 156.

(b) HALES. *Haemast.*

(c) SWIETEN. T. III. p. 35.

(d) MEAD *de Imper. sol. & lun.* pag. 79.

(e) BRENDEN. *de termino Venaesectionis in acutis* §. VI.

(f) LUDWIG. *Inst. clin.* §. 126.

VI. *Rarèfacit liquida* (a); quatenus viribus comprimentibus vasorum minutis, liquida laxantur, s. a densitate sua pristina desciscunt; inde saepe a *Venæsectione* primum quidem augeri circulationem febremque experimur: ita namque plethora in febre febrem saepe parvam reddit, & malignae similem cum maxima virium deiectione, facta *Venæsectione* autem maiorem evidentiorumque: notabili exemplo confirmat SYDENHAM (b) in iuvene, qui animam fere agere visus, calore tamen in externis partibus tam temperato, ut fidem derogarent, quoties adferebat, eum febre laborare; aperta vena, tanta vehementia exarsit, qua vehementiorem, nondum ipsi videre contigerat. Ita sanguinis velocitatem augeri in plethoricis, demonstrat de SAUVAGES (c); dum respective adaugetur vis cordis expultrix; si resistentia ex parte fluidorum minor evadit, uti imminuta plethora per sanguinis detractionem: ita sanguine copioso, per febrilem calorem rarefacto adhuc, distentissimis vasis, suffocatur omnis motus cum summo discrimine rupturae vasorum ob nimiam plenitudinem; bre-

L 3

---

(a) BOERHAAVE l. c.

(b) SYDENHAM *de novo febr. ingressu* p. 683.

(c) De SAUVAGES *Pathol. method.* p. 116.

vi augetur motus simul ac per *Venaeſectionem* minuitur moles diſtendens (a).

VII. *Solvit liquida*, imminutis attritus & compreſſionis cauſſis, vaſorum actione, ſub liberaiore per fines tranſitu, imminuta. Ea certe ratione, quibus ſolutus iamiam ac magis ſeroſus ſanguis eſt, uti pulmonum vitio ſolet, licet crebrae phlogoſes familiares ſint, nocivam *Venaeſectionem* obſervat LUDWIG. (b) in imbecillibus, it. in morbis putridis, a maiori ſanguinis reſolutione, peſſimos effectus ad notat (c).

VIII. *Obſtruſta expedit*: quatenus obſtruſio ſit ab expansione nimia vaſorum maiorum; unde neceſſario minores vaſorum ſeries comprimi atque obſtrui debent; unde vel cum copia ſanguinis vel eiſdem maiori rarefactione ſaepe tarditas pulſus coniungitur, haerente in finibus arteriarum obſtaculo: unde & *Venaeſectio* a motu retardato exigitur, ſi maxime duriſies in pulſu tardo obſervatur, uti monet LUDWIGIUS (d): accedit, quod hac vaſorum maiori libertate conſeſſa, repetito attritu dividi & attenuari melius molecula immeabilis, arteriarum finibus inhac-

(a) SWIETEN. T. II. p. 145.

(b) LUDWIG. *Adverſ. med. pr.* T. I. p. 161.

(c) Loc. cit. pag. 188.

(d) LUDWIG. *inſt. Therap.* §. 1647.

rens, queat, atque ipsa vasis liberiore contractione retroagi in latiore vasis partem, hocque itu redituque sensim divelli, dirimi in minores particulas possit, quae in continuum tandem venam, proportionata diametro abeant: id quod LEWENHOEKII experimentis fundatur, qui haerentem in vase alae vespertilionis immeabilem sanguinis massulam sub microscopio vidit, atque calore applicato, suscitata vasis contractione, moveri sensim, nunc in latiore vasis partem, nunc in priores vasis angustias; donec repetito hoc itu redituque ita divideretur, ut circulatio per omnia vasa redintegraretur. Idem experimentis suis evidentius probat HALLERUS (a); nempe de incisa arteria perinde, quidem de secta vena, sanguinem maxima velocitate effluere vidit eo modo, ut de vicinis truncis ramisque, & secundum circuitus leges, & contra easdem in vulnus ruat quaque versum; ut etiam contra ponderis vim & directionem naturalem in rimam se precipitet; ita etiam in sanguine stagnante novam nasci velocitatem vidit (b); imo exsecto etiam

L 4

---

(a) HALLER. *Elem.* T. II. p. 219.

(b) HALLER. *Comm. Gött.* T. IV. p. 323. REMUS *Exp. circa circul. sanguin.* §. XXVIII. Exp. X.

corde, aut revinculis magnis aortae ramis; exclusa adeo cordis potentia, tamen sanguis novam velocitatem adquisivit, quae neque a corde est, neque a pondere, sed illa fere vasorum minorum contractione, quae sanguinem contentum undique urget ad locum minus resistentem: ita & globulos sanguinis in vase alieno per V. S. retropelli in vasa latiora, demonstrat de SAUVAGES (a), unde obstructio expeditur. Uti & ex hisce experimentis ad *Venaesectio- nis* in submersis, soporosis, aliisque ad quietem sanguinis turbandam, motumque renovandum, summam utilitatem repetit HALLERUS (b): probe ex eiusmodi rationibus BELLINUS (c) missione sanguinis refert, praecipue dimoveri, atque abripi e summis canalibus capillaribus, quidquid eis intime inhaeret, dummodo vis illius cohaesionis, minor sit momento velocitatis sanguinis.

IX. *Circuitum, secretionem, excretionem promovet* (d): quatenus depletis vasis maioribus, minora ab onere prementis liquidi liberantur, suisque functionibus defungi queunt, restituta

(a) De SAUVAGES *de infl.* §. 101.

(b) *Comm. Gött.* l. c. p. 324.

(c) BELLINUS *de miss. sanguin.* prop. 5.

(d) BOERHAAVE l. c.



debita ac naturali circuitus lege : inde ratio perfectiorum crifium a liberiore fecretione & excretionem pendentium ; quas toties plethora impedit , aut nimia rarefactio : tardanti inde variolarum eruptioni *Venaefectionem* opponit de HAEN (a), MORTONUS (b) , alii plerique cordatiores . Verum nifi fupposita haec fanguinis vaforumque nimis diftentorum vitia peccent ; ex fupra dictis §. III. n. II. liquet , cum ipfo fanguine motum in minoribus vafis imminui , languere , quae inde pendent functiones ; fe & excretionem variis turbantur modis , perfpiratio interturbatur , atque corpus redditur fluxionibus catarrhofis obnoxium : Inde & illud pendet phaenomenon corporis a *Venaefectione* pondere crefcentis , quod refert TISSOT (c) it. UNZERUS (d) .

X. *Revellit* . Triplex nimirum *Venaefectio* quoad medici faltem intentionem ftatuitur a Veteribus . 1. *Evacuatoria* ad minuendam fanguinis molem & ad ventilandum f. a preffione vaforum liberandum fanguinem : Talis dicitur , quatenus eadem proportione imminuitur moles fanguinis in vafis omnibus tum vulnufculo pro-

(a) De HAEN *rat. med.* P. II. p. 53.

(b) MORTONUS *de acut. grav.* p. 142.

(c) TISSOT *avis au peuple* §. 410.

(d) UNZER, *der Artz.* P. X. p. 157.

ximis , tum ab ipso diffitis (a) : *Revulsoria* vocatur si vasa a vulnuscule remota accipiunt quantitatem sanguinis in minore ratione , quam vasa vulnuscule proxima sub eadem diametro . *Derivatoria* vero nuncupatur , quatenus vulnuscule proxima vel respondentia maiorem accipiunt sanguinis copiam , quam remota , licet eiusdem diametri . Quamquam vero haec doctrina a Veteribus iam , circulationis ignaris , ortum duxerit ; qua , cum sanguinem in una eademque vena , sursum deorsumque , ultro citroque moveri posse opinarentur , venam remotam incidi praecipiebant : qua secta , credebant sanguinem a parte adfecta retrahi , averti & revelli ; incisa vero proxima , in locum adfectum retrahi illum & augeri (b) . Quam doctrinam recentiori aetate revocavit quasi , multumque mathematicis etiam rationibus ornavit BELLINUS (c) : sed multum ab aliis in controversiam vocata , variisque ac solidis argumentis impugnata fuit ab OEDERO (d) , aliisque . Multa sunt , quae Veterum sententiae patrocinantur , eandemque fere certam

(a) SAUVAGES *Pathol. method.* p. 129.

(b) PLACENTINI *Conf. comm. de reb. in sc. nat.*  
Vol. VII. p. 166.

(c) BELLINUS *de missione sang.* p. 122.

(d) OEDER. *de derivat. & revulsione.*

reddunt, clar. Virorum momenta, atque experimenta in animalibus instituta. Atque adparet imprimis, omnem *Venaesectionem*, quocunque loco celebratam, triplici hoc munere fungi, s. simul esse evacuatoriam, derivatoriam, revulsoriam, respectu nimirum diversorum vasorum, in quae maior vel minor sanguinis influxus conciliatur. Ratio in eo maxime fundatur: dum sanguis intra cava contentus, undique pressus, & a corde per totum corpus diffusus, si modo apertura in quacunque parte fiat, ita, ut resistentia eius motui progressivo dematur, quae a vasorum plenitudine, figura & tenacitate inprimis pendet, maioria copia & impetu, qua data porta, ruet, & dein in vasa, huic proxime posita magis, quam in ea, quae longius absunt, determinabitur: hinc impetus & copia sanguinis, ad omnes partes fluens erit reciproca, uti distantia earum a vase aperto s. minor, quo longius distant a vase aperto: si igitur quantitas maior, quam quae sanitati conveniat, in vasis quibuscunque contineatur, & sanguis ex vasis, ab iis longe distantibus, detrahatur; quantitas in eo, ubi accumulatio sit, fluens, multo minor erit: hinc sanguis dato tempore maiori quantitate in hanc corporis partem determinabitur. Haec demonstrationes BELLINIANAS sequuntur: inde repetunt, quod saepe ab incisa fa-

phena illico liberetur caput : quod arteriae ; venae incisae ramis continuae , nunc evacuatae , directe mox ex iliakis , adeoque ex aorta , recta fere trahunt sanguinem : unde maiori tunc copia cor sanguinem proicit in aortam descendentem , quam in carotides ; hae autem nunc minus infarctae , facilius humores suos reddunt venis , & forte partem in aortam descendentem repellunt : sic vasa namque nunc liberiora facile excutiant inhaerentem molem vel propria vi contractili vasis vel sanguis accumulatus a tergo nunc minus premetur , densitas eius minuetur , rarefiet , & sponte resolvetur : ex eadem ratione ac fundamento venas , a parte adfecta remotiores , revulsione scopo secant , uti in pleuritide in brachio opposito , parteque semper parti dolenti opposita , *Venaesectionem* instituendam docet BELLINUS it. PITTCARNE (a), alii plurimi elapsis saeculis , quos & hodie sequuntur complures .

Revulsione ac derivationis vim revera obtinere , multa sunt , quae evidenter probant : Experimentis , quae naturam semper immediate docent , rem prosecutus est HALLERUS (b) :

---

(a) PITTCARNE *Elem. med. mathem.* p. 70. 71.

(b) HALLER. *Elem.* T. II. p. 328. 329. *Comm.*  
A. R. Gött. T. IV. pag. 322.

experimentis in ranis institutis , secta vena , sub microscopio vidit , incredibili rapiditate sanguinem venosum se in incisae venae vulnus , aut , si cor refecuerit , in praecisos Venae Cavae fines coniecisse (a) , contra legitimum iter sanguinem undique ab omnibus venis , in locum laxatum , quocunque sub angulo apertis , aut per alios ramos cum eo consentientibus , in vulnus abreptum fuisse , maximoque cum impetu de rima venae effluxisse : quae similia *Ant. de HEYDE* (b) experimenta sunt ; it. REMUS (c) hoc novae per V. S. additae velocitatis momentum pluribus experimentis demonstrat . Per experimenta ergo certum , utique ad sedem vulneris vicinarum venarum sanguinem , nova cum celeritate confluere , & arterias , ad eundem artum sanguinem ducentes , nova cum celeritate sanguinem adducere (d) , atque adeo ab aliis remotioribus venis & arteriis sanguinem ad sedem vulneris abduci : quod revelli vocant , nisi valvulae impediverint (e) . Similia LOWE-

(a) REMUS *Exp. circa circulat. sanguin.* §. XXVIII.

(b) De HEYDE *Obs.* p. 2. 4. 5. 172.

(c) REMUS l. c.

(d) Et in arteriis motum per V. S. accelerari , exp. probat HALLER, *Opusc. min.* T. I. p. 114.

(e) HALLER, *Elem.* T. II. p. 329.

R1 (a) argumenta sunt ; comparatione fluvii utitur , qui in duos amnes aut rivulos diffusus , in plano solo placidis & aequis passibus decurrit ; si alter delecta ripa , qua prius continebatur , extra alveum praeceps ruit , non solum fluentum eius , quod ultra hoc apertum praecipitium pergit , sed proximus amnis , quorum per diversas foissas rivulosque , quasi tot anastomoses , communicat , statim subsidet , & in cursu suo retardatur ; uterque scilicet amnis , faciliorem exitum nactus , quo magis libere potest , decurrit . Sola porro sanguinis fluentis celeritate pro eo argumento utitur KRAUSE (b) ; quae insigni ratione maior , quam in integra cogitare possit ; cui cordis certe contractio , sanguinisque , qui a ventriculo cordis expelli solet , quantitas haud correspondeat . Verum probe notandum , & in quo maxime a Veteribus dissentimus , hunc novae velocitatis effectum ad remotiora vel remotissima vasa extendi non posse : probe ita quidem OEDERUS (c) ; ab omnibus arteriis aliquid averti sanguinis , dum in *Venam sectam* maiori tum copia tum celeritate profluit , in omnibus adeo fieri revulsionem ; in nulla , praeter

---

(a) LOWERUS *de corde* pag. 120. 121. .

(b) KRAUSE *de derivat. & revuls.* §. X.

(c) OEDERUS l. c. §. XV. n. 76.

respondentem venae sectae, fieri derivationem; sed revulsio quidem illa, quo propior cordi arteria, eo in illa minor est; quo propior loco *Venaesectionis*, eo in illa maior (a). Experimentis in canale ad similitudinem ac directionem vasorum nostrorum constructo demonstrat SE-NAC; uti & mathematicis rationibus illustrat OEDERUS, derivationem, nisi in illa arteria, in qua minuta est resistentia, in toto corpore nullam esse posse; revulsionem vero maximam in proximo illi arteriae ramo futuram, quo longius a loco *Venaesectionis* receditur, magis magisque minorem, ianque in non magna distantia, sensibilem nullam esse posse (b); ubi aequabilis omnino manet liquidi per vasa circuitus: consentit HALLERUS (c), derivationem & revulsionem non oportere ad nimis distantia vasa extendi, quae utique parum ab ea quidem causa patiantur. Differimus adeo a Veteribus,

(a) Rationem a debilitato corde imminutoque motus circulatorii vigore, ac celeritate in reliquis vasis, quae facto vulnere, in ea ratione augetur in secta vena, qua resistentia imminuitur, repetunt GOETTINGENSES, dum NICOLAI sententiam in eo argumento diversam refellunt. *Gött. Anz.* an. 1749. p. 246.

(b) OEDER. I. c. §. XX.

(c) HALLER. *Elem.* T. II. p. 330. it. *Comm.* *Gött.* T. IV. p. 325.

quod illi, *Venaesectionem* derivatoriam in loco instituerint, parti adfectae vicino, revulsoriam in opposito ac remotiore: nos optimam revulsionem credimus & experimentis probamus, in loco adfectae parti quam proximo, seu e vena arteriae contermina, in qua impeditior est sanguinis ad venam transitus: v. g. in pleuritide recte securi omnium controversiarum, e brachio adfecti lateris, vel e iugularibus externis (a) eiusdem lateris revulsionem facimus; cuius ratio in venae «ζυ» in concursu subclaviarum & iugularium insertionem poni videtur; quae vena respondet arteriis hic inflammatis intercostalibus; propius hic detrahere non licet & praesertim Mediana commoda etiam est ob venas, a thoracis externis, humerariis, & per consequens ab axillari vena in musculos thoracis externos dimissis. Huius *Venaesectionis* in adfecto latere institutae utilitatem certis experimentis demonstrat TRILLERUS (b), quotidiana imo experientia; evidentem WERLHOFFII observationem  
reci-

- (a) Sectionem Venae iugularis ab ipso corde, ab aure dextra, ab arteria pulmonali, sanguinem revocare posse, certius a cerebro, adnotat HALLER, *Comm. A. R. G. T. IV. p. 524.*  
(b) TRILLERUS de *Pleuritide*.



recitat BUCHNERUS (a) : Eadem ratione in morbis capitis cucurbitulas occipiti optimo cum effectu adplicat WALTHERUS (b) : HALESIUS loco parti adfectae proximo *Venaesectionem* instituendam iubet probatque (c) : Quo in genere idem Naturae consilium conatusque videmus , quibus vasis encephali nimio sanguine turgidis inflammatisque , in phrenitide aliisque capitis morbis , proxima in naribus vasa aperiendo succurrit . Eadem certe ratio est , qua in morbis haemorrhoidalibus vel quaecumque V. Port. vitiis , *Venaesectionem* minus convenientem , potiore varicum haemorrhoidalium incisionem vel hirudines adplicandas suadet LUDWIG. (d) . Verum & oportet non diffiteri cum HALLERO l. c. continuo , postquam vena iterum deligata

Op. Med. Vol. III. M

(a) BUCHNER. de V. S. in peripneum Vol. II. HALLER. Pr. pag. 271.

(b) WALTHER. de scarif. occipit. §. XII. cucurbitulas retro aures & occipiti adplicatas in mania efficacissimas , inanem vero *Venaesectionem* in pede , quin nocivam potius ; in apoplexia V. sectionem felicem ; in arthritide venae in loco adfectae sectionem efficaciam testatur VOGEL. uti eius obs. refert LENTIN de praerogat. V. S. in partibus laborantibus .

(c) HALE. Haemast. Exp. 22. §. 22. P. ALPINUS de praesag. vitae & mortis pag. 445.

(d) LUDWIG. Adv. pr. T. I. pag. 177.

fuerit , hanc vel derivationis vel revulsionis efficaciam cessare ; quae nimirum a nova illa sanguinis velocitate , per factum vulnus conciliata , acquiritur ; quae nunc deligato vulnere , & aequabili sanguinis circuitu restituto , cessat (a) : adparet quoque , quanti intersit , ut lato vulnere instituat *Venaesectione* , atque sanguis maiori saltu profluat , maiori nimirum cum velocitate , insigniorem illam faciat revulsionis potentiam : Ita aegrum pleuriticum *Venaesectione* magis levare , si sanguis cum saltu profluat , testatur SYDENHAM (b) ; saltum efficaciorum VALCARENGI (c) habet .

XI. *Fibras solidas ac vasa relaxat* ; dum & subtracto cum sanguine stimulo stimuli modo , cordis arteriarumque contractio imminuitur (d) ; & imminuta sanguinis viriumque arteriosarum pressione attrituque , aquosi liquidi praevalet proportio ( §. V. n. I. ) , densitate

(a) Clauso vulnere omnia in aequabilem naturalemque celeritatem rediisse , in ranis vidit REMUS l. c. Exp. VII. HALLER. *Comm. Gött.* T. IV. p. 329. revulsionis vires nullas esse , nisi fluente sanguine , recte statuit , RAMAZINI *const. epidem. Mutinensi* . op. SYDENHAM. T. II. pag. 34.

(b) SYDENHAM. pag. 334.

(c) VALCARENGI *Med. rat.* P. I. p. 82. 83.

(d) HALLER. l. c. pag. 330.

sanguinis in ratione minutae pressionis in maius spatium rarefcente ( §. V. n. V. ) ; glutinis adeo laxiore & aquosiore indole laxius cohaerent elementa solida ( §. III. n. IV. ) : ab utrisque his solidorum fluidorumque mutationibus vis corporis minuetur ; quae est in ratione composita strictionis fibrarum & fluidorum densitatis . Probe hinc inter remedia nimiae rigiditatis *Venaesectione* a SCHREIBERO (a) refertur : laxitatem partium solidarum induci , notat TISSOT (b) : proclivitas certe in somnum , a *Venaesectione* familiaris , relaxati nervosi systematis spirituumque influxus minus vegeti , evidens phaenomenon est ab imminutis cordis viribus , sanguinem versus encephalon pellentibus (c) : hoc modo hominis fortissimi & robustissimi temperiem mutare licet in debilem & effoeminatam : nonne enim , si sanguinem subducendo , pressionem minuo , idem est , ac si eadem manente

M 2

---

(a) SCHREIBER. *Anweisung zur Cur.* p. 3.

(b) TISSOT *de febr. bil.* pag. 123.

(c) HEVERMANN. *Phzf.* T. III. p. 214. ad vires reparandas atque spirituum secretionem permittit somnum vena sectis *chir.* T. III. p. 272. somnum hunc licet *Veteres* haud concesserint, *Recentiores* imbecillis concedunt. WALBAUM Vol. HALLER. *Chir.* V. p. 501. 513.

copia, vasa reddantur laxiora; quae laxitas certe in debilibus & foeminis minus densi s. rarefcentis sanguinis sola caussa: Atque illud certe docet phaenomenon, quo obesitati, quae statum partium solidarum laxiorem refert, maxime conferre *Venaesectionem* constat: Uti non tam Anglorum in vitulis, referente LYSTERO, crebra observatione constitit, quos crebra partaeque *Venaesectione* obesissimos reddere norunt (a): quam ipsos homines hac medendi methodo, salva viscerum integritate, obesitatae crescere, frequens observatio docet (b); observavit HEVERMANN (c) it. TISSOT (d), ac SWIETENIUS (e) foeminam describit a crebra *Venaesectione* obesissimam factam, ac paucorum mensium spatio 150. lib. pondere auctam; continuo vero, turgente renato sanguine, novaque *Venaesectionis* necessitate, demum hydropticam: in obesioribus, qui id sibi datum prae reliquis a *Venaesectione* praesidium credunt, tristis SCHWENKII (f) prognosis notanda; qua

---

(a) HALLER. *Elem.* T. I. p. 40. UNZER *Artz.* P. III. pag. 206.

(b) MORTONUS *Phthisiol.* pag. 6.

(c) HEVERMANN. *Chir.* T. III. p. 286.

(d) TISSOT *Avis au peuple* §. 420.

(e) SWIETENIUS T. I. pag. 155.

(f) SCHWENKE *Haematol.* pag. 23.

iis ab haemorrhagiis vel frequenti Venae-  
 ne hydropem, apoplexiam & mortem creari,  
 vel morbos chronicos produci graviores, refert:  
 Ita sub laxata partium solidarum vasorumque  
 compage, imminutis cordis vasorumque viribus,  
 placido humorum circulantium motu, oleosae  
 chyli particulae nec adsimilantur satis, atque in  
 specificam liquidorum humanorum densitatem  
 compinguntur, nec excernuntur, sed in cellu-  
 losam, ubique dispositam telam, in illud cor-  
 poris augmentum redundant: ita demum ea me-  
 thodo in vitulis sanguinem imminui constitit (a),  
 ut totus in massam chylosam conversus videre-  
 tur: quod idem in hominibus, clar. Virorum  
 observatis, respondet; dum certo fere Medico-  
 rum canone constat, in obesis minus omnino  
 sanguinis esse; ut quo plus in corpore adipis,  
 eo minor sanguinis sit portio, quae ad rationem  
 novi auctarii ponderis minime crescat, uti HAL-  
 LERUS (b) adnotat, it. SCHWENKE (c),  
 HALESIUS (d), UNZERUS (e), LOESECKE

M 3

---

(a) UNZER. l. c.

(b) HALLER. *Elem.* T. II. pag. 6.

(c) SCHWENKE *Haematol.* p. 38. 102.

(d) HALE. l. c. *Exp.* 4. §. 6.

(e) UNZER. l. c. P. III. p. 106.

(a) aliique : tum quod in ratione sanguinis vires adsimilationis vigeant , quae adipem haud sinunt , tanquam liquidum haud coctum fatis , accumulari ; tum quod turgente tela cellulosa , compressa vasa , adipeque sepulta , sanguini locum haud concedant . Evidentia huius laxitatis exempla refert TISSOT (b) in puellis pluribus , quas , angina per repetitam phlebotomen curata , in chlorosin citissime praecipitatas observavit : in acutis etiam *Venaesectionis* abusu id effectum adnotat , ut sub remissione quidem phlogistico- rum symptomatum , sed crudis remanentibus humoribus & atonia fibris , pertinax induceretur cachexia . Oedema lethale pedum a febre acuta , propriumque in *Venaesectione* in fine febris facta , errorem accusat medicus (c) , cuius sinceritatis exempla , licet rarissima , utilissima tamen in re medica optamus frequentiora . Ex quibus adparet ,

XII. *Omnem Venaesectionem debilitare* , subtractis cordis arteriarumque , ipsius secretionis nervosae ( §. III. n. II. ) , quae has actiones animat , viribus , imminutis coctionum subsidiis ( §. IV. ) ; nisi casum plethorae excipiamus ,

(a) LOESECKE *Ther. spec.* pag. 57.

(b) TISSOT *de febr. bil.* p. 123. 128.

(c) *Prodrom. acil. Haffn.* pag. 3.

qua nimia mole movendi liquidi cordis vires suppressae, ea per V. S. minuta, eriguntur, f. liberiores evadunt ( §. V. n. II. ): pendunt inde omnes debilitatis effectus, ac plenoties fonte propullulant. Cordis certe debilitati evidentia toties phaenomena aut comitantur, aut insequuntur *Venaesectionem*; pallor, incipiens deliquium, pulsum immutatus vigor vel plane evanescens: inter primarios omnino *Venaesectionis* effectus cordis haec debilitas computari debeat; atque quod in arteriarum sectione vidit HALLER. (a) primos paucosque saltem sanguinis saltus altos fuisse, unde continuo cum minori arcu impetus debilitaretur, manifesto cordis debilioris argumento; eadem certe a subtracta per venas sanguinis copia, iniuria est ( conf. §. V. n. IV. ). Irritabilitatem atque nervosi generis ataxiam gigni promoverique, pluribus locis observat TISSOT hoc in argumento elegantissimus (b). Quis enim non vidit post V. S. lypothymias, tremores, spasmos flatulentos,

M 4

---

(a) HALLER. *Comm. A. R. Gött.* T. IV. p. 333.

(b) TISSOT *de febr. bil.* p. 123. atque inter praecipuas adfectuum nervosorum causas refertur a WHYTTE l. c. p. 84. 138. variisque exemplis comprobatur. Malo hypochondriaco favere addit HOME *Princ. med.* p. 122.

deliria, febres; convulsiones: in pluribus puel-  
lis inepte missus sanguis medendi lypothymiis,  
aut suffocationibus hysteriis, veros horrendos-  
que adduxit motus convulsivos: convulsionis  
inde per 7. dies vix superandae, exemplum ad-  
dit; usu repetito *Venaesectionis*, inferius addit,  
firmiores sensim atteruntur valetudines; quid  
debiles, qui non frequentiore habent causam,  
quam defectum elaborati sanguinis? sensim au-  
getur debilitas, pessum datur digestio (a), prae-  
peditur transpiratio, generatur cacoehymia, ner-  
vorum morbi ingenerantur, catarrhorum adfluit  
caterva (b) succrescunt obstructions (c), innu-  
merique alii ex his tanquam e trunco progermi-  
nant morbi: Dari adnotat HILDANUS, qui  
etiam si plethorici & *Venaesectioni* adsueta, ex  
modica tantum sanguinis profusione, ventricu-  
lum mox rebellem, adpetitum prostratum sen-  
tiunt; cardialgiam, epilepsiam, pulsum miram  
vacillationem a V. S. adnotat HILDANUS (d).

(a) FR. HOFFMANN. *Med. rat. syst.* T. II. c. IX. §. IX.

(b) Molliora corpora largiore *Venaesectione* catarrha-  
libus, rheumaticis adfectionibus obnoxia reddi,  
observat FR. HOFFMANN. l. c. c. IV. §. XXV. schol. IX. §. IX.

(c) TISSOT *avis au peuple* §. 420.

(d) HILDANUS cent. IV. obs. 22. saevos ventri-



In ipsis gravidis, quas absque repetita etiam *Venaesectione* relinquere, ignominiosum fere medico nostris in crīis statuitur, debilitatem ab hac causa in ipsos infantes propagari, ut inde debiles, parvuli, pallidique gignantur, pluribus ostendit THEBESIVS (a). Summae in causa venerea a V. S. debilitatis phaenomena mortemque ipsam describit VAN DER MONDE (b). Alia sunt huius debilitatis, observationibus illustrata argumenta: amaurosin a *Venaesectione* observat OEHME (c) it. LANZONUS (d) ex intempestiva & iterata *Venaesectione* in alvi fluxu adolescenti coecitatem illatam observat; miram memoriae vacillationem a *Venaesectione* observatam refert KLOECKHOFF (e) it. GAUBIVS (f): loquelae, memoriae, rationis imbecilitatem in sexagenaria, sed vegeta muliere ROMMELIVS (g); paraliticam adfectionem a

culi spasmos cum sensu frigoris, zingiberis cum spir. vini usu haud excutiendi, a largiore *Venaesectione* refert WHYT. l. c. pag. 139.

(a) Nov. Act. N. C. T. I. obs. 15.

(b) VAN DER MONDE T. VI. p. 203.

(c) OEHME de Amaurosi. §. IX.

(d) Eph. N. C. dec. A. 7. obs. 70.

(e) KLOECKHOFF. de morb. animi. p. 36.

(f) GAUBIVS serm. acad. I. pag. 112.

(g) Eph. N. C. A. 5. Dec. II. obs. 140.

V. S. in colica WEPFERUS (a) : Notatu dignum huc omnino ipsius HIPPOCRATIS (b) exemplum , mortis in viro Halicarnasseo quinquagenario , auris capitisque dolore per hyemem vexato , a *Venaesectione* , indeque secuta phrenesi , inductae pertinet ; suppurationis , ut vocat , s. coctionis inde turbatae rationem ipse addit , quam supra §. IV. pluribus ostendimus . Atque certe , si recte attenderis , manifestum erit , eos , qui frequentioribus *Venaesectionibus* debilitantur , viribus morbo & *Venaesectione* exhaustis , non modo convalescere lentius , sed & praesertim , ubi auram protinus frigidiores admittunt , febres catarrhales cum diuturna tussi , ac intermittentes incurrere , testatur ADOLPHI (b) , additque a modica etiam *Venaesectione* , morbo licet , superato , diutius male habere , ac difficilius convalescere . Quos debilitatis effectus praecipue in Nosocomiis Gallicis , quae omni evacuationum genere , atque potissimum *Venaesectione* abundant , clari viri adnotant ; summe a morbis , si bonitate naturae emerferint , emaciatis languentissimosque , vel brevi hec-

(a) *Eph. cit.* Dec. I. A. II. obs. 39.

(b) HIPPOCR. *epid.* VII. text. 122.

(c) ADOLPHI *diff. phys. med.* p. 954.

eos, & ob tonum partium viscerumque deie-  
ctum, tumoribus pedum, cachexia, ictero,  
quartana vel hydropse maciatis (a); idem testatur  
TISSOT (b); SCRINCUS (c) methodum hanc  
exitiosam, in febre castrensi Gallorum, copioso-  
que funere infamem exagitat. Atque effectus hi  
licet in corporibus robustis pletoricisque minus  
perspicui sint, atque in his longius saepe sine  
detrimento insigni toleretur *Venaesectionis*; tandem  
tamen, quod solida debilia laxaque reddat, ple-  
thoram a debilitate generari, adnotat LUDWI-  
GIUS (d), & ita naturalem sanguinis mixtio-  
nem turbari, cum cruor parti serosae non ae-  
quabiliter iungatur, hinc secretionis & nutritio-  
nis negotium laedi, & simili ratione vigorem in  
motibus elasticis & vitalibus destrui. Pari ra-  
tione, ubi etiam massa sanguinea respectu quan-  
titaris & qualitatis modum servat, & debite  
constituta est, sanitatis integritatem a *Venaese-  
ctione* corrumpi, testatur BUCHNERUS (e), at-

(a) Autophta testatur SCHLEGEL, sub praef. HEI-  
STERI de *Venaesectionis* abusu apud Gallos §. 37.

(b) TISSOT l. c. pag. 130.

(c) SCRINCUS de febre castrensi maligna Gall.  
Vol. V. HALLER. Pr. pag. 391.

(d) LUDWIG. Pathol. §. 1047.

(e) BUCHNER, de *Venaesectione* in peripn. Vol.  
II. HALLER. Pr. pag. 366.

que illos redarguit temeritatis , qui sola ex consuetudine sanguinem aliquoties per annum mittunt . FR. HOFFMANNUS (a) , in sanguine , inquit , nisi expundat , virium latet thesaurus , qui , si subtrahitur , minima vascula concidunt , & angustantur , unde & utilium succorum secretio & inutilium excretio imminuitur . Omni hactenus dicta ratione , homines crebra sanguinis missione feбри concipiendae aptiores reddi , recte WILLISIUS contendit (b) .

## §. VI.

*Ex his indicationes generales Venæsectionis deducuntur , ac primo in plethora examinantur .*

Atque adeo in hoc medendi genere , commodis , sed & noxis tam gravibus scatente , cuius etiam abusus tam copiosos in vulgo sibi Patronos vendicat , quantis cautelis nobis versandum sit , agnoscimus ; ut verum usum genuinasque indicationes eruamus ; sed eas certe nullas alias , quam ab ipsis Venæsectionis effectibus tum primariis , tum secundariis repetere li-

---

(a) FR. HOFFMANNUS *Med. rar.* T. IV. P. V. C. III.

(b) Conf. ALLEN *Synops. pr.* pag. 8.

cet ; eiusque nimirum tunc usum statui debere : ubi debilitandum ( §. V. n. XII. ) ; ubi partes solidae relaxandae ( §. V. n. XI. ) ; ubi solvenda liquida ( §. C. n. VI. VII. ) ubi tum copia sanguinis , tum motus imminuendus ( §. c. I. II. IV. ) ubi attritus , aestus , ac febrilis impetus moderandus ( §. c. n. III. IV. ) ubi obstructions expediendae ( §. c. n. VIII. ) ubi demum revellendum derivandumque liquidum ( §. c. n. X. ) ; quos tamen effectus omnes simul semperque attentius considerari oporteat . Atque humanae calamitatis ambitum , si attentius circumspicimus .

Prima quidem *Plethora* occurrit , quam *ad vasa* vocant ; quae dum abundantia sanguinis , laesaeque diametrorum vasculosi systematis , liquidorumque proportionem fundatur , primam *Venaesectionis* indicationem facere solet ; qua copia sanguinis imminuitur , cordis vasorumque vires redduntur liberiores , secretionum instaurantur officia , motusque per vasa minora suppressus revocatur : Quanquam vero plethorae effectibus , maxime dum maiori motu , aut rarefactione , quacunque causa adplicata , agitur , commoveturque , medelam adferat *Venaesectionis* : Adparet certe simul , adeo non attingi plethorae causas , tum vitae mollioris , sedentariae , vitusque lautis copiosique genere , tum somno co-

piſo , tum viſcerum chylopoecorum robore , partium ſolidarum , vaſorumque interim comitante quadam laxitate , atque toties arcana quadam corporis fabrica fundatas , neque adeo proprie plethorae mederi (a) : ut iterato , ut ſolet , adminiſtrata , plethorae augmento faveat ; dum maiori ſolidis laxitate inducta ( §. V. n. XI. ) ſpatium copioſiori ſanguini ſuppetit , ac maiori ſenſim debilitate ( §. c. n. XII. ) minus diſſilatur liquidi copia (b) : Hominum illorum exemplis confirmat SWIETENIUS (c) ; qui haemorrhagiis obnoxii , brevi ab iis tempore , nova copia turgent , ut vel nova oriatur haemorrhagia , uti exemplo conſtat , vel nova ab effectibus *Venaecſio* poſtuletur : donec fracto ſenſim corporis robore , plethora a debilitate , ſ. ad vires generetur potius (d) ; quae ſanguinem etiam paucum , laxatis vaſorum viribus , haud ferat : ſed & ſenſim alii a laxitate , ipſaeque humorum nimia ſolutione aquoſa , morbi ingruunt , quos ſupra §. IV. diximus .

(a) De eo arg. probe agit UNZERUS l. c. P. XI. pag. 386.

(b) Plures clar. virorum obſ. adducit HALLER. *Elem.* T. II. pag. 142.

(c) SWIETENIUS T. I. p. 154. 159.

(d) LUDWIG. *Inſt. pathol.* §. 1047. GAUBIUS *Pathol.* §. 391.

Sed *Plethorae spuriae* genera maioribus cautelis indigent; quae toties cum vera plethora confunduntur, tum quam a *debilitate* s. ad vires mox dixi, tum *obesa*, cum bono corporis, turgenteque habitu coniuncta, tum ad *volumen* GAUBIO dicta (a) s. a sanguine rarefscibili, tum *cacochymica*; quae similibus saepe, ac vera plethora, phaenomenis, ac symptomatibus flagrant, idemque in *Venaesectione* remedium potissimum hisce in casibus familiare exigunt. Sed comparatis sedulo supradictis (§. V.) *Venaesectionis* effectibus facile adparet, tandem haec, auctis horum vitiorum causis, increfcere symptomata, viresque corporis hos in effectus magis tandem labefactari, nisi aptiore medendi ratione succurreris. Nocivam adeo plethorae spuriae *Venaesectionem* adpellat LOESECKE (b): in plethora a debilitate magis saepe nocivam, quam proficuum ostendit LUDWIGIUS (c), obesam augeri, supra pluribus dictum (§. V. n. XI.) pertinetque huc illa CELSI (d) regula: interest, inquit, inter valens corpus & obesum, inter tenue & infirmum; tenuioribus ma-

---

(a) GAUBIUS l. c. §. 390.

(b) LOESECKE *Ther. spec.* pag. 57.

(c) LUDWIG. *Inst. Therap.* §. 1413.

(d) CELSUS L. II. C. X.

gis sanguis ; plenioribus magis caro abundat : facilius itaque illi detractionem eiusmodi ( per *Venaesectionem* ) sustinent ; celeriusque ea , qui nimis est pinguis adfligitur . Quae a facili rarefactione est , atque calore tum atmosphaerico , tum a cibis , potibus , foco , balneoque , tum & internis causis per febrem (a) , animi pathemate , aucto concitata , auctiore volumine molem veluti auctam mentitur ; dum vasorum debilitate , aucta solidorum irritabilitate , ipsaque sanguinis discrasia , aut liquatae pinguedinis , uti GAUBIUS accusat (b) , quae calore valde expanditur , copiam in sanguinem recepta , sovetur ; adeo parvum vel nullum in *Venaesectione* remedium habet : ut potius inde increascit indies , aucta humorum tenuitate ( §. V. n. VII. ) ac rarefactione ( §. c. n. VI. ) , atque solidorum irritabilitate in delicatiorem sensum evecta ( §. c. n. XII. ) . Quae perpetuae profecto his in casibus cautelae sunt , ut vix non omnem *Venaesectionem* contraindicerent ; nisi illam quidem exceptionem fecerit nimia movendorum moles , cum debilitate cordis vasorumque  
iun-

---

(a) Plethoram hinc febrilem adpellat LUDWIGIUS  
de plethorae differentiis §. XXIII.

(b) GAUBIUS l. c. §. 390.



functa ; quae rupturam debiliū vasorum , gravioraque mala , accedente valido motu , minetur : quibus parva cautaque succurrere *Venaese-ctio* , molem levando , potest , sed ut adparet , indicationis potius palliativae genere : quod idem SWIETENII Consilium est (a) , ut etiam in pallida virgine , sub valida febre accedente , horumque malorum metu coniuncto , *Venaese-ctionem* parcam suadeat : idemque sentit LUDWIGIUS (b) , imprimis si impetus humorum , ex variis causis incitatus , haemorrhagiis nimis ansam praebet . Sed & ex dictis adparet , continuato hoc medelae genere , omnia sensim in peius perverti , atque fragilissimam toties quorundam valetudinem huic imprimis remedio , cui omnes fere salutis superstitis reliquias avide deferunt , deberi . In apoplexia pituitosa serofaque , quae toties dictis sanguinis , vasorumque vitiis , aut per universum corpus diffusis , aut potissimum encephali vasa obsidentibus nascitur , vel curanda , vel imminente praecavenda , nocivam *Venaesectionem* iisdem rationibus declarant celeb. Viri SWIETEN. (c) , TISSOT (d) , WEPFE-  
Op. Med. Vol. III, N

---

(a) SWIETEN. T. II. pag. 310.

(b) LUDWIGIUS *Inst. Therap.* §. 1413.

(c) SWIETENIUS T. II. p. 299. 300.

(d) TISSOT *de variol. apopl.* pag. 124.

RUS (a) & quod mireris , inter gallos LIEU-  
 TAUD (b) ; licet ipso in paroxismo ad de-  
 plendam vaforum plenitudinem ac pressionem  
 quamcunque imminuendam , parca licet copia  
 suadeatur a SWIETENIO (c) ipsoque WEPFE-  
 RO (d) qui per accidens potius , quam per se  
 prodesse *Venaesectionem* eo in casu declarat .  
 Eadem lethargi ratio est , atque potissimum pe-  
 ripneumoniae nothae , quae toties senes nostros  
 torosos , atque habitu corporis pleniore , sub  
 bona valetudinis specie turgidos rapit ; ubi in-  
 ter media suffocationis imminuentis pericula , *Ve-  
 naesectionem* damnat TISSOT (e) , nocivam de-  
 clarat HUXHAM (f) , nonnisi summis cum cau-  
 telis , ac parca copia celebrandam admittit (g)  
 it. ELLERUS (h) , GEISLERUS (i) , LIEU-

(a) WEPFERUS *de apoplex.* pag. 218.

(b) LIEUTAUD *Syn. pr.* P. I. pag. 133. .

(c) SWIETEN. l. c. p. 303. 304.

(d) WEPFERUS l. c.

(e) TISSOT *de febr. bil.* pag. 153. it. *avis au pen-  
 ple.* §. 260.

(f) HUXHAM. *Op.* P. I. pag. 317. P. II. pag.  
 162. 302.

(g) HUXHAM. l. c. P. II. pag. 204.

(h) ELLER. *de cognosc. & curand. morb.* p. 205.

(i) GEISLER. *de vomit. usu.* Vol. VII. HALLER.  
*Pract.* §. XI.

TAUD raro conducere (a), it. BROOKES (b) aliique celeb. Viri contendunt; ut onere quidem congesti in pulmonibus liquidi leventur vasa; ne vero sanguinis rubri portione imminuta, vires cordis vasorumque in dispellendis hisce obstaculis praecipuae, magis fatiscant, ipsaque magis laxetur ad liquida pleniori sinu recipienda vitalis machina.

## §. VII.

### *Indicationes Venaesectionis in morbis inflammatoriis examinantur.*

Alterum summumque inter morborum genera caput, quod *Venaesectionis* indicationes sibi vendicet, in inflammatione ponitur; maxime quae phlogistica sanguinis densitate, cum vasorum non tam obstipatione, quam sanguinis in telas cellulosas effusione nascitur: Quod vitii genus cum summa cordis resistentia, virium omnium summa irritatione & augmento, solidarum partium auctis stricturis coniungitur, omnesque illos *Venaesectionis* effectus (§. V.) flagitat;

N 2

---

(a) LIEUTAUD l. c. T. I. pag. 175.

(b) BROOKES *pract. Artery-Gelahrtheit*. P. I. p. 467.

queis sub solidorum relaxatione (a), liquidi densi solutione, humorum minuta non tam, quam aliorum revulsa mole, vitalis vasorum vis ad excutiendos liquidi inhaerentis stimulos, coquendos, crisiq̃ue eliminandos sufficiat, Inde summum in pleuritide, peripneumonia, phrenitide alioque omnium fere febrium inflammatoriarum genere, in *Venaesectione*, etiam repetita, remedium ponitur (b); donec illa in sanguine emisso crusta imminui, vel certe inflammatoria symptomata, pro adfecta parte varia, emendari visa fuerint; toties repetiit *Venaesectionem* KLOECKHOFIUS (c), quoties angor vel oppressio pectoris a causa inflammatoria aut continuaret, aut recrudesceret, vel novum quoddam symptomata inflammatorium urgeret, pulsū licet celeri debiliq̃ue existente; Idem sentit HUXHAM (d), ut medio etiam morbi decursu celebrari hoc argumento debeat: uti octavo adhuc die in pleuritide *Venaesectionis* ab HIPPOCRATE (e) institutae, exemplum extat: idemque

(a) Coctionem morbi semper comitatur solidorum relaxatio KLOECKHOF. *de febr. epid. Culenb.* p. 200. maxime in inflammationibus p. 217.

(b) HASENOHRL. *hist. 3. morb.* p. 19. 24.

(c) KLOECKHOF. l. c. pag. 45. 48. 157.

(d) HUXHAM. l. c. P. II. pag. 19.

(e) Epid. III. L. III. aeg. VIII. ed Foes. p. 1104.

sentit DE HAEN (a) it. alii celeb. Viri (b). Eadem ratio in medio variolarum decursu, atque febre secunda toties *Venaesectionem* exigit, ingruente partium internarum inflammatione; uti exemplo SYDENHAMI (c) TRALLES (d), communique cordatiorum felicique praxi constat. Quanquam vero ea summa medendi regula sit, ut latente hac humorum densitate, quam etiam ex causis praegressis, frigore maxime, sub tenso robustoque fibrarum habitu suspiceris, necessaria sit *Venaesectio*; uti in febribus vernalibus inflammatoriis semper necessariam iudicat PRINGLE (e), neque catarrhos tussesque, acri frigore contrarias, quod densato sanguine, latente toties pulmonum inflammatione, fiant, sine *Venaesectione* absque periculo relinqui posse, declarat (f): ita & frigus siccum, in variolis epidemicis, uti fe-

N 3

---

(a) DE HAEN *rat. med.* P. I. pag. 72.

(b) KLOECKHOF. l. c. p. 127. GLASS. *Comm. de febr.* p. 75. *Venaesectionis* in petechiis octavo die feliciter institutae exemplum habet SYDENHAM. p. 480. it. de HAEN. l. c. P. IV. p. 202. Serius LENTIN. *obs. fascic. I.* Obs. XX. HASENOHRL. l. c. pag. 21.

(c) SYDENHAM. pag. 694.

(d) TRALLES de inocul. pag. 250. 251.

(e) PRINGLE de morb. cast. pag. 146.

(f) PRINGLE l. c. pag. 178. TISSOT *avis au peuple* §. 117.

brem magis inflammatoriam reddit, ita *Venaesectionem* urget (a) : omnes morbos sub aëre, diutius frigido siccoque, barometro alto, *Venaesectionem* exigere in morbis inflammatoriis, variolas, morbillos, colicam, rheumatismum, febres aliquando intermittentes, probe HUXHAM (b) contendit. Dantur nihilominus alia inflammationum genera, haud ea quidem sanguinis aucta densitate, sed contrariis potius vitiis nata, causa nimirum putrida, aut acri tenui, humorum massae cum eorum potius solutione, immerso : Pleuritides, peripneumoniae testantur, potissimum illae aestivae vel autumnales (c), toties putrida primarum viarum suburra (d), aliquan-

(a) HUXHAM. pag. 33. P. II.

(b) HUXHAM. P. I. p. 183. Caelum econtra diu humidum, frigidumque venae sectioni adversum adnotat FR. HOFFMANN. l. c. T. II. C. IX. §. IX. X.

(c) Aestivas magnam malignitatis suspicionem alere conf. BRENDÉL. *de pleurit. vernali & aestiva*. §. VI. it. comm. de reb. in sc. nat. & med. gest. Vol. VII. pag. 156.

(d) Pleuritidis biliosae phaenomena describit TISSOT l. c. §. 255. in pleuritide maligna, adfecta simul viscera abd. adnotat MORGAGNI *de sed. & caus. morb.* Ep. XXI. n. 44. in peripneumonia maligna vomitus biliosos viridescentes, sputa similia comitari, observat VANDERMONDE T. III. p. 139. HUXHAM *de febr.* p. 170. 190. vitium non tam in pulmonibus, quam inte-

do verminosa (a) natae ; aut dum purpuram alunt , toties in peripheria vel crisi metastatica vel symptomatice efflorescentem (b) ; quae ad genus potius erysipelaceae inflammationis , quam maxime malignam periculosamque accusat VALCARENGHI (c) , pertinent , cum evidenti saepe sanguinis solutione ; uti pulmones in cadaveribus inventos molles , rubicundos , inflammatos adnotat (d) ; indeque a sanguine *Venaesectione* emisso floridissimo , crusta phlogistica haud notato , malum omen repetunt celeb. Viri SWIETENIUS (e) , VALCARENGHI (f) , BAGLI-

## N 4

---

stinis observatum refert BONNETUS *Sep. T. III.* pag. 194.

- (a) MORGAGNI l. c. Ep. XXI. n. 43. 46.
- (b) Pleuritidem saepe purpura tanquam crisi imperfecta solvi conf. BRENDÉL. *de Term. Venaesection. in acut.* §. IX. CAMERARIUS Vol. II. HALL. pr. pag. 231. STOERCK. *ann. med. II.* pag. 61. 70. COLLIN. *ann. med. III.* pag. 15. 21. 25. ALLIONIUS *de miliar.* pag. 53. per pustulas ichorosas solutam pleuritidem observat HUXHAM. P. I. pag. 200. quod idem de peripneumonia constat , sub eius larva toties latere purpuram , observat SALZMANN. Vol. V. HALL. Pr. pag. 508. STOERCK , *ann. med. I.* pag. 44. HUXHAM. l. c. pag. 333. 335.
- (c) VALCARENGHI *med. ration.* pag. 146.
- (d) VALCARENGHI l. c. pag. 145.
- (e) SWIETEN. T. III. pag. 63.
- (f) VALCARENGHI l. c. pag. 76. 143.

VIUS (a) aliique : in peripneumonia sanguinem dissolutum observat MORGAGNI (b), ut e loco scarificato ad mortem usque flueret (c): Quod idem inflammationis discrimen in angina (d), phrenitide, frequenti illo febrium malignarum symptomate, aliisque inflammationum generibus obtinet: Quae profecto uti contrariis, ac praesertim spasticis viscerum vitiis continentur, ita nullos facile *Venaesectionis* effectus §. V. dictos ferunt, nec ullam illius indicationem faciunt; nisi comitans aliquando plethora, aut densitas etiam phlogistica cum malignitate coniuncta, parcam eam exigit: in pleuritide biliosa nocivam adnotat TISSOT (e); repetitam certo in pleuritide maligna nocere, inter Gallos etiam observant (f), it. HUXHAM. (g): in peripneumonia

---

(a) BAGLIVIVS pag. 546.

(b) MORGAGNI l. c. Ep. XX. n. 17. 18. 19.

(c) HUXHAM. P. II. pag. 191. malas sanguinis emissi conditiones refert, si floridior, tenuior, laxior, parum, vel nullum serum fecernens, in putredinem pronus. P. I. pag. 325. P. II. pag. 168. 171.

(d) Anginam malignam cum universo sanguine resoluta describunt Medici Londinenses *Bemerck. der Aerzten in London*. P. I. Art. 19. *Hamburg. Magazin*. Vol. XII. pag. 470. 480. alibi copiosa exempla sunt.

(e) TISSOT *de febr. bil.* pag. 130. 135.

(f) *Recueil Periodique* T. III. P. III. A&. III. T. VII. P. IV. A&. VIII.

(g) HUXHAM. P. II. pag. 230.



*Venaesectionis* necessitatem, adparente crusta indicari, sed sanguine tenui, valde rubro, frustaneam refert LUDWIGIUS (a): in peripneumonia maligna per *Venaesectionem* vires maxime deprimi, & in febrem nervosam perverti, BROOKES observat (b): in quovis febrium biliosarum genere copiosas a *Venaesectionibus* noxas repetunt clari viri (c); dum, qui in fluidorum solidorumque solutione ac relaxatione pessimi hoc in genere effectus sunt, statui putredinoso adeo vicini conspirantibus *Venaesectionis* effectibus intenduntur, atque, quae per globulos solidiores vis vitae coquens (§. IV.) viscerumque actiones sustentans, viget, maxime deprimitur, ut per internarum partium gangraenas mali vis defaeviat liberius.

### §. VIII.

*Indicationes Venaesectionis in febre examinantur.*

Densitas adeo sanguinis aucta, uti auctis solidorum viribus, maiorique tensione & attritu

---

(a) LUDWIG. *inst. clin.* §. 330.

(b) BROOKES *l. c.* pag. 456.

(c) TISSOT *l. c.* pag. 120. 122. 123. 124. 148.  
GLASS. *l. c.* p. 115. VALCARENGHI *P. I.* p. 41.

nascitur : ita debilitatem per *Venaesectionem* inducendam , solidorum laxationem , liquidique solutionem recte profert , ac primariam facit *Venaesectionis* indicationem , in omnibus igitur morbis convenientem , qui ab eo vitio aut imminet , aut nati aluntur , uti inflammatorii , rheumatici : Quae eadem regula *Venaesectionis* necessitatem ac cautelas in ipsis febribus dirigat , oportet . Namque sola illa circulantium humorum aucta velocitas , quae potissimum pulsuum celeritate praeternaturali se prodit , quaeque ab irritatis cordis arteriarumque contractionibus nascitur , *Venaesectionem* haud indicat , qua auctos vitae motus deprimamus ( §. V. n. IV. ) (a) ; cum his ipsis illa vis vitae ad materiam morbi superandam dispellendamque agat , perinde , ac acrem , oculum illapsam particulam dolor , motus muscutorum palpebrarum convulsivi , indeque liquidorum maior adfluxus , ipsis machinae subsidiiis consequuntur , quo acre inimicum eluatur (b) . Magnum certe prudentiae medicae momentum est , ut hoc motuum vitalium augmentum , an coctioni sufficiens , aut cum metu destructio-

---

(a) *Eleganter hoc arg. pertractat RAMAZZINI de constit. epid. mutin. op. SYDENHAM. T. II. pag. 37. 38.*

(b) KLOECKHOF. l. c. pag. 209.

nis vaforum excedens, probe dispiciatur: Hepatitidem levem, quae saepe febres autumnales comitatur (a), *Venaesectione* ita febrem imminuendo, aut extinguendo pervertit, ut resolutionis loco scirrhus cum magna malorum chronicorum serie relinquatur (b); quae nullus facile praegressae *Venaesectioni* adscribenda cogitat: Summum est, ut febris non nimis torpescat, nec augeatur nimis, ipsa SYDENHAMI (c) regula, quam summi semper viri secuti sunt (d): Atque auctioris motus, qui temperationem postulet, si effectus consideramus, illa ipsa densitas inter primarios pertinet, quae aucta vaforum actione conciliata (e), viscerum infarctus inflammatorios

(a) SWIETEN. T. III. pag. 104.

(b) SWIETEN. l. c. PLATTNER. *art. med.* §. 225.

(c) SYDENHAM. pag. 61.

(d) SWIETEN. T. II. pag. 76. 148. 152. TRALLES *de Op.* P. II. pag. 79.

(e) Naturam sanguinis compactilem per Febrem augeri conf. HALLER. l. c. p. 18. 47. serum in gelatinam mutari, HUXHAM. P. II. pag. 44. SCHWENCKE l. c. p. 57. SAUVAGES *Nosol.* T. I. p. 231. Eadem ratio est, qua Febris vehemens inflammationem indeque pendentes effectus producit, SWIETEN. T. II. p. 150. FRACASSINI *Opusc. Pathol.* p. 133. sanguinem ita compingi, ut aliquando Polypus in corde reperitur, vid. Comm. de reb. in sc. nat. & med. gest. Vol. VI. p. 627. cui mutationi subitae a sanatio-

viscerumque vitalium destructionem infert : Hoc loco certa quidem *Venaesectionis* utilitas necessitasque consilii . Qui reliqui febris effectus in salium evolutione , oleorum aucta acrimonia (a), ipsius solutione pinguedinis (b) observantur , alia medendi methodo egent , quam *Venaesectione* ; quae hos in effectus conspirat , uti toties in malignis adparet : adeo in ipsis febribus *Venaesectionis* indicationes ab ipsa plethora comitante , ipsaque densitate phlogistica sanguinis , inflammationis metum fovente , variisque symptomatibus inflammatoriis , ipsiusque adeo febris aestusque gradu (c) , pro virium superstitum robore ; atque habitu corporis strictiore ac densiore petuntur ; namque obesos crassosque in genere , non tam bene , quam macros musculososque sanguinis missionem ferre , adnotat HUXHAM

ne visa , mortis insecutae exemplum adscribit STOERCK. *ann. I. p. 130.* simile exemplum BONNETUS habet *sep. T. III. pag. 181.*

(a) Salis volatilis proportionem per Febrem augeri , conf. HALLER. *l. c. p. 116. 114.* serum magis falsum fieri *l. c. p. 133.* in Febre alcalescere *l. c. pag. 88.*

(b) QUESNAY *Art. A. R. Ch. T. I. p. 105.* MONRO *Osteol. p. 31.*

(c) Quo maior rigor horrorque in Febre , eo certiorrem largioremque *Venaesectionem* statuit HUXHAM. *P. II. pag. 164.*

(a) : Pulsu vero nec duro , nec nimis pleno ; *Venaesectionem* , haud necessariam , recte iudicat COLLIN. (b) : Intempestivae sanguinis missionis suae certae noxae sunt , supradictae , in ipsis probae coctionis criscofque impedimentis , multis unica etiam *Venaesectione* , cum pulsus nec suppressus , nec naturali multo plenior fortiorque esset , vires ita deiectas observavit STOERCK. (c) , ut supervenientia exanthemata remediis stimulantibus , quibus alias opus non fuisset , pelli debuerint , ipsumque aegrum addit , superato morbo , difficilius lentiusque convaluisse ; caussis adeo *Venaesectionem* suadentibus , haud satis gravioribus visis , neglexit , ipsamque etiam plethoram , non admodum magnam , sola antiphlogistica methodo leni catartica imminuit (d) .

## §. IX.

*Indicationes Venaesectionis in acri quocunque ; etiam exanthematico examinantur .*

Ex dictis praeterea facile deducimus , ab acrimonia humorum nunquam *Venaesectionem* in-

---

(a) HUXHAM. l. c. pag. 163.

(b) COLLIN. *ann. med.* pag. 28. 88.

(c) STOERCK. *ann. med.* I. pag. 3.

(d) STOERCK. l. c. pag. 15.

dicari, sive extus cum cibis potibusque, aut miasmate, vasis bibulis sorpto, aut alia ratione introducta, sive ipsis in corpore caussis variis genita, evolutaque fuerit: namque nec corrigendo prodest, nec evacuando; atque licet eiusdem cum emissio sanguine particulam evacuet, illos caeterum effectus inducit; quæ noxæ flagrant evidentiores: Ita si absque febre quidem acre dominatur, uti in cacochymiciis, scorbuticis, catarrhosis, aut cute varia exanthematum specie, scabiola, purpuracea squallente, haud convenit *Venaesectionis*; ut potiores, ab infirmato vasorum coctionisque opere, vasorum minorum officiis languentibus, noxas habeat, viresque illas turbet; quæ potissimum in acri emendando, vel per organa secretoria eliminando laborant, quarumque languore acrimonia illa in corpore invaluit: Ipso certe sanguine morbos arceri, non sanguineos, recte statuit TISSOT (a), atque quo plus vitalis huius liquidi est, modo plethora absit, eo rectius valet, vigetque contra insultus aliorum morborum; Eo adeo in morborum genere recte *Venaesectionem* vetat TISSOT (b): Eademque ratio est, qua *Venaesectionis* febribus potius vernalibus, quam autumnalibus

---

(a) TISSOT *de febre bil.* pag. 121.

(b) TISSOT l. c. pag. 153.

destinanda , iudicante HUXHAMO (a) ; quarum illae densitate phlogistica , hae acri bilioso putridoque foveri plerumque solent . Februm omnium , quae acrimonia vel per universam humorum massam diffusa , uti exanthematicae , biliosae aliquando , saepe etiam dysentericae solent , vel ea certo loco infixa , aluntur , uti in cholera , dysenteria , diarrhoea , therapiam eadem moderetur regula , necesse est ; nisi aut comitans plethora , aut densitas phlogistica , cum variarum partium inflammatione , plus minus evidente , exceptionem regulae fecerit . Ita in febre catarrhali *Venaesectionem* damnat FR. HOFFMANNUS (b) cum aliis compluribus (c) , ut nimia etiam catarrhalem benignam in malignam mutare visa sit (d) ; vehementiore vero catarrho , in subiectis plethoricis *Venaesectionem* suadet TISSOT (e) ; pulsu duro , valde pleno , respiratione anhelosa , tussiculosa , brevi , valde suppressa , ma-

(a) HUXHAM. P. I. pag. 22. 23.

(b) FR. HOFFMANNUS l. c. T. IV. P. I. pag. 133. §. XXI.

(c) Nocivam declarat ELLER. *Obs.* p. 109. LOE-SECKE *Ther. Spec.* p. 251. LIEUTAUD *syn. pr.* T. IV. p. 164. *Bemerck. der Aerzte in London.* P. II. p. 185. VATER. *de Dysent.* Vol. III. HALLER. *pr.* pag. 412.

(d) PLATTNER. *art. med.* §. 126.

(e) TISSOT *avis au peuple.* §. 117.

ximum a *Venaesectione* levamen adnotat STOE-  
RCK. (a); iis e contra absentibus phaenome-  
nis, noxas in vi naturae debilitata, materiae  
morbosae coctione, sputique mutatione retardata,  
accerfitoque inde aegris periculo, vel morbo diu-  
tius protracto, observavit; quae eadem HUX-  
HAMI observatio est (b). Eaedem *Venaesectionis*  
in purpura aliisque exanthematicis febribus  
curandis regulae sunt: Nunquam *Venaesectionem*  
a miliaribus indicari, recte COLLIN. (c); sum-  
me noxiam HAMILTON (d), FR. HOFFMAN-  
NUS (e) aliquae statuunt; nisi quidem aut ple-  
thora in iuvenili robustoque corpore, aut sup-  
pressis in puerperio lochiis nata, aut inflamma-  
toria phaenomena, pectus, aut praecordia op-  
primantia, *Venaesectionem*, sed eam certe cau-  
tius eo in genere suscipiendam suaserint (f). In  
febre

(a) STOERCK. *ann. med.* II, p. 25. 26.

(b) HUXHAM. P. I. pag. 287.

(c) COLLIN. *ann. med.* p. 71. recteque HAENIO  
exprobrat. Ep. ad Baldinger. p. 53. 61. 62.

(d) HAMILTON. *de febr. miliar.* pag. 65.

(e) FR. HOFFMANNUS l. c. p. 214. §. VI.

(f) Accedente inflammatione partium internarum  
*Venaesectionem* in exanthematicis necessariam indi-  
cari. Conf. BREND. *de term. Venaesectionis*  
*in acut.* §. IX. KLOECKHOF. *de febr. epid.* p.  
55. FREIND. *med. hist.* T. I. p. 45. 46.



febre morbillosa , si vehementior , cum symptomatibus pectoris gravioribus stipata fuerit , *Venaesectio* convenit , suadente TRALLES (a) , it. ELLERO (b) , utque ad peripneumoniam praecavendam , sub aëre frigido diu siccoque , Barometro alto , HUXHAMUS commendat (c) ; dum e contra febre remissione , pulsu depresso , summas noxas habet (d) . In scarlatina febre , aut alio febris Erysipelaceae genere noxia *Venaesectio* (e) ; ut pari ratione frequens administrata in malignam pervertat (f) ; nisi angina gravior , (g) , aut imminens peripneumonia , huius necessitatem fecerit . Idem de variolis , petechiis valet . Dysenteria , quae acri , intestinis fixo , cum summis eorum iniuriis desflagrat , attentionem eo in argumento meretur ; quo in diversas sententias abeunt clari viri ; alii inutilem , nocivam alii , omnino necessariam statuantes , VATERUS in sua , quam describit

*Vol. III. Op. Med. O*

- (a) TRALLES de Op. P. II. pag. 146.  
 (b) ELLER. de cognosc. & curand. morb. p. 153.  
 (c) HUXHAM. l. c. pag. 183.  
 (d) TRALLES. l. c. p. 148.  
 (e) DE HAEN. divis. febr. p. 23.  
 (f) MORTON. de morb. acut. univers. p. 113.  
 (g) MORTON. de morb. inflamm. p. 30.

dysenteria epidemica Wittenbergensi (a) *Venaesectionem* supervacaneam, nisi lethiferam, obse-  
ravavit; eo quod mali causa, non in sanguine,  
sed sero lymphaque acri corrosiva, totam hu-  
morum massam adgrediente, cum summa virium  
prostratione, consisteret: nocivam pariter adno-  
tat DEGNERUS (b) in epidemia sua Neoma-  
giensi, quod bilem haud corrigat, sed potius  
vitae vires frangat, & naturam in motibus suis sa-  
lubribus conturbet; unde vomitus cruentus & mors  
*Venaesectionem* cito sequebantur: Dysenteriam,  
quam dysenteriam, nunquam *Venaesectionem*  
indicare statuit BARBETTE (c). HUXHAMUS  
(d) semper necessariam *Venaesectionem* adnotat;  
quia nulla absque inflammatione intestinorum dy-  
senteria est: Ex eadem ratione alii saltem in initio  
morbi necessariam *Venaesectionem* statuunt, tum  
ad revellendum, qui in vasis intestinalibus fer-  
vet, humorum acrium impetum, tum imminentem  
inflammationem praecavendam, tum ipsas fibrarum  
intestinalium stricturas, cum summa irritatione ac  
dolore coniunctas, relaxandas; hinc & a SY-

(a) VATER. *de Dys. epid.* Vol. III. HALL. pr.  
pag. 412.

(b) DEGNER. *de Dysent.* pag. 267.

(c) BARBETTE pr. L. IV. C. V.

(d) HUXHAM. P. I. pag. 290.

DENHAMO (a) commendatur, ipso SWIETENIO (b), MONRO (c), HEVERMANNO (d) aliisque pluribus. Nos optimo celebr. Practicorum consilio, easdem, hactenus pertractatas, indicationes sequimur: ita recte absque plethora, pulsuque celeri ac pleno, inutilem, immo perniciosam *Venaesectionem* adpellat ELLERUS (e); utilissimam vero his adparentibus plethorae, aut sanguinis ad inflammationem proni indicis, atque adparente crusta repetendam; valida febre coniuncta., utilem in dysenteria *Venaesectionem* probat LAMSMA (f), atque inter phaenomena inflammationis, quae ex sanguinis impetu vehementer urgente, pulsum fortium, durorumque conditione, comitante torminum vehementia, abdominis tensione, aliisque febris inflammatoriae symptomatibus, intelligimus, necessariam praecipit TISSOT (g); qua quidem phaenomenorum conditione etiam serius comparente, eadem *Venaesectionem* urgent indicationes, RIVE-

O 2

---

(a) SYDENHAM. pag. 226.

(b) SWIETEN. *de morb. castr.* p. 110.

(c) MONRO *de morb. castr.* p. 57.

(d) HEVERMANN. *Bemerck.* P. I. p. 184.

(e) ELLER. l. c. pag. 271.

(f) LAMSMA *de flux. ventr.* p. 262.

(g) TISSOT l. c. §. 298.

RII exemplo ; qui post octiduum in quadam muliere (a) atque in alia (b) decima octava die sanguinem misit : Eadem ratione *Venaesectionem* felici successu in dysenteria sua castrensi instituit HEVERMANN. (c) alique mox supra citati. Quo eodem argumento in colica , dolore pertinaciore , ac febre comitante , summum in *Venaesectione* remedium est (d) ; ut etiam in sola adfectione spasmodica ad inflammationem praecavendam commendetur (e) ; imo in torminibus chronicis saepe utilis ac necessaria videatur (f) : in cholera ipsa vehementissima summum in seipso in *Venaesectione* repetita auxilium quaesivit TRALLES (g) . Verum dysenteriae ea saepius indoles

(a) RIVERIUS *Cent.* 2. Obs. 87.

(b) RIVERIUS l. c. Obs. 44.

(c) HEVERMANN. *Bemerck.* P. I. p. 211.

(d) SWIETEN. T. III. p. 174. TISSOT l. c. §. 267. *Venaesectionem* in dolore pertinaciore nunquam , omisam vero facile plurimum nocere ; conf. TRALLES. de op. P. II. p. 271. Catartica , saepe etiam fortissima , non operari , nisi praemissa *Venaesectione* , adnotat HUXHAM. l. c. pag. 348.

(e) SWIETEN. l. c. BAGLIVII obs. refert. CARTHEUSER. *Pathol.* P. II. p. 231. 232. in colica , si vehementior , *Venaesectionem* suadet TISSOT l. c. §. 279.

(f) LAMSMAN l. c. p. 262. SWIETEN. l. c.

(g) TRALLES. *hist. cholerae atrocissimae* p. 255.

esse solet, ut absque febre quidem aucta inflammatoria, sed eadem parva, ac vix evidente, nullis saevioribus symptomatibus (a), sed continua virium animique prostratione, febris malignae ingenium alat cum liquidorum putredine ac clandestinis viscerum gangraenis (b): qua in morbi conditione *Venaesectionis* indicationes dictae omnino repugnant, uti §. VII. dictum.

### §. X.

*Indicationes Venaesectionis in haemorrhagiis  
examinantur.*

Haemorrhagiae huc pertinent, quibus potissimum *Venaesectione* succurritur: Quarum certe uti diversa ratio; ita diversa in eo genere momenta sunt. Ita namque aut plethora vera (c), aut dominante phlogistica densitate (d),

O 3

---

(a) DEGNER. l. c. p. 18. 23.

(b) Febrem putridam ad intestina conversam vocat UNZER. l. c. P. I. p. 318. P. XII. p. 89. Febrem quo initio evidentiorē, eo mitiorem morbum; peiorem malignioremque cum Febre vix observanda observat ROEDERER. *de morbo mucoso* pag. 5.

(c) Haemoptoen a Plethora, ac in iis, quibus artus truncati, adnotat SWIETEN. T. IV. pag. 22.

(d) Sanguinem in Haemorrhagia narium *Venaesectione*

maiori vi cordis arteriarumque commota, aut contrariis etiam vitis nimiae solutionis ac tenuitatis, nunc aquae, nunc putridae (a), accedente vasorum ipsorum peculiari in parte, ac viscere diathesi, atque vicinorum etiam spasmis aut obstructionibus (b), fundantur; qua vel sanguinis vehementioribus visibus obiecta dehi-

ne, sanguini pleuritico similem educi observat SYDENHAMUS p. 365. 780. SWIETENIUS in sanguine haemoptoicorum testatur T. IV. pag. 34. totiusque ancipiti quidem omine loquitur experientia.

- (a) Haemorrhagias a sanguinis dissoluto putridoque statu HUXHAMUS adnotat P. II. p. 49. a sanguine nimis laxo, ac laxe cohaerente diapedesin. L. c. p. 56. pari ratione a vitio nimio animali HALLER. *Elem.* T. VI. p. 210. inde & in Scorbüticis frequens narium Haemorrhagia. SWIETEN. T. III. p. 608. ipsis PORARTII observationibus Act. A. R. Sc. T. I. p. 230. it. in dispositis ad phthisin BENNET. *Theatro tabid.* p. 15. 16. quod item de Haemoptoe aliisque haemorrhagiarum generibus constat. SWIETEN. T. IV. pag. 25. sanguinem haud coagulabilem HALLERUS *Elem.* T. II. pag. 45. a sanguine putrido resoluta apud VAN DER MONDE adnotat T. VII. pag. 15. 18.
- (b) Haemorrhagiarum ratio plerumque a spasmis aliarum partium reperitur a SCHWENKE *Haematol.* p. 36. ab obstructione aliarum partium HALES. *Haemast.* p. 162. TRALLES *Exam. terr.* p. 238. saepe ab adfecto hepate vel liene MOR-GAGNE *de sed. & caus. morb.* Ep. XIV. n. 23.

scunt , vel debiliore fibrarum textura , facile viribus cordis superantur ; ut auctis naturalibus diametris , vel disparata , aut rupta , aut exesa etiam solidae partis compage , sanguinem vario periculo effundant . Ita quidem , si a plethorae nisu , aut nimiae densitatis vitio , impetus vehementiam multiplicante , nascitur ; summum haud dubie in *Venaesectione* remedium est : sed non absque cautelis , quas & haec sibi therapia vendicat ; dum multiplici hac sanguinis iactura , tum morbosa , tum artificiali , solidorum augetur debilitas , sanguisque nimis tenuis redditur , atque facile a debilitate inducitur plethora , quam ad vires vocant ( §. VI. ) ; qua ad haemorrhagias repetendas nil fere promptius : id quod in ipsa narium haemorrhagia adnotat LUDWIGIUS (a) ; quae primo a vera plethora nata , sed eo Therapiae genere in plethoram a debilitate versa , labefactatis vasorum viribus , coctionis mutationisque opera fatiscente , ad tabem & atrophiam , reliquaque cum his coniuncta symptomata enervat ; atque licet aetatis vigor iis carere periculis videatur ; ut sub crebris quidem haemorrhagiis ,

O 4

---

(a) LUDWIG. *de nimis haemorrhagiis , ut causa debilitatis in morbis . pag. 9.*

incrementi praestantiam conservent ; per quam corporis proceritatem & vigorem sustinere possint : ex continuatis tamen corporis mutationibus cognovit LUDWIGIUS , & in his vigorem corporis intimum , qui mediam aetatem ornat , haud remansisse , atque imbecillitatis signa ex actionum variarum languore , sensuque molesto , a levissimis saepe causis morbofis inducto , se prodidisse . Crebra hic certe latent vulgaris Therapiae peccata , haud satis agnita , atque iuveni etiam robori toties ominosa : Inde adparet ratio , quare haemorrhagia narium copiosa & saepius repetita , corpora infirma reddat , & ad morbos lentos disponat , (a) : viscerum abdominalium labem causam esse posse & effectum , adnotat MORGAGNI (b) : in adultiore aetate adfectus haemoptoicos , haemorrhoidarios , arthriticos , nephriticos imminere , KLEINIUS (c) observat cum pluribus aliis . Eadem haemorrhoidum nimiarum ratio est ; quas non tam a copia , subi-

- (a) LUDWIG. *inst. clin.* §. 377. LIEUTAUD l. c. p. 353. haemorrhagias narium crebras infantum magnam debilitatem indicare . Conf. UNZER. l. c. P. VIII. p. 200.  
 (b) MORGAGNI l. c. Ep. XIV. n. 23.  
 (c) KLEINIUS *interpr. clinic.* p. 127. LIEUTAUD l. c. p. 287. 353. LUDWIG. *de nimis haemorrhag. a debilitate.* pag. 6.



to fusa , quam lenta potius ac quotidiana , diutius continuata sanguinis excretionē aestimari , fas est ; quas , dum plethora a debilitate , praesertim abdominali aluntur , frustra *Venaesectione* coerces ; nisi aucto vasorum intestinalium robore , id egeris , ut spontaneis viribus sanguinis haec in loca congestionem repugnent ; dum repetita *Venaesectione* vasorum debilitatem auget , atque sanguinis tenuitatem & acrem solutionem promovet ; qua utraque causa potissimum pendet haec sanguinis iactura nimia , licet lenta , inde sensim ad cachexiam , & viscerum abd. atoniam summam disponens (a) . Mensium in foemina immodicorum eadem plerumque ratio est ; ipsaque uteri haemorrhagia , si nimia sanguinis tenuitas in foemina caeterum pallida , cacochymica peccet , *Venaesectionem* recusat (b) .

Quod nobiliorum viscerum vasa ferit urgetque vitium , maximis cautelis eget ; uti haemoptoë toties his vasorum pulmonalium morbis oritur ; quae summam in iis medelam habet , quae pacatissimum sanguinis motum , eumque in omnibus vasis aequabilem & blandissimam humoribus

(a) TRALLES *de Op.* P. II. p. 40. de HAEN. *de haemorrh.* pag. 24.

(b) PASTA , *Edinburgh. Versuche.* P. VI. pag. 583. 584.

indolem praestant (a) : quae inter adminicula ipsa *Venasectio* primum certe locum occupat , ut in eo potissimum remedium collocet TRALLES (b) it. SYDENHAM. (c) ac SWIETENIUS (d) sub primis adparentibus phaenomenis , matura phlebotome , averti non tam haemoptoën , quam repetitam (e) , atque ad avertendam phthisin bis vel ter in anno celebratam valere , ostendit (f) : quam quidem in vitali viscere urgentis medelae necessitatem facile quivis agnoverit ; qua cordis retro in vicina vasa urgentis vires minuamus ac debilemus , vasorum dehiscientium contractionem in ea ratione adjuvemus , qua sanguinis in latera urgentis nisui praevaleant : quae medela quidem eo certior erit , si aut copia sanguinis , aut nimia densitas aut motus ingens , quacunque causa inductus (g) , peculiaris in vasa pulmonum congestio vel aliarum partium praesertim abdominalium spasmus (h) vel compressione

(a) TRALLES *de Op.* P. II. p. 23.

(b) TRALLES *Exam. terr.* p. 245.

(c) SYDENHAM. pag. 362.

(d) SWIETEN. l. c. T. IV. p. 25. 26.

(e) SWIETEN. l. c. pag. 33.

(f) SWIETEN. l. c. p. 47. 48.

(g) Causas violentas refert SWIETEN. ac maxime vociferationem cum ira maxime periculosam appellat l. c. pag. 22.

(h) A spasmis externarum partium WAGNER. Vol.

& obstructione (a) facta, culpam tulerit. Verum dum & aliis supra dictis causis toties pendet haemoptoe, aut nativa quadam vasorum pulmonalium debilitate (b), aut eadem causis externis indulta (c) aut pectoris vel reliquarum partium conformatione, huic plethorae partiali favente, aut ipsius sanguinis tenuioris & acrioris vitio, vasorum fines clandestina labe erodente (d): adparet, credo, *Venaesectione*, licet de-

II. HALL. *Pr.* p. 307. a spasmō partium abdominalium FRACASSINI *Opusc. pathol.* p. 38. 391. SWIETEN. T. IV. p. 25.

(a) A vestitu circa collum & pectus nimis stricto LUDWIG. *inst. clin.* §. 386. a thoracibus foemellarum SWIETEN. T. IV. p. 10. a vitio hepatis. Id. l. c. p. 27. pertinent huc haemorrhoides aut menstrua suppressa. Id. l. c. p. 20. 21.

(b) Haemoptoe circa pubertatem orta, ubi parentes phthisici mortui, certam phthisin indicari, refert SWIETEN. l. c. p. 17. cum celeri corporis incremento iunctam pessimam ac difficilius curandam addit LUDWIG *de debilitate ab haemorrh.* p. 7.

(c) Varicosam vasorum distentionem, diutius antea latentem nixibus crebris, aliisque causis, quae sanguinem in pulmonibus morantur, adnotat BUBBE *de spalione Hipp.* Vol. II. HALL. *Pr.* pag. 122.

(d) A latente purpura scorbutica adnotat ROSEN. *de purpura* Vol. V. HALL. *Pr.* p. 197. ex acrimonia liquidorum in scorbutico, febribus malignis, a venenis adnotat SWIETEN. l. c. p. 25. Eodem sanguinis tenuioris, resoluri vitio, debilitate vasorum, haemoptoen potissimum a nimia venere

plendo vasa, quae a debilitate nimia facile humorum etiam levi superpondio superantur, atque vires perpetuo imminuendo, excretionem sanguinis moderetur, aut praecaveat, causas mali non emendari; quin sanguine in cellulosa pulmonum effuso (a), atque clandestina erosione demum phthisis producat: nisi alia medendi ratione adpropriata & solidorum & fluidorum vitiis succurratur.

## §. XI.

*Ex his Venaesectionis indicationes specialius determinantur; contraindicationes expenduntur.*

Concludere demum ex haecenus pertractatis licet; *Venaesectionis* veras, praecipuasque indicationes ad plethoram primo, atque quae ad plethoram viscerum partialem, congestiones sanguinis, suppressis alibi eiusdem excretionibus (b),

---

refert STOERCK. *ann. med.* II. pag. 226. it. ZIMMERMANN. *von der Erfahrung.* P. II. pag. 395.

(a) Faciliorem ab hac causa phthisicos metum facit SWIETEN. l. c. pag. 6. 7. 51. PLATTNER. l. c. §. 275.

(b) Recte ita quidem congesto in pulmonibus sanguine

conferunt ; dein ad statum tum fluidarum tum solidarum inflammatorium reduci debere . Quo in genere celeberr. TISSOTUM sequimur (a) : licet utraque morborum genera suas cautelas habeant , supra expositas . Atque veterum certe , quorum invento hoc medendi genus debemus , monumenta eo phlebotomes abusu , nostro saeculo familiari , haud abundant ; atque mirabile omnino , a Romanis olim de conservando , augendoque civium robore ac valetudine quam maxime sollicitis , hoc nostrum medendi genus ignominiae loco inter poenas militum numeratum adhibitumque fuisse , referente GELLIO (b) . Quorum adeo vires tum corporis tum animi conservari interest , limatius de *Venaesectione* iudicium requiritur ; uti eas in genere contraindicationes ponit TISSOT (c) in senectute proventa (d) primaque infantia ; nativa corporis debiliore con-

---

ne per saltationes immodicas , alia vehementiora exercitia , vehementiores animi commotiones , mororem , continua suspiria , *Venaesectionem* praecipit LUDWIGIUS *advers. med. pr.* T. I. p. 147. ne stagnans in minimis vasis sanguis labe vel ulcero-fa vel scirrhusa nobile viscus mulset ; quorsum & tussim convulsivam refert l. c. p. 149.

(a) TISSOT *avis au peuple* §. 417.

(b) GELLIUS *noct. atticis* .

(c) TISSOT l. c. §. 419.

(d) Vulgarem *Venaesectionis* abusum in senibus , puerperis taxat WEPFER. *de Apopl.* p. 12.

situatione, vel ea morbo aliisque, quibuscunque causis acquisita; pulsu parvo, molli, debili, vel inaequali; cute pallida; extremitatibus corporis saepe frigidis, & molli quodam tumore adfectis; abstinentia a cibis diu tolerata; ventriculi actione ac digestionem imminuta, quae sanguini generando obest; praesentibus validis humorum excretionibus vel per haemorrhagias, vel alvi, renum, sudorumve vias, aut iis a crisi morborum praegressis; sanguine demum tenui ac pallido existente (a): quibus in casibus, vel unicam *Venaesectionem* nocivam admodum declarat, quae aegro damna adferat, haud facile reparanda: in debilibus namque hominibus quam pauca aliquando sanguinis copia contineatur, mirabile toties visum est; atque morbum inopiae sanguinis obscurissimum vocat LIEUTAUD (b); crebris interim observationibus constat; (c); ut hac ratione operationes chirurgicae saepe funestae

---

(a) Placentam floridam, inferne purpurascentem cum multo sero, nimiam debilitatem indicare, probe adnotat SCHWENCKE l. c. pag. 172.

(b) LIEUTAUD l. c. pag. 13.

(c) De HAEN *rat. med.* P. VI. p. 109. P. IX. p. 45. MORGAGNI l. c. Ep. XXXVI. n. 2; Ep. XLVII. n. 8. ne quidem duas unc. GORTERUS *de perspir.* p. 385. LIEUTAUD l. c. T. I. p. 53. SCHWENCKE *Haemat.* p. 172. 179. it. *rari casus explicatione* Vol. VII. HALL.

existant , ex solo pauci sanguinis in corpore debili dispendio , observante HAENIO (a) ; parvaque aliquando vulnera lethalia extitisse , adnotat HEVERMANN. (b) ; atque historia viri ab uxore sua levi vulnere rami alicuius minoris arteriae temporalis , occisi , a medicis Palatinis agitata constat .

## §. XII.

*Venaesectio prophylactica diiudicatur .*

Sed quid demum de *Venaesectione* prophylactica sentiendum ? in qua bis ter quaterve per

*Pr.* p. 480. nov. act. phys. med. T. I. obs. 100. SAND *de raro ventr. abscessu* Vol. III. HALL. *Pr.* p. 133. in venis cordeque nullum sanguinem invenit CHOMEL. vid. KUPFERUS *de volvulo* Vol. III. cit. p. 373. nullius praeter pulmonem , observationes refert HALL. *Elem.* T. II. p. 220. 225. in phthisico l. c. p. 227. CAMERARIUS *hist. ped. tumidi*. Vol. V. HALL. *chir.* p. 465. virum 36. annorum adnotat de FISCHER. *de febr. mil.* p. 33. febre miliari decumbentem , cui ternis vicibus novem sanguinis uncias detraxerat medicus , demum mortuum , in cuius cadavere vix nullus supererat sanguis .

(a) De HAEN. l. c. P. V. p. 208.

(b) HEVERMANN. *chir.* T. I. p. 103. 104. Id. *Bemerck.* P. I. pag. 300.

annum celebranda, complures sibi placent, ut summam in ea ad avertendos morbos operam ponere videantur. Id equidem haud facile dictum quid enim? ut sanitatem conservent, vitae sanitatisque praesidia imminuunt; ut morbos quoscunque avertant, coctionis opera detrahunt: In ipsis etiam chylopoieseos ac nutritionis vitiis toties id agunt, ut, quae summa huc pertinent functionum naturalium momenta, liquidorum influentium suppetias, actiones, quae viribus vaforum viget, adsimilatricis vigorem debilitent; ut sanguinis emendent conditiones, naturae labori detrahunt, quem in parando bono sanguine singularem summumque supra (§. II.) ostendimus. *Venaesectionem* igitur mere prophylacticam recte exhibitat UNZERUS (a); atque eam non indicatam semper nocivam probat (b). Fallax omnino est, quae metum demulceat, spes illa reparandae brevi huius iacturae factae; quae non nisi fortioribus corporis viribus aequa esse potest: dum debiles, sub imminutis coctionis atque haematopoieseos actionibus, vasa novo quidem chylo, sed minus laudabili, neque in lauda-

---

(a) UNZERUS l. c. P. III. p. 207.

(b) UNZER. l. c. P. X. p. 157. it. TISSOT l. c. §. 420. JAQUIN. von der Gesundheit. p. 392.



laudabilem sanguinem facile convertendo , replent (a); sed & in vehementioribus haemorrhagiis constitit , sero omnino vel nunquam sanguinis amissi copiam reparatam fuisse , pallore per totam deinceps vitam relicto , uti plures observationes refert HALLERUS (b) . Quae sufficiant ad remedii heroici usus recte determinandos .

*Vol. III. Op. Med. P*

---

(a) TISSOT l. c.

(b) HALL. *Elem.* T. II. p. 144.

---

 ANTONIO FRANCISCO METTERNICH

M O G O N I

## DISSERTATIO

D E

TUSSI CONVULSIVA INFANTUM

*SUB PRAESIDIO*

ILL. VIRI CAROLI STRACK

Mogontiae 1777.



**V**ulgaris morbus Tussis convulsiva est ; eademque ut accedit , multos simul hominesprehendit : ideoque popularis esse censetur . Ut plurimum Infantes male habet : unde Infantum morbi nomen ipsū impertitum est . Contagiosus est , ob id , quod ex eo aegri sanos inficiunt , vixque aliquam domum ante dimittit , quam omnes in ea Infantes corripuit . Neque etiam exortes adultos relinquit , parentes puta , nutris

esse aut custodes, utpote quos tradito ab Infantibus contagio inficit. Aliquando ab adulto incepit, & per Infantes desit.

Initium morbi facile exiguaeque tussis est; quae non saepe urget, & nihil emolitur: febre caret; & neque somnum turbat, neque edendi desiderium demit; adeo, ut nemo ullam de tali tussi suspicionem habeat, nisi qui eam metuit quo tempore popularis ipsa est. Habet nihilominus id sibi proprium, ut magis in gutture quam in pectore premat.

Ita septimanam & ultra spreta trahit. At progressu temporis acrior insurgit & crebro pel- lit, ipsamque spirandi facultatem interrumpit.

Et nunc ab unoquoque pro convulsiva habetur, ideoque ad auxilium recurritur.

Interea crescit malum, iuxtaque tertiam septimanam ad summum pervenit: sic ut & metum incutiat & periculum ostendat: estque nunc quivis eius insultus maxime talis.

Ronchus in gutture auditur, qualem fere blandiens felis, ubi Heri circum crura mollis serpit, rotare consuecit. Sequitur titillatio ibidem, proximeque tussis vehementer erumpit, & ut incepit, spiritum convulsorio modo expellere atque ad extremum usque haurum exprimere continuat: adeo ut eundem aeger vix arripere intusque reducere queat. Vere veluti illa

tussis, quae bibentem aliquem hominem, siquid potus illapsus in eius glottidem est, praefocat atque convellit. Aut quemadmodum ira excan-  
descētes pueri, qui cum plorare incipiunt, ani-  
mam ( ut matres loqui solent, & cuique no-  
tum est ) retinent. Inde facies sursum pulso at-  
que in venas coacto sanguine turgēt, profun-  
deque rubra atque livida evenit. Ob quem uti-  
que colorem isti Tussi nomen lividae ( *der blaue Husten* ) a nostratibus datum est. Et cum  
tali labore pulsus supra modum ex pulmone at-  
que ad suffocationem usque expressus omnis aër  
est, quaerunt item pueri eundem magna vi la-  
boriosoque conatu altum inter acutumque suspi-  
rium arripere; idque nituntur levata cervice;  
fixisque scapulis, atque magno oris hiatu, di-  
ductisque trukum oculorum palpebris; asthmati-  
corum instar. Ob id parva brachia parieti op-  
ponere solent, scilicet ut tali fulcimento adiuti  
aërem fortius trahere queant; quem ut traxe-  
runt, similiter iterum per tussis violentiam ad  
extremum usque Spiritum extundunt; iterum-  
que vi atque anxia agitatione revellunt. Sicque  
sexies deciesve repetitis continuo vicibus. Hor-  
ribile profecto visu & metu plenum spectaculum!

Finito isto tormento aegri lassi sunt, & mem-  
bra fatigata habent, atque obdormiscunt. Verè  
veluti qui a morbo caduco torpent, atque som-  
no opprimuntur.

Atque talis quidem Insultus vicibus circiter viginti non omnino triginta , quotidie aegros concutit , atque eorum corpora excarnificat , viresque vehementer convellit .

Utut autem vehemens quassansque ista tussis sit , ea nihilominus primis septimanis laudabile nihil emolitur , sed tenuem Lympham ex guttore , faucibus , atque ore exprimit .

Post id tempus sincerus mucus , ut crudum ovi albumen , magno cum labore evellitur ; qui glottidi pertinaciter adhaeret , aegrosque aliquot item continuo septimanas tussiendo miserabiliter exercet .

Sequitur materia crassa alba , cremori lactis coagulato non dissimilis , quae divulgum lymphae intermiscetur . Et , ut talis eiicitur , tussis ipsa mitior evenit simul & non adeo crebroprehendit ; & ubiprehendit , non ita diu exagitat ; sicque pedetentim decrescit per duas tresve iterum septimanas .

Postremo tussicula remanet , quae evenientem semel aut bis vesperi vexat , interdiu vero noctuque requiem relinquit ; sicque per tres fere Menses . Unde commune plebis adagium est : tussim convulsivam novem septimanas ascendendo , totidemque descendendo implere ; nullumque adversus eandem remedium praeter patientiam esse ; utique quoniam certum hucusque repertum nullum remedium erat .

Periculo non vacat ista tussis. Alii enim Infantes intra eam apoplectici periere : alii convulsione extincti sunt : alii strumam diductumque guttur acceperunt , quod , cum loquuntur , infatur veluti cantantium avium guttur : aliorum iugulares venae supra modum latae expansaeque evenerunt & tales manserunt : alii oculorum palpebras veluti sugillato sanguine nigras acceperunt : alii aneurisma iuxta canthum oculi maiorem : in aliorum oculis id quod album esse debet impulsio sanguine rubrum subnigrumque evenit : alii sputo sanguinem reddiderunt : alii praecipue lactentes discusso umbilici annulo herniam acceperunt . Plurimi autem ex his , qui recte curati fuere , sine tali noxa evenerunt .

Atque quidem talis morbus absque Medicina est .

Metus atque periculum anxiusque amor atque miseratio compulit patres matresque familias ad ferendum auxilium : quod alii in diversis syrupis , inque Electuariis , alii in Oleis , in Unguentis alii , in decoctis denique atque in tostis , sexcentisque aliis rebus quaesiverunt ; omnia sine profectu . Neque profecto plus valuit Medicorum opera scientiaeque : utique quos opinio sefellit , eos curatio defecit . Ob quam item rationem adagio venisse credibile est , convulsivam tussim novem septimanas ascendendo , totidemque descendendo implere .

Postremo Medici practici fere omnes ad emetica, quae ab aliquibus ut certum auxilium proposita fuere, tanquam ad sacram anchoram confugerunt.

At & istud quoque auxilium, etsi aliquando quidem profecisset, nihilominus ipsum saepe vanum erat. Utique quoniam non recte adhibitum fuit. Siquidem *quae profuerunt, ob rectum usum profuerunt* (a).

Quare ante omnia causam morbi nosse interest & scire, cuinam corporis parti eadem infideat? deinde quod tempus curationi opportunum pateat, intra quod medicamentum vomitorium recte dari debeat? veluti nunc ponam. Ad id utar his, quae experientia in ipsis istius morbi curationibus docuit me.

Et primo quidem scire licet; istius tussis causam atque materiam neque Pulmoni inesse, neque in Ventriculo residere, sed Faucium potissimum atque Glottidis glandulis inhaerere eandem; scilicet his, quae positae postremis in faucibus sunt, basin linguae inter atque laryngem, maximeque in Arythenoideis. Etenim qui sic zegotant, Coryza, quae postica magis, quam

P 4

---

(a) Hippocr. de Arte.

antica nasi spatia occupat, laborant; saepe item quidquam deglutire inviti coguntur, quod a faucibus delabatur; quasi ( utar antiquorum dicendi modo ) de capite id destillaret. Idem, si Glottidi illabatur atque adhaerescit, tussim vehementem excitat; fere veluti Vetulae atque Seneciones, in quorum Glottidem, si acris pituita destillat, tussunt. Maxime autem excruciat mucus qui Glottidem circum atque Epiglottidem eructat, hic ubi rimae ipsi illabatur. Is enim, quemadmodum unumquodque peregrinum corpus, si eo pervenit, vehementem tussim excitat; quae quoties incipit, ad Exanimationem fere continuat; propterea quod crudus atque tenax iste mucus adeo irritabili partis loco pertinaciter adhaerescit, neque abinde secedit, sed magna tussis violenta avelli debet.

Neque istius vexae causam infra Laryngem inve ipsis Pulmonibus esse probabile est; cum quoniam mediis inter tussis accessiones temporibus requies liberalisque spiritus est: tum potissimum, quoniam haec ipsa tussis similissima est illi, quae ab unaquaque alia qualibet aliena re, siquidem ea Glottidi illabatur ( veluti ab aqua male pota ) excitare consuescit.

Magna item tenuis lymphae copia, quae hic locorum abundat, veluti per nasi Coryzam destillat, ita hic plurima confluit: ex qua quod



Glottidi illabitur similiter vehementem tussim excitat; pessimam si lymphæ in trachæam descendit. Ita maxime pueris qui aquosis humoribus abundant.

Neque verisimile est quod quidam sibi persuadent, quasi istius tussis causa in Ventriculo resideret; ideoque vomere cogunt. Utique quoniam tales ægros sæpe inter tussendum vomere videbant. At hi decepti sunt specie Veri. Nam qui sic vomuerunt, non Stomachi vitio vomuerunt, sed propter gutturis irritationem; quemadmodum diversæ aliae res, si fauces vel guttur irritant, vomitum cient. Adde, quod isti ægri neque sordidam linguam habeant; neque a palatu opprimantur; sed contra laudabile edendi desiderium retineant; quæ nota utique non affectum Stomachum significat. Quodsi porro vitium Stomacho inesset; utique omnes absque adhibito vomitorio medicamento tussi liberarentur, cum ipsi per se sæpe vomant. Quod item contrarium experientiae est. Et siquidem aliquis vomendo evenit, non ideo evenit, quoniam vel vomuit vel sæpe vomuit; sed ob id quod recto tempore vomuit. Quod infra indicabo.

Cur vero istud misera supernam Gutturis partem posterioresque Fauces præ cæteris prehendant, per easdemque erumpere conetur, nolum prosequi: maximeque cum absque ultima ista

abditarum caussarum perquisitione morbo ipsi , qui est , tuto mederi sciam . Veluti nunc ponam ,

Igitur ante omnia nosse opus est , duo esse istius morbi stadia : alterum Cruditatis alterum Coctionis : & ad ea dirigi debere curationem .

Stadium Cruditatis est , intra quod ista tussis nil nisi Lympham & tenue serum , coloris expers , quale crudum ovi albumen est , emolitur : veluti qualia Coryzae initio emungere consuescimus .

Si nihil ex lymphâ in asperam arteriam penetravit , aequale limpidumque est quod excutitur ; si eo descendit , ipsum , utique quoniam aëre ibidem agitur eidemque commiscetur , spumofum fit & tale rejicitur .

Istud stadium , ut supra monuimus , longum est ; initioque exiguum tussim habet . At quae per decursum magis atque magis exacerbescit ; donec postremo vehementer premit , atque convulsa spiritum ducendi facultate animam diu cohibeat praefocetque . Adeo enim pertinaciter iste mucus , cum tenax valde sit , rimae Glottidis adhaerescit & lymphae colluviem huc trahit . Fortassis insuper miasma quod his immixtum est , acriorem vexam efficit .

Maximum ad id temporis periculum est . Intraque id alii ( ut item supra dixi ) quoniam spiritum attrahere nequeunt , suffocantur : alii

convelluntur : alii apoplectici fiunt , & extinguuntur : alii anevrismata sugillationesve accipiunt : strumas alii : Varices , herniasve alii .

Mitius contra atque expers periculi Coctionis stadium est . Etſi enim intra id aspera tuſſis ſit , & ſaepe urgeat ; nihilominus non adeo in longum pellit , neque ad extremum uſque ſpiritum comprimit . Utiſque quoniam mucus per Coctionem contritus ipſi Glottidi nunc minus adhaereſcit indeque tuſſis opera citius pellitur . Fortaſſis etiam ob id , quod miasma nunc ipſa Coctione alteratum ſimiliter ipſum blandum evenit inſonſque ſtimulandi ; ideoque lymphae minus ibidem convenit . Item quemadmodum in Coryza quo tempore cocta materia eſt .

Quod vero cocta materia ſit , his potiſſimum notis patet . Si , quod tuſſi eiicitur , etſi tenue aquoſumque ſit , nihilominus grumi albi ſpiſſi , veluti lactis cremor coagulatus eidem innatant . Et quo horum plus eſt , eo perfectior coctio eſt .

Iſtud ſtadium , ſi non recte ſuccurritur , item longum eſt , & ſimiliter aliquot ſeptimanas trahit , aegrumque qui plurimum hucusque fatigatus fuit , excarnificare continuat .

Poſtremo aquoſi nihil adeſt , ſed ſputa rotunda atque aequalia ſunt , eademque facile eiiciuntur , perfectae coctionis indicia . Sicque in-

terdiu : noctu requies est , quae ipsa & coctio-  
nem perficit & sputum expedit .

A sine tussis vexa manet , quae vesperi ac-  
cedit , & semel exercet , sicque plures imposte-  
rum septimanas absque sputo continuat , donec  
ex toto desistat .

Atque talis quidem ista tussis per sua stadia  
est . Sequitur curatio . Haec iterum duplex est :  
altera quae coquere materiam iuvat : altera quae  
coctam expellit . Incipiam ab infantibus ; cum  
quoniam hi plurimum obnoxii isti morbo sunt ,  
tum quoniam iisdem tanto magis omnia industria  
opus est , quod imbecillis noxia quaeque offensio  
est : tum denique ob id quod facilis ab his ad  
adultos , siquidem eundem morbum acceperunt ,  
curationis transitus est .

Difficile autem est Infantibus medicinam fa-  
cere ; propterea quod pharmaca refugiunt atque  
respuunt ; maximeque his qui aetate unius anni  
maiores , & septem annorum minores sunt . Sci-  
licet qui intra id quidem aetatis spatium neque  
adeo bardi sunt , ut per ignorantiam oblata quae-  
que admittant , neque ita conscii , ut eadem cum  
ratione assument .

Ubi sic affectum puerum accipio & intra  
cruditatem morbus est ; Olei amygdalarum dul-  
cium drachmas duas vitello ovorum solutas ae-  
gro offero , adiectis granis duobus sulphuris au-  
rati antimonii ex syrupi Mannae uncia ; iubeo

que ut mediis inter tussis accessionis intervallis parvas eius portiones saepe lambat ; scilicet ut ita saepius deglutiendo partem mucī desuper in ventriculū trahat : deinde ut oleum fauces epiglottidemque obducendo contra stimulum muniat defendatque : postremo ut Mannae portio quae sanguinem intuat , aliquam in eo mucī portionem attenuet secernatque : item ut sulphur antimonii tam idem operetur , quam ipsum miasma sive mu-  
set sive expellat : denique ut per ista omnia mu-  
cus , cuius magna portio in intestina inclinat se , molli alvo submoveatur ; qui praeterea , quoniam is multus esse consuevit , inditio saepius Enema-  
te subtrahi debet ; ne vitioso circulo in venas reversus sanguinem vitiet , aut in intestinis recubans humorum coctionem turbet . Etenim gravatis infimi Ventris visceribus vel nulla vel perdifficilis humorum coctio est : adeo enim late in universum corpus diffundit se infimi ventris viscerum actio , vis , atque dominium .

Non alienum quoque videtur , talibus aegris a nucha deorsum inter scāpulas Emplastrum vesicatorium applicare ; tum ut per id mucus attenuetur , cum ut per idem vitiatum humor extus trahatur . At ego hoc non saepe usus sum , & quoniam ita Matres nolebant , & quoniam sine isto auxilio iuvare sciebam ; denique quod talis plaga gestationem qua , ut proxime dicam , opus est , difficilem efficit .

Cibus mollis esto , nec infra satietatem . Etenim pueri ieiunium per se non facile ferunt , inque isto morbo neque febre laborant , neque cibos nauseant , sed contra vehementer eosdem desiderant ; maximeque quoniam id quod proxime ederunt , vomitu inter tussendum saepe reiciunt . Ideoque continua veluti fame vexantur .

Quare praestat parvis at saepe datis portionibus nutrire , quam multo cibo bis per diem satiare eosdem . Et profecto non possunt indociles pueri similiter contineri ac adulti homines qui ratione utuntur : minimeque possunt in longis morbis medicorum iussa tenerorum parentum amorem adeo vincere , ut edentis prolis luxuriae non subscribant . Veluti id medici practici per usum atque experientiam satis superque didicerunt : secus ac saevi theoriae Magistri dicant imperantque , minime auditi .

Et si autem ego istam matrum negligentiam benevolentiamque in universum non laudem ; minus tamen in isto morbo peccatum est non obtemperasse : tum quoniam pueri plurimum ex cibo vomitu reiciunt ; cum quoniam id , quod retinent , bene digerunt , neque ob esum male habent .

Atque haec de cibo , potu , atque medicamentis , quibus intra Cruditatem uti convenit , dicta sunt . Sed supersunt adhuc alia quaedam

adminicula , quae etsi coctionem non perficiant , interea tamen tolerabiliorem morbum reddunt atque suffocationem arcent . Haec in ministerio consistunt : & talia potissimum sunt .

Quoties puer vehementer tussit , & intra tussim mucus avelli decutique auditur , debet tussientis ori digitus profunde indi , quo mucii portio eximatur ; ne idem reducendo Spiritum , intus in Glottidem retrahatur . Siquidem is , quo diutius ibidem adhaeret , eo longiorem asperitoremque tussim reddit .

Si intra accessum spiritus deficit & suffocatio instat , debet unus ex adstantibus aërem magno simul & praecipiti impetu tussientis ori inflare ; protinusque ut inflavit , suum caput ab aegri vultu detrahare . Etenim qui tali aegro propius adstare continuat , ei spiritum demit . Ob eandem causam tussientis pueri faciem magno camerae spatio obvertere convenit ; ex quo aërem liberaliter capere queat . Etiam cortinas a cubantis lecto retrahere expedit , ipsumque , quoties tussit , lecto eximere , atque similiter adjuvare .

Si lactens aeger est ; simili quidem ratione eidem succurrendum est ; at non integre statutis pro more vicibus satiari debet ; sed parvis & saepe repetitis vicibus ubera ipsi praebere praestit : nempe ut ita mucum , qui haeret , saepe fugendo detrahat . Sic enim longiora inter tussis accessiones intervalla patebunt .

Debet item, quoties gestatur, versum a nutrice ad liberaliora camerae spatia vultum habere, e quibus aërem facilius trahere possit; ne utiquam vero, cum tussit, blandientis sinui ad moveri; ne secus ipsum spiritus deficiat. Debet ob eandem rationem in apertis cunis dormire, levato tegmine & reclinato velo. Non supinus iacere, sed in alterutro latere cubare; quo facilius vitiatum humor effluat. Neque circumductis fasciis ligatus esse; sed explicatis vestimentis patere, quo liberalius spirare &, passis brachiis agitando, tussim exercere queat.

Barbarum atque crudele est (quod incuriae quaedam nutrices, famulaeque, atque inter plebem matres agunt) ita afflictis Infantibus non satis succurere, eosdemque noctu cunis aut lecto includere. Qua de negligentia contigisse scio; suffocatum mane puerum repertum fuisse.

Si puero maior aeger est; utile erit sanguinem ex eius vena mittere, nequod aneurisma per tussis vim fiat, aut vena intus rumpatur.

Atque tali attentione hocque medicamento opus est; cum ut periculum, quod instat, quantocyus arceatur; tum ut materia citius coquatur, quo mitior quoque tussis eveniat. Fit autem his coctio duas intra septimanas.

Insuper credibile est, esse quodpiam medicamentum specificum, etiam quod crudum istius morbi



morbi miasma citius sive alterare, sive expellere queat. Verum de eo, etsi quidem rationalem suspicionem habeamus, nihilominus perfecta adhuc Experientia caremus.

Cum coqui materia incepit ( quod per ea signa, quae supra posui, nosci potest ) vomere aeger debet; assumptis radicis Hypocacoanthæ granis quinque ex syrupo. Coctam namque materiam medicamentum vomitorium facile expellit, quod crudam necquicquam movet. Plus enim interest nosse, quo morbi tempore Medicina recte offeratur, quam qualis ea in universum detur. Siquidem, quod Herophilus dicere consueverat, medicamenta aut nihil sunt, aut sunt manus Deorum; scilicet prout iisdem uti scimus. Utique quae profuerunt, ob rectum usum profuerunt (a). Igitur ut olim Hippocrates posuit (b): *Concocta medicamenti aggredi oportet & movere, non cruda, neque in principiis, si non surgant. Plurima vero non turgent. Ibi-*dem (c): *Si qualia oportet purgari, purgentur, confert & facile ferunt. Contra vero difficulter.* Quod vero in isto gutturi morbo atque tussi

Vol. III. Op. Med. Q

---

(a) HIPP. Lib. de Arte.

(b) - - Lib. Aphor. Sect. I. Aphor. 22.

(c) - - Aphor. 25. item Sect. III. Aphor. 3.

medicamenta vomitoria conveniant; item ab Hippocrate (a) propositum est. *Dolores supra septum transversum, qui purgatione opus habent, sursum versus purgatione indigere significant; qui vero infra, deorsum.* Quam sententiam quae obscura hucusque videbatur, plurimum dilucidavit Theophilus de Bordeu (b).

Excusso ita muco, cocto tussis ipsa mitior est, & serius accedit; etiam periculo nunc vacat, atque noctu requiem relinquit.

Post primum vomitorium ad ea iterum remedia recurrendum est; quibus intra Cruditatem uti oportere supra dixi. Sicque octiduo: posteaque rursus vomere expedit.

Ab altero isto vomitorio parum ex tussi remanet; idque quod restat, leve exiguumque est. Sputa item nunc laevia rotundaque sunt, & facile quemadmodum ad Catarrhi exitum, secedunt. Et nunc quidem medicamentis quidquam moliri nil opus est; praestatque octiduum absque medicina expectare; nempe ut intra istud quoque tempus, quidquid a materia intus supererit, idem, naturae beneficio, quae sola nunc sufficit, concoquatur separeturque. Postremo id


(a) - - Sect. IV. Aphor. 18.

(b) Recherches sur le Tissu muqueux.

quod solutum est ; purgante pharmaco , quod Mannam recepit , infra duci debet .

Atque tali quidem curatione pessima ista tussis quatuor intra septimanas tuto submovetur , quin ullam post se noxam relinquat ; quae secus in longum tempus , ut initio istius Dissertationis dixi , periculose trahere consuevit .

Postremo & id quoque memorabo , neminem eodem morbo , quantum ego quidem scio , his correptum fuisse .



DISCURSUS ACADEMICUS,  
OBSERVATIONEM  
DE HAEMATOMATE;  
*ALTERAM*  
DE INTERNA HYDROCELIS  
CAUSSA EXHIBENS.

THE  
JOURNAL OF THE  
ROYAL ANTHROPOLOGICAL INSTITUTE  
OF GREAT BRITAIN AND IRELAND  
PUBLISHED BY THE  
EDUCATIONAL SOCIETY  
OF GREAT BRITAIN AND IRELAND  
LONDON

IOANNIS PETRI FRANK

MED. CLINIC.

IN TICINENSI ACADEMIA PROF. &c.

DISCURSUS ACADEMICUS,

Mense Iunii 1786. habitus,

OBSERVATIONEM

DE HAEMATOMATE,

ALTERAM

DE INTERNA HYDROCELIS

CAUSSA EXHIBENS.



**Q**Uae in rebus Medicis est difficultas, *Patres Sapientissimi & Auditores Honoratissimi*, eo quod morborum diversissimae progenies necdum omnes, ob caussarum innumerabilem exercitum, in sua genera & classes potuerint ordinari, atque evidentibus inter se characteribus dividi: ea & in *Chirurgiæ* obest artis utilissimae desiderio

profectui , atque tantum abest ut , nostris iam-  
iam temporibus , in extruendis morborum syste-  
matis cum aliquo versari queamus successu ; ut  
in colligendis potius , quam ordinandis mate-  
rialibus , omnis adhuc nobis sit ponenda indu-  
stria : atque exhinc indefessa casuum , symptomatum  
variorum , atque caussarum illis subiacentium  
fidelis enarratio , rectave demum iudicatio , non  
minus in Chirurgia , quam Medicina , quae ,  
mehercle , non nisi unicam eandemque sistunt  
Scientiam , precipuum exhibet promovendae artis  
utriusque fundamentum .

Cum vero datam mihi videam hodie occa-  
sionem optatissimam , in Conspectu Vestro *Patres*  
*Sapientissimi* , & *Auditores Honoratissimi* , quae-  
dam circa artis quodcunque obiectum differendi :  
ex proprio penu duas hodie observatiunculas se-  
ligendas esse credidi Chirurgicas ; non quidem  
novitate sua aut praestantia adeo conspicuas , sed  
tales tamen , ut arbitror , quas levi saltem teti-  
gisse penicillo , possit interesse .

## OBSERVATIO I.

### *De Haemagomate .*

**P**rima quidem ad tumores cysticos pertinet  
observatio , quorum divisionem ex materiae in  
folliculo praeternaturali collectae natura deducunt



Auctores classici, atque sequentes fere species consignant: *Meliceridem* sc., *Atheroma*, *Steatema*, *Osteosarcotoma*, *Hygroma*, *Lipoma*, *Lupiam* & *Ganglium* (\*). Facile est, nec ignotum certe, ex observationibus Chirurgicis numerum specierum ex materia in cystide contenta desumptarum, adaugere: cum e pilis, uti hoc ipso anno in *Clinica* nostra copiosos in ovario feminae deteximus, & calculis, & calcarea materia aliquando gravidas observaverint eiusmodi cystides. Neque tamen, quem foetum sine suo eiusmodi tumores foveant, tanti interest, dummodo cystis tandem experta possit manu excindi, vel supuratione diuturna in integrum consumi.

*Sanguinis* tamen puri & sinceri collectionem lentam, ad rariores pertinere facile crediderim, videturque eo potiore sibi promereri attentionem, quod antiquam opinionem de puris ex sanguine ipso generatione, nisi satis iam videretur confutata, ulterius certe possit subvertere.

Puella novem annorum, facie prius decora, ante tres annos ad mentum offerebat tumorem parvum, album, indolentem: qui successive ad ovi anserini magnitudinem & figuram

---

(\*) Celeb. PLENCK novum systema tumorum; P. I. pag. 132.

ita increverat , ut ipsius faciei symetriâ multum ad pectus protensa , pristina sic venustas quamplurimum defoedaretur . Decima Decembris 1777. puella haec a patre suo ad Nosocomium *Bruchsalense* deducta fuit , cuius ego tunc temporis directionem gerebam . Mobilissimus erat tumor atque in omnibus cystico similis , sub cute mox latens , sat mollis , adhucdum indolens , ut ad frigidos sic dictos , saccatosque tumores facile debuerit numerari .

Incisis tegumentis , cystidem ab his separare conanti , mox copiosa sanguinis sinceri , infoetentis columna ex cystide , ac si varicem quamdam largiorem incauta manu quis dissecuisset , largo flumine erupit : haec vero mox adeo concidebat , ut non absque difficultate sacculus omnis potuerit auferri .

Saccum hunc a tegumentis separatum examinans , in eo hic ab aliis differebat : quod spongioso interius parenchymate scatebat , in cuius cellulis dilatatis sanguis pridem purus morabatur . Facilis nunc erat puellulae & perbrevis refectio .

### *Epicrisis .*

Difficulus hic tumor , quem *Haematoma* nomine donari posse credam , ad notos refertur

tumores sanguineos : quorsum Echymosis numeratur , & aneurisma , aut varix , aut demum Haemorrhoids , pertinent . Quodsi ad Echymosin saccatam referre eundem placeat , fateri tamen oportet , nullum sat certum exflare signum , quo Chirurgus de materia in follicullo suo contentae natura firmam satis prognosin constituat , & quo , saltem in primis operationis momentis , ne cum aegroto suo , vel aneurismatis vel varicis tumorem pro cystico adperuisse , timorem sentiat , praepediatur .

Sed chronica cystidis sanguineae & triennis natura , singulare satis offert phaenomenon . Immutatus haeserat per tantum temporis in hoc receptaculo cruor , nec calore se distinxit ab iis , quos frigidos dicunt , tumoribus ; nec in pus abivit , quod ob moram certe contingere debuisset , si sanguis primariam , uti creditum est , puris largiretur materiam . Quod si hoc demum *Haematoma* in maius excrevisset Volumen ; nonne & ex subitanea sanguinis contenti effusione symptomata nasci potuissent , quae aegrotam periculo ex inanitione expositura fuissent ?

Nulla igitur esse tam parva videtur operatio , quae non circumspectum in prognosi , & alienis quoque experienciis instructum esse Chirur-  
gum aliquando iubeat . Sed ad secundam me nunc observationem convertam , quae circa Hy-

*drocelis causam internam versatur , quamque brevissimo sermone absolvam .*

## OBSERVATIO II.

*De Hydrocele ex causa interna .*

**V**ir de Chirurgia meritissimus , celeberrimus POTT , cum Hydrocelis , per Chirurgicam operationem , quae ope Setacei fit , & quae iam GUIDONIS & FALLOPII temporibus celebrabatur , perfectiorem reddidisset , pro principio assumpsit : collectum in tunica testiculi Vaginali humorem innocuum esse natura sua , nec ex alia parte affecta provenire , nec illi , ad quam depositus est , morbum causare , sed *locale* protinus malum sistere , sub quo principalis semper esset indicatio : ut cavum illud intravaginale tolleretur , & futura aquarum praecaveretur recolectio (\*). Quodsi magnorum virorum opiniones , dum veritate minus nituntur , quam hi ipsi sibi persuaferunt , alios facilius in errorem ducere soleant , qui in alienam auctoritatem paulo magis confidunt : merentur illae eo maiori certe atten-

---

(\*) An account of the Method of obtaining a perfect or radical cure of the Hydrocele or watry Rupture by means of a Seton .

tione examinari ; quo faciliorem apud quamplurimos introitum solent invenire .

Quamvis vero is ego non sim , qui in re tam gravi decidere quidquam aut possim aut velim ; iuvat tamen , dubia saltem , generali forte nimis opinioni , quaedam opponere , ex eodem , quo POTTIUS solet , fonte , ex ipsa experientia , hausta : quibus alii ad ulteriorem rei disceptationem incitentur .

Criticam vero aut depuratoriam ad testiculos in Hydrocele depositionem , necessitatem collectos hic humores successive brevibusque evacuandi intervallis , timorem , ne , si hoc malum sanaretur , tota corporis abinde patiatur constitutio , omnia haec , inquam , neganti POTTIO , tanti pace Viri , quaedam hic opponam , non eo quidem animo , ac si haec quamplurimum vera esse multiplici experientia non fuerim convictus ; sed ut & in hac artis parte constet , nullam tam generalem poni posse regulam , quae non suas interdum patiatur exceptiones .

Vir biliosus , lautis adfuetus epulis , quinquaginta quinque fere annorum , a longo iam tempore Hypochondriacus , & a quibusdam annis gravi affectus vertigine , adeo ut ex luminis adspectu , corpore aliquando vacillaret , - saepius ad plantas pedum pustulas miliformes , confluentes experiebatur acriori lymphâ repletas : a qua-

rum disruptione, morbi nervosi Symptomata alibi quando videbantur moderari. Tandem lente in conspectum venit tumor ad testiculum & funiculum spermaticum dextrum. Successive hic tumor augebatur, atque illum ex aqua in vaginali tunica harum partium collecta, oriri, sicque Hydrocelem exhibere, facile mox erat determinatu.

Recusabat aegrotus curam palliativam: punitionem enim tumoris certis temporibus repetendam ego proposueram: tam ut de statu ipsius testiculi dubio redderem aliquomodo certior (: quod ante radicalem Hydrocelis tractionem semper utile habui, atque, in personis huic curae non satis adaptatis, saepe solum sufficit ad malum, ad seros usque annos, longe tollerabilius reddendum: quare ipse quoque SCHMUCKERUS, ubi magnum esset Hydrocele, melius esse monuit, aquam tricuspidi prius evacuare, dein vero novam recollectionem, ante susceptam curam radicalem, fieri permittere: cum extensa minus tunica vaginalis, sic longe facilius cum teste queat con crescere, atque hic ipse, num sanus sit, vel corruptus, melius possit examinari (\*) : ) quam ut sensilissimum ac valetudinarium virum a maiori ausu averterem, atque eundem, ut methodo

---

(\*) Chirurgische Wahrnehmungen II. Theil.

POTTII simplicissima potius sese tractari pateretur, persuaderem. Ast vero praeplacuit longe methodus, qua tumor totus larga sectione adperiretur &, pro testiculi, sic melius ad oculum examinandi, conditione, procederetur.

Plura hic praetereo, quae singularia in hoc aegroto obveniebant, post susceptam demum hanc operationem, symptomata; ut sequentia tantum ex illis adducam.

Egressa scilicet cavi intervaginalis, in longum adperti, aqua, denudatus testis plures mox hydatitulas, illis fere similes, quas ad pedum plantas pridem observatas fuisse retuli, laxamque adeo exhibebat, resolutamque, & mollem substantiam: ut, cum dubium esset, sub nata ab operatione chirurgica inflammatione, hanc forte excitaturam esse symptomata, quae optatae illius cum tunica vaginali concretioni resisterent, novaeque sic aquarum collectioni ansam porrigerent, suscepta demum fuerit testiculi, aegroto odiosi, desiderata exstirpatio. Ob similem hydatidem, maiorem tamen, & ovi magnitudini accedentem, cum tumefacto vero testiculo, Castrationem suscepit Cl. GOOCH (\*); interim sufficere crediderim, eiusmodi hydatides destruxisse, ubi post

---

(\*) Medical and Chirurgical observations.

denudatum sic testiculum in conspectum veniant; quin ob has solas, crudelis indicetur castratio, nisi ipse demum testis ob corruptionem, eandem sibi possit exigere. Difficilior autem semper erit huius partis sub POTTIANA methodo accuratior inquisitio, atque hoc multum de ipsius praerogativa posset videri detrudere: nisi verum esset, quod POTTIUS asserit, scilicet, quamvis volumine quidquam auctus fuerit testiculus & textura sua relaxatus, illum tamen pro sano utplurimum habendum, & pro tali, qui suo adhuc par sit futurus officio, censendum esse.

Post quinque fere septimanas (: nam varia symptomata vulneris sanationem retardabant:) ad cicatricem fere pervenerat plaga: sed copiosissimam adhuc fundebat continuo lympham, ita ut plura abhinc lintea quotidie madeficerent, quin tamen aegrotus per hanc evacuationem debilitaretur; quidquod valetudo aperte satis de die in diem augebatur, neque vel vertiginis, vel alterius symptomatis gravioris consueta fiebat mentio. Interim molestissime ferebat hanc salutarem licet, criticamve excretionem aegrotus sanationis lentioris impatiens; &, non obstante contrario consilio, colophoniae tutiaeque pulvere repetito instrato, tum lapidis infernalis attactu, cicatricem vulneri inducere clam curavit, & brevi tempore hoc ipsum exsiccat.

Eheu



Eheu quantum pro parvo hoc citioris quodammodo sanationis solatio multatus recessit aegrotus ! . . . mox enim hepatitide periculose infestabatur ; atque hac demum sanata , in deliria incidit periodica , ferocia ; mentem per aliquot menses insigniter occupantia . Cortice peruviano vero & haec feliciter propulsa sunt symptomata : ast vero cum aegrotus diutius viribus plane destitutus incessisset , quin causa aliqua nutritionis defectum pertinacem explicaret ; infecta est nova ad cutis superficiem externam salutaris admodum excretio : post quam mox aliam corpus faciem assumere coepit , & quotidie carnes renasci videbantur . *Herpes* scilicet miliaris , utriusque manus dorsum , dein tibias occupans in conspectum venit , perque plures annos , licet externis saepe laceffitibus remediis , cum evidenti aegroti , tum a vertigine , tum a multis aliis incommodis liberatione , propullulavit .

Iam vero herpetem nullo modo perferre voluit aegrotus , ad omnia remedia confugere incepit , quae illum vel sanare possent , vel saltem a visibili corporis parte ad minus conspicuam convertere . Omni vero methodo prudentius aegroto restitit malum , quin ab omnibus adeo exasperatum est , ut tandem affluxus enormis , similes in his partibus dolores , praecipue nocturnos , excitaret , unde sanitas totius cor-

*Vol. III. Op. Med.* R

poris non parum offende-  
batur . Sub his circum-  
stantiis , post omnia incassum adhibita remedia ,  
succus Tabaci seu herbae nicotianae , emplastro  
commixtus , egregie profuit , dolores sedavit her-  
petemque videbatur . felicissimo exitu sanasse .  
Sed post paucas septimanas ad tibias malum  
transmigravit : cumque & hic loci a Tabaci suc-  
co se fugatum perferiret , ad inguina demum  
se contulit & ibidem cicatricis , post Hydroceli  
sanationem in Scroto relictae novam exulcera-  
tionem minitavit ; continuo enim humor hic  
transsudans , sat superque docuit , prima sui ve-  
stigia , etsi occlusa sint , non tamen ideo sibi  
esse iamiam ignota . Sed instratis huic quoque  
loco pulveribus exsiccantibus , quod repetitis vi-  
cibus , contra repetitos insultus , tenendum erat ,  
naturae motus in aliam partem conversos vidi :  
ad aurem scilicet , ubi periculosissimam otalgiam  
humor ille acris & oberrans excitavit . Non ta-  
men hac quoque perfunata , exteriorem corpo-  
ris superficiem ideo dereliquit herpeticum acre ,  
sed mox ad manus , mox iterum ad pedes ,  
collum , denuo efflorescebat . Interim aegrotus  
pinguescebat , & a quamplurimis symptomatis  
nervosis liberatus fere videbatur .

### *Epietisis .*

Quo ergo fundamento nitatur opinio , Hy-

drocelen semper in locali vitio , per operationem radicalem absque omni damno auferendo , consistere ; non adeo patere mihi saltem videtur : neque certe ita visum est tum antiquioribus , tum hodiernis pluribus Chirurgis & Medicis : quamvis de primis non diffitebor , nimis in hac re fuisse scrupulosos ; atque saepissime certe ex nullo alio morbo hydrocelen oriri , sed aut secretionem in his locis aucta & praeternaturali , aut resorptione humoris exhalantis impedita , aut alia demum causa , protinus locali , hydropem tunicae vaginalis & oriri posse , & methodo POTTIANA felicissime curari . Rem hanc videtur omnino rectius considerasse DODONAEUS , qui suo iam tempore monebat , saepe quidem hydrocelen ex causa latente & non manifesta ( id est locali potius ) , saepe tamen ex interna & manifesta causa produci (\*) . Addit vero , quod saepius se observasse credebat , *sinistrum* praecipue testem saepius , quam dextrum , quin solum illum , a latente & non manifesta causa , hydropem offerre : quam tamen observationem a nemine hucusque confirmatam rescivi . Ast , quod magis huc spectare videtur , exemplum est viri , cui *dolens* hydrocele , ne-

R 2

---

(\*) Observat. Medicinal. cap. 39.

que ob hoc symptoma pro tali habitum; testis-  
culi amputatione fuit pertractatum. „Curatus  
vero, inquit, ac sanatus a vulnere, paulo post  
de lumborum dolore ac gravitate conquerebatur.  
Adparebant in lotio arenulae quaedam; de laten-  
te aliquo in renibus calculo suspicio erat. *In*  
*pube deinde circa cicatricem dolor cum tumore*  
*successit: accedentibus vero & aliis symptomatis,*  
*mors tandem subsecuta est. Scarificato autem cir-*  
*ca pubem ac cicatricem loco, aquosus effluxit hu-*  
*mor, & quidem copiosus*“. Quare & FALLOP-  
PIUM dicentem novimus: „notandum est, quod  
saepe fit, ut hernia aquosa reviviscat, vos ta-  
men non abstineatis ab hac actione (setaceo  
scilicet per tunicam vaginalem ducendo): unde  
notandum est, quod, exceptis puerulis, est  
nunquam tentanda integra sectio herniae, sed in  
adultis pungatis tantum & educatis aquam, & si  
iterum reviviscat, iterum pungatis: nam *saepe*  
*ego vidi, multos per hernias (aquosas) liberatos*  
*esse a gravibus affectibus, ut ab empyemate &*  
*ab hydrope pulmonis: unde si penitus sanetur;*  
*poterit multos morbos postea inferre: quoniam*  
*materia illa sensim & sensim descendebat ad tes-*  
*tes, & per eos evacuabatur, quae si intercipia-*  
*tur; ad nobiliores tendet*“ (\*).

---

(\*) Gahr. FALLOPPIUS, de tumoribus praeter na-  
turam Opp. T. II. cap. XXXIV. p. 314.

Sed & absque operatione, quamvis rarius, aliquando tamen, hydrocelen sanari, nonne satis probare posset solum hoc, dari herniae aquosae speciem, quae certe non solo nascitur vitio locali, sed, ut alterius morbi symptoma, haec per idonea medicamenta pertractato, evanescit? . . . Iam BONETUS exemplum adducit „viri tum lue venerica, tum hydrocele affecti, qui sola inunctione mercuriali, ab utroque malo sanus evasit“ (\*). Sed ipsemet celeberrimus POTT observavit in viro, magno hydrocele laborante, hoc ipsum radicitus fuisse sublatum, dum ille pro prima vice paroxysmum podagricum per sex septimanas durantem pateretur (\*\*). Nonne igitur venereum acre, podagrica, herpetica, & longe alia materies a sanguine separata, ad vaginalem tunicam, ut locum in datis subiectis minus resistentem, deponi, hanc sibi sedem eligere poterit, quam, si incauta sectione destruas & cicatrice contra ulteriorem, innocuamque invasionem obfirmemus, naturae vim, inimicum acre ad minus nobilia loca eliminantem, ad viscera ipsa vitalia urgebimus? In meo certe exemplo manifestum satis erat, primam hydro-

---

(\*) In Mercurio compilatio; Lib. III. pag. 57.

(\*\*) L. c.

da esse *hydrocelis a causa interna origo*, danturque casus, ubi praefenda est eiusdem *cura palliativa*, qua aegrotos acri manifesto laborantes, & cachecticos, certis temporibus, recollecta, non infanti semper lympham liberemus, quin obturata hac, per concretionem tunicae vaginalis cum testiculo, viz per naturam semel electa, hanc ipsam ad funestiores longe depositiones cogamus, maiorque forte, quam qui manu Chirurgica curari poterat, morbo, animum porrigamus atque occasionem proximam. Quare & rectissime monere crediderim celeberrimum BELL: in corporibus senum, debilium, valetudinariorum, nullam hydrocelis curam radicalem omnino esse suadendam, sed soli curae palliativae hic locum esse, si absque periculo eisdem mederi contendamus (\*).

Hoc igitur absoluto argumento practico, & demonstrata satis existentia *hydrocelis symptomatici aut critici* potius, & *a causa interna oriundi*, quod maiorem sibi, prae communi, attentionem exigit, neque radicalem semper curam admittere videtur: ad vos me converto, Viri iuvenes ornatissimi, &c.

---

(\*) System of Surgery; Vol. I.

---

 IOANNIS PETRI FOURAGE

AQUISGRANENSIS

DISSERTATIO

DE COLICA PICTONUM

Herbipoli 1777. (\*).

§. I.

**C**olica Pictorum, Colica pictaviensis, licet  
 & ante Cl. Virum FRANCISCUM CITESIUM,  
 qui primus huic Colicae speciei Pictorum Coli-  
 cae nomen imposuisse videtur, circa annum sci-  
 licet

---

(\*) Auctor huius dissertationis tum celeberrimi HAE-  
 NII, tum, qui praematura morte beatis vix nunc  
 associatus est, egregii STOLLII, discipulus fuit,  
 atque huius ultimi viri sententiam de *Colica Sa-  
 turnina*, priusquam ipsemer hoc publice ( *Ratio  
 Med. T. II. ann. 1773. edit.* ) fecisset, succin-  
 cte admodum indicavit. Quare dignum credidi  
 opusculum, quod in hoc delectu conservaretur, &  
 si quis ea, quae a STOLLIO ulterius dicta sunt,  
 addiderit, sat completum de hoc morbo tractatum  
 habiturus est.

licet 1572. apud Pictones saeviebat ; licet & illo ipso tempore , quo vivebat CITESIUS , & Armoricis , & Santonibus , & Engolismensibus , totique ferme Aquitaniae , aequae ac Pictonibus notissimus morbus erat ; imo , testante P. DROETO , in Picardia tunc , in Moravia , in Silesia ac maxima parte inferioris Germaniae observabatur ; nomen tamen semel a CITESIO impositum retinebat postea .

## §. II.

Sub variis nominibus salutata , suisque ab Auctoribus symptomatibus delineata diu ante CITESIUM hanc Colicam saepius fuisse , celebres in arte Viri testantur , relegantes nos ad PAULUM AEGINETAM , ad HALY ABBATEM , AVICENNAM , CONSTANTINUM AFRICANUM , IOANNEM A GADDESSEN , FERNELIUM , HOLLERIUM , DROETUM , FORESTUM , PLATERUM , BALLONIUM , SPIGELIUM , RODERICUM A FONSECA , IACOBUM CAHAGNESIUM , SENNERTUM , NICOLAUM PISONEM , CAROLUM PISONEM , aliosque .

## §. III.

Post CITESIUM , quod certe mireris , morbi & frequentia & pertinacia summa non  
*Vol. III. Op. Med. S*



obstante; apud Scriptores medicos, si pauca a RIVERO, WEPFERO, WILLISIO, MUSGRAVIO, SCHEUCHZERO, FRIDER. HOFFMANNO, HUXHAMO, aliisque paucis allata excipias, ante Cl. Viros ANTONIUM DE HAEN, GRASHVIS, TRONCHIN vix quidquam solidi huc pertinentis dictum fuit; postea autem, morbus clarissimis Viris non praetervisus, ferax disputationum materies evasit.

#### §. IV.

Dolor quilibet, colicus, qui in epilepsiam vel paralyfin terminabat, dolor colicus Pictonum nuncupabatur, nullo respectu habito huius illiusve causae: Medici autem deinde paulo latius nomen hocce extenderunt, cum & illis ipsis colicis doloribus, e quibus mala haec, paralyfis scilicet aut epilepsia, oriri solebant, licet non secuta, Pictonum Colicae nomine insigniverunt.

#### §. V.

Sed videamus recentiorum huius morbi diagnosis.

Colica, inquit Clar. GRASHVISIUS, quae atrocissimo, dolore saevit, longa est, omnique

fere remedio refistit, Pictonum hodie dicitur, & hisce fere characteribus ab omni alia dignoscitur: multa quidem cum aliis Colicae speciebus communia habet; doloris vero saevitie, & tantum non intolerabilibus cruciatibus omni alia vehementior & pertinacior, Ventosa discutientibus & carminativis, biliosa temperantibus & evacuantibus; inflammatoria venaesectionibus & antiphlogistis; alia aliis superabilis; haec nullis vincenda remediis, diversam sui genii notam exprimit. Haud raro huic ventris introtractio, vomitus, alvi pertinacissima constipatio, febris, vigiliae, deliria, convulsiones adsunt, & paralyfis membrorum, Ea tamen non omnia in eodem subiecto, vel eodem tempore semper accedunt (a).

Celeb. TRONCHIN Colicae huius sequentem nobis ideam exhibet: Dolorem inquit, fere semper praedit ad minimum per aliquot horas, saepissime per aliquot dies, ponderis sensus atque molestiae, vel in regione epigastrica, vel in umbilicali, quandoque, sed rarius, in hypogastrica, nec huius molesti ponderis sensus immunia sunt hypochondria, eo inprimis dextrum saepius afficitur, afficiuntur & lumbi, omniaque viscera

S 2

---

(a) Vid. IO. GRASHVIS. Tentamen de Colica Pictonum §. I.

solito minus libera sentiuntur . Mens futuri mali quasi praescia , tristior fit , nec tam facilis respiratio frangitur subinde suspiriis . Minus fulgent oculi , vultus ipse pallefcit , leves tunc oriuntur dolores in initio non continui , nec a molestiae sensu facile distinguendi . Appetitus fit minor , plerumque maior sitis . Uti post nimium pastum nascitur & hic sensus repletionis molestae ; sed quae non est expers doloris . Alvus fit sensim durior , urina parcior , fastidium maius , increfcit nausea cum doloribus , qui mox continui sunt . Ruëtibus praegressis nausae supervenit vomitus , levans pro momento dolorem , sed qui mox recrudescens , cum pari anxietate crudelior factus , totum exagitat corpus , nec somno refici finit .

Abdomen tunc , inprimis vero umbilicus , adhaerens quasi vertebrae introtrahitur . Febricula fit cum pulsu contracto , iactatione corporis , anxietate maiori , singultu , tenefmo , urinae suppressione , spasmo vesicae & ani , qui intus etiam sic retrahitur , ut ne flatus emittat , clysteremve facile recipiat . Corpus emaciatur , sensimque marcescit . Vox , quae fit debilior , aspera , rauca , in aphoniam saepe perfectam desinit .

Praeter colicos , artuum urentes sunt dolores , superiorum prius , inferiorum denique ; leniores & tunc , sensimque , fiunt ventris do-

lores. Hoc levamine deceptus aeger, futuram, quam sibi promittit, salutem, voluntati minus obsequiosos perferunt artus, qui intra breve tempus tandem paralytici fiunt. Nec unicus est hic miserandi morbi exitus, saepissime enim difficilior facta respiratione, tinnitus aurium, tenebras oculis offundens nubecula, igniculive ante eos volitantes, motus epilepticos miseris inopinantibus praenuntiant, omnibus externis, internisque sensibus deletis; totum his convellitur corpus, nec tam diu plerumque durant in morbo comitiali vero, convulsivi motus (a).

Clarissimus COMBALUSIER vera Colicae Pictonum signa hisce comprehendit: Aeger in initio lassitudinem per universum corpus diffusam conqueritur, dolorque premens ventriculum & intestina infestat, nauseas patitur, & tandem sequitur vomitus aeruginosus. Alvo interim constipata, pertinaci, dolores ventriculi evadunt vehementissimi, abdomen totum, renes, mamas, pectus, dorsum, praecipue vero superiores inferioresque artus occupantes; anxii fiunt, & pusillanimes, symptomatibusque convulsivis dolorificisque addiuntur, aut plenariae demum superio-

S 3

---

(a) TRONCHIN de Colica Pictonum.

rum inferiorumque artuum resolutioni succumbunt. Interea nulla febris, nullus calor, nulla sitis, uti in morbis inflammatoriis esse solet, hic obtinet. Morbus quoque pertinacius inhaeret cum abdomine potius introtracto quam inflato; simulque dolor pressione abdominis, uti in aliis doloribus colicis, non adaugetur. Omnia remedia in his efficacia, contra hanc Colicam nihil efficiunt, sed valida tantum emetica & purgantia, quae absque respectu habito omnis doloris colici, ac vehementissimarum convulsionum propinari debent, cum certo constat, mitiori methodo, minime medicamentis narcoticis ac antispasmodicis, materiam malumque cedere (a).

Illustriſſ. L. B. DE STOERK in novo utilissimo opusculo huius Colicae mentionem fecit sequentibus: Dolor hic, inquit, circa ventriculum superioremque umbilici regionem aegrum primo adoritur; in initio obtusus nec adeo vehemens, aut diu insistens, paulatim vero & vehementia & continuitate increſcit, ciborum appetentia aegrum derelinquit, flatusque & ructus conqueritur cum vomitu repetito tandem succe-

---

(a) Vid. *der Arzt*, medicinischen Woche-Schriſt, 267. Stück, S. 95.

dente ; at alvus pertinaciter obstrueta ; abdomen constrictum , & umbilicus saepe adeo vehementer introtractus , ut quasi dorso incumbere videatur . Aeger debilis est atque emaciatur ; interim malum increfcit eundo , urina retinetur ; anus validissime constringitur , versusque abdominis cavum introducitur ita quidem , ut clysmatis applicatio saepe fiat impossibilis . Paralyfis tandem variarumque corporis partium atrophia , artuum praecipue superiorum claudit malorum agmen (a) .

## §. VI.

Hanc atrocissimi huius doloris colici descriptionem clarissimi hi Viri nobis exhibent ; at vero cum alias , quam illam a plumbo . Colicae Pictonum species observandi , non suppeditaverit occasio , breviter , quae in hac annotavi symptomata , enarrabo ,

## §. VII.

Aegri initio dolorem , per intervalla redeuntem , contorquentem , subinde ardentem ,

S 4

---

(a) Medicinischer Unterricht. I, Theil. S. 199,

adhuc sat mitem ; primo in ventriculo : in malo magis progresso , circa umbilicum hospitantem , experiuntur ; dolor sensim fit exquisitior , magis continuus , donec nulla demum intermissio obtineatur cum exacerbationibus per intervalla infestis . Umbilicus in plerisque introtrahitur , abdomen cum lignea musculorum abdominalium duritie retractum , alvus vix non in omnibus tarda , difficulter mota , sed non semper caprina , cum aliqui sat figuratam alvum deponant , imo & laxam cum levamine mali ; sed morbus tunc minus vehemens erat . Mictus adest stranguriosus & frequens ad maturam tenesmus , dysuria , imo in malo graviore ischuria . In quibusdam maxima urethrae retractione observatur , & testiculorum rotatio . Praecipua , quae in morbis biliosis obtinent signa , hic quoque advertuntur . Sapor oris amarus , lingua flava , biliosa , nausea , ipse saepissime vomitus materiae viridissimae , ut aeris aerugo , vel & subinde vitellinae . Dolores rheumatici , lacerantes artuum , per intervalla exacerbati , praecipue vero de nocte , ut venerei quid latitare hic suspiceris ; super tandem artuum quam maxime superiorum , & quaedam quasi ad motum impotentia , quae , malo graviore , in paralytin transit . Notandum adhuc est , plurimos de dolore quodam fixo , ardente , parvam corporis plagam , femoris

plerumque alterutrus vel utriusque; clavi hysterici instar, occupante, conqueri; deinde vix non in omnibus pulsum fortem, durum, valide vibrantem, ut in pleuritide inflammatoria, reperiri. Alii iterum sensum rei alicuius in fauces ascendentis, globum hystericum referentis conqueruntur, balbutiunt, rauci fiunt, vel & vera aphonia corripuntur, caput temulentum est, visus obscuratur, igniculive ante oculos obvolitant; aut evanidam brevi saepiusque redeuntem patiuntur amaurosin, externis tandem internisque sensibus deletis misere convelluntur. Nec etiam in univsum verum est, quod Cl. COMBALUSIER asserit, dolorem in Colica Pictonum decumbentibus ad externum attactum non augeri, cum in aliquibus, licet paucis, abdomen valde sensibilibus doleat: an ab affectione per consensum nervorum cutaneorum? Tubercula illa in dorso manuum ante carpum in plurimis conspiciuntur.

### §. VIII.

Caussam morbi proximam Cl. GRASHVIS in abscessione mucii canalem intestinale obli-  
nientis, sequenteque exinde denudatione ac ex-  
coriatione interioris intestinorum tunicae, ponit.  
Celeb. TRONCHIN irritatos, crispatosque a qua-  
cunque demum causa nervos per intestina ac me-



sensorium dispersos ; numerosissimos ; tractosque in consensum nervos , nervis irritatis , consentientes , pro causa morbi proxima habet . Paulo intimius naturam morbi explorans Magnif. Praeceptor DE HAEN , eius causam proximam inquit in affectione certarum nervi intercostalis fibrillarum ad suas origines sive Ganglia ,

### §. IX.

Causarum vero remotarum tantam hic multitudinem reperias , ut vix non cum Clariss. GRASHVISIO credas : „ quasdam ex hypothesi natas , & fictas forsitan magis , quam ipsa natura morbi fundatas esse . „ Numerantur inter has reliquiae februm imperfecta crisi solutarum , aut male curatarum , scorbutus , impedita perspiratio , vini ac potus acidi ; austeri fermentati acidorumque immaturorum abusus , potus fermentantes , vina adulterata , abusus potuum aquosorum , melancholia , animi pathemata , rheumatismus , arthritis , de qua vide' Cl. CAROLI STRACK *Observationes medicinales de Colica Pictonum maxime ob arthritidem* , venena , mercurius , arsenicum , cuprum , antimonium crudum , plumbum , aliaeque multae (a) .

---

(a) Egregius TISSOTUS vina nonnulla , venena , & scorbutum accusat . Vide eius *Observationes de Colica Saturnina* .

Quoad plumbum vix non inter omnes medicos convenit, causam Colicae Pictonum esse frequentissimam, ita ut Magnif. DE HAEN ultimo non aliam, quam plumbum Colicae istius causam assumpserit. Non aliter quoque sentit IOANNES FRID. HENCKEL. (a). Sic & GEORGIUS BACKER. (b) Cel. STRACK licet difficulter plumbum ut causam Colicae Pictonum admittere velit, auctoritate tamen celebrium Virorum coactus, duo tandem Colicae Pictonum genera concedit; alterum a plumbo, alterum ab arthritico miasmate: testante autem celeberrimo Viro, se non magnam de plumbo notitiam habere.

Magnum vero lateque extensum veneno huic in vita communi imperium est, diversisque modis, intra corpus humanum suscipitur. Miserandum illud genus hominum, fossores, praecipue vero, notante FRID. HENKELIO, Fusores plumbi, illius fumum ore haustum, saliva inviscatum, deglutunt, Pictores dein, qui cerussam aut alia plumbi praeparata, manibus tractant, Deaurato-

(a) Vide eius Tractatum germanico conscriptum Von der Bergsucht und Hüttenkatze.

(b) An Essay concerning the cause of the endemical Colic of Devonshire.

Medical Transactions published by the College of physicians in London. Vol. I.

res, qui & ipsi cerussa utuntur; Figuli, qui vasa figulina vitro ex plumbo obducunt, ( vulgo glasiren ) atroci hoc morbo corripiuntur. Etiam Pharmacopaeos Colicae huic obnoxios esse asserit Cel. DE HAEN; frequenter enim vaporibus saturninis exponuntur, occupati scilicet saepe diu in terendo plumbo, eodemque cum oleis coquendo, ad multas emplastrorum species conficiendas. Amstelodami, inquit Cl. TRONCHIN, insolitus olim hic colicus dolor modo grassatur, & ratio haec est: Tegulis antea tectae aedes, hodie plumbo teguntur, superne olim declives nunc planae; Volitantia sub finem autumnii folia decidua, viridarium enim crederetis urbem, ventis in tecta feruntur, macerata ibi aqua stagnante, hanc inficiunt acore, quo solutum plumbum in cerussam abit, ad cisternam dein rapitur imbre, sic sensim inficitur aqua: nec mirum, si in aliis locis, ubi deficit plumbum, arboreaeque defunt, minus frequenter sint colici dolores. Hinc intelligitur, quare si cadentibus foliis tenues nullaeve sint aerae, si caute ligno tegatur plumbum, salubrior aqua sit. Fidem observata merentur, vidi malum in integras saevisse familias. Undecim in una domo, uno tempore decumbentes, horrendis cruciatibus convulsi, membris soluti, mutato tecto, renovata aera, convalescere (a). Mo-

---

(a) TRONCHIN.

nachis , ut butyrum a ranciditate praeservent , consuetudinarium est , in vasis plumbatis illud asservari , totaque interim societas diro huic morbo subiicitur ; imo butyrum , calce plumbi , ut pondus eius adaugeatur , sophisticatum , divenditur . Vina praeterea Rhenana inprimis ac Mosellana , Saccharo Saturni vel Lythargirio adulterantur , hocce artificio colore fulgentiora , sapore suaviora , sed sanitati inimicissima evadunt : Circa annum 1437. in Ducatu Würtembergico primo ab oenopola dolosa haec ars tentata fuerat , dein & in alias Regiones transmigrans , tristissimos sui effectus reliquit . Integre Religiosis fere orbata erant Monasteria , superstites hominum umbrae , non homines , decolores , pallidi , elumbes , pendulis artubus resoluti , tantum non mortui spirabant . Furor hic iam multum deferebuit . Sed & internus Saturni usus non infrequens est , ut in gonorrhoea , arthritide , haemoptoe , phthisi , febribus intermittentibus , fluore albo . Magnum in arte nostra nomen TRALLESIUS memorabile huius exemplum habet , quod hic loci mihi adducere liceat . Laboraverat femina nobilis , delicatulae & tenuioris structurae , post puerperia & abortus , ab aliquot annis fluore albo , cui sanando omnem fere medicinalem apparatusum incassum impenderat Cl. noster DE HAHN. Fessus me secum adducebat ad Ae-

gram suam, quae diuturno usu Rhei, & suffitu ex Oubano, Mastiche & Succino a me proposito, non levabatur, licet alioquin bina haec remedia constanter per menses usurpata, prodesset multum observaverim, si legitima diaeta accedat, in malo non per annos inveterato, quod forte clysmatibus uterinis expugnandum foret, nisi intempestiva verecundia toties obstarer. Accesserat autem ex vicino principatu Medicus quidam, praxi & officio publico, quod gerebat in Silesia, celebratissimus, nobisque inficis promittebat certam salutem. Ego forte fortuna brevi invisebam aegram ultro mihi confidentem, se ex eius consilio bis vel ter de die uti pulvere, quo ille multoties se sanavisse pertinacissimum morbum gloriatus fuerat, Ardebam statim desiderio videndi pulverem; illa vero mihi lubens formulam praescriptam monstrabat, duas partes Ossis sepiae & unam Sacchari Saturni habentem; valde miratus Cl. Viri consilium, interrogabam aegram, an, dum per aliquot dies iam usa fuerat hoc remedio, nondum persensisset incommoda notabilia in abdomine. Illa nesciens, unde haec conicerem, confessim affirmabat, se nudius tertius, & heri, & hodie, sensim ingravescens passam fuisse stricturas circa stomachum & umbilicum, non sine doloris serfationibus, quas vero nequiquam attri-

bueret assumpto pulveri . Ego tam memor omnium , quae de Sacchari Saturni intus sumendi usu valde periculoso , annotarunt LENTILIUS , BOERHAAVIUS , STAHLIUS , HOFFMANNUS , & alii , nondumque per ea , quae tradidit CL. HUNDERTMARK de securitate eius convictus , suadebam ingenuus iunceo corpusculo feminae , ut statim abstineret ab ancipiti valde remedio , aut miseros effectus expectaret , quo monito audito , illa cum advocato marito totam scatulam pulveris per fenestram abiiciebat , atque emulsionem amygdalinam saturatissimam , quam praescribebam , capere per vices incipiebat . Sed hoc lenientissimum pharmacum inhibere amplius haud poterat , quin indicibilis in intestinis dolor totum abdomen introrsum trahens , iniquis summa , vomituritio perpetua , cardialgia immanis , & pertinacissima alvi constipatio altera die ingruerent . Confugiebamus Medici ad olea blandissima superiori & inferiori gutture ingerenda ; exhibebamus iuscula & decocta emollientissima ; suadebamus emollientissima balnea , cum litibus talibus abdomini adplicandis : congerebamus glutinosa & mucilaginoso omnia a LENTILIO laudata ; propinabamus demum pro potu ordinario lac naturale vel artificiale . Sed omnia haec haud sufficiebant immanibus stricturis & cruciatibus levandis , avertendisque , quae saepe imminabant ,

convulsionibus, nisi adiuveremus & interponeremus strictissimas fibras relaxans opium, cuius & laudatorum pharmacorum per aliquot septimanas perpetua adhibitione miserae feminae tandem sanitas restituebatur, leucorrhoea ut antea perseverante.

Sufficienter, ut puto, hisce constat, quam periculosum sit, quam indomabile hoc venenum, quamque frequenter ac quotuplici modo corpori humano detrimentum adferat... (\*).

## §. X.

Prognosin huius morbi tristem incertamque esse, uno omnes ore asserunt. Licet enim morbus iam penitus sublatus fuerit, per morbum autem partes ita potuerunt degenerare, ut ad morbum eundem multosque alios, perpetua adsit praedispositio. Quanta enim hic partium degeneratio fieri possit, super his vide *Celeb. ANTON. DE HAEN* Tom. X. Rat. medend.

Sed videamus ex malo leniori in crudelius deplorandum transitum. Si recensita symptomata crescunt, reiectionem per vomitum medicamentis,

---

(\*) *Damna ex plumbo ulterius ipsemet exposui in Politiae Medicae Tomo III.*

si, alimenti, glutinis, bilis, succi pancreatici, enterici, gastrici, excrementa ipsa sequuntur, funestissimus scilicet morborum ileus. Etiam spastice contracto systemate bilifero bilis retrogrado motu in massam humorum transprimitur, & icterum creat. In hydropem quoque saepe incidunt, sed tantum inchoantes, inquit Cel. DE HAEN, levique operam dispellendum, ac causam in debilitatem solidorum & inertiam fluidorum a Colica Pictionum ortam, reponit. Abdomen subito in hoc morbo asciticum intumuisse vidi, opio sat largiter exhibito, copiosa urina subsequente sat cito illud detumuisse. An hic vasa inhalantia spastice contracta opio exhibito referantur? Interim artuum gravitatem torporemque maior ad motum impotentia subsequitur, & tandem vera illorum resolutio, aut & malo Encephalon magis petente corpus convulsive concutitur. Qui paralyfin veluti morbi crisin salutarunt, morbum aut non frequenter observasse, aut aliorum cantilenam cecinisse videntur. Declinante enim aut iam prorsus cessante Colica, non tantum paralyfis subnascitur, sed & morbo eadem vehementia saeviente, vel & in eius incremento miseris adoritur. Neque alvi immorigerae adhuc constipationi fidendum est; facile enim hi recidivas subeunt. De tuberculis illis iam in uno, iam in utroque metacarpo reperiendis Magnif.



Præceptor DE HAEN asserit ; sibi ab annis propemodum triginta constitisse , ut licet dentur , qui citra hunc morbum similia tubercula gerant , attamen illa cunctis , quos Colica hæc affligit , oboriantur , recidivamque , ni cum paroxysmo dispareant , minentur . Sunt tamen licet paucissimi , in quibus nihil horum observatur . Mobilitatem tuberculorum quoque præstare præ immobilitate , & si post paroxysmum sensim dispareant (a) . Si malum diutius duret , vel totum emaciatur corpus , quod ex multum affecto systemate gastrico , indeque necessaria depravata nutritione explicatur , vel & pars tantum eiusdem , quod optime ex Theoria Haeniana a fibrillis nervi intercostalis ad hanc illamve partem tendentibus , male affectis , deducitur .

## §. XI.

Ad curationem modo progredior : hanc varia methodo tentatam fuisse constat . Aliqui per valida emetica curam aggrediuntur , quæ , cum raro simul & alvum non sollicitent , totum corpus concutiendo , deorsum æque ac sursum peccantem expellant materiem ; Alii per purgantia

---

(a) Vid. Rat. med. part. X.

& emollientia ; alii meris emollientibus ; oleosis ; mucilaginosi interne externeque adplicatis , addito prudenti manu opio , instituunt curationem . Sic Celeb. DU BOIS plurimos emeticis curavit . Si recens causa fuerit , inquit Cl. TRONCHIN , emetica prosunt ; si duravit , nocent . Ubi conveniant , praestant Catharticis acrioribus , utpote magis irritantibus , dubique effectus (a) . Valida emetica & purgantia suadet Cl. COMBALUSIER . Alii iterum aliter sentiunt . Vide GRASHVISIUM , TRALLESIIUM , TYSSOTUM , HAENIUM , aliosque . Interea pauca , quae hic observavi , mihi proferre liceat .

De Methodo Haeniana qui convicti non sunt , aliaque experimenta rationesque clarissimorum virorum propriaque adserunt , hos , inquam , clarissimos Viros pro mea tenuitate ingenii non ulterius convincere studebo , nec potero ; interim illam his aegris quam maxime proficuum fuisse vidi plus vice simplici . Opiatorum egregius usus , sin in uno morbo , profecto in hoc manifesto conspicitur . Opium ea dosi & quidem satis insigni exhibitum , ut potius spasmos a veneno inductos quam torporem

T 2

---

(a) TRONCHIN Cap. XXIV.

fibris muscularibus intestinorum inferat, alvum etiam in exhibitione medicamentorum emollientissimorum una cum Eccoproticis immorigeram, referat; aut paulo maiori exhibito praebio, ita, ut plusquam requiratur, operatur, enemate injecto, si non ab emolliente, tunc magis minusve irritante, facile proleitur. Iusta dosi & quidam satis larga, ut prius dixi, exhibitum opium hic non inducit illud caput grave stupidum ex usu eius paulo largiori consequi solitum, cum via eius potissimum ad spasticum illud resolvendum impendi videatur. Arteriarum durities ab assumpto opio evanescit, pulsus mollior fit, an & ad ipsas arterias spasmus propagatur? Abdomen asciticum detumescit cum urinae profluvio copioso, & sic ischuria sanatur. Emollientissima medicamenta externe Cataplasmatibus specie abdomini applicata, Clysmatis per anum injecta, ore assumpta adiectis lenibus purgantibus mannatis, simul aut paulo post exhibito debita dosi opio, balnea tepida, camphora, gummi-ferulacea totam curationem absolvunt. Venae sectio per se in hoc morbo non requiritur, nonnunquam autem in sanis plethoricisque corporibus sanguis ex impedito multum per vasa abdominalia circuitu versus superiora rapitur, illamque exigit; Pulsum autem illa notanda durities, multos, quae secarent venam, imposuisse, facile adducor,

ut credam . Vesicantium usum , si omni medela  
maiores haëtenus dolores perseverent , laudat  
Cl. TRONCHIN, duobus scilicet doloribus simul  
obortis vehementiorem , alterum obscurare ; ad-  
ditque vix credi ab illis , quos non experientia  
didicerit , quam cito , quam tuto tunc iuvent  
Vesicantia . Opiatorum quidem usum in hoc  
morbo a plerisque vituperari , bene novi ; sed  
naturam mali si intimius perspiciamus , si & a  
posteriori aliquid concludere liceat , nescio , cur  
adeo scrupulosi hic simus in exhibitione opia-  
torum ! an quia opium alvum sistere soleat ? Sed  
in colica saturnina non sistit , sed referat al-  
vum . . . Hinc methodo prius descripta sequenti-  
bus indicationibus , optime satisfiit ; Emollien-  
tissimis ergo medicamentis , mucilaginosiis , oleo-  
sis , per superiora , & inferiora ingestis materies  
venenata , saturnina in ventriculum & intestina  
devoluta , involvitur , intricatur ; nervi ob defi-  
cientem lubricantis muci secretionem exsiccati  
humectantur , teguntur , defenduntur ; fibrae  
musculares crispatae , spastice contractae opio re-  
laxantur , solvuntur ; aliae fibrae hoc ipso vene-  
no stupidae , torpidae redditae , leni nervino  
camphorato , vel & gummatibus ferulaceis inci-  
tantur ; lenibus tandem Eccoproticis tamarindina-  
tis , mannatis , per canalem iam mucosum artificiali  
oblinitum , per opium liberum , apertum red-

ditum, demto fibrillarum stupore lenibus nervinis incitantibus noxia materies provolvitur, & e corpore eliminatur.

Anno 1776. 20ma Iulii in Nosocomium Sanctiss. Trinit. Viennae sub egregio eiusdem Nosocomii physico, ac praxeos medicae Professore dignissimo, ac Clarissimo Viro MAXIMILIANO STOLL, venerat homo 32. annorum a servitio deauratoris, qui Colicam Pictonum terendo pulveres saturninos ante 14. dies sibi contraxerat: dolores tum sensit ventriculi contorquentes, alvus vix non toto tempore diarrhaeica, sed cum levamine mali; at ante aliquot iam dies ingravefcebat dolor per intervalla, accessit & ardor, qui quoque carnes femorum occupabat. Urina semper pauca, stranguriosa, tenesmoidea; pedibus insistere vix firmiter potuit. 18. & 19na vomuit biliosa, lingua modice flava erat, sapor non pravus. Cum a tribus diebus alvum non deposuerat, iniiciebatur Enema ex decocto spec. Emoll. cum mell. mercurial. unc. duabus, & sal. gemm. drach. duabus. Alvus inde pauca, dura sequebatur, hinc propinabatur aliquod Emulsum purgans ex Mann. unc. un. & sal. amar. unc. un. sem. tota die per epicrasin sumendum, pro potu ordinario mens. un. Decoct. spec. emoll. cum Roob. Rib. unc. duabus. Nihil malum emendabatur, dolor saeviebat ut ante, alvus

nulla, urinae tenesmus idem ; altero ergo die  
 aima Iulii hoc non iuvante propinabatur Mix-  
 tura sequens: ꝛ. Aquae flor. Cham.-Menth. ana  
 uncias tres, Op. pur. grana tria, Camph. gr.  
 iv. Syrup. Menth. unc. un. intra spatium 24.  
 horarum absumenda ; Enema prius denuo iniicie-  
 batur, & idem decoctum pro potu ordinario.  
 Dolores ventriculi contorquentes mox imminue-  
 bantur, alvus bis movebatur, sed non stricta,  
 non dura, non caprina ; per omnia melius ha-  
 buit. Ad vesp̄as cum dolores quidem mitiores  
 erant, sed aliqui tamen adhuc persistebant, ap-  
 plicabatur abdomini cataplasma emolliens ; inde  
 vix non omnis dolor evanuit, modico tantum  
 adhuc persistente. 22da Iulii omnia ut heri.  
 Commode habet. Nullus ardor ventriculi nec  
 carnum femorum. Sumit Mixturam oleosam se-  
 quentem : ꝛ. Ol. amygd. recent. & frigid. press.  
 unc. un. subige cum vitell. ov. Nro. 1. adde  
 aquae flor. Chamom. unc. quinque, Syrup.  
 Menth. unc. un. Camph. gr. quat. Op. pur. gra-  
 na tria. pro 24. horis, Enema & decoctum ut  
 ante. 23. Iulii alvus denuo per noctem mota  
 est, somnus quietus, caput leve, oris sapor non  
 pravus, lingua modice albescens ; sed dolores  
 adhuc mites, continui in abdomine, molle ta-  
 men abdomen, urinae fluxus facilis, naturalis,  
 nullus torpor, nulla artuum gravitas. Medica-

menta eadem continuat . Umbilici introtractionem in hoc homine non observavi . 24ta Iulii de nullo amplius incommodo conquirebatur , datum tamen adhuc fuit emulsum purgans per epicrasin fumendum . 25ta Iulii propria voluntate nosocomium dereliquit , licet adhuc nimis cito , dabatur ipsi , ut domi aliquid sumeret , pillulae sequentes :  $\mathfrak{R}$ . Gummi. galb. - Sagapen. Camph. ana drach. un. Castor. drach. semis. Syrup. Menth. q. s. M. f. pill. granorum trium . S. mane ac vespere quatuor .

27ma Iulii rediit recidivam passus ; quamprimum e nosocomio discesserat , dolorem denuo contorquentem ventriculi ardoremque circa umbilicum patiebatur , urinamque diu exprimere conatus , tandem interpositis vicibus stranguriosa prodibat . Leves aderant introtractiones umbilici , hypochondria tensa , anxietas , ardor in lumbis & femoribus , aderat inappetentia , lingua biliosa , impura , ructus , vomiturius , constrictio scroti & testiculorum rotatio , dolor circa ventricolum & intestina augebatur , alvus nulla , pulsus fortis , plenus , durus . Sed nullus ad tactum calor . Cataplasma emolliens abdomini applicabatur , fuit decoctum emolliens pro potu ordinario , & mixturam oleosam camphoratam sine opio . Enema emolliens injectum est , cum haec sine levamine absumerat , 28va Iulii mixt.

oleosae addebantur op. gr. quat. sic ut mane grana duo totidemque vesperi propinabantur : inde alvi libertas & omnium symptomatum levamen . 29na Iulii , cum per omnia bene habuit , Mixtura solummodo nervina sequens praescribebatur :  $\mathfrak{R}$ . Aquae flor. Cham.-Menth. ana unc. tres , Camph. grana tria , Syrup. Menth. unc. un. Mis. Ad meridiem omnia recrudere symptomata , dolor colicus augebatur cum urina stranguriosa , urethrae retrotractione , rotatione testiculorum , caput valde grave erat ; hinc ad vesperam data fuere grana duo opii puri intra bihorium absumenda , inde iterum omnia symptomata evanescere , alvus posita est & nox tranquilla . 30ma Iulii ut praecedente . Alvum semel posuit . S. Mixt. oleos. cum Camph. gran. sex , & op. pur. granis tribus . 31ma Iulii caput sat liberum erat , nulli dolores rheumatici , sed artuum tantum debilitas , nullus in abdomine dolor , omnia mollia , urinam adhuc cum conatu exprimit . Alvus bis mota est , pulsus naturalis . Continuat Mixturam hesternam . 1ma Augusti nil amplius conquestus est . Pro aliquot diebus adhuc data est Mixt. sequens :  $\mathfrak{R}$ . Aquae flor. Cham. unc. quinque , Extr. . . . drachm. unam semis . Syrup. . . . unc. un. Camph. grana sex , opii puri grana tria . Mis.

4ta Augusti sanus ex nosocomio exiit .



Eiusdem anni mense Iulii Piſtor in Noſocomio ſuſcipiebatur homo 32. annorum binis modo vicibus hoc anno Piſtonum colica afflictuſ. Ante 14. dies nempe morbi ſymptomata de novo patiebatur, conqueſtuſ de dolore crurum rheumatico, ut vix incedere poſſet, de dolore ventris inſini, & imprimis regionis epigaſtricae. Aderat vomendi conatuſ ipſeque vomituſ bilioſuſ, ruſtuſ frequentes, amaror oris, alvuſ ſtriſta, tenſio in nucha & collo. Primis duobuſ inſuſtuſ morboſi diebuſ a ſumto purgante quinquieſ alvuſ mota eſt, terque vomuit. Interpoſito uno alterove die denuo purgantem potum repetiit, indeque per Emefin ſexieſ, quinquieſ per alvum purgabatur, ſed ſine levamine ullo, neque a v. ſ. ante aliquot dieſ celebrata mali furor remiſit. Per ultimoſ oſto dieſ urina penituſ aquoſa fuit. Symptomata ad noſocomium adlati erant ſequentia: Cephalalgia cum ſomno pavoribuſ infeſtato, lingua bilioſiſſima, inappetentia, conatuſ vomendi, anxietateſ, leviſ umbilici introtraſtio, dolor infra umbilicum per intervalla mitior, dolor renuſ, crurum rheumaticuſ, urina fluxu naturalis ſed aquoſa, alvuſ a binis diebuſ nulla, pulſuſ fortis, plenuſ, duruſ, naturali modice celerior, nulluſ calor praeternaturaliſ. Statim abdomini emolliens Cataplaſma apponebatur, Enema emolliens inieſtuſ & decoſtuſ emolliens

pro potu ordinario exhibitum est, simulque dabatur Emulsum Eccoproticum mannatum cum Sal. amaro, & pauxillo camphorae. Omnibus hisce absque levamine adhibitis loco emulsi mixtura oleosa cum camphora sumta est; sed caput magis remulentum evadebat, cumque pulsus valde durus persisteret, & homo valde plethoricus esset, signaque instantis delirii imminerent; venae sectio ter instituta fuit, sanguinisque quantitas extracta 26. ad 27. unciarum. Sed omnia symptomata in eodem tenore pergebant. Vigesima octava Iulii mane artus inferiores convellebantur, linguam tumidam ex ore protrusam dentibus commordebat, sui conscius non erat, stupidus & aphonos tota die iacuit cum tardissimo corporis artuumque omnium motu quasi semiparalytico. Pulsus mollis erat, parum celer. In hoc statu exhibebatur Mixtura oleosa cum gran. quatuor Camphorae & gran. tribus opii puri absumenda intra 10. horas. Mens inde rediit, maiorque artuum secuta mobilitas, tum ut faeces copiosius elicerentur, iniectum est sequens clyisma acre: *℞. Decoct. spec. emoll. unc. decem, Sal. gemm. Elect. Hier. picr. ana unc. semis. Mell. mercurial. unc. duas.* Alvus inde per noctem copiosa mota est cum levamine. Vigesima nona Iulii tota die mens constitit, non amplius convellebantur, & artus movebat expedite, Hinc nulla ho-

die opiata data sunt ; dolores artuum evanuerunt ; sed circa epigastrium & regionem umbilicalem adhuc aliquis perstat , praecipue si haec loca tangantur . Abdomen tamen molle est . Trigesima Iulii denuo grana tria opii Mixturae oleosae addita sunt , & cataplasma emolliens abdomini applicatum , Enema emolliens injectum ob dolorem abdominis pertinaciorem , interim caput sat liberum , sed lingua impura adhuc tumida . Alvum hac die laxam semel posuit . Trigesima prima Iulii caput liberius , lingua adhuc impura , sed minus tumida , abdomen tantum ad attactum dolet , artuum motus facilis , sed lassitudinem conqueritur . Scopo involvente , antispasmodico ; roborante Mixtura sequens adhibita fuit :  $\mathfrak{z}$ . Aqua flor. cham. unc. quinque ; Extract. . . . drach. un. Camph. gran. sex , opii pur. gran. duo , gumm. amm. vitell. ov. soluti drach. semis. Syrup. flor. cham. unc. un. M. S. omni 4ta hor. 6tam partem . Alvum quater deposuit , forte & ob gumm. ammon. Ad noctem circa nonam de pavoribus in somni principio conquerebatur , motusque epilepticos instantes aeger timebat . Pulsus erat naturali celerior , fortis , plenus , durus , calor ad attactum nullus , licet eius sensationem testabatur , sed urinam copiosam mere aquosam exhibuit ; dabatur mox Laud. puri gran. un. cum saccharo & lapid. cancr. omissa medicina

mane praescripta ; unde post aliquot horas a sumto medicamento minor capitis gravitas , minor remulencia fuit . Per noctem sat pacate dormivit . Prima Augusti per omnia melius habuit , sed urina adhuc aquosa , denuo data est Mixtura ex aqua cham. Extract. — . Syrup. — . cum gran. sex Camph. & gran. tribus opii puri . Decoct. emoll. & fatus emolliens . Secunda Augusti ut heri , bene habet , alvus aperta , sed dolor adhuc modicus ad attactum abdominis , caput liberum , & artus licet debiles , satis expedite movet . Urina paulo magis tincta . Medicamenta continuantur . Pertinet ad reconvalescentes .

Menſis Novembris die 25ta introducebatur in noſocomium Figulus 50. annorum , qui ab annis 28. huic opificio deditus , ſaepe hoc tempore leviora abdominis tormina , ſed brevi iterum evanida patiebatur ; caeterum a longo tempore ſanus , vigefima huius dolore mordace circa umbilicum hoſpitante , & per intervalla redeunte corripitur . Vigefima prima dolor augebatur , nocte vero melius habuit , ſomnus bonus , pacatus . Vigefima ſecunda dolor per intervalla antea redeuns , nunc erat continuus , cum exacerbatione nocturna , ſomno inquieto . Nullus hucusque vomitus , neque vomituritio , nulla in mingendo difficultas , nulla urethrae retrotractio ,

nulla introtractio umbilici, alvus omni die, sed solito durior, non caprina, sitis nulla, minor appetentia. Vigesima tertia accessit dolor contorquens, lancinans, descendens ab umbilico versus pubem, reascendens vicissim a pube ad regionem ventriculi, decurrens iuxta costas lateris dextri ad humerum & cubitum usque, ibidemque fixus per aliquot tempus, tum transmigrans ad humerum, cubitumque brachii sinistri, ac denuo versus umbilicum recurrens, per intervalla quoque coxam & genua praecipue lateris sinistri, minus tamen vehementer, quam artus superiores, occupans. Vigesima quarta omnia exacerbabantur, accessit urina stranguriosa, nonnisi conatu emittenda, urethrae retrotractio, introtractio umbilici valida, dolor ad regionem pubis, sensus rei alicuius ascendentis, ut se exprimunt, per oesophagum, respiratio utcunque facilis erat, tussis nulla. Alvus nocte quater movebatur cum levamine non spernendo ab assumpto mane medicamento purgante, quod a balneatore acceperat. Nullum in peculiaris corporis parte ardorem hic homo conqueritur. Vigesima quinta omnia, ut die praecedente. Sapor oris amarus, lingua modicissime albescens, nulla vomituritio, vix tamen appetit, sitis non urgens, alvus nondum mota est. Pulsus tardus, fortis, durus, calor nullus praeternaturalis. Gravitas

lassitudo artuum superiorum. Tubercula habet in utroque metacarpo indolentia, maius in dextro, minus in sinistro, a longo, ut dicit, modo tempore. Sumit mixturam ex oleo amygd. aqua & syrup. chamom. Decoct. emolliens pro potu ordinario. Abdominis dolor ad noctem mitigabatur, sed ventriculi inflatio, gravitas, stupor artuum maior, urinae difficultas eadem. Hinc addebantur Mixturae praecedenti Camph. grana sex & opii puri grana tria. Vigesima sexta Novembris omnia emendata reperiiebantur. Somnus bonus, sed caput grave, quod peculiare in hoc homine observatum est; levis tantum in abdomine dolor, levis dolor artuum lancinans, stupor vix ullus, nulla ventriculi inflatio, urinae fluxus facilis. A clysmate acri ex sal. gemm. & Elect. Hier. pier. mane applicato alvus nulla secuta est. Post meridiem vomuit multa non tamen amara cum levamine, caput leviter temulentum erat, visus per vices obscurabatur. Repetebatur clyσμα idem, a quo hora nona ad noctem applicato, pauci quid saeculenti, mucosi cum pauca sanguinis copia eiecit. Postea dolor exacerbabatur, accessit tenesmus ad matulam alvumque, nocte abdomen intumuit, non dormivit prae doloris acerbitate. Sumserat mixturam ex chamom. cum camph. & op. ana gran. quinque. 27ma caput erat temulentum, dolor in

abdomine idem lancinans, continuus, dolor rheumaticus brachii dextri hic omnis evanuit, sed maior cubiti sinistri, nullus amplius stupor, alvus, urina nulla, tenesmus. Eadem medicamentum continuat. Post meridiem accessit perfecta ischuria, dolor, tensio, & intumescencia abdominis magna, dolor vehementissimus ad os pubis, caput valde temulentum, grave erat; injecta fuere clysmata emollientia omni bihorio tota die, & alvus undecies mota fuit liquida cum scybalis durioribus intermixtis. Persistente licet alvo laxa, dolorum vehementia increvit ad summum, urina adhuc nulla. Hinc facta est v. s. unc. decem, applicata cataplasmata emollientissima, & balneum adhibitum. In ipso mox balneo urinam mittere potuit uti & e balneo egressus. Dolor multum minuebatur. Ast non diu post dolor recrudescit, hinc balneum iterum ingreditur, urinam mittit, & dolor fere omnis evanuit. Dabatur tum eadem Mixtura cum Opii pur. gr. septem, quinque vicibus absumentia. Noctem commodè transegit, bis alvum posuit liquidam durioribus faecibus mixtam. 18va omnia meliora. Levis tantum dolor ad regionem pubis, abdominis intumescencia minor, pulsus mollior. Urinam commodè mittit. Sumit iterum hodie gr. sex opii. Ad noctem vero febris cum corripuit cum somnolentia perpetua, capite temulento, obfuscatione

scatione visus , scintillis ante oculos obversantibus , siti multa . Nox erat turbata insomniis , mente sibi non praesens interdum surrexit , vestes petiit & exire voluit . Aderat perfecta per intervalla amaurosis , calor , sudor multus , sitis urgens . Febris vis vigesima nona adhuc eadem , hinc facta est mane v. f. Sanguis crusta phlogistica obductus . Nulli amplius dolores adsunt . A meridie denuo horruit , frigit , cum subsequente calore . Sumit hodie Mixturam nitrosam cum potu multo hordeato . 3oma per omnia aderat emendatio , sed a meridie denuo febricitabat , leviolemque ad pubem sensit dolorem . Sexies alvum posuit . Prima Decembris , ut die praecedente . Alvus quinquies mota est biliosa . 2da Decembris noctem accusabat parvam , somnum tenuem turbatum insomniis : levis adhuc dolor ad regionem pubis , urina stranguriosa , alvum deiecit octies , materiem viridem biliosam . Friget , calet erraticè . Pulsus fortis , parum naturali celerior . Sumit mixturam ex aqua flor. cham. Syrup. — , — . Nitro , & aliquot granis Camphorae . 3tia Decembris somnus denuo nocte interruptus , sed caput liberum , sapor bonus , nulla pectoris affectio , dolor in abdomine & circa pubem evanuit , urinam mittit cum facilitate , alvus quinquies mota est , artuum

*Op. Med. Vol. III. V*



levitas , apyretos . Sumit mixturam ut ante. 4ta Decembris omnia bona erant , caput leve , fitis pauca , nullus calor praeternaturalis , nil nisi universalem corporis debilitatem conqueritur , alvum quater deposuit diarrhaeicam . Sumit mixt. ex aqua Cham. Syrup. — . Extract. — . cum Camphorae gr. duodecim . 5ta Decembris somnus nondum bonus , caeterum bene habet , pulsus mollis , parum debilis . Alvum per noctem quater posuit . 6ta Decembris nox erat melior , appetitus redit , vires increscunt , pulsus magis vegetus . 7ma Decembris bis adhuc alvum posuit . Nil nisi debilitatem ex morbo praegresso conqueritur . Cras exhibit ex nosocomio . Per aliquos dies domi sumit Elix. Stomach. temper. Pharm. Austriaco prou. ter de die , mane , ante prandium , & coenam cochleare .

## §. XII,

Sed & superato atrocissimo dolore colico fatalis saepe paralyfis , diversarumque partium remanet atrophia . Ex Winslowiana de nervo intercostali theoria paralyfes has explicat Celeb. Praeceptor DE HAEN , uti & diversorum musculorum stupendas emaciationes . De emaciatione tetius corporis in antecedentibus dictum est . Diuturna & tetanoidea illa viscerum abdomina-

lium contractionem ob vasa compressa, clausaque; nervi subtilissimi roris exhalantis, mucique lubricantis defectu exsiccantur, hinc necessario pars musculosa, ad quam tendit fasciculus nervosus, continuitate sublata sua privatur actione. Duae ergo praecipue hic videntur exsurgere indicationes: Primo deficientem halitum, mucumque lubricantem restituere. Secundo, vascula contracta, obstructa referare. Primae indicationi satisficit ingerendo multa emollientia, mucilaginosae, oleosa ex malva, althaea, verbasco, parietaria, oleo lini, olivarum, amygdalarum, clysmatibus saepius repetitis ex oleo lini, cataplasmatibus, fomentis emollientissimis, balneis tepidis, vaporibus enectorum mox animalium abdomini adplicatis. Secunda indiget medicamentis aperientibus, moventibus, penetrantibus ex radicibus & aperientibus, radice valeriana sylvestri, arnica, cicuta, sapone veneto, thermis sulphuratis, aquisgranensibus, badensibus, lenibus salinis ex nitro, terra foliata tartari, frictionibus, electricitate. Attamen difficilis semper prognosis: si enim diutius duraverit malum, adeo vascula contracta sunt, aut & coalita, ut nulla vi medicamentosa referari possint. Tunc extra limites artis haeret malum. Interim felices opiatorum patroni saepissime fatalem huius morbi in paralytin transitum praeveniunt.

## §. XIII.

Ad recidivas ulteriores praecavendas , primo si fieri possit , homo evitet causam , alvus per aliquod tempus teneatur aperta , quod optime fit balsamis illis gummosis , gummi ammoniaco . galbano , sagapeno ; his enim nervi blande excitantur , simulque alvus molliter movetur . Interponantur lenia roborantia , vini generosi usus modicus , aquae ferratae , cortex peruvianus ; ita tamen , ut alvus durante illorum usu non claudatur , caeteroquin lenibus Eccoproticis ex manna , tamarindis , cassia , sero lactis promovenda esset . At vero illa praepeditur , dum gummata praedicta simul delgutiuntur . Roborantibus hisce medicamentis pristinum fibris muscularibus robur conciliatur . Diaeta requiritur mollis , lacteam praescribit optimus Praeceptor DE HAEN . Illis vero miseris , qui veneni huius iniuriam aufugere nequeunt , conveniunt scopo prophylactico iuscula pingua , panis cum butyro pingui lardo adornatus , priusquam ad consuetos labores accedant , prandium ex pingui carne vel lardo . Pultes avenaceos lacti incoctos multaque commixtos pinguedine pro optimo ientaculo laudat L. B. DE STOERK. Non sequendum nimis scrupuloso optimo FRIDERICO HENCKELIO , lardum minus idoneum cibum

proclamanti, ac si fossorum aut fusorum ventriculus inde infestaretur! Lac praecipue commendat idem HENCKELIUS. Oleum ad aliquot uncias epotum quoque laudatur. Vapores sic vel & particulae veneni, saliva deglutitiae pingui-  
bus his corporibus in primis viis occurrunt, illis obvolvuntur, irretiuntur, nervi eadem ratione teguntur, defenduntur, sicque per multum lubricatas primas vias hostis tandem una cum domicilio commode e corpore proscribitur.

---

ELIAS FRIDERICUS HEISTERUS

ALTORFINUS

D E

PRINCIPUM CURA

CIRCA

SANITATEM SUBDITORUM

Helmstadii 1738.

---

PROOEMIUM:

*I*N Societates coierunt homines, ut communem salutem & vitae commoditates iunctis promoverent viribus, atque hostium insultibus repellendis pares essent. Hic omnium Societatum, Civitatum, Rerumpublicarum verus & ultimus finis est. Patet inde, membra illarum cunctis instructa esse debere dotibus, huic scopo obtinendo, requi-

*stis . Qui ergo curam rerum ad salutem publicam spectantium gerunt , sive qui imperant , his incumbere mihi videtur , ut eos , qui parent , sive subditi sunt , dotibus istiusmodi imbuere quovis modo allaborent . Quis igitur non perspicit , Imperantibus & Principibus ante omnia curae cordique esse oportere secundam civium valetudinem ? Opera in Republica & pacis & belli tempore perficienda robur & firmam sanitatem deposcunt . Ager imbecillis & aegrotantibus haud colitur . Equi & tauri viris tantum robore pollentibus domantur ac reguntur . Qui aedibus extruendis manus admoveere , qui ex intimis terrae visceribus lapides ac metalla effodere , qui noctes atque dies sylvas & loca deserta permeare , cum feris ac bestiis decertare debent , sine insigni corporis vigore nil agere valebunt . In rebus e longinquo arcessendis & commerciis faciendis tempestatis iniuriae , solis aestus , hyemis albor , nix , pluviae , venti incommoda perferenda , maris horrescentis fluctibus corpore committenda , quibus exantlandis profecto firma requiritur valetudo . Belli vix opus est , ut mentionem faciam . Talpa caecior erit ; qui haud cognoscet , hostes non nisi viris strenuis , fortibus , lacertosus fugandos esse & vincendos ; ridiculum foret , ipsis infirmos , debiles , aegrotantes opponere .*

*PLATO, (a) CICERO, (b) ANTONI-  
NUS Philosophus (c) & plures sapientum (d)  
beatam Rempublicam pronunciarunt, ubi philo-  
sophi imperant: mihi vero ob iam indicatas ra-  
tiones, tum demum ex omni parte beata praedi-  
canda videtur, ubi Imperantes Philosophi simul  
Medicorum subeunt munia & civium sanitatem  
tueri, robur eorum augere, morborum occasio-  
nes praescindere, aegritudines tollere omnibus ner-  
vis ac viribus student.*

*Quibus vero modis & auxiliis res tanti mo-  
menti a Principibus praestari queant, specimine  
hoc inaugurali, quantum per virium tenuitatem  
licuit, litteris mandare tentavi. Qua in re eo  
minus me operam oleumque perdidisse credo, quum  
tam nobile & bono publico perutile argumentum  
nondum ab alio ex instituto pertractatum sciam.*

(a) Notissimum est PLATONIS effatum: tum de-  
mum beatam forem Rempublicam; ubi aut Philo-  
sophi regnabunt, aut Reges philosophabuntur.

(b) CICERO Lib. I. de invent. haec habet: *Ad  
Rempublicam plurima veniunt commoda, si mode-  
ratrix omnium rerum praesto est sapientia.*

(c) Imperator hic, virtutis & sapientiae laudibus  
adeo conspicuus, dictum illud PLATONIS pro  
symbolo elegit.

(d) Conf. celeb. WOLFIUS de Rege Philosophan-  
te, & Philosopho regnante. In horis subsecivis  
Marburg. A. 1730. trimestr. autumn.

*Tribus nostra dissertatio comprehensa capitibus est. Primo exposui, qua ratione pacis tempore civium sanitas praesens tuenda & robur promovendum sit; atque hoc loco potissimum edocui, quid eum in finem circa coniugia ineunda, puerorum educationem instituendam, cibos & potus sanitati convenientes parandos, aerem salubrem reddendum & ab halitibus impuris defaecandum, aedificandi rationem, leges vestitarias, animos honestis & valetudini proficuis oblectationibus exhilarandos, vitia corpus enervantia coercenda observari oporteat.*

*Altero differui, quomodo curis publicis contra morbos pugnandum, atque civibus aegrotantibus subveniendum sit; ubi pluribus ostendi, in quavis Republica stabilienda esse Collegia Medica & Sanitatis, quibus potissimum harum rerum cura committenda: inprimis vero constitui debere Medicos, Chirurgos, Pharmacopoeos, Obstetrices in arte peritos; praegnantem mulieres demortuas nunquam sepeliendas, priusquam foetus illis exsecutus fuerit, id quod quamprimum, post matris obitum faciendum est; publica erigenda nosocomia; medicastro autem in nulla civitate tolerandos; & aegritudinibus certis populis propriis seu endemiis eradicandis studendum esse: ultimo praecepi, quibus auxiliis morbi contagiosi & totas gentes invadentes sive epidemici avertendi, vel tollendi sint.*



*Tertio denique disquisivi, quaenam ab Imperantibus officia tempore belli sanitatis & salutis publicae ergo praestanda; atque hac occasione tradidi, quid in militibus legendis, in com metu parando, in vestitu adornando, in itineribus faciendis, in aegrotis & vulneratis castra sequentibus curandis, in occisis aut alio modo defunctis copiis terrae mandandis belli duces agere deceat.*

*Quicquid his de rebus disputatum a me est, desumptum imprimis profiteor ex attenta observatione constitutionum, normarum, consuetudinum in Rebuspublicis bene cultis sanitatis causa traditarum & obviarum, atque egregiorum commodorum in populos exinde redundantium; deinceps ex sedula animadversione nostrarum ac errorum, qui propter harum rerum neglectum, saepe integris gentibus funesti & sunt & fuerunt. Unde apparet, meditationes meas non ex ingenio tantum profectas, & ut vulgus dicere amat, cerebrinas esse, sed firmiter inniti fundamentis. Dominus Dominorum hanc lucubrationem in Sui gloriam & generis humani salutem cedere iubeat.*

## S E C T I O I.

*Qua ratione pacis tempore civium sanitas  
conservanda & robur promovendum sit.*

## I.

**B**Eata esse Respublica haud potest, nisi cives habet, vegeta & firma valetudine gaudentes. Imbelles enim nec pacis, nec belli operibus idonei sunt. Principes igitur, sub quorum nomine omnes Magistratus & Imperantes comprehendo, summa ope niti decet, ut procurent, *quidquid subditos sanos validos & robustos red- dere possit*, atque ut removeant, *quidquid eos aegros, debiles ac infirmos efficere valeat*.

## II.

Dici vix potest, quantum ad corporis sanitatem atque robur *ortus* five generatio eius faciat (a); nam, ut HORATIUS canit (b):

---

(a) Secundum Cel. BOERHAVIUM *conceptus ex parentibus sanis, vegetis, plenae aetatis, rari, sed fervida venere utentibus*; firmam nascituris valetudinem promittit. *Instit. Med.* N. 285. 1.

(b) Odar. Lib. IV. oda IV.

*Fortes creantur fortibus & bonis,  
Est in iuvenis, est in equis patrum  
Virtus; nec imbellem feroces  
Progenerant aquilae columbam.*

Curandum itaque, quantum fieri potest, ut a parentibus nihil eorum committatur, quae illos enervent, debilitent & praepediant, ut ne vegetam procreare sobolem valeant. Quam ob rem, quum proceritas ac robur veterum Germanorum a fera parentum venere & illorum castitate potissimum ac recte quidem derivatur (a): nostris quoque temporibus eo respiciendum est, ut praematura iuvenum venus & cumprimis scortationis crimen serio vindicetur, lupanaria ex Rebuspublicis omnino exterminentur (b), prostibula ex reliquorum consortio hominum removeantur atque conjugia ante imo & post iu-

- (a) HERM. CONRINGIUS, summum aeternumque Academiae Iuliae decus, hoc multis gravibusque argumentis evicit, libro de habitus corporum Germanicorum antiqui ac novi causis: quam cum doctis annotationibus haud adeo pridem rursus I. P. BURGGRAVIUS, Med. Francof. edidit, Francof. ad Moen. 1727. 8. vid. p. 142. seq.
- (b) Vid. GEORG. FRANCUS de FRANCKENAU diss. qua lupanaria ex principiis medicis improbantur: quae Heidelbergae primum prodit An. 1674. in 4. deinde vero recusa est in eius satyris medicis. Lipsiae. 1722. 8. evulgatis.

nam aetatem procreationi vegetae prolis aptam haud permittantur. His non neglectis, nullum est dubium, quin parentes vegeti, fortes & voluptatibus haud exhausti, liberos sibi pares & *patrum robora referentes sint relicturi* (a).

### III.

Propagatum a parentibus in filios robur conservandum, promovendum, excitandum est *educatione*. Animadverto hic aliquam, eamque, me iudice, haud parvi momenti, in libris Politicorum lacunam. Omnes enim, quantum cognoscere potui, de puerorum educatione differentes, hanc quidem primam atque praecipuam Principum curam esse debere unanimi docent consensu, quia in eadem *fundamentum & principium beatæ Reipublicæ ac felicitatis humanæ* cum PLATONE, LYCURGO & XENOPHONTE ponunt (b); sed quando praecepta eius tra-

(a) Hoc veterum Germanorum exemplo eleganter demonstrat TACITUS lib. de moribus veterum Germanorum cap. 20. quando ait: *sera iuvenum venus, eoque inexhausta pubertas. Nec virgines festinantur: eadem inventa, similis proceritas: pares validæque miscentur, ac robora parentum liberi referunt.*

(b) Vid. Anonymi liber, cui titulus est. *Ars bene*

dunt, de animis tantum instituendis regulas proponunt, corporis vero, tanquam rei nullius pretii, plerique vix mentionem facere solent, Quum vero educationis vis non minor sit in corpora quam animos (a), non solum horum, verum etiam illorum curam esse habendam existimo, atque dandas quoque peculiares sanitatis normas parentibus, in pueris educandis, observandas arbitror. Praecipuas illarum & rationi convenientes & experientia suffultas nunc suppeditare annitar (b).

1. *Infantibus minimum per integrum annum ubera praebere convenit, si mater vel nutrix be-*

*vivendi & recte imperandi, germanico idiomate exaratus & inscriptus: Kunst zu leben und zu herrschen cap. 8. §. 3.*

(a) De noxis & prava educatione in corpora puerorum redundantibus doctiss. PRIMEROSIUS iam dudum conquestus est, quando ait, *multa circa puerorum educationem peccari certum est, unde tam multis gravibusque malis afficiuntur & tam multi moriuntur*, lib. de erroribus vulgi in Medicina L. 3. c. 17.

(b) Mens mea non est, has normas civibus instar legum praescribendas esse, quippe quod commodè fieri non poterit; sed tantum *instar consiliorum* cum publico communicandas esse, ut parentes, praesertim inferiorum ordinum, de salute tamen puerorum vere solliciti, exinde discere possint, quomodo filios secundum sanitatis praecepta rite educare oporteat.

ne valet , & nihil aliud est , quod hoc impediat aut dissuadeat : quia lac renellis infantum corpusculis blandissimum , aptissimum & convenientissimum est nutrimentum (a) , atque natura etiam animalibus robustissimis id pro prima destinavit alimonia , unde in firmissimos artus , quos miramur , excrescunt ,

2. Posteaquam ab lactati fuere , vel etiam si adhuc lactantur , sed lac forte matris foetui alendo non sufficiat , lac vaccinum vel caprinum variaque *lacticia* , ut pulliculae ex lacte paratae , itemque sorbitiones sive iuscula omnis generis his saluberrima exhibent alimenta : deinceps crescente aetate *panis* probe coctus , *fructus horaei* bene maturi , olera , aliaeque vegetabilia & denique carnes recentes eaeque iuniores , optima sunt puerorum fercula : aromata autem , valde salita , saccharata multa , fumo faleve indurata , minus idonea sunt , eaque fere sine noxa vix queunt .

---

(a) De nutrimentis parvulorum generatim notandum est , ea ipsis maxime convenire , quae acrimonia carent , virtute bene nutriendi instructa sunt , & tenero ventriculo parum negotii facessunt ; quae vero acria sunt , exsiccant , constringunt , inimica infantibus censenda arbitror , idque eo magis , quo propiores sunt origini . Ex hoc rationes plurimarum regularum a me de alimentis puerorum hic propositarum peti poterunt .

3. *Aqua simplex*, bonae notae & pura, vel cum hordeo & aniso leniter decocta, vel cerevisia tenuis pro potu inserviat quotidiano.

4. Nec esculentis nec potulentis unquam obruantur; sed voracitati, communissimo puerorum vitio, & foecundissimae morborum puerilium matri in tempore obex ponatur, atque temperantiae ac sobrietati mature assuefiant.

5. *Vinum* ante annum XIV. vel XV. ipsis vix porrigendum, & tunc quidem adhuc parcissime, recte ita iam monente GALENO, lib. de sanitate tuenda 1. & 5.

6. *Vino adusto* sive vini, ut vocant, spiritu, omnibusque inde praeparatis ita dictis aquis vitae, rore solis, ratafia &c. omnino interdiciantur; nam instar veneni pueris est: quia fluida cogit, solida exsiccatur, indurat, constringit & hoc modo corporis incrementum impedit (a), senectutem praematuram accersit, multos morbos inducit, mortemque accelerat. Neque *usus Tabaci* ipsis convenit: quia siccatur atque tenerum eorum

---

(a) Canes minores & iuniores deliciis nobiliorum foeminarum destinatos, ne multum crescant & magni evadant, spiritu vini saepius lavari & eundem ipsis quoque saepius infundi solere, res in vulgus nota est.

eorum cerebrum & nervos laedit , in pueris naturam imbecilliores .

7. *Somnus* vero multus & frequens , praesertim primis in annis, eis est concedendus (a) , adeoque nimis mature nunquam ab eodem excitandi .

8. *Corpora tenellorum thoracibus , calceis vel aliis vestimentorum generibus* non sunt vehementer coercenda & comprimenda ; quia hac ratione aequabilis humorum circuitus turbatur , partes molles constringuntur , earum extensio atque incrementum impediuntur , & ita imbecillitati variisque aegritudinibus fenestra aperitur .

9. Excitentur vero , firmioribus factis artubus , laboribus , ambulando , currendo , saltando , equitando , digladiando , venando , natando , pila aliisque ludis & exercitiis ; sed non nimis fatigentur .

10. *Non semper cubiculis includantur* , sed potius variis aeris constitutionibus sensim exponantur .  
*Op. Med. Vol. III. X*

(a) TACITO teste veteres Germani dediti fuerunt somno ciboque , quotiens bella non iniverunt , quin somnum in diem extraxerunt l. c. cap. 15. & 22. exinde autem CONRINGIUS eleganter concludit : Indubie multum ad proceritudinem iuvit isthaec quondam veterum Germanorum in somnum simul & cibum propensio . l. c. p. 257.



nantur , ut & caloris & frigoris & siccitatis & humiditatis patientes fiant ; iisque sensim affuescant : hac enim ratione efficitur , ut deinceps a tempestatis iniuriis minus facile laedantur .

11. *Severioribus autem meditationibus & studiis* nimis mature non adstringantur ; his enim corporis vires laeduntur & incrementum eius impeditur ; quantum enim animi accedit viribus , tantum detrahitur corpori . Ideoque ante decimum annum non nisi leviora cum ipsis tractentur , & quae ludendo quasi sine acriori mentis contentione discere possunt , atque tunc demum ad difficiliora addiscenda sensim & pedetentim adigendi . Patet inde ratio cur praecocia ingenia plerumque parva corporis statura sint & imbecillia & rarissima longaeva ?

12. Denique libido ac *praematura Venus* , ut iam dictum est , serio prohibeatur ; siquidem tam incremento , quam robori corporis mirifico officit .

Tanto maiorem vim his praeceptis inesse prudentes confident , quando intelligent , pleraque eorum *ex more educandi ac vivendi veterum Germanorum* ob corporis molem & robur celebratissimorum depromta , adeoque firma ac diuturna experientia probata atque suffulta esse ; & sperandum est , si illa probe observantur , sanam

& vegetam iuventutem Rempubicam ornaturam fore (a).

#### IV.

Ostendendum nunc est, quomodo crescentibus annis & virili in aetate secunda valetudo tuenda & robur iuvenile conservandum imo augendum adhuc sit. Ante omnia hic *cibi & potus* ratio habeatur, ut scilicet *salubres in Republica procurentur, minus salubres vero imo noxii proscribantur*. De potulentis & quidem primo de AQUA ordiemur. *Aqua* videtur maxime conveniens humano corpori potus genus, & est plurimorum tam esculentorum, quam potulentorum vehiculum, multorum basis. Hinc *prae omnibus aliis eius salubritas procuretur*. Saluberrima est fontana, saliens, clara, coloris, odoris ac saporis *expers*; vel etiam pluvialis, mundis vasis excepta & asservata, utpote levissima & ab omni illuvie repurgata. Indagandi igitur solliciti sunt fontes, nisi iam adiint in civitate, aquis his dotibus instructis scaturien-

#### X 2

---

(a) Conf. si placet, uberius hac de re TACITUS & CONRINGIUS locis citatis.

tes . Hi autem , qui iam adfunt , ab omnibus sordibus diligentissime defendantur , aut si quae illatae forte sint , solerter repurgentur . Neque ferendum , ut linum aut cannabis in fonte stagna , aliove receptaculo aquarum publico maceantur , ubi pecudum greges & armenta solent aquari vel unde ipsi homines suos haurire potius sueverunt ; id quod apud Anglos sub gravi poena cautum esse novimus (a). *Interdum aqua bona ex fontibus in alia loca derivanda est* , atque tunc quidem illud ipsum per aptos ductus & canales , hunc in finem construendos , peragatur . Ut vero haec omnia , quae sane non parum ad communem sanitatem conferunt , probe administrentur , peculiare *fontibus constituantur praefecti* , qui eis , ubi opus , detegendis , eorumque detectorum munditiei , aquae ductuum & canalium curam generant : Germanis dicuntur Röhremeister oder Brunnenmeister .

Quibus autem locis natura aquam fontanam negavit , ibi defectus ille naturalis arte resarciendus erit . *Aqua* scilicet *pluvialis* peculiaribus excipiatur vasis , receptaculis , sive cisternis & in usus vertatur ; vel si etiam haec interdum

---

(a) Ex Cel. LANCISIO de noxiis paludum effluviis L. I. P. I. c. 8. & MANGETI Bibliorth. Pharm. pag. 47.

recens non sit , aut deficiat , id quod navigantes & belligerantes haud raro experiuntur , aqua impura & minus salubris coctione , quiete atque percolatione , optimis vitiosae aquae remediis corrigatur .

## V.

Si aqua salubris est , curandum quoque , ut bonae notae *cerevisi* coquatur , qui potus non solum antiquis Germanis , verum etiam multis aliis gentibus iam dudum familiaris fuit . TACITUS (a) illum *humorem ex ordeo aut frumento in quandam similitudinem vini corruptam* ; ATHENAEUS (b) vero & alii (c) *δινος κριθινος* , hoc est *vinum hordeaceum* appellarunt . Requiritur vero , ut sit clara , acoris expers , satis excocta & iisdem semper gaudeat bonis qualitatibus . Frequens enim harum variatio , quando scilicet nunc nimis recens ac turbida , nunc dulcis ,

## X 3

---

(a) Lib. de moribus Germanorum cap. 23.

(b) *Δειπνοσοφιστων* Lib. X. cap. 13.

(c) HERODOTUS Lib. II. ait , Aegyptios *δινον* *ἐκ κριθῶν διακρῖναι* , vino ex hordeo uti , THEOPHRASTUS lib. 6. de caussis plantarum cap. 15. meminit *τῶν δινῶν ποινυτῶν ἐκ τῶν κριθῶν* eorum qui vina ex ordeo conficiunt .

nunc acida , multorum popularium morborum foecunda est mater . Hanc vero potissimum a coctione per varios variis in locis , licet in una eademque urbe instituta , pendere observamus . Unus enim ignorantia , alter negligentia , hic avaritia , ille arrogantia , cerevisiam mutat , alterat corrumpit . Et ex aqua *diversa* toto coelo *diversa* confici solet cerevisia ; atque aeris differentis vis ad mutandas illius conditiones insignis quoque existit . Quam ob rem publicae erigantur cerevisiae officinae ( öffentliche Brauhäuser ) in locis aquae & aeris salubritate conspicuis ; iurati artis coquendi hunc potum magistri ( geschworne Braumeister ) constituentur , atque his peculiare adhuc praeponantur inspectores , ( Bierschaezer ) ut omnia tanto rectius perficiantur . Siquidem a multis cordatis medicis animadversum est , solas saepe pravas cerevisiae conditiones inter alios morbos , potissimum aestate , horrendas produxisse dysenterias , & saevas in magnis urbibus ac regionibus strages edidisse . Ultimo adhuc monendo restat , diversi generis cerevias in civitatibus coqui oportere , debiliores scilicet & fortiores , albas & fuscas : ut aestate , hyeme , calidiores , frigidiores , vinum bibentes & eo non utentes , iuvenes ac senes , potus sibi optime convenientes in promptu habeant .

## VI.

*Vinis quoque generosis carere civitas bene instituta vix potest. Esse autem debent salubria, pura & nullis mangoniis adulterata. Mangonia dicuntur illae res, quarum admittance vinis conditionis vilioris, acidis & subinde iam corruptis, species & fucus conciliatur, ut se semet ipsis aetate, colore, odore, sapore praestantiora mentiantur. Artificia vero, quibus hunc in finem utantur, pleraque ita sunt comparata, ut non nisi cum insigni & evidente sanitatis, imo etiam vitae dispendio adhiberi possint. Si quidem in eorum censum potissimum veniant, sulphuris & resinae fumus plus iuste admixtus, calx, gypsus, bismuthum, cerussa, saccharum saturni & lithargyrium; quae omnia ingesta sanitati insensissima sunt. Inprimis autem ex plumbi profapia oriunda & maxime lithargyrium, diros producant effectus: febres scilicet, cephalalgias enormes, deliria, furores: summas praecordiorum anxietates, tussim, respirationem difficillimam, halitum stercoraceum; atroces hypochondrii sinistri dolores, ventriculi inflationes, colicas convulsivas, pertinaces alvi obstructiones, convulsiones, paralyses & mortem, nisi*

cito & strenue expellantur (a). Saeculo decimo quinto & sexto auri sacra fames nonnullos nefandos oenopolas commovit, ut adulterandò mangoniis, praesertim lithargyrio, vina, multos homines vita, plures adhuc sanitate privaverint. Imperatores igitur mandatis publicis iisdemque severissimis facinus istud iam Anno 1487. 1498. 1500. 1548. 1577. prohibere coacti fuerunt (b).

---

(a) Conf. ephem. nat. curios. decad. III. An. IV. obs. 30. 92. 100. An. V. VI. obs. 261. Adeò funesti fuerunt huius doli effectus, ut doctissimi viri variis scriptis illum debellare, necessum habuerint. Inter hos EBERH. GÖCKELIUS, Archiater quondam Ducis Würtembergensis, ea de re libellum edidit, quem inscripsit: Beschreibung des a. 1694. 95. und. 96. durch das Silbergleit verurtheilten Weins und der davon entstandnen Wein Kranckheit, welche graufahme symptomata nach sich gezogen, wodurch viel hohe und niedre Standes-Personen entweder eine lange Zeit heftig angefochten worden, oder gar das Leben eingebüßet haben, samt den Arzeney Mitteln die dagegen zu gebrauchen, und Bericht wie der verfälschte Wein zu erkennen. Ulm. 1697. 8. Eòdem de argumento scripsit etiam IO. VICTOR IAEGERSCHMIDT. Medicus Ulmenfis. Ulm. 1698. 8. referenda quoque huc est ZELLERI dissert. de docimasia, signis, causis & noxa vini lithargyro mangonifati, Tübingae 1707. 4.

(b) Vid. IO. PHIL. DATTI, Consilarii Württemberg. Volum. rerum Germanicar. noviss. de pace publica L. III. c. 14.

Nihilo tamen secius sub fine praecedentis & initio huius saeculi anni scilicet 1695. & 1705. idem scelus in Franconia, Suevia, Austria, ad tractum Rheni, in Lotharingia atque Gallia, cui artificium istud in exitium generis humani inventum natales suos debere dicitur (a), iterum tristissimos edidit effectus; quo vero tempore & Galliae Regis & Ducis Würtembergensis iussu, pessimi vini & sanitatis, imo vitae humanae corruptores atque destructores, suam nequitiam sanguine & capite luerunt (b). Omnes igitur imperantes decet, ut horum ad exemplum, nefandos homines, qui artibus istiusmodi atque fraudibus horrenda committere moliantur scelera & homicidia, poenis coerceant gravissimis.

Si de *selectu vinorum dicendum*, quid res est, profiteri debemus, ea praestantissima esse ac saluberrima, quae iuxta tritum vocabulum *Cos*, *colore odore & sapore*, se plurimum commendant, & simul caput non gravant, neque diu in ventriculo & corpore haerent ac ibidem molestias creant; sed quae cito per urinam aut perspirationem rursus eliminantur. Praeterea Germanis Germanica maxime conducunt & ex his

(a) Conf. ZELIERI dissertatio modo allegata.

(b) Vid. ZELLERUS loc. cit.



*Nicrana* , *Franconica* , *Mosellana* ac *Rhenana* , reliquis palmam praeripiunt . *Gallica* quoque varii generis & alba & rubra , si bonae notae sunt , neque corrupta , item *Hungarica* , multis admodum sunt proficua , si modice hauriuntur . Notandum tamen haec frigidiores & seniores ; illa calidiores & iuniores facilius ferre .

## VII.

Profectus arte Hermetica liquor , quem *spiritum vini* appellant , uti ab adultis , imbecillis & senibus modice ac recte usurpatus magnos usus praestat , sic immodice haustus noxas parit maximas . Recte autem adhibetur , quando eodem raro & tantum instar medicamenti utuntur homines , praesertim modo nominati . Abusio vero eius committitur , non solum , si ad ebrietatem usque potatur ; verum etiam si in potum frequentem & fere quotidianum transit . Similes enim tunc cum venenis lentam mortem inferentibus ( *les poudres des successions* ) edit effectus . Rara quidem sunt exempla eorum , quos per ebrietatem uno quasi impetu enecavit ; innumerales autem sunt ii , quibus sensim & pedetentim lethalis imo stygius factus est , ille vitae perpetuandae dicatus liquor . Quando enim nimis frequenter & quasi pro potu quotidiano sive fa-

miliari bibitur; fieri haud potest, quin humores vehementer commoveat, mobiliiores & fluidiores dissipet, crassiores relictos cogat, solidas partes constringat & induret (a), saepe autem disrumpat; etenim hi eius solent esse in corpus humanum usitatiores effectus. Et inde potatorum illius variarum partium & viscerum inflammationes, phthisis, hydrops, apoplexia, podagra, paralysis & sexcenta alia mala dependent. Quam ob rem quum, his non obstantibus, plerisque in regionibus enormes potus huius adurentis excessus committantur, & eodem tam multorum sanitas corrumpatur atque mors invitetur praematura; ad eius pestiferum abusum tollendum vires nervique omnes intendi debent. Hoc autem optime fieri poterit, interdicens conventicula in cauponis hoc potus genus praebentibus. Haec enim homines, praesertim plebeios & potissimum iuvenes ad hauriendum illud alliciunt, viros in prava consuetudine firmant, utrosque perdunt; observatur enim illos, qui semel ei assueti, ab ipso vix rursus desistere posse. Deinde vix alibi, quam in pharmacopoliis, inter medicamenta proster, & ibi quoque talis deter-

---

(a) Ita enim videmus molles nostri corporis partes, imo ipsum cerebrum, spiritui vini aliquamdiu immixtas, indurari.

minentur portio; unico praebenda homini, quae nocere ipsi haud facile queat. Denique nec huius nec reliquorum inebriantium potuum vis inducendi morbos & destruendi corpora tanta erit, si *crimen ebrietatis* haud impune perpetrabitur. Prudentissimo nuper consilio Angli, ut nova publica docuerunt, huius potus excessibus obicem ponere allaborarunt; id quod pariter *Rex Augustissimus & Sapientissimus* magnae Britanniae GEORGIUS II. in terris suis Germanicis fecit (a), optandumque esset, ut in omnibus aliis regionibus (b) instituta haec laudibus nunquam satis efferenda imitarentur, ea tamen adiuncta cautela, ut illius usus frigidarum terrarum incolis paullo magis, calidarum vero minus concederetur: dum his plus, illis minus nocere observatur.

---

(a) Vid. Verordnung gegen das Brandtwein trinken und Trunckenheit. Hannover den 5. Dec. 1736.

(b) Rex quoque potentissimus Prussiae milites suos, praesertim eos, quos Pozdani, ob corporum pulchritudinem, magnitudinem & in armis faciendis alacritatem, miratur orbis, usu spiritus vini interdixit: ut pessimo ebrietatis crimini, quod multorum litigiorum, turbarum, vulnationum imo homicidiorum fomes est, resisteret, & simul infinitorum morborum radicem extirparet, hominumque illorum robur ac sanitatem tueretur.

## VIII.

Magna quidem est abusus potus *Theae* & *Coffee*, usus tamen longe maior mihi videtur. Posteaquam enim inter Europae gentes & praecipue Germanos ac Belgas in potus familiares transierunt, varii morbi minus frequentes, quam antea, ubi non nisi cerevisia, vino & spiritu vini utebantur, esse coeperunt. Nam quod hodie malum hypochondriacum, pertinaces, praesertim apud eruditos, vitaeque sedentariae deditos, alvi obstructiones, febres acutae, malignae, podagra, calculus, scorbutus &c. rarius quam olim, saltem in Germania nostra, occurrunt, magnam partem horum potuum usui tribuendum esse arbitror: quippe qui diluendo, temperando, & attenuando humores, obtundendo acrimoniam, demulcendo ac blande relaxando solida, istiusmodi affectus praecavent, factosve pellunt atque profligant. Cavendus tamen, excessus, quia omne nimium, uti in proverbio est, in vitium vertitur. Nec *Succoladae* effectus tam pravi sunt censendi, ut haec cum *Théa* & *Coffée* proscriptionem e Republica mereatur, quam nonnulli exoptarunt. Attamen magis loco medicinali, quam potus ordinarii ea utendam esse ab imbecillis ac senioribus minus vero a iuvenibus arbitror: quia ad libidinem & intempesti-

vam venerem , ad quam plurimi per se satis proclives sunt , stimulare solet . De *Tabaci* usu , quem nonnulli ad coelum usque extollere non verentur , alii ad inferos relegare haud dubitant , lubens profiteor , me neutri horum prorsus assentiri . Quamvis enim persuasus sim , sine insigni noxa carere nos eodem posse , omnino tamen illum damnare nollem , quia dum modice usurpatur , nemini facile nocet , multis vero in salutem cedit , quando nimirum certis in casibus & tempore pestilantibus instar medicaminis adhibetur .

## IX.

Praecipua potionis genera breviter , quantum fieri potuit , pertractavimus ; transeundum ad *esculenta* . Quantum victus & potissimum antiqua *cibariorum simplicitas atque frugalitas* ad sanitatem firmam conservandam , vitamque prorogandam facit , tantum ad robur corporis imminuendum ac destruendum , morbosque inducendos & mortem accelerandam enormis harum rerum varietas , copia & luxus confert , qui hodie ad summum ubique fastigium pervenisse videtur . Egregie HORATIUS commoda ex victu tenui , parco ac modico redundantia & multiplices *noxas* , quas *luxus eius secum fert* , prosecutus est , Lib. 2. serm. 2. dicens :

*Accipe nunc, victus tenuis, quae quantaque secum  
 Afferat : imprimis valeas bene ; nam variae res  
 Ut noceant homini, credas, memor illius escae,  
 Quae simplex olim tibi sederit : at simul assis  
 Miscueris elixa, simul conchylia turdis :  
 Dulcia se in bilem vertent, stomachoque tumultum  
 Lenta fere pituita. Vides ut pallidus omnis  
 Coena desurgat dubia? quin corpus onustum  
 Hesternis vitiis, animum quoque praegravat una,  
 Atque affigit humo divinae particulam aurae.  
 Alter ubi dicto citius curata sopori  
 Membra dedit, vegetus praescripta ad munia surgit.*

Principes igitur, si salus civium ipsis cara est, summa ope perniciosos eiusmodi mores abrogare laborent. Olim leges *sumtuariae* Orchia & Fannia, quam Lucilius centussum vocat, quod ultra 100. asses in convivio insumere vetaret, sancitae erant; hodie autem de frugalitate & temperantia altum ubique propemodum apud legislatores est silentium. Sed quot & quanta inde eveniunt noxae? *latius semper se diffundit luxuria, quo longius a censura abest?* testa ARNISAEO (a), Medico & Politico quondam Academiae nostrae Iuliae praestantissimo; ex quo duplex iactura,

---

(a) Lib. Polit. cap. 16. pag. 162.

cum sanitate enim pecunia, nervus rerum gerendarum profunditur. Haec, si privatam Medicorum utilitatem respicimus, silentio premenda fuissent: *quum intemperantia sive luxuria Medicorum nutrix sit, ac recte dicatur; verum quia publica salus privatis commodis semper praefenda est, ea hic monere mei esse officii existimavi.* Sed longe adhuc maiori cura victus defectus est advertendus & potissimum cavendum, ne anoniae caritas regiones divexet: si quidem hanc urgentem morbi & strages populorum presso pede sequuntur. Nam quos fames haud perimit, hos aegritudines ex ingurgitatione ciborum pravorum & inusitatorum oriundae trucidare sueverunt. Convenit ergo Divi ad exemplum IOSEPHI (a); anona abundante, horrea replere: ut ex his publicis frumenti promptuariis, rei necessitate id exigente, subsidia ad cives servandos peti, iisdemque ab interitu gentes vindicari queant. Quod vero ad ipsam cibariorum salubritatem attinet, vigilantia attendendum oculo est, ut ea, quae multiplex observatio salutifera deprehendit, concedantur & parentur: quae autem nocentia animadvertit, ex Republica proscribantur. Atque

specia-

---

(a) Genes. cap. 41. v. 33. 36.

speciatim curandum est , ut *farina* nullis alienis rebus , praesertim noxiis , ut lolio temulento , calce vel similibus commisceatur ; *panis sit probe coctus* (a) ; *carnes* animalium morbis affectorum , vel iis defunctorum , venales non sint ; *fructus horaei nondum maturi* ; aut valde insalubres , certis potissimum in annis , emptoribus haud exponantur , & alia huius commatis . Neque vanum mihi videtur illorum consilium , qui *plantas veneno diras* , in terris quibusdam largius progerminantes , sollicitè eradicandas suadent . Siquidem illarum improvidus & temerarius usus , saepe iam tristissimorum causa effectuum fuit (b) . Nec mirum est *herbam Cicutae* interdum pro *Chaerefolio* aut *Petroselino* , radicem vero

*Op. Med. Vol. III. Y*

(a) Hinc variis in locis publica auctoritate viri sunt constituti , qui non solum de legitimo panis pondere , verum etiam reliquis bonis qualitatibus , ipsi convenientibus , solliciti esse debent ; vernacula nostra , Brodbesichtiger , oder Brodschauer , audiunt .

(b) Tragicas istiusmodi historias permultas reperies descriptas in IO. MATTH. FABRI Strychnomania seu lib. de *solano furioso* . August. Vindel. 1677. 4. edit. & IO. IAC. WEPFERI Historia cicutae aquaticae Basil. 1679. 4. publicat. & recula ib. 1716. 4. nec non MARDORFFII diss. de *Maniacis Giessensibus a solano furioso* , Giessae habita 1691.



pro *Pastinaca* ab imperitiis adhiberi; *Bellae donae fructus* blandiente sua elegantia ignaros, cumprimis incautos, temerarios, gulae ac palato indulgentes pueros ad illos, simulque mortem ingerendam invitare; *Hyoscyami radix* pro Cichorii allata Helmstadii ante aliquot annos conspicuae cuidam familiae fatalis facile fuisset, nisi Parens venerandus mortiferum detexisset errorem & homines, quibus epulae istae destinatae erant, ex orci quasi faucibus eripuisset.

## X.

*Aeris* vim in corpus humanum magnam quoque esse, nullus prudens facile inficias ibit. Serenus autem, motu exercitus, ab halitibus putridis defoecatus, sanitati conservandae maxime idoneus est. Quicquid igitur ad has condiciones ipsi conciliandas arte praestari potest, praestandum: quicquid vero ad eas corrumpendas facit, sollicitè removendum esse arbitror. Inprimis *aeris in urbibus & quidem maioribus cura erit habenda*: quia ob vaporum & exhalationum varietatem & copiam in corruptionem atque putredinem maxime pronus existit. Quam ob rem, ne is facile corrumpatur, urbes ab omni immunditie libere servantur (a): plateae pavimen-

---

(a) Vid. PLATNERI Med. D. & Prof. Lipsiensis

eo firmo probe ornentur, sedulo everrantur, & fordes ac fimeta extra urbem deferantur. Laudibus hinc a LANCISIO celebrantur LUDOVICUS XIV., Galliarum Rex, cuius iussu hodie Lutetianae viae, a luto exsuperante, quod antiquitus urbi nomen dedisse videtur, longe diligentius, quam olim purgantur (a). Aedes & conclavia quavis illuvie folleter liberentur; cavendum praesertim, ne exurgens ex latrinis foetor noxas creet. Aquae pluvia, nive, glacie, vel quovis modo in urbem illatae, aliisque foribus per canales & ductus exitus parandus: ne quiescendo in putredinem ruant. Artificium officinae graves, insalubres, tetroque spirantes alitus, intra moenia non tolerantur; minimum loca a reliquis longe separata teneant (b). Ex ho-

celeberrimi, praeceptoris & patroni aetatem colendi, diss. elegantissimam & doctissimam de morbis ex immunditiis. Lipsiae 1731. 4.

(a) De noxiis paludum effluviis L. 1. P. 1. cap. IV.

(b) *Olim apud Romanos olidae merces, officinaeque sordidiores transiberinam regionem occupabant, propter pestiferam & putentem aulam infamem; quam regionem Romani ideo Iudaeis, victis hostibus, omnibusque quibus insensu erant, incolendam dederunt: v. Cel. PLATNERUS l. c. §. VII. & BARTHOL. MARLIANI urbis Romae Topograph. L. V. c. 19. in Thesauro GRAEVII T. III. p. 186. & ALEX. DONATUS de urbe Roma L. III. c. 21. eodem. Tom. p. 779.*

rum numero sunt coriarii , fullones , cetarii , sal-  
famentarii , caesarii , olearii , saponarii , figuli &  
laniones : quorum omnium officinae & tabernae  
viciniam nidore infestant foetidissimo , adversissi-  
mo & infestissimo .

Publica, atque magna nosocomia sint ab ur-  
be aliquo modo remota ; vel illas saltem occu-  
pent plagas , ubi minimum nocere valent : quod  
olim diligenter in domibus , leprosis destinatis ,  
observarunt in Germania , quae plerumque extra  
urbes conspiciuntur . Inprimis vero idem de illis  
moneo & inculco aedibus , in quibus ex pere-  
grinis & quidem *propter luem contagiosam* suspen-  
dis regionibus adventantes moram agere qua-  
dragenariam ( *la quarantaine* ) solent . *Exuviae*  
*denatorum* haud ita multo post mortem terrae  
mandentur , & quidem satis profunde , praefer-  
tim quando morbis perierunt contagiosis , aut  
tempore aestivo . *In templis vero nulla sepe-*  
*liantur cadavera* ; immo & coemeteria extra ur-  
bem , si fieri potest , collocentur . Id quod a  
gentibus veterum cultioribus sancte iam observa-  
tum fuisse EHRlichius perdocte ostendit , quan-  
do ait (a) : Antiquiore tempore extra urbes posi-

---

(a) Conf. tractat. cui titulus : *Mors ex sepulchris* ,  
ubi noxus ex sepultura in templis facta , & coe-  
meteriis intra moenia toleratis oriundas , copiose  
exponit . Halae Magd. 1729. 4. p. 11. 12.

ra fuerunt coemeteria , graece *κοιμητήρια* , quae proprie dormitoria & loca ad quietem & somnum comparata significant , sicut apud Patriarchas Gen. c. 23. it. 35. v. 19. Ios. 24.; quod Iudaei quoque in more habuerunt, uti patet *ex sepultura Lazari* & filii Naimitanae viduae , item *ex sepulchro a Iosepho condito* , quo Servator conditus est , quod quoque extra urbem positum fuit . Romani vero ab initio in domibus , quas singuli incolebant , suos sepeliebant ; postea vero lege XII. Tabular. fuit sancitum : *in urbe ne sepelire* ; ad avertendum pessimum cadaverum foetorem & noxia inde pronata sanitati effluvia . Quare Romae coemeterium *Priscillae* extra urbem erat , uti & apud alios gentiles . Laudatissimum PLATONIS institutum fuit , *ut in agro vel alio quodam loco infocundo & sterili sepulchra constituerentur , ne viventibus officiant* . SERVIUS SULPICIVS ad CICERONEM scribit sequentibus verbis : *Ab Atheniensibus locum sepulturae intra urbem , ut darent , implorare non potui , quod religione se impediri dicerent ; nec tamen id antea unquam concesserunt* . Alexandriae quoque coemeteria extra urbem fuisse , historia constat . Apud christianos quoque prioribus temporibus hoc stricte observatum fuit , uti saeculum V. testatur. CHRYSOSTOMUS enim ait , *omnem civitatem , omne castellum , ante ingressum*

*habere sepulchra . Serm. de fide . Rationem cur hoc strictae observationi fuit subiectum , gentiles suppeditant : ut urbibus mundities servaretur & aer minus inficeretur ex cadaverum putrescentium foetore . Haftenus EHRLICHIOUS .*

# XI.

Non parum praeterea ad aerem salubriorem efficiendum confert, si plateae, & viae publicae arboribus, gratos & reficientes odores spirantibus, condecorantur: in quem censum potissimum veniunt Tiliae, Castaneae equinae, Pseudo-Acaciae, nec non variae ex fructiferarum familia. Belgium, si quae alia regio, his ornamentis & sanitatis praesidiis superbit. Ubi vero laevis, stagna vel paludes in vicinia sita, auram putridis inquinant vaporibus, haec sunt vel in alia loca, ubi nocere haud possunt, derivanda, vel si fieri potest, prorsus exsiccanda & in agros, prata, hortos aut sylvas mutanda. Cedro digna sunt, quae praestantiss. LANCISIUS hac de re litteris mandavit lib. de noxiis paludum effluviis: siquidem aureo hoc scripto non solum noxas, a paludibus sanitati imminentes, copiose ostendit, & commoda, quae ex harum exsiccatione in civium corpora redundant, docte demonstravit; verum etiam remedia effluviis palustribus corri-

gendis , paludibus exsiccandis & in fertiles terras mutandis accommodata , ingeniosissime proposuit . Duobus exemplis ab illustri hoc viro commemoratis meas nunc ornare pagellas liceat , quippe quae egregie confirmabunt , auram certarum regionum aut urbium , paludum exsiccatione atque correctione salubriorem reddi & emendari posse . „ Principum ait , beneficentiam experti „ Pisfaureses puriorem aerem , exsiccatis paludibus , ducere coeperunt ; atque ubi olim paucissimi mortales annum 50. vel attingebant , vel superabant , testimonio *Leandri Alberti* (a), „ hodie quam plurimos ultra illam aetatem aliter „ inter quos amittam S. S. D. N. CLEMENTIS „ XI. , Iuliam Albanam de Oliveriis , honoris „ gratia commemoramus , quae decrepita ultra „ annum 85. mentem sanam , acrem ac sapientissimam servat “ .

Hoc in Italia gestum est . Idem vero Germanis quoque nostris experiri licuit , quod ex litteris ROSINI LENTILII , Consiliarii quondam & Archiatri Ducis Würtembergensis ad LANCISIUM perscriptis patet . Verba eius ita se habent :

„ De noxiis paludum effluviis , quae medicis non possunt non esse pulchra & utilia .

Y 4

---

(a) *Descript. Italiae de Pisfauro* p. 292.

„ Magnum in ea re situm esse momentum , ne  
 „ mo facile dubitat . Unica iam observatione  
 „ rem declarabo ; *Stutgardia* , quae est Serenissi-  
 „ mi mei Principis sedes , circumquaque monti-  
 „ bus cingitur , excepta sola plaga orientali ,  
 „ qua versus Nicrum fluvium , unius horae in-  
 „ tercapedine illinc dissitum , patet nonnulla  
 „ planities . Ad moenia civitatis orientem & pla-  
 „ nitiam illam versus , olim fuit , piscina , seu  
 „ stagnum amplissimum plurium iugerum . Infa-  
 „ mis autem a multis annis fuit eadem nostra  
 „ *Stutgardia* febribus intermittentibus ; ferme  
 „ non amplius epidemicis , sed endemicis , valde  
 „ rebellibus , ac diuturnis , quae proinde nomen  
 „ tulerunt , quod vocarentur *Stutgardianae fe-*  
 „ *bres* . Accidit autem ante hos quindecim an-  
 „ nos , ut stagnum illud certo fine exsiccatum ,  
 „ in pratum amoenissimum converteretur , & ab  
 „ eo tempore febres intermittentes adeo rarae  
 „ sunt factae , ut ne semel quidem epidemiarum  
 „ nomen meruerint ; sed sporadicae saltem nunc  
 „ hunc , nunc illum invaserint , etiam haecenus  
 „ curatu faciliores . Apparet inde febres ab efflu-  
 „ viis illius stagni putridis extitisse , quae flante  
 „ euro sublata civitati invecata fuerunt , eo quod  
 „ ventus , alluvione ad montes facta quasi reper-  
 „ cussus effluvia dicta longinquius provehere non

„ posset (a) “. Vides exinde quid & quantum ad pravas aëris conditiones emendandas atque temperiem eius salubriorem efficiendam , arte & studio Principis in salutem subditorum praestari possit .

## XII.

*In ipsa aedificandi ratione haud exiguum quoque salubritatis aëreae momentum positum est . Quo magis enim aër in domiciliis , praesertim humilibus , inclusus atque compressus , quo minus luci & libero aëri ad aedes & conclavia sive cameras patet aditus , eo facilius vapores putridi atque excrementitii cumulantur , & contagiosis halitibus fomes paratur . Patet hinc ratio , cur , luc quadam epidemica saeviente , maxima ut plurimum strages per infimam plebem populique faecem edatur ? quippe quae casas depressas , parvas , angustas ; cubicula humilia ac humida inhabitare solet . Quam ob rem plateae latae , aedes amplae , conclavia spatiosa , alta , fenestrae magnae , tantum profecto ad sanitatem , quantum ad decus & ornamentum conferunt . Adeoque etiam ad has res Imperantes ac Ma-*

---

(a) LANCISIUS de noxiis paludum effluviis Lib. I. Part. I. cap. III.



gistratus imo & architectos vigilantes advertere oculos, oportet.

### XIII.

*Novas si princeps condere urbes, pagos, villas suburbanas velit, inprimis prospiciat, ut loca iis seligantur aeris salubritate conspicua. Praestant autem plana vel elatiora profundis, remota sint a paludibus, propinqua fluminibus. VITRUVIUS, praestantissimus veterum Architectus refert, veteres Romanos oppida & stativa castra condituros inspexisse iecinora pecorum, quae pascebantur in his locis, (ubi oppida sua erigere vellent): quae si livida & vitiosa deprehendebant, solum vertebant, alio commigrantes. Tantopere isti de coeli temperatione, sub quo degere volebant, solliciti fuerunt!*

### XIV.

Contra aeris iniurias *vestimentis* teguntur corpora. Quorum luxus atque splendor eousque variis in locis evagatus est, ut Principes illum legibus coercendum necesse habuerint (a). Vel-

---

(a) Vid. leges vestiariae variis in locis editae, die Kleider-Ordnungen.

lem his legibus , quaedam adderentur sanitatem respicientes. Ita enim *nonnulla vestitus genera hodie comparata deprehenduntur, ut non possint non valetudini esse infensissima* . Mos vehementer comprimendi corpora per thoraces , calceos , ocreas & alia inter omnes propemodum cultiores Europae gentes hodie invaluit . Quantopere vero is angustando vasa , compellendo sive constringendo viscera , impediendo atque turbando liberum sanguinis circuitum incremento , robori & secundae valetudini noceat , in aprico mihi positum esse videtur . Inprimis tenellorum & mollioris sexus corpora his anguntur carceribus , quibus tamen illud ipsum perniciosissimum est . In tenellos enim propter mollitiem , subtilitatem atque infirmitatem partium tanto maiori vi suas exercet vires , quanto minorem invenit renixum . In sexum amabilem vero duplicem edit noxam . Enimvero & mulierculas ipsas iunceas , debiles atque infirmas reddit ; & matres infirmas firmam prolem generare prohibet . Deinde *in media bruma feminae collum & praecordia denudata ventis ac frigori exponunt* , multae sine dubio hoc consilio , ut spectatorum oculis pateant & his voluptatum illecebris ignes accendant illicitos . Haec autem consuetudo , quam rerum sacrarum interpretes toties ex religionis dogmatibus improbant , mihi ex medicis taxanda videtur princi-

piis. Frigus enim vi pollere cogendi fluida & constringendi solida neminem fugit : quis igitur dubitet , illud ad partes corporis tam teneras atque subtiles , quales in collo & praecordiis resident , admissum effectus edere pessimos , tollere perspirationem Sanctorianam , motum humorum sistere , tumores , & inflammationes producere , glandulas colli , parotides , maxillares , sublinguales , thyroideas , mammarum indurare , tonsillas , uvulam , laryngem , pharyngem , pleuram , pulmones inflammare , rauedines , tusses , anginas , pleuritides , peripneumonias , tabes sive phthises & sexcenta alia mala excitare ? Sed pravos istiusmodi mores illustres in Republica personae melius exemplis , quam legibus emendabunt , coercebunt . Denique adhuc monendum restat non solum nocere corpora minus recta & quasi denudata frigori exponere ; sed & hoc sanitati adversari , *quando aestivo tempore pellibus aut aliis vestimentis nimis calefacientibus utuntur : si quidem hoc modo nimis sudando debilitantur , & ad frigus postea hyemali tempore perferendum ineptiores redduntur homines .* Cui plura hac de re scire volupe est , is evolvat doctissimas dissertationes IO. IAC. BAIERI de vestitu Altorffii 1704. & AUG. QUIR RIVINI de morbis a vestitu Lipsiae 1721. publicatas .

## XV.

Corporis sanitatem ac robur a mentis serenitate mirum quantum dependere nemo ignorat, atque hanc ob causam apimos civium innocentibus exhilarare *oblectationibus* decet. Inprimis autem convenit easdem cum corporis *exercitationibus* coniungere. Hunc in finem porticus, ambulacra amoena, horti publici floribus, plantis, arboribus gratos spirantibus odores & visu pulchris ornati, statuis, cryptoporticibus, ( *Grottes* ) aquis artificiose salientibus, ( *Fontaines* ) cadentibus ( *cascades* ) illustres & ambulationibus adaptati extruantur. *Magistrorum artium saltandi, equitandi, digladiandi* nullus sit defectus. Ea ludorum genera, quae corporis vires excitant, mentem exhilarant, neque virtuti repugnant, libere permittantur: ut pila minor, maior ventoque distenta ( *ballone* ) plumis ornata, eburnea, ( *billiard* ) conus & alia huius generis. Interdum etiam publicis & solemnibus oblectamentis populo Imperantes laetos hilaresque pariant dies. Instituantur *venationes solemnes* & celebrentur *certamina taurorum, ursorum, leonum* aliarumque ferocium bestiarum. Huc quoque referendus mos ille in plurimis Germaniae urbibus receptus, quo cives quotannis orbem vel aves ex ligno conditas globulis plumbeis petendo.

de privilegiis quibusdam & immunitatibus ab oneribus publicis decertant, idque in civitatibus maioribus multa cum pompa peragunt : atque hoc instituto non solum in armis exercentur, verum etiam animi eorum reficiuntur, & praeterlapsis hilaritatis diebus tanto alacriores ad pristinos redeunt labores. Ante omnia vero insignem mihi laudem promereri videntur *ludi scenici*, a quibus *obscenitas abest*, & *dramata musica*; quippe quae oculos spectaculo, aures musica, animum fabulis mirifice demulcent. Denique quum natura hominis ita sit comparata, ut etiam ex sola cum aliis societate voluptatem hauriat, ad hanc perfruendam aptissimae sunt cauponae vinum, cerevisiam, potum Thee & Coffee porrigentes, in quibus cives, peractis negotiis, convenire & requiescere; attamen simul animum gratis & de rebus novis utilibusque institutis colloquiis reficere possunt, *ut acti labores iucundi fiant*.

## XVI.

Uti imperantibus incumbit animos civium innocentibus & sanitatem promoventibus exhilarare oblectamentis; sic quoque illorum est officium, *ut voluptates & scelera, quae corpora laedunt, debilitant, enervant, & praematuram*

mortem inducunt , serio coerceant (a) . Nullum vulgatus vitium est *crapula* , nullum etiam *su-  
neffius* hoc ipso (b) . Nam & corpus & men-  
tem corrumpit teste HORATIO L. 2. *serm.* 2.

- - - - - *quin corpus onustum ,*

*Hesternis vitiis , animum quoque praegravat una ,*

*Atque affigit humo divinae particulam aurae .*

Parit humorum abundantiam atque sic ad omnes a *παιδορα* oriundos , qui sane quam plurimi sunt , disponit morbos ; fluida omnia vehementer com-  
movet , in tranquillo ac moderato motu turbat ;  
ventriculum , intestina ; cunctaque vasa nimis ,  
quam par est , distendit , suo robore privat ,  
ad agendum in contenta inepta reddit , imo saepe eadem dirumpit . Inde autem helvonum sive  
potatorum appetitus prostratus , vomitus matutinus , pallor faciei , pedes oedematosi , leucophle-

- (a) Senex quidam optime adhuc valens , interrogatus  
*Cur tibi tam facilis cur tam jucunda senectus ?*  
respondebat :

*Libera quod vitiis tota inventa fuit ,*  
aliquando , & hoc ipso ingeniose docebat , quan-  
tum ad vitam longaevam & senectutem iucundam  
reddendam vitae genus vitiorum & scelerum in  
iuventute expers faciat .

- (b) Hanc ob causam varii Principes istud publicis  
reprimere mandatis tentarunt : Vid. Verordnung  
gegen die Trunckenheit und das Brandwein trin-  
cken. Hannover d. 5. Dec. 1736.

tur, in carceres coniiciendos iufferit, non depromendos inde, nisi triduo ante Pascha (a). Imperator MAXIMILIANUS (b) crapulae indulgentes cum ignominia a suis exclusit officiis. De GEORGIO WILHELMO, Duce quondam Brunsvic. & Luneburg. sapientissimo, atque Celeni ultimo, referunt, quod hoc genus hominum ipsi maxime exosum fuerit; quia, ut dicere amabat, veneri, ludo & aliis quibusdam vitiis dediti tandem cum tempore a pravis deficiunt moribus: qui vero Baccho addicti eiusque mancipia facti, nunquam se corrigunt. Et verum omnino est illud:

*Quo plus sunt potae, plus fitiuntur aquae.*

Ipsae Mahumedes suos sectatores omni potu inebriante sub gravibus poenis interdixit; dubio procul hoc consilio, ut mentem sanam in corpore sano conservarent. Cur igitur hodie inter multas Christianas & ceterum bene moratas gentes crimen illud impune adhuc perpetratur?

## XVII.

Venus cum Baccho coniunctim in generis humani exitium furit & quibus hic pepercit,  
*Op. Med. Vol. III. Z*

---

(a) ODERBORN in vit. Basilidis.

(b) ARNISAUS l. c.

hos illa novit perdere . Tantopere enim antiqua severitas in desuetudinem abiit , ut iam adolescentia virorum peccatis se contaminare neuti-  
quam vereatur . *Corrumpere & corrumpi ludus* ( eine galanterie ) *censetur hodie , & a saeculi moribus non veniam tantum , sed ferme applausum invenit* (a) . Permultae magnarum civitatum foedis scatent lupanaribus , & lascivis abundant prostibulis . Sed quid inde ? *Florida iuventus in vitium cerea , flectitur* (b) facile his malorum illecebris ad perpetrandas abominandas libidines ; eo ipso autem succos optimos firmo & robusto corpori constituendo aptos consumit , fit elumbis ac languida , & virili aetate appropinquante , consuetudo facta est altera natura , pravos deferre mores haud possunt , seminalem laticem inutiliter profundunt , nullam vel debilem procreant sobolem , & semet ipsos miris obnoxios reddunt aegritudinibus . Hoc enim amoris igne humores quasi aduruntur , corpora exsiccantur , languor , tabes , febres , hecticæ , & multi alii morbi inducuntur . Quid dicam de horrendo scortatorum flagello , *lue venerea* ? Ante hos trecentos annos , quemadmodum plerique sentiunt , adhuc erat in-

---

(a) CONRING. de habitus corpor. German. antiqui & novi caussis §. 88.

(b) HORATIUS in arte poetica ,



cognita (a) ; hodie vix alius morbus medicos frequentius exercet. Olim inter res infames adhuc ponebatur, nunc inter ornamenta & decora a nonnullis referri solet. Exinde autem evenit, quod tam multi se nobis cum horrore spectandos praebeant, qui curtato naso, deperdita uvula, perforato palato, raucifona voce, scelera etiam in occulto & tenebris perpetrata inviti produnt atque propalant. Sed non sufficit tetrus libidinibus deditos tetra hac puniri lue; sed ita malum istud comparatum est, quemadmodum medicinam facientes quotidie experiuntur, ut infamis nebula honestissimum virum, nefandus maritus castissimam thori sociam, lasciviens uxor optimum maritum poenarum, sceleribus suis acquisitarum, participem reddere valeat; imo ad innocentes usque infantes haec miseria per haereditatem transit, & saepe contingit, ut parentes suis filiis post funera nihil aliud relinquant, praeter mor-

Z 2

---

(a) Sunt quidam, qui luem veneream antiquissimum morbum atque ipsam lepram veterum esse volunt, hocque cumprimis nuper adhuc evincere magna cum verisimilitudine voluit Anglus, quidam eruditus, cui nomen BECKETUS, in docta diss., Actis sive Transactionibus philos. Acad. Reg. Londinensis inserta N. 365. p. 47. & in Epitome eorum a MARTYNIO edita Part. III. p. 652.

bos, qui vitam ab illis proterve transactam manifestant. Tanta est blandientis veneris saevitia!

Sed non solum corporis robur, verum etiam animi vigor & fortitudo turpium exercitio libidinum prosternitur. Id CYRUS probe agnovit, utpote qui sola hac arte Lydios aliquoties ante rebellantes domare scivit: *iis enim, teste IUSTINO (a), arma & equos ademit, iussitque lenocinia exercere: & sic gens industria quondam potens & manu strenua, effoeminata molliæ luxuriæque virtutem pristinam perdidit, & quos ante CYRUM invictos bella præstiterant, in luxuriam lapsos otium & desidîa superavit.* Persas vero eosdem, qui antea, quum durum & agreste vitæ genus gererent, Lydios, & Babylonios molles & meretricios vicerant, luxuria & voluptate postea enervatos Macedonum superavit durities; illos Romani nondum vulgatis libidinibus imbecilles; hos ex Martis filiis Bacchi & Veneris mancipia factos Heruli, Gothi, Hunni aliique Barbarorum. Haec ergo quum ita sint, facile perspicitur, quod omni cura & opera veneris saevitiæ repugnandum sit. Inprimis vero *lupanaria ex Rebuspublicis exterminanda*, sicuti iam dudum magnus ille Medicus & Philosophus

---

(a) Lib. I. cap. 7.

GE. FRANCUS de FRANCKENAU fuisse (a) ;  
 deinde prostibula ex reliquorum consortio homi-  
 num releganda . Ast non in alia loca transmitti  
 debent , ubi eadem crimina rursus committerent ,  
 sed in custodias carceresque sunt includenda ;  
 neve Imperantibus nimio sint oneri , curan-  
 dum , ut ibi nendo , fila ducendo , tibialia fa-  
 bricando aliisque operibus victum sibi acquirant ;  
 quemadmodum eiusmodi instituta variis in locis  
 haud sine laude conspiciamus . Demtis his malo-  
 rum illecebris , & animi civium fortiores & cor-  
 pora vegetiora remanebunt .

## SECTION II.

*Quibus auxiliis civibus aegrotantibus succurrendum  
 & sanitas illorum amissa restituenda sit .*

### I.

**H**Aëtenus rationem consideravimus , qua Im-  
 perantes secundam subditorum valetudinem tue-  
 ri , robur promovere , frequentiores morborum

Z 3

---

(a) In dissertatione medica , iam supra indicata ,  
 qua lupanaria ex principiis medicis improbantur ,

occasiones praescindere deceat . Nunc vero perscrutandum est , *quomodo aegrotantibus civibus succurrendum & sanitas eorum amissa restituenda sit* . Ad hunc finem assequendum ante omnia necessum erit , ut in quovis Imperio , Regno , Ducatu , Principatu & Republica boni Medici , Chirurgi , Pharmacopoei , Obstetrices constituantur . Quia vero Politici soli neque de horum scientia aut peritia , neque de aliis rebus huc spectantibus satis iudicare possunt , stabilienda sunt *Collegia Medica vel Sanitatis* , quibus cura earum rerum omnis committatur : qualia variis in locis , instituto summis profecto laudibus celebrando , iam condita novimus . Inprimis talia inter Germanos Norimbergae , Augustae Vindelicorum & Berolini non sine insigni civium emolumento florent .

Composita autem haec esse solent ac debent , ex certo quodam Medicorum numero , scientiae , peritiae & integritatis laude inclutorum . Quorum unus Praefidis , Senioris , Decani , vel quocunque illum titulo insignire placet , locum teneat . Hic reliquis praest , eos convocat , necessaria proponit , dirigit , & quicquid e re collegii est , observat atque procurat . Medicis adiuncti sint Iureconfulti & Politici , qui eorum consilia , quoties opus est & rei gravitas id postulat , auctoritate sua ad effectum perducere debent .

Collegii autem talis eiusque membrorum officia flagitant, ut 1) Medicos, Chirurgos & Pharmacopoeos, qui in aliquo regni aut Reipublicae loco artem suam exercere, vel castra sequi, militumque curam gerere volunt, examini- bus tentent & inquirant, num ea polleant peritia, scientia atque aliis virtutibus ac qualitatibus, ut salus hominum curae illorum tuto committi queat.

2) Ut certis describant libris modum optime parandi & conficiendi medicamenta; ne cuilibet Pharmacopoeo ea pro arbitrio praeparare aut immutare liceat, & ut Medici exactissime medicamentorum praeparationes cognitae habeant. Hi libri *dispensatoria seu Pharmacopoeiae* vulgo dicuntur. Quos collegium Medicum Berolinense atque Augustanum evulgavit, prae ceteris hodie in Germania excellunt, eosque plurimi etiam pharmacopoei aliis quoque in locis sequuntur.

4) Medicamentis aequa imponant *precia*.  
(*sie müssen apotheker taxen setzen*.)

4) In morbos *endemicos*, si quoniam dominantur, solleter inquirant, eorum causas & occasiones rimentur, has quantum fieri potest, removendas & praescindendas curent, atque si radicatus exterminari haud queunt, optimae morbo sanando inveniendae methodo studeant, inventam vero cum aliis medicis communicent.

5 ) Si in ipsius regionis sive Reipublicae alicuius visceribus *lues quaedam epidemica* saevit, causam eius expiscantur, & tam avertendae a bene valentibus, quam tollendae in aegrotis optima publicanda curent remedia. Sin vero in vicinia furit, Principi vel Magistratui consilia suppeditent, quibus auxiliis a suis arceri possit finibus, aut si iam intravit, qua ratione suppressi, vel in herba, aut aiunt, suffocari mox rursus queat. *Contagiorum* denique *inter pecora grassantium* curam quoque habeant, quia regionibus ingens saepe damnum inde imminet; atque doceant, quomodo his optime, perspecta prius mali natura, indole & causa, obviam ire oporteat, quaque potissimum rationem renitendum sit, ne virus, belluas prostruens ad genus quoque humanum serpat (a):

6 ) Quum vi officii tenentur, *Reipublicae bonis Medicis, chirurgis & pharmacopoeis prospiciendi*, summa quoque ope eos niti decet, ut *artis Machaoniae cultoribus* omnia in promptu sint subsidia, quae ad hanc disciplinam addiscendam pertinent, & ut nulla re, huic scopo necessaria, destituantur. Maxime autem Magnates & Prin-

---

(a) Vid. hac de re, si lubet LANCISII libellus de peste bovilla.

eipes inducere allaborent, ut in academiis professores Medicinae solida eruditione, indefessa industria, animoque iuventuti studiose inserviendi paratissimo, praeditos constituent; theatra anatomica, hortos botanicos, officinas chemicas exstruenda curent & iubeant; & ut neque cadaverum pro arte anatomica & chirurgica addiscenda, neque aliorum sumtuum ad hos fines obtinendos impendendorum ullum esse defectum patiantur.

7) *Nosodochia* pariter eorum curae subiecta sint. Adeoque eo respicere debent, ut tot idonea erigantur, quotquot ad miseros egestate & morbis pressos sustinendos & servandos sufficiunt. Haec vero magno studio ita sunt adaptanda, ut simul in Medicae & Chirurgicae arti addictorum usum cedant. Quod optime fiet, si talia aegrotantium hospitia cumprimis in academiis stabiliuntur.

8) *Medicastro*s, *agyrtas*, *circumforaneos*, *histriones* & alios huius farinae homunciones, qui artem, quam faciunt, vel saepe prorsus non, vel saltem haud rite didicerunt, adeoque flagella sunt & pestes Reipublicae, cives auro, sanitate & saepe vita privantes, nullo modo tollerent. Ceterum ad omnes quoque res, priori capite expositas, vigilantia attendant animo, cunctaque suis consiliis atque studiis ita dirigere allaborent, ut in publicam civium salutem vergant.

## II.

Quae breviter attigimus momenta numero praecedenti, nunc pleraque dilucidius & uberius pertractaturi sumus. *Officia, qualitates & virtutes Medicorum* agmen ducant. Qui igitur tanquam Medici in Republica suscipi & artem suam exercere volunt, coram Collegio Medico appareant, testimoniis probent, quod in Academiis rite studiis incubuerint, sint doctores legitime promoti, atque peculiaribus adhuc examinibus a Collegii istius membris tententur, num scilicet saluti vitaeque humanae salva conscientia praefici queant. Sed non tantum doctrinae atque peritiae, verum etiam vitae habeatur ratio. Oportet enim eos, ut HIPPOCRATES in iureiurando suo voluit, esse *sobrios, castos, pios & conscientiosos*. Ut enim Medico ignorante nihil periculosus, sic Medico irreligioso nihil funestius est.

Iuxta eundem HIPPOCRATEM in ἰατρικῇ φιλαργυρίῃ, ἰντροπῇ, καταστολῇ, κρίσει, ἡσυχίῃ, ἀπαντησίῃ, καθαριώτῃ, γυμνασίῃ, ἀδελφισταίμοσιν, ὑπεροχῇ δαία. In Medico esse debet pecuniae contentus, pudor, modestia in vestitu, iudicium, lenitas, urbanitas, mundities, recta elocutio, superstitiois averfatio, praestantia summa L. de decenti habitu.



Nullus alterius fortunae invidet, quod idem  
divus senex praecipit, οὐδεὶς ποτὲ ἰπτρον λογισμὸς  
ῥυθνέσκειν ἐν ἱερῷ, ἀκίδρος γὰρ ἐν φατεινῇ: nunquam  
*Medicus alterius bonam famam denigret vel cor-  
rumpat: sic enim propriam animi impotentiam  
proderet. Neque aegris de nimio quaestu conque-  
rendi occasionem praebant. Ut vero hoc non  
fiat, attamen labor & studium eorum prooemio  
haud careat, dum inde vivere, pretiosos libros  
& instrumenta sibi comparare, remque familia-  
rem sustentare coguntur, normae quaedam in  
compensandis illorum laboribus observandae prae-  
scribantur, quae vero tantum mediocris ordinis  
ac facultatum hominibus scriptae sint. Aequum  
enim & iustum est, ut maioribus fortunae opi-  
bus beati, restituta sanitate, thesauro omnium  
pretiosissimo, cum primis post morbos difficiliore  
imo difficillimos, Medicorum operam & studium  
liberaliori sostro remunerentur: quia illi toties  
pauperibus suis subvenire consiliis debent, a qui-  
bus saepe, praeter grati animi significationem &  
bona vota, nil sperare licet. Praeterea Chirur-  
gi, Pharmacopoei & Obstetrices eorum curae su-  
biiciantur. Pharmacopolia a Poliatrix singulis an-  
nis minimum semel, vel etiam, ubi opus, ali-  
quoties visitentur & perverstigentur, medicamentis  
necessariis instructa sint, nec ne, & an bene  
omnia comparata. Denique etiam illud monen-*

dum est, si doctos, peritos & virtutibus enumeratis pollentes Medicos Imperantes exoptant, illos, praesertim vero constitutos Poliatros, quos *Physicos* vulgo appellant, dignitatibus & honoribus ornent, iisque larga concedant stipendia. Honoribus enim atque prooemiis ad magna & audenda & perficienda excitantur ingenia; negatis vero illis, negliguntur etiam virtutes; atque ubi non desunt Mecaenates, non decerunt quoque boni Medici. Denique etiam numero eorum limites & termini ponantur, ut neque pauciores adsint, quam ad sanandos aegros requiruntur, neque plures, quam Respublica alere possit. Vid. constitutio Medicis terrarum Prussicarum & Brandenburgicarum praescripta.

### III.

Medicis prudentes atque exercitati iungantur Chirurghi. Hi pariter Collegio Medico se sistant & coram illo suam aperiant peritiam. Neque sat erit scire artem coquendi emplastra, vel unguenta, quemadmodum multis in locis existimant; sed oportet eos callere anatomen sive corporis humani fabricam, nosse situm viscerum, maiorum arteriarum, venarum, nervorum, tendinum, perspectam habere ossium figuram, numerum, nexum, structuram, ut eo felicius fractis, luxa-

ris , vulneratis aliisque laesionibus & morbis mederi valeant. Qui praeterea curationibus & actionibus chirurgicis difficilioribus , quas *operationes* vocant , exercendis animum inducunt , ubi chirurgus non vulnera accipit , sed facit , hi felici cum successu illaesaque conscientia agere haud poterunt , nisi anatomes non solum vulgaris & rudioris , verum etiam subtilioris cognitione probe sint imbuti (a). Sed in his aequae , ut in Medicis , *sobrietas , temperantia & pietas* maxime desideratur : cumprimis etiam *lenitas & humanitas* summopere ipsis necessaria est , quippe quae ad leniendos atrocissimos aegrorum dolores , quos saepe suis excitare coguntur actionibus , multum conducit . A morborum internorum curatione , nisi ab eruditis praeceptoribus eas rite prius didicerint , prorsus abstineant , & in laesionibus externis gravioribus , quae sine remediis internis non sanantur , Medicum peritum in auxilium advocent . Nec abs re erit in casibus saepe obviis certis sancire legibus , quid aegri chirurgis solvere teneantur , ut & horum & illorum querelae hac ratione tollantur . *Vellem chirurgos a*

---

(a) Vid. Parentis dissert. *de subtilioris Anatomies necessitate* , Respondente HAHNIO itemque *de maiori anatomies necessitate in Chirurgia quam Medicina* . Respondente G. WAGNERO editae.

*conforibus separatos esse* ; ut illi , praesertim discipuli , tempus non radendis barbis , sed lectione bonorum scriptorum , sectionibus cadaverum frequentibus , visitando nosocomia aliosque aegros , unde proficere possunt , consumant , sicque ad artem , quam profiteri aliquando volunt , non illotis , ut aiunt , manibus , sed omni , quae a bono chirurgo expectari potest , scientia & peritia instructi accedant , eamque in salutem atque emolumentum generis humani exercere aliquando valeant . Conf. constitut. Chirurgis Region. Brunsvicens. , Pruss. & Brandenb. praescript.

## IV

Neque defectus esse debet Medicamentariorum sive *Pharmacopoeorum* artis suae peritorum . Antequam vero ipsis privilegia conficiendi medicamenta & dispensandi conferuntur , examini Collegii Medici etiam se submittant , & de sua , huic arti exercendae requisita , scientia respondeant . Deinde illis inculcetur , ut *simplicia* , tam indigena , quam exotica , intemerata sibi comparent , sollicite in locis convenientibus ac vasis idoneis asservent . *Composita* vero ex probis atque selectis simplicibus summa cura conficiant , ad ductum certi alicuius dispensatorii , ut Brandenburgici vel Augustanorum vel alius , quod

pro norma a Collegio Medico ipsis proponitur ; Inprimis autem in praeparatione emeticorum purgantium , mercurialium , opiatorum , aliorumque vehementiorum medicaminum ingredientia , proportionem & reliqua , huc pertinentia , exactissime observent . *Formulas remediorum* , sic uti a Medicis praescriptae fuerunt , parent ; nil praeter eorum voluntatem in illis commutent , omitant , vel substituant . Si vero lapsam quandam pennae , vel errorem in formula deprehendunt , vel aliquid legere aut intelligere nequeunt , Medico , qui eam scripsit , id modeste indicent , atque illius ea de re sententiam exquirant . Schedulas ab ignotis & haud probatae auctoritatis Medicis ne quidem assumant , multo minus medelas iuxta illarum praescriptum parent . Praecipue vero medicamenta efficaciora & fortiora , heroica dicta ; ut emetica , purgantia , opiata , mercurialia , maxime etiam menstrua & partum pellentia , nemini propinent , nisi a legitimo Medico ordinata fuerint . Idem de *venenis* cuiuscunque generis dictum sit : praeterea autem haec exacte seclusa & a reliquis medicaminibus separata esse debent ; peculiare quoque bilances , marmora , pistilla , mortaria , cribra pro eorum tractatione servantur , ne damnum hisce inferatur .

*Curatio autem morborum* , & internorum & externorum , quam in pharmacopoliis non addi-

Scere, atque hinc rite callere haud solent, ipsis prohibita sit. Praeterea eadem *virtutes*, quas Medicis & Chirurgis necessarias iudicavi, a Pharmacopoeis pariter abesse nullo modo posse arbitror. *Sobrie, pie, temperanter vivant*; cumprimis etiam munditiei sint studiosi, summaque operantur, ut famulos atque discipulos his qualitatibus instructos sibi associant. Si *pharmacopolia*, a Medicis, publica auctoritate constitutis, *visitantur*, eos humaniter excipiant, omnia simplicia & composita, quae desiderantur, ostendant; nihilque abscondant. Si quid iners, inutile, aut corruptum censetur, illud aboleant, abiciant, & praestantissima mox in eius locum substituant. Multo minus vilia, parum efficacia aut corrupta simplicia levi pretio coemant; sed, his neglectis, recentia semper & optima in officinas suas inferre studeant, ut quaesitum effectum consueta dosi praestent. Denique pretia remediorum a Collegio Medico stabilita sancte observent. Nam ita ubique fere constituta sunt, ut praestantissima remedia pro iis aegrotantibus tradere ac vendere possint, nec opus sit, aegros & medicos corruptis aut inertibus fallere remediis. Vid. constitut. Pharmacopol. region. Brunsvicens., Pruss. & Brandenb.

## V.

*Obstetricibus* quoque prudentibus Respublicae haud careant. Priusquam vero cura parturientium & nascendorum harum manibus traditur, earum non solum in arte obstetricia, quae profecto difficillima est (a), verum etiam in re anatomica scientia, vel a Collegio Medico, vel a Poliatrix exploranda est: Si quid enim iis scitu necessarium, certo id est partium generationi in mulieribus dicatarum notitia. Praesertim vero posse debent, quomodo haud in gravidis & parturientibus se habeant: imo situs praecipui foetus in utero, potissimum partus tempore, ipsas haud lateant. Ut vero haec omnia rite addiscere possint, Medici his in rebus probe experti sunt constituendi, a quibus erudiantur: id quod plerisque in locis neglectum hucusque fuit. Quamvis enim quilibet fere de imperitia obstetricum, deque erroribus, quos saepe committunt, conqueratur; pauci tamen inter Politicos, imo

*Op. Med. Vol. III. A a*

---

(a) Quemadmodum hoc quum ex libris de arte obstetricia, MAURICAEI, obstetricis Brandenburgicae, DEVENTERI, HOORNII, WIDENMANIAE, tum ex chirurgia Parentis cognosci potest.

paucissimi sunt , qui vel cogitant quomodo hoc emendari & eiusmodi feminae ad munus suum idoneae reddi queant ; quasi scientia haec sponte ipsis in mentem ac manus involaret , aut inter ideas mulieribus innatas pertineret . Parisiis , Amstelodami , Argentorati & Lipsiae huic malo mederi studuerunt , scholas condentes , in quibus ars obstetricia docetur ; quorum exempla , ut aliis quoque in locis sequerentur , optandum est . Sed mulieres , quae huic operi exercendo se dare cupiunt , non solum artis peritae sint , verum etiam *piae , sobriae ac christianae vitae laudem prae se ferant* . Enimvero tam matris quam infantis , duorum hominum salus atque vita in earum potestate sita est . Innumeras calamitates atque tristissimos eventus ex bonarum obstetricum defectu necessario oriundos DEVENTERUS , Medicus Belga , in arte obstetricia versatissimus , Principibus & Magistratibus ante oculos ponere eosque ad has noxas declinandas exhortari ; summa studuit industria : libro qui inscribitur *artis obstetricandi novum lumen* Part. II. enim in praef. haec habet : „ Magistratus in „ brevi hoc specimine videre poterunt & percipi- „ pere magna incommoda & calamitates , quibus „ exponuntur subditi , necessaria opis penuria „ in illis angustiis , quando illorum filiae vel „ uxores parturientes vel negliguntur , vel malis



„ adeo modis mulstantur , quibus hactenus nil  
 „ aliud fuit praefidii , nisi in solis lacrymis , qui-  
 „ bus necessarii subsidii penuriam deplorabant“ .  
 Conf. constitut. obstetric. Brunsvic. & Brandenb.

## VL

Interdum mulieres praegnantēs , vel per morbum , vel in partu intereunt , vel per vim externam emoriuntur . Foetui tunc , nisi mature ipsi succurritur , brevi simul pereundum est , vel vivus una cum matre , quod vel ipsi ethnici summum nefas & peccatum esse crediderunt , miserrime sepelitur . Quamobrem atrum istiusmodi & horrendum facinus abhorrens prudentissimus *legis Regiae* auctor sancivit atque praecepit (a) , *ne mulier praegnans demortua unquam sepeliatur , antequam foetus illi* ( quia alio modo succurri non potest ) *exsecutus fuerit* ; imo illum necis reum iudicavit , *qui contra fecerit* , quoniam *spem animantis , cum matre peremisse videtur* . Sed lex haec omni laude maior , ab ethnico lata , a christianis postea , quod mirandum ac dolendum , oblivione propemodum deleta fuit , ita , ut ple-

Aa 2

---

(a) Digestor. L. XI. Tit. VIII.

alique Theologi, Iureconfulti, Politici, & Medici de ea colenda atque observanda vix cogitaverint. Qua propter fieri etiam aliter non potuit, quam ut saepe istiusmodi infantes, qui matura defunctae matris sectione servari potuissent, neglecta eadem, certae morti relictæ miserandum in modum interierint. Quam impium, crudele & abominandum vero illud ipsum sit, venerandus Parens iam dudum peculiari hoc de argumento scripta dissertatione (a), multis gravibus edocuit rationibus; cum quo etiam nunc *per Deum & omnia facta rogatos esse volumus Principes & Magistratus quoscumque, ut rem tanti momenti curae cordique habere velint, & non solum ex amore christiano misereantur talium infantum, quorum ipsi etiam ethnici, ut ex laudata Lege Regia constat, serio miseri fuerunt; sed etiam ob quintum S. Decalogi praeceptum, omnibus suis praefectis, aliisque iustitiae atque rerum publicarum administratoribus itemque sacerdotibus & obstetricibus serio praecipiant, ne tales infantes negligant, sed summam adhibeant curam, quo eiusmodi in casibus, ubi parturientibus vitae*

---

(a) Quae sub titulo prodiit dissert. Medico-forensis, qua rationibus theologicis, legalibus & medicis ostenditur, foetum ex utero matris mortuae matre exscindendum esse, Altorfii 1720. 4.

*periculum imminere percipiunt; mox Medicos & Chirurgos expertos in auxilium advocent, ut hi tales mulieres, ob crimen culpamve horrendi infanticidii ab urbe vel integra regione avertendum, poenamve divinam praevidendam in tempore aperiant, ipsumque infantem ex certo mortis periculo eripere studeant. Vid. diff. modo citat. §. XIII.*

## VII.

Nihil funestius civium saluti *medicastrois*, nihil autem in plerisque Rebuspublicis his ipsis frequentius. Agyrtae, circumforanei, iudaei, vetulae, carnifices, gregum pastores, balneatores & sexcenti alii Hygeae sacra illotis aggredi manibus, atque in eius messem falces immittere non erubescunt; quemadmodum hoc rectissime tritum illud sermone proverbium testatur:

*Fingit se Medicum quivis idiota, sacerdos, Iudaeus, vates, histrio, rator, anus.*

Quot vero & quanta in genus humanum noxae redundant, si eiusmodi homines aegris medendis manus admovent, qui nec corporis structuram intelligunt, nec morbos cognoscunt, multo minus eius sedem aut causas tenent, simulque remedium vires, doses, praeparationes & usus ignorant? Profecto cum HIPPOCRATE

(a) prudentissimi Medici in hunc usque diem agnoverunt, artem medicam artem esse longam seu difficillimam, eiusque exercitium illis etiam, qui omnem aetatem & omne studium in ea colenda consumserunt, multum negotii facessere, multas noctes insomnes, diesque sollicitos creare, quando vere salutem aegrorum quaerunt, & intemerata conscientia artem suam, non in detrimentum aut interitum, sed in emolumentum & conservationem mortalium exercere volunt. Saepe enim casus incidere solent, ubi sagacissimis etiam aqua haeret, & ii vix omni sua prudentia, scientia, experientia satis cavere possunt, ne aut committendo, aut omittendo peccent. Quid igitur de his expectandum esse putas, qui ne primis quidem, ut aiunt, labris medicinae praeceptis degustarunt? Horrenda facinora, neces & strages saeva nebulonum istorum temeritate perpetrari oportere, res ipsa loquitur. Quantopere autem abominanda horum nequitia increpanda & damnanda, tantopere coeca illorum amentia deridenda aut dolenda potius est, qui se, sanitatem, vitamque huius generis homuncionibus confidunt. Nullus facile horologium, annulos gemmis orna-

---

(a) Aphor. I. Sectione I. ubi ait: *Ars longa, vita brevis.*

tos ; aut alia pretiosa , si aliquid detrimenti passa sunt , homini harum rerum rudi reparanda committit . Quam multi vero sunt , qui sanitatem , pretiosissimum thesaurum & divitiis maiorem regalibus : cuivis sine haesitatione reparandam offerunt ! Sed ipsimet plerumque temeritatis suae poenas luunt , & sero , sed damno saepe irreparabili , sapiunt . Lepide ingeniose & istiusmodi homines inter veteres iam perstrinxit PHAEDRUS sequenti fabula , inquiens (a) :

*Malus quum futor inopia deperditus ;  
Medicinam ignoto facere coepisset loco ;  
Et venditaret falso antidotum nomine ,  
Verbosis adquisivit sibi famam strophis .  
Hic quum iaceret , morbo confectus gravi ,  
Rex urbis eius , experiendi gratia ,  
Sceyphum poposcit , fusa dein simulans aqua  
Antidoto miscere illius se toxicum ;  
Hoc bibere iussit ipsum posito praemio .  
Timore mortis ille tum confessus est ,  
Non artis ulla Medicum se prudentia ,  
Verum stupore vulgi factum nobilem .  
Rex advocata concione haec addidit ;  
Quantae putatis esse vos dementiae ,*

A a 4

---

(a) Fabul. Lib. I. XV.

*Qui capite vestra non dubitatis credere ;  
Cui calceandos nemo commisit pedes .*

Quae quum ita sint , non possum non cum HIL-  
DANO , Medico manu & ingenio praestantissimo ,  
exoptare . „ Utinam Reges & Principes , quos  
„ Deus veluti patresfamilias constituit , im-  
„ stores illos imperitissimos , qui ubique fere tam  
„ arroganter ludunt de corio humano , ex offi-  
„ cio reprimant ; ex officio inquam , quemad-  
„ modum enim paterfamilias infantibus suis , ut  
„ ignem & venena tractent , non permittit , ne  
„ sibi met ipsis & aliis damnum inferant : sic quo-  
„ que huiusmodi impostores & imperiti homines ,  
„ qui suam ipsorum animam & salutem , aliorum  
„ vero corpora & sanitatem tot periculis expo-  
„ nunt , in Republica bene constituta , minime  
„ tolerandi essent . Neque unicuique , quod non-  
„ nulli obiicere solent , licitum esse deberet , co-  
„ rium suum , cuicunque libuerit , venale offer-  
„ re . Hic enim non de corio humano , sed vita  
„ & valetudine hominum , de quibus magistra-  
„ tus curam quoque habere debet agitur “ . Conf.  
eius opera latina pag. 916.

#### VIII.

Nunc ad *Nosocomia* se vertit oratio nostra .  
Haec sunt hospitia , in quibus miseri , egestate &

morbis preſſi, excipiuntur; atque tamdiu alimentis ac remediis, ſumtibus tractantur publicis, donec priſtinam recuperarunt valetudinem. Quamobrem, ea in qualibet Republica ſumme neceſſaria eſſe, patet. Nulla enim eſt civitas, quae non propemodum, praefertim ſi vicina loca, pagos & villas ſimul conſideraveris, abundet hominibus, quorum paupertatem morbi duriorē, imo duriffimam, reddunt. Sed in extruendis his aedificiis ante omnia ſitus habeatur ratio: in ea enim, loca ſunt collocanda, quae aere puro, ſincero, libero gaudent; ne pravi huius halitus efficiant, ut medentes & medicamenta in caſſum laborent: remota tamen paullulum, ſi fieri poteſt, eſſe debent ab urbibus, aut ſaltem certis ſuis cancellis incluſa & ab aliis aedibus ſeparata. Etenim multitudo vaporum noxiorum, ex tot & tam variis morborum generibus aegrotis exſurgens, facile in vicinia habitantibus nocere poſſet. Deinde nullus ſit defectus eorum, qui decumbentibus opem ferant. Doctis igitur *Medicis*, exercitatis *Chirurgis*, peritis denique *Pharmacopoeis*, Noſodochia deſtituta eſſe nullo modo poſſunt. Neque *miniſtri*, qui muniticii, alimentorum, verbo omnium rerum ad ſuſtentionem pertinentium curam gerunt, deficient. Multo minus adminicula, tam alendo, quam curando neceſſaria, abeſſe debent. *Lignum*

calefaciendis cubiculis sufficiat ; lecti & calorem praebentes & quieti apti adsint ; cibi atque potus salubres morbisque convenientes rite praeparantur , & iusto tempore porrigantur ; ultimo *medicamenta* , quaecunque a medicis praescribuntur , comparentur atque adhibeantur . Et quando *chirurgicae curationes instituuntur* , ut trepanationes , cataractarum acu suppressiones , sectiones fistularum , herniarum , calculorum , amputationes artuum , mammarum , cancerorum , sarcomatum aliorumve tumorum , ac similes , sedulo prospiciendum est , ut hae operationes rite peragantur , aegri postea debito tempore deligentur , cibentur , & quam diligentissime rursus sanentur . Tandem adhuc monendum duxi in academiis , si ullibi , Nosocomia extrui oportere . Hac enim ratione quamplurimis inserviunt , varioque modo . Nam non illud solum inde commodum evenit , quod pauperes aegroti ibi recipiantur & a malis saepe gravissimis curentur , quibus alias prae egestate aut inopia , ut saepius fieri solet , moriendum esset ; sed hoc etiam accedit , quod ibidem scientiae salutiferae cultores optime in ipso artis exercitio institui queant , ut tanto facilius postea aliis in locis curationes aegrorum suscipere valeant . Porro , si qui his in aedibus emoriuntur , non tantum morborum natura & sedes egregie per cadaverum sectiones explorari potest , quo



ad ipsam artem perficiendam nihil praestabilius ;  
verum etiam hac ratione discendi cupidis deside-  
ratissima patet occasio , ipsam corporis humani  
fabricam cognoscendi . Praeterea in operationibus  
chirurgicis gravioribus & instrui & seipso etiam  
exercere possunt . Quae commoda profecto tanta  
sunt , ut nihil maius ad incrementum ac perfe-  
ctionem Medicinae atque Chirurgiae , adeoque  
etiam ad commoda universae Reipublicae con-  
ferri queat .

## IX.

Dantur morbi certis regionibus & populis  
vel solis proprii , vel iis adeo familiares , ut  
nullibi frequentius observentur . Hos dixerunt  
*endemios* . Annotarunt solertes artis salutaris pro-  
fessores in Anglos tabem pulmonalem & rhachi-  
tidem ; in Belgas , scorbutum ac calculum ; in  
Tyrolenses , Salisburgenses & Helvetios , stru-  
mas ; Hispanos , melancholiam hypochondriacam ;  
Polonos , plicam ; Gallos cum Belgis & Anglis ,  
cataracliam maiorem , quam in reliquis nationes ,  
exercere tyrannidem . Nec Germani a talium  
morborum labe immunes sunt pronunciandi .  
Qui enim septentrionales inhabitant plagas , sca-  
bie vel scorbuto maxime divexantur ; qui autem  
versus austrum sedes sibi fixerunt , febribus acu-  
tis , haemorrhagiis & arthriticis affectibus magis

tentantur . Praecipue autem Saxoniae superiori periculosissimum illud febrium exanthematicarum genus , quod *purpuram* sive *febrem miliarem* appellant , incunabula sua debet , ubi etiam in hunc usque diem frequentissime grassatur (a) . Quid vero maius , quid excellentius praestari posset , quam mala istiusmodi funditus extirpare & integras gentes ab illis liberare ? Excitent itaque Imperantes rerum naturalium ac salubrium cultores , ut in illorum fontes , origines , causas sedulo inquirant . Hos autem vix alibi quam in aere , victu , aqua , vino , cerevisia , consuetudinibus , vivendi genere , certis populis peculiari- bus , quaerere convenit . Detectis causis , modos & artes illis tollendis aptos , excogitandi indefesso allaborent studio . Ad haec autem strenue tentanda , licet magni laboris & haud levium saepe sumtuum opera sint , non solum ipsius rei praestantia ; sed felicissimi multis in locis successus , variaeque gentes hac ratione a diris eiusmodi malis liberatae , vehementer exhortantur . *Stutgardia* , sedes Ducis Wurtembergensis , febribus pessimi moris , Stutgardianae dictis , olim afflicta , has ipsas , stagno quodam vicino in pratum con-

---

(a) Vid. HOFFMANNI diss. de morbis certis regionibus & populis propriis , Halae 1703.

verso, vix amplius agnoscit. *Pisaurum*, ante exsiccatas paludes, vix unum vel alterum noverrat civem decem lustra attingentem; hodie vero ibidem permulti octogesimum aetatis annum supergressi vivunt, vigentque (a). Forte pulmonum tabe tot Britanni non consumerentur, si alia ratione, quam lithantracum ope frigus pellerent ac alimenta pararent (b). Forte *calculus Belgae* non frequentius, quam alias excruciet gentes, si ab immoderato lacticiniorum cum acetariis usu abstinerent (c). Forte Gallorum, Anglorum, Belgarum oculi rarius chirurgorum manus ad cataractas supprimendas exercerent, si loco *caminarum farnacibus*, uti *Germani*, uterentur. Interdum vero morborum endemiorum causae adeo absconditae latent, ut nulla cognosci opera possint. Interdum, si etiam oculis istae patent, ita sunt comparatae, ut tolli nullo modo queant. Rebus ita se habentibus, omnem movere lapidem decet, ad optimam methodum & praestantissime auxilia morbis eiusmodi curandis excogitanda. Sed ad haec tam inveniendae, quam ad

(a) Vid. supra Sect. I. N. XI. pag. 31. seq.

(b) Tertia fere pars hominum hoc malo Londini rapitur, asseverante HOFFMANNO, l. c.

(c) HOFFMANNUS l. c. & DENISIUS observat. de calculo.

illa eruenda remedia ; quibus mala endemia radicatus exterminantur , magna ingenia mirifice excitabuntur , si hunc in finem adhibiti labores a Principe aut Magistratu honoribus & praemiis compensantur . Laudibus itaque celebrandus hic est Amstelodamensium senatus , qui IACOBUM BEAULIEU ( vulgo *Frere Iacquens* ) inventorem novae cuiusdam methodi calculum ex vesica excindendi , praeter plures alias grati animi tesseras exhibitas , instrumento aureo ad artem pertinente honoravit , cui inscriptum erat : OB CIVES SERVATOS . Vide Parentis chirurgia latina proxime proditura , Part. II. cap. 143. de sectione laterali .

## X.

Tandem accedimus ad exponenda Imperantium officia *morbis grassantibus epidemicis praestanda* . Inter hos *dysenteria* , *febres malignae* , *petechialis* , *Hungarica* & ipsa denique *pestilentia* praecipui sunt . *Pestis* tamen omnium saevissima est : hinc potissimum quoque dispiciendum erit , quomodo huic furienti optime resisti possit . *Sed alia sunt agenda , si lues ista in ipsis terrae alicuius visceribus iam saevit ; alia si in vicinia tantum tragicos suos adhuc edit effectus . Si adhuc extra fines alicuius imperii , regionis vel*

urbis , tunc omnem curam adhibere Magistratum oportet , ut illam a suis arceat limitibus . Nam ,

*Turpius elicitur , quam non admittitur hostis .*

Tollendum igitur nōx erit omne cum infectis locis commercium . Nullae merces , cumprimis ex lana aut gossypio confectae , pecunia , litterae , bestiae , homines , sub gravissima , imo ipsius mortis poena , ex illis plagis venientes admittantur , donec necare desierit . Hac enim ratione iam saepius integrae eaeque magnae regiones a peste immunes conservatae sunt ; quamvis in viciniam vehementissime saevierit . Atque tunc quidem , si iam desit , per aliquod adhuc tempus certis in locis extra urbes quadragenariam agere moram debent , ( *quarantaine* appellant ) quicumque ex terris istis adventantes regiones , quas lues pestifera non divexavit , intrare cupiunt . Litterae quoque ac merces , inde recens advenctae , ibidem aeris prius libero aliquamdiu exponantur , atque fumo aceti , vel vapore baccarum aut ligni iuniperi &c. suffumigentur . Ast ne per solum aera virus illud propagetur , repugnandum est , consilio & remedio divi HIPPOCRATIS , igne . Extruantur rogi ex ligno abietis , pini , quercus , iuniperi , variisque aliis plantis aut stirpibus , praesertim e regione locorum pestiferae lue infectorum , & aliquoties in die concrementur . Neque vana tunc est frequens maiorum ex-

plensio tormentorum bellicorum . Non solum quia aer hoc ipso vehementer commovetur ac contremiscit , quo purior redditur ; verum etiam quia spiritus sulphuris & nitri in pulvere pyrio contenti acidi , malignos vapores egregie corrigere atque potenter destruere valent . Minor quoque vis erit veneni suum propagandi contagium , quando illud nullum invenit fomitem , aerem scilicet putridis inquinatum halitibus . Omnes igitur causae & occasiones , quaecunque cum impurum efficiere queunt , summa cura praescindendae . Urbes , pagi , villae a quibusvis sordibus , in putredinem facile pronis , diligentissime repurgentur . Demortua animalia in profundis cryptis terrae mendentur ; minime autem cadavera eorum , ut alias saepe , sed more pessimo , fieri solet , iuxta vias publicas insepulta eliciantur . Tenendum praeterea est , quod iam illo tempore , quo nondum feralis iste generi humano morbus , regionis alicuius terminos transivit , ast hoc fieri facile posse , haud vana praesagia metuere iubent , quod , inquam , iam tum Medici , Chirurgici ac Pharmacopoei assumendi , & omnia , quaecunque tam ad victum , quam ad medicamenta pertinent , larga satis copia comparanda sint . Praecipue curandum , ut sufficiens copia vini , aceti , pomorum citreorum , tanquam efficacissimorum contra pestilentiam remedium ,  
prae-

praesto sit . Haec enim postea , praesente iam peste , obtineri amplius nequeunt : dum nemo aliquid in eiusmodi regiones inferre vult . Unde relatum legimus , quod ex harum rerum defectu interdum plures , quam ex ipsa vi morbi , interierint .

## XL

*Quando in ipsis regionis alicuius visceribus pestilentia furit , ante omnia ortus sive causae eius indagandae ; simulac vero detectae , si fieri potest , exemplo tollendae . Deinceps ad pestem fugandam constitutis Medicis , Chirurgis , Pharmacopoeis , ministri ex utroque sexu selecti iungantur , qui aegrotantibus alimenta afferant , & ad opem ipsis ferendam , officiaque praestanda prompti sint atque parati . Hi tamen aeque , ut medentes , peculiaribus notis a reliquis distinguendi hominibus , quo bene valentes praecipue pusillanimes , eorum fugere consortium possint ; si quidem illis propter quotidianam cum aegris consuetudinem , vel ipsismet , vel vestimentis tantum semper fere aliquid veneni contagiosi adhaerere solet . Nec ager aut pagi inopes relinquendi : sed Medicis , Chirurgis , Pharmacopoeis , omnibusque praesidiis , pellendo morbo necessariis , prospiciendum ipsis est . Praeterea aedes contagio*  
*Vol. III. Op. Med. Bb*

*affectorum suis quoque signis notentur , ut eadem cognosci ac evitari possint : exuviae defunctorum citissime , altissime , extra moenia sepeliantur , atque hoc quidem noctu , sine pompa ; ne metuculosus terror horrorve , affectus tunc temporis periculosissimi , crebris funeribus incutiantur . Aer interim quoque solertissime repurgandus est , excitato fumo per acetum , superfusum lateribus aut laminis ferri candentibus , pulvere pyrio , explodendo tormenta , accendendo ignes , comburendo , ubi ligni copia est , rogos , removendo serdes quascunque in putredinem pronas . Peculiaribus insuper scriptis & constitutionibus publicis manifestandum erit , quomodo quilibet contra pestis virus optime se munire queat , vel corpus suum ita disponere , ut si forte eadem corripiatur , illius vis maiorem inveniat reuixum , adeoque minori saevire vehementia valeat . Iisdem libellis iussu Principum sive summorum Imperantium exponendum quoque est , quibus curis , quovis in loco , magistratus atroci huic morbo obviam ire debeat (a) . Aliis quoque contagiosis &*

---

(a) Huius generis libelli permulti typis expressi sunt , ex quibus prae ceteris commendari merentur , qui de peste Polonica , Prussica , Danica , Hungarica , Austriaca , Hamburgensi & Ratisbonensi in lucem prodierunt , Egregia quoque sunt illa praecepta ,



*epidemicis grassantibus morbis*, diligentissime eorum caussa erit indaganda, atque si reperta, & id fieri potest, in tempore removenda; ceterum omnia pariter remedia adhibenda, quae a bene valentibus luem avertere, in aegrotis vero tollere cito, tuto & optime valeant.

## Bb 2

---

quae cura & iussu Ducum Brunsvic. & Luneb. RUDOLPHI AUGUSTI & ANTONII ULRICI 1680. ad pestem a suis regionibus avertendam & fugandam publicata fuerunt, quibus, iisdem Principibus gloriosissimis prospicientibus, annexa est appendix de dysenteria profliganda, eodem tempore funesta. Atque hoc etiam in loco depraedicare debemus, Sereniss. Ducis Brunsv. ac Luneb. nunc regnantis, CAROLI, Domini nostri clementissimi, mirificam pro salute publica sollicitudinem: qua effectum est, ut, quum anno 1736. in terris suae potestati subiectis, dysenteria vehementer grassaretur, consilia evulgarentur, quomodo illo tempore bene valentes sanitatem praesentem conservare & ab ista lue sibi cavere deberent; decumbentes vero morbum istum optime pellerent ac sanitatem amissam recuperare possent.

*Quaenam sint Imperantium officia sanitatis publicae causa tempore belli praestanda .*

## I.

**E**Xposuimus nunc Principum curas, circa valetudinem civium tempore pacis versantes ; restat adhuc, ut illorum officia sanitatis publicae causa tempore belli praestanda, breviter pertractemus . Hic potissimum ipsorum ratio est habenda militum . Ubi praecipua belli Ducis cura mihi in eo versari videtur, ut iuvenes seu viros seligat fortes, vegetos, robustos . Ipsis enim non solum cum hoste, verum etiam tempestatis iniuriis, cibi & potus inopia, ac pravis qualitatibus, quietis sufficientis defectu, aliisque sexcentis calamitatibus saepissime decertandum est . Imbecilles igitur debiles, infirmos, inter milites, ne suscipi quidem, multo minus ad arma gerenda cogi oportere, paret, nisi forte summa necessitas illud iubeat . Composito ex manu selecta exercitu, & eodem contra hostem educto, Imperatores, summo studio atque opera curare debent, ut nunquam commeatu deficiat . Uti enim Venus, sic etiam Mars, sine Baccho & Cerere friget . Imo rerum

gestarum annales docent; quod saepe, hoc neglecto, vastae copiae non ferro, sed inedia & morbis inde oriundis interierint. Memorabile est horrendum exemp'um in HERODOTO relatum legitur: ubi commemoratur, exercitum a CAMBYSE Persarum Rege contra aethiopes, longaevos dictos, missum, propter neglectum rei frumentariae apparatus, in tantas redactum fuisse angustias, ut consumtis omnibus alimentis, iumentis quoque & equis, milites tandem sortiti, ex se ipsis decimum quemque comederint. Lib. III. c. 3. (a). Sed non tantum *de victu parando*

Bb 3

- 
- (a) Propter huius rei incuriam graviter etiam aliquando ALEXANDRI M. copiis fame & pestilentia luctandum fuisse, CURTIUS memoriae prodidit. Consumtis, inquit, alimentis, Macedones primo inopiam, deinde ad ultimum famem sentire coeperunt, radices palmarum, namque sola ea arbor gignitur, rimantes. Sed quum haec quoque alimenta defecerant, iumenta caedere aggressi, ne equis quidem abstinabant. Famem deinde pestilentia sequuta est: quippe insalubrium ciborum novi succi, ad hoc itineris labor, & aegritudo animi vulgaverant morbos; & nec manere sine clade, nec progredi poterant: manentes fames; progressos acrior pestilentia urgebat. Ergo strati erant campi pene pluribus semivivis, quam cadaveribus Lib. IX. c. X. Quae ex recentiori historia huc peti possent exempla, silentio praetermittere convenit.

est quoque de eius salubritate sint solliciti. Adeoque sedulo operam navent, ut cibus & potus, sanitati conveniens, in castra advehatur, valetudini autem adversans, ab iis arceatur. Praeterea quia milites variae tempestati expositi; *vestitu* contra eius iniurias sufficiente, corpus tamen, non gravante, muniantur, ut tam Syrium urentem, quam Iani frigora perferre valeant. In castris *munditiei* graviter studendum; ne aer vaporibus putridis refertus, morbos gignat contagiosos. Illicita & impura *Venus*, quae ut plurimum Marti se associare solet, severioribus coerceatur legibus; quia hac ipsa viri militante effoeminantur (a), enervantur & tetrus saepe morbis inficiuntur. Hoc bellum Neapolitanum inter Hispanos & Gallos sub fine saeculi decimi quinti gestum declaravit. Unde Galli turpissimum morbum, qui lues venerea seu morbus gallicus vulgo solet vocari, reportaverunt; a quibus dein-

---

(a) Gens Lydia industria quondam potens & manu strenua, effoeminata mollitie luxuriaeque virtutem pristinam perdidit, & quos ante Cyrum invictos bella praestiterant, in luxuriam lapsos otium & desidiosa superavit. IUSTINUS Lib. 1. c. 7. Secundum CURTIUM nullus locus disciplinae militari magis nocuit Babylone. Quia nihil urbis eius corruptius moribus; nec ad irritandas irretientisque immodicas voluptates instructius. Lib. V. c. 1.

ceps ad ceteras Europae gentes propagatus fuit . Concedendum pariter non est , ut *ebrietati* impune indulgeant . Eos enim debilitat ac elumbes reddit ; & saepe iam , quemadmodum historiarum monumenta probant , in culpa fuit , ut hostis truces edere strages atque insignes adipisci victorias potuerit . Ita enim vastus Scytharum exercitus , qui per viginti octo annos Asiae imperium obtinuerat , inebriatus aliquando tenui Meddorum manu ad internecionem usque caesus est . Teste HERODOTO Lib. I. cap. 160. *In itineribus faciendis* cavendum quoque sollicite est , ne exercitus nimis longis ac continuis , sine interiecta mora aut quiete , institutis migrationibus fatigetur . Delassatus enim hosti vix resistendo , multo minus vincendo , & fugando par erit .

## II.

Haec omnia , quanta fieri potest sollicitudine observanda sunt . Ea tamen accurate semper observare , propter ipsam belli rationem impossibile est . Quamobrem varia & multiplices castra sequentibus inevitabiles sunt aegritudines . Haec igitur , omnium tamen maxime vulnera , quae in praeliis committendis , in urbibus oppugnandis , expugnandis , in excursionibus faciendis , vario modo , punctim ; caesim , per sclopeta , tormenta

vel alia ratione belligerantibus infliguntur , petunt medelas & auxilia . Quae quum ita sint , opus , quin imo necesse est , ut Principes curent , *ne milites aegrotantes , aut vulnerati inopes relinquantur* . Constituantur hunc in finem periti *Medici , Pharmacopœi & Chirurgi* , qui decumbentibus subveniant . Hi vero omnibus arti exercendae requisitis medicaminibus ac instrumentis abundare potius , quam carere debent . *Erigantur quoque Nosocomia castrensia* , ubi cuncta , quae tam ad curandos , quam alendos aegros necessaria , praesto sint . Quibus rebus si probe militantibus prospectum est , non dubitandum , quin tanto maiori animo castra sequentur , & cum hoste congregientur ; dum omnia in promptu vident auxilia , quibus , si forte vulnerantur , sanari atque servari poterunt . Denique etiam hoc tacere non possum , quod non tantum ius & decorum belli , verum etiam propria victoris atque multorum aliorum hominum salus a victore semper flagitet , caesas in pugnis , certaminibus , praeliis , urbium oppugnationibus & expugnationibus vel alio modo trucidatas aut *defunctas copias cito profundeque sepeliendi* . Etenim neglecta vel retardata horum cadaverum sepultura , ea brevi putrescunt ; & tetri ex iis exsurgentes halitus saepe tantopere auras inquinaverunt , ut pestilentiam , vel saltem huic quam proximos morbos

induxerint , longeque maiores ; quam ipse hostis strages ediderint . Post cruentum ad Arbela praelium gravissimos morbos odor cadaverum totis iacentium campis vulgavit . Teste CURTIO. Lib. V. c. 1. Id quod ultima Philippoburgi obsidio , recentissimum exemplum , egregie confirmat : ubi pessimae indolis febres ex foetore , a tardiori occisorum sepultura producto , exortae , plures adhuc Gallos , quam ipsa Germanorum arma , interfecerunt .

### III.

Calamum hic figere liceat ; quum ex hactenus dictis potiores Imperantium curas pro civium sanitate conservanda , robore promovendo , morbis avertendis pacis & belli tempore suscipiendas satis patere existimem . Si Numen supremum vitam ac sanitatem concedet , ea aliquando uberiori illustrare commentario meditabor .

---

---

IOANNIS CHRISTIANI HENRICI SALMUTH

DISSERTATIO

INAUGURALIS MEDICA

DE

DIAGNOSI PURIS

Goettinga 1783.

---

PROOEMIUM.

*DE* themate dissertationis cogitans, diu dubius haesi, quale in immenso argumentorum numero, virium mearum tenuitati maxime accommodatum eligerem. Arrisit denique, non quidem ob argumenti facilitatem, quam ob eximiam potius utilitatem, illud de diagnosi puris.

Valde miror vero, haud plures defudasse in hoc argumento, quod eximiam sane dignitatem a praëciis emolumentis tuetur.



*Annis 1777. & 1778. Societas Edinburgensis problematis enodationi imposuit praemium, quo dignum iudicavit laborem CHARLES DARWIN, cuius experimenta summam sibi ex hoc applausu comparaverunt aestimationem atque fidem. Ab illo vero tempore, vix momentum aliquod adiectum fuit gravi rei. Ne illa quidem nova experimenta ab instituto fuerunt repetita, quod tamen imprimis operae pretium fuisset, quare satis grave dissertationis argumentum videtur.*

*Sed a re pariter haud alienum erat & antiquiora repetere, quorum nempe generalem diiudicationem publici iuris factam nullo loco invenio.*

*Quum vero omnia experimenta hucusque inventa incerta atque insufficientia reputare debeam, id praecipue adnitar, ut symbolam quandam ad progressum tantae rei conferam, quod nempe si ex voto succedat, laborem meum satis remuneraret.*

*Numerum meorum experimentorum non esse tantum, quantum sub initio animo conceperam, valde doleo. Sed ipsa experientia edoctus percipio, parum aptam esse vitam academicam multis experimentis instituendis.*

*Ante omnia vero lectorem benevolum humanissime rogo, ut his quae fortasse hic legat minus apte exposita, indulgeat. Eo magis vero istum indulgentem lectoris animum tum expeto mihi decenter, tum certo respectu vindico, quo minus vanus comparandae gloriae pruritus, sed mos potius pervetustus ad scribendum me impulit.*

*Antequam vero ipsa experimenta recensam, pauca praemonenda videntur.*

---

## §. I.

*Quid pus ?*

**P***us* est humor blandus , albidus crassiusculus instar pultis mollioris , aequalis , aqua gravior , non olens , qui ad praeternaturales leges , ex sanguine , lymphâ , sero , adipe , mucô , aliisque humoribus confluentibus , nec non ex partibus solidis mollioribus deliquescentibus , paratur .

*Annotationes .*

1. Alienum foret a nostro scopo ; ad unguem usque prosequendi ipsam pyogeniam , tum puris diversitates , ultimasque rei limites . Notasse sufficiet , omnem morbosum humorem , qui in locis exulceratis generatur pus esse , & purulentum , cuius rationem infra delineabimus , apud *medicos practicos* differre a sueto pure , quamvis *Physiologis* , idem forsan esse videatur .

2. Huic vero modo suppeditatae puris definitioni , respondet tantum pus bonum , ex certa proportionem bonorum humorum bene coctum . Caeteroquin valde variat pus . Aetas nempe ,

humores blandi vel acres, debilitas, corporis varia constitutio, pars in qua gignitur, & ipsarum partium constituentium varia proportio ac mixtio, quam maxime mutant puris naturam; quare prorsus generalis omnesque species complectens definitio suppeditari nequit.

Omnium dictarum puris proprietatum ad-versa fere est ista species puris, quam *saniem* vocant. Est illud pus tenue, aquosum, acre, foetens. Inter hanc saniem verò & pus bonum bene coctum, dantur sexcentae fere varietates, quoad colorem, odorem & consistentiam, ut eiusmodi itaque humor modo propius accedat ad veram puris naturam, modo remotius ab ipsa distet. Hae degenerationes vero, quamvis interdum puris nomen vix mereantur, attamen respectu diagnoses exulcerationis a medicis practicis, ut iam dictum est, semper ut pus verum considerari debent. Proveniunt nempe ex fonte exulcerato, ex quo pro conditionum varietate, modo bona modo mala notata species effluit.

Ob summam hanc puris inconstantiam atque diversitatem, facillime confunditur illud cum aliis variis humoribus; quod itaque quam maxime impedit puris diagnosin.

## §. II.

*Purulentum quid ?*

Sub *purulenti* nomine intelligo puri analogum humorem, qui in foco non vere exulcerato sed ex solo humorum aucto affluxu eorumque exsudatione ex membranis inflammatis, aut vasis exhalantibus, aut ex folliculis mucosis praeternaturaliter confluit.

Exempla suppeditant humore, qui in gonorrhoea maligna, aut sub aerumnis a calculo vesicae ex urethra, aut in fistula lacrymali, presso sacco, ex punctis lacrymalibus profluunt; qui quidem in primo casu in urethra, secundo in vesica, tertio in sacco lacrymali, inflammatis, elaborati sunt.

Denominatio quidem *purulenti* inusitata, imo superflua aut minus congruens videbitur multis. Et negandum quidem non est, ad simplicis muci puriformis naturam accedere istud plerumque, interdum vero ad puris naturam accedit, aut ipsam induit revera. Potest enim vel absque vera exulceratione generari pus, vel metastatice depositum esse ibidem.

Proxima vero, quae me ad hanc distinctionem determinavit causa, diversa loci non exulcerati natura est. Neque minus contulit aliquid

istud HIPPOCRATIS (\*) effatum : *pus ex carne purulentum ex sanguine & alia humiditate fit.* Haec enim distinctio meae in totum fere respondet . Sub carne autem non soli muscoli sed omnia potius solida intelligi debent . Iam vero purulentum sit omnino ex sola humiditate eique non inesse videntur solidi vel carnis liquefacti elementa . Sed de pure proprie sic dicto meliori iure praedicatur , fieri illud ex carne , quoniam semper fere exulceratio adiuncta est quae solida resoluta ipsi admiscet . Cum vero , quod fateor , puri non infunt constanter , haud in omni casu perfectam puris & purulenti distinctionem subministrant . Verumtamen a potiori hanc deduxi divisionem .

Physiologi quidem non distinguunt inter pus & purulentum . Sic ait e. g. HEWSONIUS (\*\*) *pus nil est nisi mera lympa , quia saepe reperitur in cavitatibus pus sine exulceratione . Probabile videtur , vasa exhalantia , per mitiorem inflammationem secernere lympham viscidam , ubi magis vero inflammantur , facultatem lymphae in pus convertendae habere ,*

Medici

---

(\*) De alimento in edit. LINDENII T. I. §. 12, pag. 599.

(\*\*) Descript. systemat. lymph. pag. 93.

Medici practici vero respectu diagnoseos puris vel exulcerationis, purulentum a pure distinguere debent. Nam de genio humoris non ex alia causa quaestio est, nisi ad praesentem vel absentem praecipue exulcerationem detegendam. Talem vero nec mucus puriformis nec purulentum habet comitem. Et si verum est, multa pendere in praxi a recta cognitione exulcerationis, nostrae distinctionis inde elucet & ratio & dignitas!

Doleo quam maxime, mihi non contigisse opportunitatem, naturam purulenti accuratius investigandi. Quae instituere potui experimenta ad genium purulenti investigandum, pauca modo fuerunt. Caeterum probantur ista difficultatem diagnoseos puri & purulenti. Quae huc conferant forsitan aliquid, solida erunt puri admixta. Interim non vellem in praesenti certum aliquid atque evictum affirmare in hac re. Dabit illud fortasse in posterum foecundam libelli materiam.

### §. III.

*Quid purulentus humor, quid humor puriformis?*

Humorem cui pus admixtum est, dico *purulentum humorem*. Ubi itaque purulentus humor, ibi exulceratio.

*Op. Med. Vol. III. C 6*

*Puriformis* vero nominatur iste humor , qui pus vere non est , sed eius modo indolem simulat .

#### §. IV.

##### *De utilitate diagnoseos puris .*

Perfecta diagnosi puris utilissima sane est in re medica . Inter perfectam vero talem intelligo , cuius ope etiam minima puris pars , magna aliorum humorum copia remixta , adeoque & ultimum exulcerationis initium posset cognosci . Ista sane in pereximum Medicorum usum cederet , longe scilicet superans meri & homogeni puris diagnosin , quae saepius illud modo in ancipiti morbo docet , ad ultima iamiam actum esse , nullumque superesse humanum auxilium . Elucet potissime eius usus atque emolumentum in phthisi , quae nisi mature cognoscatur Medicorum opem egregie fallit . Interest certum esse mature , quae ulcerosa ac pituitosa existat phthisis . Differt enim quae isti paranda est medicina ab ea quae huic competit .

Idem praestaret certa puris cognitio in multis aliis & ominosis quidem morbis . Recordemur modo eorum , quae in imi ventris affectionibus exulcerationem vel simulant , vel dissimulant ;



sedent in mentem hepatis, renum, intestino-  
rum, uteri, vesicae dubii interdum morbi;  
quantum in his omnibus iuvaret puris & exul-  
cerationis certa & matura cognitio!

## §. V.

### *De diagnosi puris difficultatibus.*

Enascuntur hae difficultates,

- 1) a puris ipsius multiplici diversitate,
- 2) - affinitate purulenti,
- 3) - aliis humoribus formam puris simulantibus,
- 4) - variis peregrinis plerumque admixtis.

#### 1) Puris ipsius diversitate.

Multas profecto difficultates in hoc nego-  
tio parat inconstans & diversa puris natura, quae  
abessent, si idem semper existeret iste humor.  
Verum differt ille tum forma & consistentia tum  
odore, colore & mixtione. Quae coeunt nem-  
pe ad pus formandum, diversa pro singulo fere  
casu proportionem remiscuntur, ut adeo ex par-  
tibus suis constitutivis vix & ne vix quidem mix-  
tum illud cognoscatur. Et fallax ideo est in  
hoc labore chemica controversi humoris indaga-  
tio, quum partim menstrua adhibita variam exer-  
ceant vim pro mixtionis partisque praedominan-

tis ratione , partim ea , quae ex inflammabili puris natura derivantur criteria , ex simili causa non eadem semper observentur . Interim suum tamen pretium habent ista signa , quum , quamvis singulatim capta fallent pluries , collecta tamen caeterisque signis associata , multum ad veram diagnosin faciant . Illud praeterea communis fere fors est in re medica , ut singula morborum aliaque pathologica signa , si ex nexu aliorum revulsa seorsim considerentur , vel dubiam vel nullam efficiant diagnosin . Quare in universum sollicita criteriorum collectio & prudens comparatio , ad eam , quae interest , cognitionem requiritur .

Et in nostro praecise de puris diagnosi negotio , his quae ex ipsius puris natura & proprietatibus derivantur signis ; quae quidem captis experimentis ponderare nostrum erit in hoc libello , & ea adiungere debet Medicus , quae morbi ipsius tum prodromi tum decursus sup-  
peditant .

## 2 ) *Ex purulenti affinitate .*

*Purulentum* , proprie a me sic dictum , absque partis exulceratione gignitur , uti supra dictum est §. II. eiusque summa obtinet cum pure similitudo . Interim nisi illud quod inter

haec obtinet discrimen, rite discernatur, de loci ipsius affectione falsa derivari poterit notitia.

Ideo saepissime in fistula lacrymali de exulceratione sacci lacrymalis cogitat Medicus, quando ob partis fecernentis inflammationem in eum modo exhalatur purulentum. Sic forsan non audent Chirurgus instituere lithotomiam, quando ex inflammata vesica profluit purulentum, sub qua conditione vero optimo cum successu institui adhuc posset. Saepe cogitatum fuit de exulceratione pulmonum, sed post mortem nulla inventa est, quorum casuum plures inter alios in DE HAEN rat. medend. occurrunt. Quaestio hic est, annon forsan ex purulenti existentia in pulmonibus explicandi sint isti casus. Sententiam huic similem fovet CULLEN (\*), mihiq; applausum mereri videtur ista, quae ad rei naturam accedit explicatio.

### 3) *Aliis humoribus formam puris simulantibus.*

Simulant nempe varii humores praecipue vero mucus & lympa puris formam, ut diffi-

Cc 3

---

(\*) V. *Anfangsgründe der praktischen Arzneiwissenschaft. Th. 1. p. 224. §. 341.*

cillime ab eo dignoscantur. In aprico vero situm est, diagnosin puris ex his insignes accipere difficultates. In illis praecipue morbis, qui metum internae suppurationis movent, istae multum vexant medicum. Pectoris aegritudines huc praecipue pertinent.

#### 4) *Variis peregrinis plerumque admixtis.*

Puris forma mutatur frequenter peregrinis humoribus, qui cum plerumque sint puriformes, diagnosin per adspicuum plane impediunt, efficiuntque simul; ut pus experimentis accuratioribus subiectum, aliter se monstret, & diversa a vero pure phaenomena producat. Ex quo quidem facile intelligitur, primum diagnosi inde pari impedimentum.

Haec vero sunt, quae experimentorum recensui mihi praemittenda visa sunt. Monitum iterum faciam, puris diagnosin eam si fieri possit, esse debere, ut parva iamiam puris pars, magnae copiae peregrinorum admixta, dignoscatur.

### §. VI.

#### *Experimentorum enarratio & diiudicatio.*

##### *Experimentum primum.*

Quod ad pus dignoscendum tritum est experimentum, a puris gravitate derivari solet aqua

maiori , & mucī minori . Quod vero ut certius evadat aqua fumatur salina vel marina .

Praemittam ea ex quibus facile diiudicari poterit fides aut fallacia experimenti . Mucus nempe per se nunquam aquae innatat , sed debet illam proprietatem aeri adhaerenti . Extra communicationem pulmonum positus aqua semper est specificē gravior . Sic ex fistula lacrymali profluens vel intestinalis etiam mucus fundum petit .

Comprimas innatantem hinc inde digitis per aliquod tempus fortiter , & desidebit . Idem effici potest ope antliae pneumaticae quod experimentum instituerunt plures .

Sua sponte etiam , si servetur per aliquot dies , liberatur ab aere fitque eo ipso aqua specificē gravior .

Quid quod , ne omnis quidem in communicatione pulmonum adhuc haerens mucus uti & ille faucium nariumque aquae innatat .

Causae quaedam quae mucum reddunt puriformem , aerem adhaerentem simul ei derimere videntur . Inter illas vero praecipua est quaecunque folliculorum mucosorum inflammatio . Sint vero causae qualescunque , certum est , omnem mucum puriformem fere aquae iniectum fundum petere .

Eius quem notavi saepius sputis admixtum ,

( quod quidem matutinis esse solet ) collegi quantitatem , vel ut colligeretur curavi , eumque aquae infudi salinae . Innatabat initio , sed brevi temporis spatio praeterlapso , aliae particulae subsidebant iamiam , aliae vero demissis filiis pendebant , quibus dein forfice caute praecissis fundum quoque petebant .

Sub protracto isto experimento , dimidia fere pars sic demersa apparuit . Variat caeteroquin eventus pro maiori vel minori quantitate muci puriformis .

Hocce experimentum suam certe gravitatem habet , quum simul ostendat , quam facile in fallaciam deduci possimus . Etenim non alius est eventus si pus adhaeret mucosum . Initio nempe totus hic humor mucosum & pure remixtus innatabat , post aliquod vero temporis spatium praeterlapsum aliae iamiam puris particulae fundum petiverant , aliae vero dependebant a mucosum supernatante . Quae vero particulae quum sub adspectu nullo modo differant , ab illis muci , mucosum sedimentum saepe pus reputatum fuisse persuadeor .

Pus ope muci adhaerentis innatare potest aquae . Purulentum constanter petit in aqua fundum aequae ac pus .

Deficit itaque huic experimento sufficiens probatio , quum pus , purulentum & puriformis , imo & merus mucus aequaliter subinde fundum

petant. Quare, nisi sollicitè quaevis cautelae & conditiones observentur, insufficiens est, adeo quidem ut vel nullum vel dubiam doceat diagnosin.

Ne tunc quidem, si omnia & integra sputa illico petant fundum, aliquid probare experientum hocce, docet historia morbi phthifici in DE HAEN ratione medendi (\*) occurrens. Haec enim habet auctor celeberrimus, *phthisi pulmonali tanta laborabat, ut similem spatio 22. annorum non viderim, quae sputa flava subviridia, crassa, magna, quae salsae illico petentia fundum copiosius siceret. Consumtas fere pulmones suspicatus, quomodocunque examinarentur ac transcinderentur, ne vel guttulam puris vel vomicarum vestigia exhibentes. Et eiusmodi exempla in eiusdem scriptis reperies plura.*

Quodsi diagnosin purulenti quae pro parte adhuc inter vota pertinet, iam dum fuisset inventa, falsam prognosin haud captam fuisse me habeo persuasissimum.

### *Experimentum secundum.*

Admiscetur concussione & trituratione humor controversus aquae, quae si lactea evadet, pu-

---

(\*) T. I. p. 118.

rulentus esse creditur humor, sin minus, mucosus vel saltem a pure alienus.

Mucum irresolubilem ad aquae superficiem cogi, ideoque aquam tingere non posse lacteam, concludisse huius experimenti inventorem credo. Sed ego concluderem, pus ex sua gravitate specifica ad petendum aquae fundum cogi, ergo illud aquam tingere non posse, & tamen verum est, pus imbuere aquam lacteo colore, idem vero & facit mucus. Interim quum semper hucusque inter signa puris diagnostica occupaverit locum hocce experimentum, eius eventum adducere iuvabit.

Si infundas aquae pus, subito petit fundum & aqua non coloratur. Infundas mucum, ille suo se habebit modo, pars aliqua nempe ibit ad fundum, maior autem superficiei innatabit, nec aqua colorabitur. Adhibeas vero triturationem, & ambae mixtiones reddentur lacteae, ita ut ex colore discernere non potueris, in quonam vitro sit pus, & in quonam mucus. Imo mucii solutio diutius fere servabit colorem suum lacteum quam ista puris. Quo vero iure dici potest, mucum non inire perfectam cum aqua miscelam, ex eo forsan quum post triturationem maxima eius pars colligatur rursus in aquae superficiei? Idem enim valet pariter de pure cum magna eius pars post triturationem adhibitam semper subsideat. Haec



modo obtinet differentia, ut puris pars quae cum aqua misceri nequit subsideat, illa vero muci innatet.

In phthisi pituitosa saepius reiiicitur materies lactea, quam chylum verum putavere nonnulli tingens omnino aquam valde lacteam, iste lacteus color quamquam in caeteris casibus, in his tamen non esset signum puris diagnosticon.

Ad distinguendum vero pus & purulentum, nullo modo aliquid confert hocce experimentum. Quare & ei sufficiens non competit fides.

*Experimentum tertium.*

*Pus prunis candentibus iniectum flammam concipit.* Ista inflammabilis natura observatur potissime in varioloso pure, & in omni forsitan pingui siccoque.

Quas habui enim caeteras puris species ex variis abscessibus & vulneribus desumptas, neque minus sputa mere purulenta, ignem concipere non observavi. Si vero non, efflagrat pus purum, eo minus efflagrabit illud, quod peregrina humiditate mixtum est, nempe satis cito delet igneum carbonum fervorem. Si velles insuper afflato aere augere ignem, facillime iterum in fallaciam incideres, idque ob prunas per se tunc certo gradu flagrantes. Quo minus itaque fidem des huic experimento semel modo instituas illud.

*Quartum experimentum .*

*Pus carbonibus candentibus iniectum foetorem spargit eximium & singularem .*

Quem ego ab evaporanti pure sensi odorem , idem fuit qui omnium fere animalium partium combustarum , crinium e. g. unguium , mucii & sic porro . Foetorem adeo , antea sparsum , carbonibus iniectum perdidit . Ex quo facile intelligitur neque hoc experimentum facere posse multum ad puris diagnosin .

*Experimentum quintum .*

*Mucus fila trahit , pus vero est corpus tenuioris consistentiae neque trahit fila .*

Nullius est momenti atque utilitatis hocce experimentum . Posito enim , obflare eidem nullas alias caeterum difficultates , semper tamen distingueret tantum pus a mucositate . Sed ne hoc quidem praestare potest , omnino . Etenim mucus quamvis pus immixtum habeat , fila trahit etiam ; & e contrario mucus puriformis sicut merum pus non trahit fila , ideoque & ille pro pure inponere posset . Praeterea & illud quod a mucositate subedit in aqua salina praecipue filis distrahi nequit sicut verum pus .

Haec quidem sunt experimenta praecipua ,

quibus voluerunt dignoscere pus prisci medici.  
Vidimus vero quantae in his fallaciae & ambiguitates obtineant.

Venio nunc ad noviora a CHARLES DARWIN proposita, quae ego vero multo certiora putare vix ausim.

Prodierunt haec primo in *Medical and Philosophical commentaries by a Society in Edinburgh Vol. V. Part. III.* p. 329. ann. 1778. Post auctoris mortem vero separatim edita sunt a fratre E. DARWIN sub titulo: *Experiments establishing a criterion between mucaginous and purulent matter.* Lichfield 1780. Versio germanica inserta est Sammlung auferlesener Abhandlungen zum Gebrauch practischer Aerzte, Sechster Band. 2. Stück, Leipzig 1781.

Omnia in genere hic proposita experimenta putanda sunt insufficientia cum modo mucis puriformis, lymphae, & feri distinctionem respiciant, haud vero illius fluidi, quod sub purulenti nomine indicavimus. Hoc vero naevum fere omnium antecedentium iam expositum fuit a nobis. Cum praeterea non distet a vero, etiam in pulmonibus gigni purulentum, ne pro indagandis quidem sputis sufficit eiusmodi experimentum. Multo minus sufficere potest pro indagandis materiis ex fistula lacrymali vel urethra profluentibus, quibus frequenter immixtum est illud purulentum.

Magni vero aestimanda essent experimenta, quorum ope semper mucus puriformis, lymphæ & serum rite a pure distingui possent. Saepius anxietate liberarent aegrotum, saepiusque indicarent medico, quid faciendum sit, quidve omittendum.

Praecipuus auctoris est finis mucum puriformem distinguendi a pure. Et ad hoc quidem efficiendum proposuit haec experimenta.

Primo solvatur pus (a), & mucus (b), in oleo vitrioli, amborum menstruo perfecto, deinde aqua addatur solutionibus, quo facto facile nunc distinguantur pus & mucus. Pus enim ex coniunctione olei vitrioli aqua addita separatim format sedimentum grave, mucus e contrario magnos floccos aquae superficiei innatantes. Accidere hoc constanter perhibet, sicque mucus erit a pure omnino distinguendus. Verum conclusio auctoris (c), quemcumque humorem in oleo vitrioli solutum formantem sedimentum, quale de pure praedicat, pus esse, nimis generalis est. Possuntne sedimentum formare purulentum & serum (\*)?

(a) Vid. experiment. 30.

(b) Vid. experiment. 2.

(c) Vid. conclus. Nr. 2.

(\*) Serum acidis solutum omnino sedimentum depo-

Et si itaque certum eventum concedamus experimento, semper innatare mucum, & pus subsidere, fidem tamen atque probationem nullo alio casu habebit, nisi in isto, si humor controversus ex mero muco constet. Et ex eo ipso sequitur totum experimentum, si mucus non constanter aquae innatet esse inutile.

Ac quidem ipsi auctori non incognitum fuit, mucum formare sedimentum. Pater hoc ex annotatione ad priora sua experimenta, ubi inquit: *interdum fit ut mucus instar levis sedimenti separaretur, format vero floccos magnos in aqua non solubiles, qui ideo aquam turbidam reddere nequeunt.* Exceptiones quas hic ipse statuit auctor, iam indicant, experimentum officium suum non rite praestare. Caeterum vero auctor ex sui inventi amore rem nimis extendit. In regula enim format mucus sedimentum, & exceptionem, qua nullum apparuerit sedimenti vestigium, non vidi, quam vero non negarem cum certe auctor sine ullo argumento non proposuerit hanc sententiam.

Repetii iterate uti decet, suum experimentum ad eam, quam praescribit normam. Instillavi nempe muci ex faucibus profcreati drachmae,

---

nere probavit A. HALLER de partium corporis humani praecip. fabrica & functionibus, Berolae 1778. T. 3. pag. 237.

olei vitrioli guttulas 50. , ( plerumque maiori quantitate opus est ad omnem mucum solvendum ), addidi dein aquae destillatae unc. 1. ad 3. Semper idem erat effectus ; constanter formabatur sedimentum & nec hamulo nec oculo armato detegere potui innatantes aquae superficiei flocculos . Post praecipitationem , mixtio accepit claritatem aquae subflavae pellucidae (\*). Huius eventus multos adducere possem testes , sed cum facile in promptu sint , mucus , vitrum medicinale ordinarium , oleum vitrioli ac aqua destillata , ideoque absque molestia institui possit experimentum , facile quisque cui interest , se ipsum de hac veritate , sedimentum non esse solius puris proprium , convincere potest .

Sed in ipsam formam sedimenti signum diagnosticon posuit auctor , quare nunc dispiciendum erit , quid haec valeat .

Describit Cel. DARWIN sedimentum puris (a) grave , aequale , facile aquae commiscendum , ac aequaliter obscuram reddens mixtionem . Mucosum

(\*) Semel accidit , ut per totam mixtionem flocculi dispersi apparerent , simul tamen cum aliquo sedimenti vestigio .

(a) Vid. experim. 30.

cosum (a) vero leve, ex magnis floccis compositum & in aqua non solubile.

Differt omnino sedimentum mucii ab illo puris, qualem vero distinctionem statuit auctor non in totum veram inveni.

Mucosum floccidum est & leve, minime vero compositum ex magnis floccis qui etiam aqua misceri possunt. Levi praeterea quassatione vitri opus est, ut ascendant in aqua, sub fortiori vero agitatione ita in aquam iterum recipiuntur, ut ne oculo armato quidem, horum flocculorum vestigium amplius detegi possit. Reddunt etiam ut pus, aquam totam aequaliter obscuram, & permanent ad minimum per duodecim horas aquae coniuncti, quo temporis spatio praeterlapso, nova sequitur praecipitatio.

Puris sedimentum grave est ac aequale, simul vero compactum, vitri fundo firmiter adhaerens, ut fortiori agitatione opus sit antequam aquae admisceatur. Frustula tunc compactiora aquae innatant, quae tamen fortiori agitatione aequae admisceri possunt aquae. Mixtio evadit aequaliter obscura. Longum temporis spatium requiritur, antequam nova sequatur praecipitatio.

*Vol. III. Op. Med.* Dd

---

(b) Vid. annot. ad priora experimenta.

Forma itaque sedimenti satis a se invicem est diversa, ita ut sub primo adpectu, multum facere ad diagnosin videatur. Habui vero speciem puris ex abscessu lumborum desumptam, quae valde leve formabat sedimentum ut putavisses mucosum. Porro mucosi quid semper fundo vitri firmitus adhaeret, quod rursus facillime accipere posses pro signo puris intermixti. Omnis vero boni effectus spes in totum evanescit, si rem sumamus ut in praxi obvenit, pus purum enim nunquam, sed muco remixtum fere semper nobis est inquirendum. Instillavi ideo mucī procreati drachmae, guttulas 30. puris bene cocti, quae bene in mortario miscui. Hanc mixtionem sueto modo solvi in oleo vitrioli, addidi etiam ordinariam aquae quantitatem. Quale nunc opineris sedimentum? Apparuit quod in nullo puncto diversum erat ab illo mucī; tenui quasi membrana albida fundus vitri erat obductus, in qua depositum apparebat leve floccidum sedimentum. Et haec est praecise descriptio, qua accuratior dari nequit, si mucī vellem describere sedimentum.

Quisque nunc perpendat, an hocce praecipuum DARWINI experimentum puris sit diagnosticon criterium.

Frequentissime instituens hoc experimentum, videbatur pus muco facilius ac citius praecipitari. Exhibere forsan illud diagnosticon puris &



muci signum putans , institui experimenta frequentissima . Inquisivi praesertim in proportionem aquae oleo vitrioli addendam , qualis nempe sit ista quae efficiat ut mucus maneat huic coniunctus , pus vero praecipitetur . Successum sperans accepi , quod doleo , mucum sese praecipitantem sicut pus , eodem temporis spatio ac in eadem proportionem aquae . Omnis itaque opera erat frustra adhibita , quod taedium experimenti excitavit in me , ut pro tempore abstinuerim . Interim non omnino desperandum est , hoc modo signum diagnosticon mucii inveniri posse .

Mucus facilius pure solvitur in oleo vitrioli . Ex hac itaque differentia criterion utriusque stabilire conatus sum , ac quaesivi praecipue aquae proportionem oleo vitrioli addendam ; ut tantum solveretur mucus , minime vero pus . Superfluum foret , qualvis frustra adhibitas proportionem hic loci indicare . Partes anaticae nec solvunt pus nec mucum , sed hunc modo incidunt . Proportio optime scopo respondens fuit pro drachma mucii , 160. guttulae olei vitrioli ac 60. aquae . Qua tunc solvebatur mucus semper , interdum tamen & pus . Qui casus tamen facile dignosci possunt , quum modo indicata proprietas puris , facilius subsidendi , attendenda est , altero enim die videbis grave depositum sedimentum , quod minime evenit in solutione mucii . Optime insti-

tuitur hocce experimentum in ordinario vitro medicinali minori & mucus vel pus mixtioni calescenti adhuc infundi debet, ac forti agitatione coniungi. Quum veto non cum omnibus puris & muci speciebus hoc experimentum instituere potui; ut certum signum diagnosticon puris & muci illud statuere iterum non ausim. Ob insignem inconstantiam indolis puris, ac muci diversam solubilem naturam, vereor ne in omni casu pro illorum diagnosi sufficiant.

Aliud Cel. DARWINI consilium in eo consistit: ut humor controversus solvatur in lixivio caustico *Edinburgensum*, cui nunc solutioni addatur aqua. Mucus vero solutus (a), in eo lixivio non dat sedimentum, omnino vero pus (b). Effet itaque humor qui sedimentum formaret pus, qui non formaret mucus. Constanter mucum illam non observare regulam & ipse auctor concedit (c). Sed aquae impurae hocce sedimentum in eo casu imputat, facile distinguendum ab illo puris, quoniam praeterlapsis duodecim horis demum appareat. Omnino vero etiam mucus sicut pus, in eodem temporis spatio, affusa aqua de-

(a) Vid. experiment. 9. 10. 15.

(b) Cf. experiment. 16.

(c) Vid. experiment. 15.

stillata , praecipitatur , quare totum experimentum ut antecedens incertum esse puto .

Porro credidit auctor signum puris esse colorem lacteum , quem affuso pure accipit aqua marina (a) , vel simplex (b) . Hoc vero experimentum iam supra indicatum atque diiudicatum fuit .

Aliud parum ab hoc diversum (c) , maioris adhuc pretii aestimat . Immiscet nempe humorem controversum oleo vitrioli diluto , & qui tunc apparet lacteus color , quo mixtio obscura evadit , signum puris esse autumat . Ut vero mucus aquam salinam , sic hanc quoque mixtionem pariter reddit lacteam , idque eo facilius fieri debet , cum dilutum oleum vitrioli sit incidens mucici . Posito vero , mucum non colorare aquam adeo lacteam ac obscuram quam ipsum pus , illud tamen in eo semper gradu facit uti humor , cui modo exigua puris pars admixta sit . Quare iterum isto signo debita fides deficit .

Porro refert inter signa puris , colorem viridescentem , qui excitetur , si puri acidum nitri addatur , & qui aqua affusa non pereat . A mu-

D d 3

---

(a) Vid. experiment. 35.

(b) Vid. experiment. 28.

(c) Vid. experiment. 1. 4. 5.

eo eundem excitari colorem, non notatum est. Dicit auctor (a): excitari colorem sordidum, si mucum adderetur nitri acidum. Solvi saepissime & mucum & pus in acido nitri, & solutio mucum mihi constanter meliorem dedit ac vividorem colorem viridescentem, quem etiam asservavit aqua affusa, & solutio puris potius accepit colorem sordidum. Et fere suspicarer auctorem solutionem puris cum mucosa commutasse. Sedimentum praeterea in hocce experimento ut in primo nihil probat.

Experimentum quod habet DARWIN vigesimum septimum, esse nequit signum puris diagnosticon. Mucus enim in saturata solutione mercurii sublimati etiam cogitur in corpus duriusculum (\*), si ei pus admixtum sit. Et hic loci notamus praeceptum generale cuius iam plures vidimus comprobationes, diagnostica mucum signa non esse simul diagnostica puris.

Haec vero sunt experimenta quibus voluit auctor dignoscere mucum a pure.

Cum haec vero sint incerta: eo ipso fiunt

(a) Experim. 26.

(\*) Similem effectum exserit in pus sal ammoniacum. Si eius drachma dimidia, addatur puris drachmae uni, ac misceantur; commutatur se pus fluidum in corpus tenax elasticum aquae innatans.

ista etiam superflua & infida, quorum ope vult dignoscere lympham & serum a pure. Fere nunquam enim lympham puram, vel serum purum distinguendum a pure, in praxi obvenit; itaque ut signa diagnostica lymphae vel feri rarissime utilitatem suam praestare possunt, & quare caeteris semper quaestionem extricandam relinquunt, cuius indolis sit humor. Nihil plerumque comprobant, nisi quod habeat humor controversus lympham vel serum commixtum. Videamus vero experimenta ipsa.

Lymphae criterion reputat auctor quod irresoluta in oleo vitrioli permaneat. Nescio aliam viam hoc modo distinguendi lympham a pure, nisi ut antea ponderetur humor, deinde vero, quando oleum vitrioli per aliquod tempus coniunctum fuit cum eo, separetur illud, iterumque ponderetur humor, tuncque reputetur purulentus cuius pondus imminutum fuerit. Permagis autem difficultatibus talem processum implicitum esse, & experimento instituto semper adhuc diiudicandum superesse, an resoluta sit pars mucis vel puris, vel lymphae ipsius, facile quisque videt. Eiusmodi circiter conditionis est experimentum, quo vult dignoscere serum.

Quibus peractis pauca tantum adhuc monere audeam, de variis aliis signis, quae interdum etiam pro puris signis diagnosticis accipiuntur.

*Febris hectica* itaque signum puris diagnosis esse nequit, quoniam ex aliis etiam causis, quam ex pyogenia nascatur.

*Foetor humoris* nil probat, cum pus quodvis non spargat malum odorem, & foetor aliis etiam humoribus corruptis competat.

Puriformia corpora efficiunt, ut ex colore & forma nil certi concludi possit.

Omnia itaque hucusque inventa signa non sufficiunt, ad exactam puris diagnosis, quod quidem succinctum est summarium huius differentiationis.

## §. VII.

### *Corollaria quaedam.*

1) Quamquam cuivis indicato experimento, non in omni qualitate & modificatione dubii humoris, vis probandi certa & generalis competat; hinc inde tamen si omnia rite considerentur aliqua interdum probatio remanet. Quare non in totum fides his chemicis experimentis detrahenda est. Illud praecipue monemus, colligenda & comparanda esse haec omnia criteria, ex quibus demum si rite ponderentur, aliqua saltem decisio nascitur.

2 ) Citra haec vero chemica criteria examinentur sollicitè alia quaevis , quae ex morbi , in quo de dubio humore quaestio est , initio , causali nexu , atque decursu derivari possunt . Perdifficilis quidem existit pluries puris in morbis , in quibus internae suppurationis suspicio est , certa diagnosi . Verum versatum & expertum medicum raro tantum fallit sua diagnosi , si integrum morbum cum vita morbisque anteaetis examini subiiciat .

3 ) Locus tandem in quo situs est dubius forsan humor , multum nisi plurimum forsan , ad diagnosin confert . Sic quaestio nulla est , an iste qui in abscessibus , furunculis , vulneribus suppuratis , collectus est humor , pus existat ; iste quidem nulli non notus est . Verumtamen multo altioris indaginis iste est reputandus , qui ex internis corporis recessibus ubi neque oculus , neque manus penetrant , educitur . Et circa istiusmodi controversi humoris cognitionem princeps noster labor versabatur .

*Finis Tertii Voluminis :*

## ELENCHUS.

- I.) *Io. Petri FRANK, Discursus inauguralis, de  
instituendo ad praxin Medico. pag. 9--26*
- II.) *Day. Aug. Ios. Frid. KOSEGARTEN, Dis-  
sertatio de Camphora & partibus, quae  
eam constituunt. 27--132*
- III.) *Georg. Math. GATTENHOFF, Disputa-  
tio, Venae Sectionis verae indicationes  
sistens. 133--217*
- IV.) *Caroli STRACK, Dissertatio de tussi con-  
vulsiva Infantum. 218--235*
- V.) *Io. Petri FRANK, Discursus Academicus,  
observationem de Haematomate, alteram de  
interna hydrocelis causa exhibens. 239--255*
- VI.) *Io. Petri FOURAGE, Dissertatio de Coli-  
ca Pictonum. 256--293*
- VII.) *Eliae Frider. HEISTERI, Dissertatio de  
Principum cura circa Sanitatem Subdiro-  
rum. 294--377*
- VIII.) *Io. Christ. Henrici SALMUTH, Disserta-  
tio de diagnosi puris. 378--409*




*Errores typographicos Lector benignus excusabit, cum;  
ob absentiam, iisdem non semper potuerim invi-  
gilare. Sequentes pauci, in oculum nunc caden-  
tes, correctionem merentur.*


*Pag. 11 linea penultima, loco & tum Serenissimae,  
lege tum Serenissimae.*

*Pag. 218 linea prima, loco ANTONIO FRAN-  
CISCO, lege ANTONII FRANCISCI.*











005642.329

*(The page contains dense vertical columns of Chinese text, likely bleed-through from the reverse side, which is mostly illegible due to fading and overlap.)*